

**VEPRA**



**Hafiz Ali Korça**



**Historia e Shenjtë**  
edhe katër Halifetë

1993

**Hafiz Ali Korça**  
**VEPRA**



Hafiz Ali Korça  
HISTORIA E SHENJTË

Hafiz Ali Korça  
HISTORIA E SHENJTË

# Hafiz Ali Korça



Hafiz Ali Korça  
HISTORIA E SHENJTË

**Biblioteka:**  
**Botime të veçanta**

**Hafiz Ali Korça — Vepra**

**Redaktor i përgjithshëm:**  
**Prof.dr. Ismail Ahmedi**



Hafiz Ali Korça  
HISTORIA E SHENJTË

**Historia e Shenjtë**  
edhe  
**të katër Halifetë**

**Hafiz Ali Korça**  
**V E P R A**



Hafiz Ali Korça  
HISTORIA E SHENJTË

Hafiz Ali Korça  
HISTORIA E SHENJTË

**Historia e Shenjtë**  
edhe  
**të katër Halifetë**

**Hafiz Ali Korça**

Hafiz Ali Korça  
HISTORIA E SHENJTË



## Përmbajtja

<b>Një ngjarje.....</b>	<b>63</b>
<b>Mentimet e njerëzisë .....</b>	<b>68</b>
<b>Më çudi! .....</b>	<b>75</b>
<b>H. Ademi (a.s.).....</b>	<b>76</b>
<b>Martelat e para .....</b>	<b>81</b>
<b>Shithi (a. s.) .....</b>	<b>84</b>
<b>Enushi e Kajnani të bijt e Shithit .....</b>	<b>85</b>
<b>Mehlaili bir' i Kajnanit .....</b>	<b>86</b>
<b>Birdi bir' i Mehlailit .....</b>	<b>86</b>
<b>Të pesë Statytë .....</b>	<b>87</b>
<b>Një pasqyrë e tmerrshme.....</b>	<b>88</b>
<b>Idrisi (A.S.) .....</b>	<b>91</b>
<b>Nuh-u (A.S.) .....</b>	<b>92</b>
<b>Hudi (A.S.).....</b>	<b>97</b>
<b>Shedidi edhe Sheddadi.....</b>	<b>99</b>
<b>Salih-u (A. S.) .....</b>	<b>101</b>
<b>H. Ibrahim (A. S.) .....</b>	<b>105</b>
<b>Udhëtimi i Ibrahimit (A.S.) për Egjyptë .....</b>	<b>111</b>
<b>Luti (A.S.).....</b>	<b>113</b>
<b>Ismaili (A.S.) .....</b>	<b>115</b>
<b>Lindja e Is-hakut .....</b>	<b>119</b>
<b>H. Ibrahim i taksit Zotit një Kurban.....</b>	<b>120</b>
<b>Një gjykim përmbi kurbanin .....</b>	<b>125</b>
<b>Ndërtimi i Qabesë pastë nder për jetë .....</b>	<b>126</b>
<b>Is-haku (A.S.) .....</b>	<b>127</b>
<b>Jakubi (A.S.) .....</b>	<b>129</b>
<b>Lindja e Jusufit (A.S.) .....</b>	<b>130</b>
<b>Atheu dhe fisi i Zelihasë.....</b>	<b>133</b>

<b>Filloj er' e holl' e sevdasë të fryjë në zemrën e Zelihasë.</b>	
<b>Gjumi iu ngrit .....</b>	<b>135</b>
<b>Zelihasë fytyra iu ndërrua dhe plaka q'e pat rritur filloj të helmohej.....</b>	<b>137</b>
<b>Ëndra e dyt' e Zelihasë .....</b>	<b>142</b>
<b>Ëndr' e tret' e Zelihasë Jusufi i a kallëzoj vëndin .....</b>	<b>146</b>
<b>Mbretit po dërgojnë ndërmijetësa kërkojnë Zelihanë, por vetëm nga Egjypta s'ardhi kush .....</b>	<b>150</b>
<b>I ati i Zelihasë i dërgon një ndërmijetës ministrit të financave nd'Egjyptë .....</b>	<b>154</b>
<b>Sihariqi i pranimit erdhi prej Misirit edhe Zelihaja filloj të përgatitet e të stoliset. ....</b>	<b>157</b>
<b>Azizi i Misirit' ardhjen e Zelihasë me të marë vesh përgatiti ushtërinë për pritje nderimi.....</b>	<b>160</b>
<b>Zelihaja ministrin e pa dhe u dëshpërua.....</b>	<b>162</b>
<b>Zelihaja në të nesërmet bashkë me ministrin po futet nd' Egjyptë dhe për mirëseardhjen po ndahen sherbetet..</b>	<b>165</b>
<b>Zelihaja po digjet në zjarr të ndaries të Jusufit edhe nat'e ditë, po menton bukurinë e tij. ....</b>	<b>167</b>
<b>Vëllazrit filluan t'i refejnë nakar Jusufit. ....</b>	<b>171</b>
<b>Jusufi sheh ëndër që njëmbëdhjetë yj dhe djelli me hënën i bënë sexhde .....</b>	<b>173</b>
<b>Maliqi me shokë .....</b>	<b>183</b>
<b>Të vëllazrit u kthyen në shtëpi.....</b>	<b>183</b>
<b>Çështje Jusufit .....</b>	<b>184</b>
<b>Larje e Jusufit edhe vajtja e tij ne mbreti .....</b>	<b>185</b>
<b>Ardhje e Zelihasë në vëndin e mbledhjes .....</b>	<b>187</b>
<b>Shitja e Jusufit edhe blerje e Zelihasë atë.....</b>	<b>189</b>
<b>Baziâ-ja që ish një çup e bukur që s'kish shoqe, vetëm me një dëgjim si u godit më Jusufnë? .....</b>	<b>192</b>
<b>Zelihaj po mëson Jusufin qysh do t'i bëjë shërbim. ....</b>	<b>196</b>

Jusufi po i tregon Zelihasë ç'hoqi udhës edhe në pust, edhe Zelihaja po i dëften ndjenjat e keqësitë që i u rrëfyer asaj atë ditë. ....	196
Lutje e Zelihasë për të gushuar edhe ndrojtje e tij nga ajo punë. ....	198
Pyetja e tajës Zelianë: përse digjesh e tretesh kaqë pas Jusufit" .....	199
Lutja e tajës Jusufit dhe përgjegjje e tij me urtësi.....	201
Zelihaja dërgon Jusufin në kopësht. ....	203
E dërgoi Zelihaja Jusufnë në vresht.....	206
Si u ngrys ardhën çupat përpara Jusufit e po i lupiten vallë kë do të pëlqejë? .....	209
Lutj' e Zelihasë tajës që si të bëjmë qi të bashkohem me të? .....	212
E ftoi Zelihaja Jusufnë në shtëpit të re që ngrehu. ....	215
Si u afrua Azizi, Zelihaja ç' i tha edhe si vajti puna ? ..	224
Heqj' e njeriut Jusufnë për të hedhur në burk edhe folj' e foshnjes të djepit për të larë Jusufnë, edhe për ta qitur faqe bardhë. ....	226
Savijt' e gravet të mëdha të qytetit Zelianë edhe e premja e duarvet kur lindi hëna mbi to.....	228
Si e panë Jusufnë i dhanë hak Zelihasë edhe e trempnë Jusufnë me burk.....	232
Ngasje e grave të Misirit Zelianë për të hedhur Jusufnë në burk edhe dëgjim i saj kuntër ati. ....	235
Pendimi q' e dërgoj në burk, dhe qarj' e renkim i saj që bënte pastaj.....	238
Dobëtim i Zelihasë nga zjar' i ndarjes të Jusufit dhe vajtj' e saj në burk për të parë hënën që të merte pak dritë.	240
Të mirat e Jusufit që u bënte të mbyllurvet në burk e tregim i ti ëndrat t' atyre q' ishin pranë mbret, edhe	

porosija që ta kujtojnë ne mbreti kur të dalin ngaj burgu. .....	242
Arthj' e Zelihasë në krye të udhës që shkonte Jusufi edhe ndërtim i saj një kalibe prej kallmi. ....	250
Arthj' e Zelihasë në shtëpi të veçantë të Jusufit edhe me lutjen e tij që j'u hapnë sytë edhe u shtrua u zbukurua më tepër se ish.....	255
E shtëna niqah për Zelihanë edhe mbyllj' e tyre .....	258
E shtuara zjar' i dashurisë ne Jusufi për Zelihanë edhe ndërtim i ti një faltore për zonjën.....	260
Motet e zisë edhe arthk' e të vëllezërvet për të marë drithë. ....	262
Shpunë drithët ne i ati edhe si e muarnë Bynjaminë e vanë prapë që tu japë drithë. ....	265
Kuvënt i tëvëllezërvet si të bëjnë edhe si t' i thonë t' et për Bunjaminë, e me ç' sy e faqe të këthehen në Qenan? .....	273
Vajtja e çunave prapë në Misir edhe e pilluara e tyre për Jusufnë, e si ja dhanë letrën e t' et e qysh i shfaq Jusufi .....	276
Juda që shpuri këmishën me gjak i' u lut Jusufit të i'a shpjerë vetë edhe Jakubi si e ndjeu erën në Qenan ....	279
Mbreti Jusufi edhe të gjith parësija si i duallën përpara Jakubit për pritje.....	281
Vdekj' e Jakubit edhe pun' e Jusufit pas vdekjes së t' et. .....	283
Sëmundj' e Jusufit edhe vdekj' e tij. ....	284
Vdekj' e Zelihasë pas tij. ....	286
Ejjub Pejgamberi (A.S).....	287
Shuajb Pejgamberi (A.S).....	290
Musa Pejgamberi (A. S.) .....	292
Lindj' e Musajt (A.S.).....	292

<b>Flakj e Musajt në lumët edhe marj' e prej Firaunit. ...</b>	<b>293</b>
<b>Arka qysh ra në dorë .....</b>	<b>294</b>
<b>H. Musaj si vrau një jevgë me gabim shkoj në Medjen ke Shuaipi (A.S). .....</b>	<b>297</b>
<b>Pjekj'e Musajt me bijat e Shuaibit (A.S) .....</b>	<b>299</b>
<b>Shkopi i Musajt (A.S.) .....</b>	<b>302</b>
<b>Udhëtimi i Musajt për në Egjyptë .....</b>	<b>304</b>
<b>Fjalimi i Zotit me Musanë (A.S.) .....</b>	<b>305</b>
<b>Musaj (A.S) i drejtohet Egjyptës.....</b>	<b>310</b>
<b>Mbledhja e magjistarëve për të manjatizuar Musanë.</b>	<b>315</b>
<b>Këshillimi i Musajt Israilinjtë .....</b>	<b>321</b>
<b>Rebeshët.....</b>	<b>322</b>
<b>Shiu i math.....</b>	<b>323</b>
<b>Karkalecët .....</b>	<b>324</b>
<b>Morrat e drithit! .....</b>	<b>325</b>
<b>Një er' e nxehtë .....</b>	<b>325</b>
<b>Bretkosat .....</b>	<b>326</b>
<b>Gjaku .....</b>	<b>327</b>
<b>Murtaja .....</b>	<b>327</b>
<b>Dalja e Musajt prej Egjyptës .....</b>	<b>329</b>
<b>Firauni dha fetva kundra vehtes së tij. ....</b>	<b>331</b>
<b>Izraelinjtë Musajt i kërkojnë një Zot figurë lope .....</b>	<b>331</b>
<b>Israilinjtë po i falen viçit t'artë të Samiriut .....</b>	<b>333</b>
<b>Çifutët po i falen viçit t'artë. ....</b>	<b>334</b>
<b>Musaj në Tur-i Sina, edhe Tivrati.....</b>	<b>335</b>
<b>Dhjetë fletët .....</b>	<b>337</b>
<b>Kombi i Musajt, kërkojnë që ta shohin Zotin me sy... </b>	<b>340</b>
<b>Përse dyzet vjet mbetën në Tih? .....</b>	<b>341</b>
<b>Mburimet që pinin ujë. ....</b>	<b>343</b>
<b>U mërzitnë nga hallva duan qep' e dhe hudhra.....</b>	<b>343</b>
<b>Pjekje e Musajt me Hidrin (Hëzër) (A.S.).....</b>	<b>344</b>
<b>Jusha Pejgamberi (A. S).....</b>	<b>351</b>

<b>Qalebi njeri i mirë .....</b>	<b>351</b>
<b>Harkili (A. S.) .....</b>	<b>352</b>
<b>Eshmuili (A.S.).....</b>	<b>352</b>
<b>Daudi (A.S.).....</b>	<b>358</b>
<b>Mjeshtëri e Daudit dhe yshqimi i tij.....</b>	<b>360</b>
<b>Lukmani njeri i mirë .....</b>	<b>361</b>
<b>Porosit' e Lukmanit për të birë .....</b>	<b>362</b>
<b>Çudi .....</b>	<b>364</b>
<b>Një ngjarje e çuditshme .....</b>	<b>365</b>
<b>Sulejmani (A.S.) .....</b>	<b>368</b>
<b>Fjalimi i Sulejmanit me gjët' e gjalla. ....</b>	<b>369</b>
<b>Belkisa mbretëresh' e Jemenit.....</b>	<b>370</b>
<b>Darovë - shpënësit.....</b>	<b>375</b>
<b>Ardhje e Balkizit.....</b>	<b>378</b>
<b>Të mirat q' i kish dhënë Zoti Sulejmanit .....</b>	<b>380</b>
<b>Thuhet që vula i humbi, por s' është gjë fare .....</b>	<b>381</b>
<b>Sulejmani me pallatet qysh shkonte mbi erët ku donte. .....</b>	<b>382</b>
<b>Qysh punonin burrat e fortë për të? .....</b>	<b>383</b>
<b>Ndërtimi i shtëpisë të bekuar (Mesxhidi Aksa) edhe vdekj' e tij.....</b>	<b>384</b>
<b>Mbretëri e Jahudinjtve edhe e Israilinjtve .....</b>	<b>385</b>
<b>Iljas-i (A.S.).....</b>	<b>386</b>
<b>Një zi i math .....</b>	<b>388</b>
<b>Eljesa-u (A. S.).....</b>	<b>389</b>
<b>Junus-i (A.S.).....</b>	<b>390</b>
<b>Shaja-j (A.S.).....</b>	<b>392</b>
<b>Ermija-j (A.S.) .....</b>	<b>393</b>
<b>Uzejri (A.S.) .....</b>	<b>396</b>
<b>Daniali i math (A.S.).....</b>	<b>399</b>
<b>Xherxhis-i (A.S.).....</b>	<b>405</b>
<b>Pas Buhti Nasarit Hashmenanjtë sa vjetë mbretëruan</b>	<b>407</b>

Lindje e Merjemit (a.s). .....	409
Lindja e saj.....	417
Folja e Isajt në djept. ....	420
Vrasja e Zeqarijjajt (A.S.) .....	421
Vrasja e Jahjajt (A.S.) .....	422
Punrat e Isajt (A.S.) .....	423
Havarijjunët (apostojtë) i kërkojnë tryezë prej qjellit H. Isajt (A.S.) .....	426
Zbritja e tryezës .....	429
Havarijjun (apostojt) cilët janë?.....	431
Trathëti e Judhajt .....	433
Një bisedim në vapeur me disa zotërinj të ndryshëm në fet .....	437
Një liberal i krishter .....	453
Kritikë mbi Isanë (A.S.) .....	455
Nga shokët e vapeurit një jahudi filloj.....	459
Ç' thotë Muhjiddin Arebiu .....	461
Besimi i tritimit në Brahmanët e Hindit .....	464
Form' e tritimit në Budistët.....	466
Mënyr' e tritimit n' Egjyptijanët e vjetër.....	467
Tritimi i persianëvet dhe i kombevet të vjetër t' Asisë. ....	469
Tritimi në kombin Grek dhe Roman etj.....	471
Varja e kryqi kanë qënë shumë vjet para Krishtit (A.S.) .....	473
Disa të krishterë varjen e mohojnë .....	476
Thuhet se Krishti shkoj prapë në Hind dhe varrin e paska atje.....	478
Tritimi ka hyrë dhe në myslimanizëm. ....	479
Prap' i pari filloj të flasë. ....	486
Zoti s' është trup a hije që të futet nëpër trupet.....	488
Isaj (A.S.) falej shumë .....	489
Pas vdekjes së Isajt jahudinjtë .....	492

<b>Krishterizmi pas vdekjes s' Isajt (A.S.) .....</b>	<b>493</b>
<b>Përmëndje.....</b>	<b>496</b>
<b>Mbretërit' e vjetra nd' Arebi. ....</b>	<b>498</b>
<b>Far' e fis i H. Muhammedit(A.S.).....</b>	<b>499</b>
<b>Abdullahu at' i Pejgamberit.....</b>	<b>515</b>
<b>Lindja e djellit të gjithësisë e të madhit Muhammed (A.S.) .....</b>	<b>517</b>
<b>Ç'pa Abdu-l Muttalibi natën q'u lind Muhammedi (A.S.) .....</b>	<b>524</b>
<b>Ç'tha Amineja kur u lind shpirt' i gjithësisë (A.S.) .....</b>	<b>525</b>
<b>Kush i dha sisë H. Muhammedit (a.s) .....</b>	<b>527</b>
<b>Vdekja e Aminesë .....</b>	<b>533</b>
<b>Lutje për shi .....</b>	<b>535</b>
<b>Abdu-l Muttalibi në kohët të vdekjes, nipin kujt po i a lë? .....</b>	<b>536</b>
<b>H. Muhammedit, syt' i lëshonin mjegull. Prifti i Uqadhit ç'tha? .....</b>	<b>538</b>
<b>Udhëtimi i Muhammedit për në Siri dhe këthimi i tij. ....</b>	<b>540</b>
<b>Udhëtimi për n'Jemen dhe lufta e Fixharit .....</b>	<b>542</b>
<b>Besë-lidhja e Fadlëve për të mprojtur karvanin e për të përkrahur të dobët .....</b>	<b>543</b>
<b>Udhëtimi i H. Muhammedit (a.s) për në Sham me karvanin e Hadixhesë.....</b>	<b>546</b>
<b>Këthimi dhe martesë e H. Muhammed (a.s) me Hadixhenë .....</b>	<b>548</b>
<b>Sihariqet që kallëzonte Tivrati për ardhjen e H. Muhammedit, jahudinjtë i ndëronin.....</b>	<b>555</b>
<b>Prifti iI Rekkës Aliut ç'i ka thënë.....</b>	<b>558</b>
<b>Ç'thot' Inxhili i Johanasë në shapitrën' e 14, 15, 16, së shkurti.....</b>	<b>562</b>
<b>Ç'është fjala Periklitos e Paraklitos .....</b>	<b>565</b>



<b>Sihariqet e Inxhilit të Barnapasë që jep për ardhjen e H.Muhammed (A.S.)</b> .....	<b>566</b>
<b>Sihariqet e një Inxhili që ndodhej Vatikan me shkrim Himjerinjsh</b> .....	<b>569</b>
<b>Ndërtimi i Qabesë dhe guri i zi</b> .....	<b>575</b>
<b>Hanifët</b> .....	<b>577</b>
<b>Fjalët e Kussit në Suk-u-l Uqadh</b> .....	<b>581</b>
<b>Vahji (pasqyrimi i urdhërave të Zotit në zemrët të tij (A.S.)</b> .....	<b>586</b>
<b>Vahji si filloj t'i vin</b> .....	<b>590</b>
<b>Çpifjet e Sheprengjerit për Pejgamberin</b> .....	<b>594</b>
<b>H. Muhammedi është Pejgamber i Përgjithshëm</b> .....	<b>600</b>
<b>Kundërshtimtarët e rreptë të fesë</b> .....	<b>609</b>
<b>H. Muhammed, filloj të ftojë botën në fe të vërtetë...</b>	<b>614</b>
<b>H.Muhammedi (a.s) farën e fisin e vetë e ftoj në fe të vërtetë.</b> .....	<b>623</b>
<b>Sihariqet e para se lindte dhe ulematë q'e besuan.</b> ....	<b>626</b>
<b>Ç'thoshin kur i vdisnin djemtë?</b> .....	<b>627</b>
<b>Cilët ishin kryetarët e Kurejshit?</b> .....	<b>629</b>
<b>Bilal Habeshiu</b> .....	<b>632</b>
<b>Pejgamberi (A.S.) Hashiminjt' i ftoj përsëri.</b> .....	<b>633</b>
<b>Një gjykim</b> .....	<b>641</b>
<b>Ebu Beqri po largohet për në Jemen</b> .....	<b>642</b>
<b>Hamzaj përse i-u çkanos Ebu Xhehli</b> .....	<b>644</b>
<b>Hamzaj u bë mysliman</b> .....	<b>646</b>
<b>Umeri qysh e pranoj fenë?</b> .....	<b>647</b>
<b>Me të gushuar Umeri islamizmën Ebu Xhehli me shokët lidhën një besën</b> .....	<b>657</b>
<b>Fundi i mos-përzimit</b> .....	<b>658</b>
<b>Bojkotazhi i kureshinjve drejt hashiminjve</b> .....	<b>659</b>
<b>M'e madhja muxhize</b> .....	<b>662</b>
<b>Ata që pranuan fenë vetë vetiu</b> .....	<b>665</b>

<b>Ebu Dheri.....</b>	<b>667</b>
<b>Xhubejr Mut-imi.....</b>	<b>669</b>
<b>Velidi i vjen për provë.....</b>	<b>670</b>
<b>Utbeja bir'i Rebiasë vjen për këshillimin e nipit .....</b>	<b>671</b>
<b>Dërguan lajkatarë të tjerë .....</b>	<b>674</b>
<b>Pejgamberi në kohët të Haxhit qysh i ftonte në fêt? ..</b>	<b>677</b>
<b>Vdekja e Ebu Talibit dhe e Hadixhesë .....</b>	<b>678</b>
<b>H. Muhammed shkoj për Taif .....</b>	<b>680</b>
<b>Harzexhinjt q'ishin një degë nga Haxhiminjtë u bënë myslimanë.....</b>	<b>684</b>
<b>Miraxhi i Pejgamberit (A.S.) .....</b>	<b>687</b>

Hafiz Ali Korça  
HISTORIA E SHENJTË



## Nj'a dy fjale

Me emrin e Perëndisë  
Krijuesi i gjithësisë  
Mëshirë-madh i durushëm  
Mëkat-falës i dhurushëm

\*

Në kohë të djalërisë  
në sundimin e Turqisë –  
tridhjet'e ca vjet më parë  
para sysh e pata marë –  
historin'e shenjtëruar  
krejt me vjersha për të shkruar.

Shkaku ish se shqip s'këndonin  
një pjes'e madhe s'e donin  
Desha të stërvit të rinjtë  
më fort nxënësit të minjtë.

Të shijohen e të nxënë  
të marin vesh bukur fenë.

Vjershat i duan të rinjtë  
porsi xhuranë brinjtë.


Ç'do ndrydhe e gjithësisë  
Ka pjesë prej vjershërisë.

Shih zogjrit që ligjërojnë  
lloje lloje vjershërojnë –  
malet, bregjet e përrenjtë  
fushat, kodrat e lumenjtë –

nga një lloj vjershërim kanë  
dehur me dashuri janë.  
Shih foshnjat në djep fillojn  
nga vjershat q'i u tringëllojnë.  
Pale pale shqipëtari  
si qytetësi fshatar  
me vjershë në gojë pillet  
me vjershë lurek kur fshtillet.  
Si shqipëtar dhe unë  
me vjersha fillova punë:<sup>1</sup>  
Mevludin e ca të tjera -  
libra të vogla të vlera -  
I'a përhapta Shqipërisë  
që në kohën e Turqisë.

\*

Vjershat krejt me masë janë  
në funt një lloj shkronjë kanë  
me një harmoni të plotë  
mos gjejë shkak kush ç'të thotë.  
Nuk si disa atdhetarë  
që duken si vjershëtarë -  
thua se rregull nuk dinë  
humbin masën, harmoninë -  
S'ze I pari krah të dytin  
thua më kotgrisin fytin. -



<sup>1</sup>Kam folur mjaft vjersha edhe në gjuhët turqishte, persishte edhe arabishte

për shëmbëll: Kënduar, shkruar  
helmuar, shtuar, rëzuar  
futur, hyrë, ngrirë, ftohur  
ngrehur, unjur, hangur, lodhur,  
në një masë s'numërohen  
duhet njëlloj të mbarohen  
Bije fjala: shkruar, qruar  
kruar, ndruar e dhe shtruar  
Kënduar edhe lëvduar  
munduar edhe lënduar.  
Si ngjyer e mashëngjyer  
si thyer edhe mbërthyer  
ngrehur, mprehur edhe çprehur  
dehur, lehur edhe krehur.  
Zërth i fundit si të hiqet  
Shkronj, e sipërme si piqet?  
Zërth'i fundit s'është masë  
kur ashtu kemi me thasë.  
Shkronja përmbi zët do parë  
funt me funt si ka të ngjarë?  
Pastaj duhet dhe një tjetër  
q'e din të rinj të vjetër.  
Zër'i strofit duhet ndarë  
në kryet në funt një farë.  
Si çdo zë me masë pritet  
nga dy e nga tre radhitet.  
Katr'e katr'a pes'e pesë  
të thuren njësoj si lesë.  
Zëret po u katavalë,  
nga harmonia kan dalë.

Fjalët po u ngatëruan  
librës shijën i'a mbaruan.  
Prandaj vjershat s'janë lehtë  
duhet një fuqi e nxehtë.

Vjershat t'ime kështu janë  
tërë konditat i kanë.

Kam shkruar sikur fjalosem  
jo me zor të hardallosem  
vetë vetiu kanë rrjedhur  
porsi farë lulesh hedhur.

E lavdëroj Perëndinë

q'e ka krijuar Alinë

një vjershëtar gjuhë-mjaltë  
me një vjershërim të naltë.

Lëvdoj Zotin, Pejgamberët  
brez'i ri mos ngelnjë terrët.


Lëvdoj fen edhe Atdhenë  
flamurin e shenjtë Mbrenë.

Për të qitur në shesh dritën  
kam shkruar natën'e ditën.

T'ishte kollaj vjershëria  
flisnin tërë njerëzia.

\* \*

Firdevsiu për Shahnamen-në  
kur bëri pazar me mbrenë:<sup>1</sup>  
po e shkrove historinë  
për çdo strof tha: ke florinë.



<sup>1</sup>Sulltan Mahmud Gazneviu.



Tridhjet'e ca vjet ka shkruar  
historin'e ka mbaruar.  
Vjersha shtatëdhjetë mijë  
porsi ari fijë fijë.  
Kur ardhi koh'e pagesës  
I dredhoj mbreti besës.  
I fall ergjënt për arin  
e zemroj fort vjershëtarin.  
Të hollat i a patën dhënë  
në hamam kur kisht qënë.  
Gjith të hollat i ka ndarë  
në hamam për një të larë.  
Axhemistani e Hindi  
gjer më sot Firdevsi s'lindi.

\* \*

Kësi soj edhe fakiri  
që kur më ndiqte vampiri -<sup>1</sup>  
historin'e shenjtëruar  
e kam patur nëpër duar.  
Shkuan vjetë me duzina  
shkro e shkro sa m'u krus shpina.  
Akoma funt nuk ka marë  
nga fati që më heq zvarrë.  
Si Firdevsiu jam s'them unë  
porse kam bërë aq punë -



<sup>1</sup>Në kohë të Turqisë si populli ashtu edhe qeverija m'u bënë lugat e më prishën shtëpinë, e së fundi u ndëshkova me vdekje.

Shihni librin "Kongresa e Dibrës" dhe Hafëz Ali Korça në gjuhët shqipe.

sa edhe Firdevsiu i shkretë  
t'ishte sot gjallë në jetë -  
do të më thoshte dhe tinë  
ke vojtur me historinë -  
si unë me Shahname-në  
që kapita vetëhenë.  
Të dy jemi Arijanë  
gjuhët një harmoni kanë -  
unë dolla nga Persija  
ti dolle nga Shqipërija.

\* \*

Asi kohe ca tru-letë  
gjuhën e kishin të mprehtë -  
është prift, latin pa besë  
kërkon atdhenë ta shehë.  
Me dreqin është bashkuar  
mëson shqipen e mallkuar.  
Çudi sot me këta dindarë  
janë bërë shqipëtarë (?)  
neve fanatik na thonë  
s'na lenë në punën tonë.  
S'ka fanatik myslimanë<sup>1</sup>  
në qënçin, fetarë janë.  
Fanatik veç kallogjerët  
që në Hindistan të mjerët -




<sup>1</sup>*Myslimani si mundet të bëhet fanatik, kurse H. Pejgamberi (a.sfanatizmën e ka mallkuar shumë liksht, myslimani duhet të jetë fetar e jo fanatik si...*

në kuvli mbyllen s'përzihen  
gjer sa të vdesin atje nxihen.  
Falen, luten sa këputen  
prej kujt as shpresojn'as tuten.  
Nuk di me ç'mëndje venë  
kush s'ka fe a do atdhenë?  
Duhet të mentohen pakë  
fe-atdhe janë binjakë.

\* \*

Kaqë gjë i a them pa frikë  
ati që më bën kritikë:  
Kap pendën njëherë tinë  
që të të shoh zotësinë -  
Pastaj më kritiko mua  
m'u kabardis si dragua.  
Por pas kohe vjen një ditë  
del mendim'i im në dritë -  
E çmon koha njerinë  
pendën, stilën, vjershërinë.  
I'a kam rrojtur gjuhës nderë  
me të huaj s'e kam përzjerë.<sup>1</sup>  
Historin'e shenjtëruar  
sa duhësh shkurt'e kam shkruar.  
S'kam futur përralla brënda  
se s'mi pranonte as pënda.  
Nga përrallat jam larguar,  
veç të saktat kam treguar.



<sup>1</sup>Veç disa fjalëve që janë shqipëruar.

Sipas thelbit të Kuranit  
zbritur nga Arsh'i Rrahmanit -  
Përmbi të dyk e bazuar  
ashtu i kam kallëzuar.

Kësi soj Profetët tërë  
I kam shënuar me sërë.  
Ajetet që kam rrëfyerë  
gjith në vjersha përkëthyer.  
Duhet të peshohet mirë  
kjo çështje sa e vështirë!  
Mumini q'e merr ndër duar  
nga notat që kam shënuar -  
e kupëton aq mirë  
sikur studion Tefsirë.

Si ç'do çështje e përkatshme  
ka rëndësi të posatshme.  
Prandaj s'është pun'e lehtë  
zjar i nxeht'e shpat'e mprehtë.

Çdo Profet e pastërova  
si duhet e shenjtërova.  
Ç'thoshte Tevrati i flaka  
se i u fute mjaft shuplaka.

Kjo histori është antikë  
se s'ka çpifje asnjë pikë.  
Kur të tregohet me pendë  
meret vesh sa pun'e rëndë.

Por na ndihmoi Perëndija  
pra u shkrua historija.  
I lutem me shpirt Allahut  
për nder të Resulullahut -

mos ma verë re në shkrimet  
fajet, lathimet, harrimet -  
si gjith bota njerës jemi  
pa numur gabime kemi -  
ndihm'e tij veç na jep shpresë  
se gjeti nuk gjejmë ndjesë.  
Këndonjës të lutem tynë  
kur të shoç faj mbylle synë -  
ndreqi gabimet e mija  
të të ndjejë Perëndija.

*H.Ali.*

## **Mburimet e këtij libri**

Tefsir qebir (Tefsiri Menar)  
Tarih-i Taberi  
Tarih Revdatu-l ahbab  
Tarih Revdatu s-safa  
Tarihul-islam  
Miradul-iber  
Buhari, Muslim  
Tarih-i din-i Islam  
Tarih Enbija.  
Tarih Asri seadet.  
Kësas-i enbija etj.

## **Eja mumin!**

Eja Mumin i vërtetë  
kap nga ky libër një fletë.  
Të kuptosh Perëndinë  
dhe Muhamed Arebinë.  
Të març vesh palcën e fesë  
gjë e pshehur mos të mbesë.  
Të març vesh ç'është Kurani  
q'i pshtetet ehli-imani.  
Të mos ngelç ndër errësirë  
ta kuptosh ç'do gjë mirë.  
Nga zemra shpejt putin nxire  
nga sytë vrik perden çire!

Zemra dy nuk i mer brënda,  
bënjë burrë në të kënda.  
Si të duan le të thonë  
të mjafton të jesh me Zonë.

## **Lutje për Atdhenë, për Mbretin e tij edhe për flamurin**

Zot i madh mprona Atdhenë  
dhe Mbretit fali shëndenë:  
Mprona Atdhen'e bekuar  
me popullin e bashkuar  
nga reziqet tokësore  
nga të pa pritmet qjellore  
nga gjith sendet q'e cënojnë  
nga gjith ngjarjet q'e renojnë.  
mproje Zot në hijen tënde  
me qetësi në ç'do vende.  
Fali atdheut diturinë  
përparimin' lumturinë  
mjeshtërinë, mbrodhësinë  
tregëtinë' bujqësinë  
lulëzimin' shkëlqësimin  
disiplinën' arësimin'  
vëllazërinë' bashkimin  
naltësinë mirë-shikimin.  
Fali kulturë të naltë  
mos i lerë Zot në baltë.

Për sendrën e Muhammedit  
për hatrin e gjith Ymetit  
    për nderin'e enbijasë  
    për gjakun e shuhedasë  
për nderin e gravet veja  
për namusqarkat e reja  
    për hatrin e foshnjerisë  
    për ata që pinë sisë  
për pleqt'e për ato plaka  
që po rrihen me shuplaka  
    bijt e vetë kur i-u grihen  
    për atdhe në gjak lëvrihen.  
Për Tevratin'për Inxhilin  
për Kur-anin'për Xhibrilin  
    për meleqet ç'ke krijuar  
    për krijimin ç'ka vijuar.  
Falna Zot falna atdhenë  
me gjith të dashurit Mbrenë  
    fali Zot jetë të gjatë -  
    Zogut' na pastë uratë  
syt'e zemrës bukur çelja  
të flerë tok ujkudelja.  
    Nga belat'e nga reziqet  
    brënda jashtë nga armiqtet -  
shpëtoje Zot për nga herë  
me shëndet të plot e lerë.  
    Zot flamuri të valojë  
    tërë zoqrit t'i mbulojë.  
Zot nga zgjedha t'i shpëtojë  
në gjit të tij t'i pushtojë.



Zot! na rroftë Shqipërija  
sa të rrojë gjithësija.


*Amin!*

## **Njetim - Tevhid**

Det'i ashkut mori valë  
Zot i math të qofsha falë:  
falmë një mejtim të lartë,  
edhe një gjuhë të zjartë,  
të të them bukurinë tënde  
që mbretëron në çdo vënde.  
Të flas si bilbil'i prillit  
që ka zjar prej trëndafililit  
dyk e djegur porsi flutur  
me vaje dyk e këputur  
dyk e tretur si qiriri  
t'i radhit vjershat nga gjiri;  
syt'e zemrës çelmi mirë!  
të njoh ç'ka ndër hapësirë  
zjar'i yt ah kur mer flakë!  
s'na le mënt o Zot as pakë!  
Ne si duhet lëvdim s'dimë  
ty të lëvdon ç'do fill bimë  
e ç'do ndrydhë e gjithësisë  
ka ngaj zjar i dashurisë;  
ashku ish avull i zjartë  
që çpikë yjet' e artë.

Ç' do sent nga ashku ka pjesë  
Zot mos ler'askë pa ndjesë  
mijra djelle, hëna qite!  
prej syresh botrat i ndrite!  
ti je vetë drit' e parë  
që s'ke as shok as të ngjarë!  
Ti vetë vetiu ke qënë  
ç' do zakon vet' e ke vënë  
për ty s'ka as do të ketë  
nisje e sosje në jetë.  
Dhenë si të tjerët yje  
me de, me stere, me pyje -  
me gjërra shum' e stolise  
vet' e di se qysh e nise!  
e qysh e gatove vallë!  
dhen' e bukur palë palë!  
në çdo palë dhe që qite  
lloje bar, kafshë gatite.  
E ke bërë shumë herë,  
terën, uj, e ujët terë,  
mijra herë e ke ndërtuar  
mijra hetë e ke shkretuar  
trualli i Oqeanës  
ti e di se ç'kishte anës  
shesh i tij a kish qytete?  
kur s'qe mbuluar me dete  
pol i veriut e i jugës  
kur pshtillej me brezn' e drugës.  
Zot i math e i vërtetë  
ç'ka patur ti e di vetë.

Nevoj'e kohës si donte  
dheu asi gjerra bleronte.  
Këmbët e geologisë  
në fuqit të Perëndisë  
aqë fort të shkurta janë  
sa A.B.C. vleftë s'kanë.  
Së fundi çpikë njerinë  
i dhe mendjen, bukurinë.  
Me katerilion vijuar  
shpirt i tij ishte krijuar.  
Pas kohej i dhe fytyrë  
në veprime për të hyrë.  
Si ç'do yll në vehte botë  
as një sent nuk çpikë kotë.  
Në ç'do yll ka njerës, shtëza  
po s'gjasin si njëza njëza.  
Mustafanë pse e ftove (!)  
i pa;....diturin'i-a shtove!  
Ç'do njeri q'e di Kuranë  
(ve ma beththe fihima) në.<sup>1</sup>  
Në tefsir të Fahrud-dinit  
e sheh, ndan punën'e dinit.  
Deshe vet'hen ta tregonje  
prandaj<sup>2</sup>profetër dërgonje.




<sup>1</sup>Në Suren U-shshura (ve min ajatihi ve ma beththe fihima...prej këtij Ajeti merret vesh se nepër yjet ndodhen njerës si ne q'ecin e jetojnë. Dyk'e përparuar veglat yll-shikonjëse kjo çështje do të zbulohet. Ky ajet është nga mrekullitë e pritçme të Kuranit.

<sup>2</sup>Ne themi pandaj - prandaj, (pa R)

Shumë herë njerëz kreve,  
u-bënë fajtor i greve!  
Prapë krijove të tjerë  
i u dërgove Pejgamberë!  
O Adem o At'I tënë!  
me Havanë q'ish si hënë.  
Më së fundi ju u çuat  
në gjit të Zotit u ndriçuat!  
Nuhu, Luti e Jakubi,  
Ibrahimi dhe Ejjubi,  
Musaj, Isaj, Muhammedi  
edhe gjithë ky remeti,  
ju u kanë mëm e atë  
prej jush kanë mar'uratë.  
U mplake o bot e shkretë!  
sa po vjen bën tatëpjetë!  
-lint e vdis- po vjen një ditë  
shkretohesh mbetesh pa dritë.  
As lënda as trupe s'mbeten  
pa dyshim të gjitha tretën  
edhe yjet që vërtiten  
vjen koha derdhen, roniten.  
Gjithësija ç'është tretet  
vetëm Perëndija mbetet.  
Kush e di! sa rri e shkretë,  
por së rish Zot'i vëtetë-  
gjithë trupet i ngjiz prapë  
si kujt-do shpirt do t'i japë  
vet'e di qysh është ngjizja!  
dhe ringjallja e lëvizja!

Zot! për ty s'ka gjë të rëndë  
ç'do send e ke lehtë pëndë  
më parë si i javite<sup>1</sup>  
kaqë botra që gatitë,  
pa dyshim e pa të metë  
i hump i çpik si do vetë!  
Ah ky det sa është'i fellë  
ç'do njeri brënda ka ngelë  
ç'shohim ç'nuk shohim në jetë  
ti je ti je Zot vetë.  
Unë nuk them gjithësija  
është vetë Perëndija  
Por them kushdo q'është'i pjekur  
dhe e ka zemrën të djegur  
në ç'do atom sheh Allahun  
kësi soj e kalon vahun!  
Penda ime është'e çalë  
ky det s'tregohet me fjalë.



<sup>1</sup>Javitur-me e ngjiz, me i dhënë trup. Nga se përsëriten pra u thuhet shtatë ditve javë.

## Krijonjësi i gjithësisë është All-Ilahu (xh.xhelaluhu)<sup>1</sup>

### (ITHBAT-I VAXHIB)

Materialistët thonë  
fjalë të ndryshme për Zonë.  
Thonë land'e gjithësisë  
nuk u çpik prej Perëndisë -  
s'ka nisje, sosje në jetë  
si ka qënë do t jetë.  
Drurë, grurë, bagëtija  
edhe ç'përmban gjithësija  
lëvizj'e lëndës së vjetër  
i çpiku, e jo gjë tjetër.  
Shkak krijimi ish lëvizja  
nga lëvizja ardhi ngjizja.  
Çudi se dhe vet'e shohin  
dhe geologin'e njohin -  
t'ishte vetëm shkakësija  
ashtu ish dhe gjithësija  
mirë po geologia  
thot'u çpik pas gjithësija  
se ndrydhet e saj njëj s'janë  
doemos një Krijues kanë



<sup>1</sup>Arabisht (Vaxhibul VuxhudpersihtHuda) d.m.th. gjindjen me doemos e ka vetë vetiu. S'ka as nisje as sosje. Për këtë shihnin akaidin për së gjati.

se lënda një lloj po t'ishte  
milijar ndryshime s'kishte.  
Të thoshin: Zot i vërtetë  
atomet i krijoj vetë -  
i u dha ndryshime si deshi  
plot me mrekulli i veshi -  
pak së paku do afronin  
në moçal do mos vraponin.  
Se brumi që s'njeh gjëkafshë  
qysh krijoi gur, bar e kafshë?  
Qysh i a u dha këtë rregull  
kurse vet'ishte një mjegull?  
Thonë: fort gjatë ka shkuar  
ndrydhet gjer janë bashkuar  
dhe për shëmbëll ujët sjellin  
të cilin dy gjë e pjellin -  
sefte lindi idrogjeni  
pastaj lindi okzigjeni,  
me mijra vjet kanë shkuar,  
gjer u ngjiz uj'i bekuar.  
Në çast sendet s'janë pjellë  
milion vjetë janë sjellë.  
Pas ujit fillon krijimi  
se ky është shkak ngjallimi.  
Prandaj shkuan vjete shumë  
“gjer u krijua ky brumë”.  
S'e pranon geologieja,  
që të jetë gjithësija  
e krijushme me një herë  
në një minut e përzjerë.

Atëherë ne i'u themi:  
përgjegjjen gati e kemi:  
Pas ligjës që do natyra  
ndryshim në këto mënyra  
duhen vjetë qindra mijë  
krijim'i ujit të vijë.  
Kur qënka materjali -  
shkak, njëherësh pse s'i ngjalli?  
Pse u zgjat me miljarë  
gjer u çpikën këto farë?  
Materiali ç'hall pati  
që krijimin shum' e zgjati?  
Në thënçin: "s'e kish fuqinë  
që të çpikte gjithësinë  
prandaj u suall me vjete  
gjer fitoj disa mijete -  
fitoj forcë të krijojë  
dhe atomet ti ndërojë.  
Se sefte s'e kish fuqinë  
të krijonte gjithësinë".  
Atëherë ne i'u themi:  
"me ju në kundërshtim jemi  
se lënda kur nuk ka nisje  
duhet të mos ket'as ngjizje  
shkenca nisjen s'mund ta njohë  
që ti caktojë kohë -  
kaqë milion të thotë,  
ka q'u krijua kjo botë  
ç'milione, ç'milijare,  
s'cakëton dot kufi fare.



Lënda vetë t'ish krijuar  
me mijar s'kish vijuar  
lënda shkak i par i vjetër  
s'duhet të ketë shkak tjetër.  
Po pat shkak, duhet të jetë  
I çdikur, pa forc, i metë  
duhet pra një shkak m'i parë  
prej ti fuqi për të marë.  
Se ç'pati materjali  
ç'i mungonte kapitali?  
Ku e kish vallë fuqinë?  
që të ngjizte gjithësinë?  
Përse priti mijarë  
një aftësi për të marë?  
Duhet pak mendjen t'a vrasim  
dhe me logjikë të flasim:  
"Brumi me ndrydhet e tija  
q'u krijua gjithësija  
kurse njëlloj paska qënë  
ndryshimet kush i a ka dhënë?  
Ndryshimet me mijarë  
degë degë, farë farë?  
Qysh është lëvizj'e tyre  
e çpikur a prej natyre?  
Kaqë llojesh qysh u ngjizën?  
vetë vetiu qysh lëvizën?  
Ndryshimi në qoftë i ngjizur  
dhe forca q'i ka lëvizur -  
duhet e çpikur të jetë  
dhe tjetër çpikës të ketë."

Në thënçin: “forca, ndryshimi  
i arth nga kohë-kalimi.”  
Kush i a dha forcën, lëvizjen?  
vallë ç’fuqi i dha ngjizjen?  
Duhet pra të thonë Zoti,  
brumit që nuk ish i zoti -  
i dha fuqi e ndryshime  
që nuk gjinden me mentime.  
Kurse landa që ka qënë  
vetiu frytë s’paska dhënë  
por si shkoj një koh e gjatë  
me një lëvizje të thatë -  
gjer sa fitoka fuqinë  
për të çpikur gjithësinë.  
Pse s’paska fuqi më parë  
pastaj prej kujt e ka marë?  
për këtë përgjegje s’kanë  
veç heshtin hiqen me nj’anë.  
Themi pra: Zot i vërtetë  
që ka qën’e do të jetë  
nga mosqënja krijoi landë,  
që për Të kjo s’ish e rëndë  
i dha fuqi e lëvizje,  
i fali me lloje ngjizje.  
Aju Zot që s’ka të ngjarë  
Aju është drit’ e parë.  
Koh’e vënt nuk ka për Zotin  
vet e krijoi vëndin, motin.  
Nisje, sosje s’ka për Zonë  
është, dot të jetë gjithmonë.

Landa që thotë ka qenë  
doemos një vënt ka zënë.  
Vetë vetiu qysh qëndronte  
përmbi të kush mbretëronte?  
metal, gjë e gjall' e bari,  
uji, era, balta, zjarri,  
nga këto gjë të mos kishte  
por mjegull a ethir t' ishte.  
Para se zu të truposet  
të ndryshohet, të ngjyroset -  
duhesh t' ishte tepr' i thjeshtë  
prej erës mijar lehtë -  
që këtë s' e thotë kurrë  
kush është me ment dhe burrë.  
Se i u themi lënd' e parë  
ndryshimet ku i pat marrë?  
Kurse edhe landa vetë  
me kohë u zhduk në jetë  
pastaj edhe vëndin i a zunë  
të tjera gjë me përdhunë.  
Atëherë ndryshim s' mbetet  
se një gjë që lind e trete -  
s' mund të jet e pa çpikur  
ish e çpikur pra ka ikur  
se çdo sent që nuk ka nisje  
s' ka as ndryshim as fanisje  
duhet një lloj të qëndrojë  
dhe kurrë të mos ndërrojë.  
Ajy q' është si ka qenë  
është Zoti, do me thënë,

është Zoti i vërtetë  
q'ish e është'e do të jetë.  
Në thëncin: "herë e parë  
landa fytyrë s'pat marrë".  
Këtë e dinë dhe vetë  
pa fytyrë s'mund të jet.  
Do të shtrëngohen me thënë:  
"para më sempël ka qënë."  
I u themi: "kot më kot flisni  
se sërish një shkak i ngjisni:  
s'ka nisje that'është' i vjetër  
tani po çpikni një tjetër.  
Brumi m'i fjeshtë ky ishte  
para tij tjetër nuk kishte.  
Pas asaj fjalës së parë  
bukur vesh e patët marë -  
që bota si do të jetë  
është' e çpikur me të vërtetë  
e ka çpikur vetë Zoti  
jo si pandehni së koti.  
Duhet pra çështjen ta masim  
dhe pas logjikës të flasim.  
Themi: "brum'i gjithësisë  
që u çpik prej Perëndisë  
s'ndahet nga fytyr e parë  
dhe nga format që pat marë  
se shkak, i shkaktumi  
s'ndahet si lëngu nga brumi  
t'ish e vjetër landa vetë  
duhet humbje të mos ketë

landa vetiu të kish qënë  
edhe format do me thënë -  
vetë vetiu do të ishin  
humbje, ndryshim do mos kishin.  
S'ndahet nga fytyr e parë  
dhe nga format që ka marë  
prandaj dhe landa që thoni  
është'e e vjetër mos besoni  
me doemos ka nevojë  
për krijonjës ta krijojë -  
ja ky është Perëndija  
prej sij u çpik gjithësija.  
Kurse landa është' e çpikur  
nga rrënja nuk duhet ikur  
nga mosqënja kush e ngjizi?  
kush i dha form' e lëvizi ?  
s'thonë dot ashtu qëllovi -  
një gjë, edhe e krijovi.  
Sepse doemos natyra  
për të çpikur ca fytyra  
një ligj do ta ketë pasur  
por gjer sot s'është pikasur  
pa shkak-pëlqimi në botë  
asnjë gjë nuk çpiket kotë".  
Në thëncin: "shkaqet varg ecin"  
Atëherë vetë ngecin,  
se një vark shkaqesh pa prerë  
kurrë s'ndalojnë një herë.  
Ky vark i qënçim qysh quhet  
muhali mumqin qysh thuhet

s'është punë vark i tillë  
të mundesh e t'i gjesh fillë  
s'mbaron kurrë shkak pas shkak  
prapë ngel puna de Haku!"<sup>1</sup>


në thënçin se si çdo shënjë  
vetë vehten ka për rrënjë -  
se dy sende për të qënë,  
atëherë do me thënë.

Njeri për tjetrin nevojë -  
ka, se ndryshe s'mund të rojë  
të mos ishte send'i parë  
i dyti s'mund t'ishte parë,  
të mos ishte send'i dytë  
të parin s'ta shihnin sytë.

Atëherë pra si cili  
qënka i pari nga filli.

Mirë po një ndryshim kanë  
se të dy të parë s'janë.  
Kur të dy një s'numërohen  
në ç'mënyrë po krijohen?

Pra qysh qënka kapitali  
para se materjali  
vetë para vetë prapa  
një punë që s'e xe kapa<sup>2</sup>  
me doemos duhet thënë,  
që vetëm Zoti ka qënë.



<sup>1</sup>Në logjikët quhet *teselsul* (vargim)

<sup>2</sup>Kjo punë quhet *devrë* (sjellje vërtitje)

Ky krijoi materjalin  
ky i fali kapitalin.

Nga një pik' ujë njerinë  
nga një pikë ujë inxhinë,  
e çpiku Zoti i vërtetë  
asi soj si e di vetë,

ishim foshnja e na rriti  
na fali mënt e na ndriti  
libër të shenjtë na fali  
ç'duhësh atje na i çpalli,  
na pas urdhrit s'punuam  
jetën e zez'e rrënuam  
të keqe pa bërë s'lamë,  
por ndër mëkate u lamë.

Kurse i dituri s'ruhet  
diturija e ç'i duhet!  
I pa dituri m' i mirë  
prej të ditshmit nd'errësirë.  
Me ah, me vah na shkoj jeta  
me turbullime të shkreta  
u habitëm s'ditmë ç'bëmë  
në, mëkate mëngjes, mbrëmë.

Zot! a e ka kush në dorë  
të falnjë një rob të gjorë,  
dhe Profetët rob kur janë  
shpresën gjith ndaj ty e kanë  
kur zemërohesh ëngjlli dridhet.  
Profetit gjuha i lidhet -  
dhe nga frika tënde lutet,  
për na të ngratët të lutet

Mëshirës kur i çel derën  
e mbush me shpresë gjith terën  
edhe dreqi yshqen shpresë  
nga ajo mos gjej pjesë  
nga porta tënde kush iku  
për jetë vehten e fiku.

Edhe mbretrit krye-naltë  
nd'oborr tënd një zer-re baltë.  
E duron hundë-përperjetin  
s'e kap njëherësh fat-shkretin  
dhe atë që kërkon ndjesë  
e pranon s'e lë pa pjesë.

Të zihet biri me t'anë  
e çpor dhe e flak më nj'anë  
shërbëtori të përtojë  
i zoti do ta qortojë  
kush s'e plotëson detyrën  
më s'e sheh dot me sy zyrën.

La shërbimin ushëtari  
e dënon liksht më i pari.  
Mirë por Zot i vërtetë  
po shohim në këtë jetë:  
askujt nuk i a vëren krimin  
askujt nuk i a pret ushqimin  
në tryesën që ka shtruar  
miq, armiq përveshur duar.

Për përulje s'ka nevojë  
pra si cili si të dojë-  
në dashtë le t'i përulet;  
në dashtë le t'i përsulet



me Zotin le të luftojë  
të shohim se ç'do fitojë?  
Kush lufton me Perëndinë  
e ka gjetur arratinë.

Mizë, zok, kafsh' e insanë  
përunjësit e tij janë.  
Atë jo veç njerëzija,  
e vërteton gjithësisja.

Gjith sikush me gisht në gojë  
qysh është s'munt ta tregojë  
mund ta kupëtojë vallë  
qysh është, kjo mendje'e çalë?

Me ment s'gjendet naltësia  
me sy s'shihet madhësija  
nuk e flet dot goja, pënda,  
mendimi s'futet dot brënda  
në këtë det sa notarë -  
q'u futën, s'gjetnë qenarë.

Mëndja para të Vërtetit  
një pik ujë para detit,  
një shkëndijë para djellit,  
thërrime mel para qjllit.

Je, po qysh je na s'e dimë  
na s'vlejmë sa një fill bimë.

Ç'prietet Zot prej një fill bari  
të këtë vleftë sa ari?

Qysh të jemi krye-naltë  
kur jemi mbytyr në baltë?

Shpresoj se një ah i mprehtë  
që del nga zemra e nxehtë-

përvëlon njëqint mëkate  
nga mëshir'e zotris's'ate.

Shpresoj se një lot që derdhet  
prej një syrit që trembet, verdhet –  
një qint volyme mëkate  
lahen prej zotëris's'ate.

Kurse ahët s'po më ndahen  
kurse lotët s'po më thahen -  
doemos, unë yshqej shpresë!  
që s'më le All-llah pa pjesë!

Karshi teje Zot ç'të themi  
na sheh zemrën, na di ç'kemi  
je gati për çdo kërkojmë  
të dhimbet për çdo rënkojmë  
në çdo rrezik ti je shpresë  
je ndihmës në çdo shtrëngesë.  
Yshqimin, hajrin në dorë  
e ke, nuk le gjë të gjorë.

Nevojar veç ndaj ty jemi  
veç teje s'kemi ku vemi.  
Në portet tënde trokasim  
po na çpore do humbasim.

Prapë shpresën nuk e presim  
prej teje mëshirë presim.  
Mos na lërë dorë-thatë  
se jemi robër të ngartë.


I-u pshtetëm mëshirës s'ate  
sa mundëm bëmë mëkate.  
S'lamë gjë sendi pa bërë  
mbytur në mëkate tërë

tani gjishtin po kafshojmë  
nga turpi s'flasim, pushojmë  
por prapë Zot i madh themi  
sado gjynahqarë që jemi  
mëshira tënde e gjërë  
na i fshin gjynahet tërë  
s'dim, a mjafton veç besimi?  
sot s'ka tjetër nde myslimi  
shpresë, shpresë vetëm shpresë  
veç nga kjo gjeçim ndjesë.

## **Njeriu dhe Darwinizma**


Zoti Adem në ngaj dheu  
pa mëmë pa at, e kreu  
për të çpallur madhërinë  
e çpiku Zoti njerinë -  
ç'ta dredhim e ç'ta përdredhim  
fjalën mal në mal ç'ta hedhim.  
Kur Kurani gjë s'na thotë  
përse të flasim më kotë  
nuk duhet çelur kjo fletë  
si e krijoi e di vetë.  
S'arth Ademi nga majmunet,  
si po thonë Firaunet  
veçan me dorën e vetë  
e gatoj Zot i vërtetë.  
Filozofët Hindijanë  
të parët e botës janë.

Me vjete tridhjetë mijë  
s'panë ndryshim një shkëndijë,  
si ç'i gjetn' ashtu i lanë  
një fill përpara nuk vanë.  
Majmunët si ishin janë  
fjala vjen: s'u bën insanë,  
natyralistët e mjerë,  
si të dehur herë herë -  
po t'iu thuash, do të thonë  
“Bëhen njerës por shkon vonë”  
gjer sa t'i bijen bishtrinjtë -  
e t'iu goditen gishtrinjtë -  
vjete një qint mijë duhen  
majmunët njërëz të quhen.  
Mëndjen aspak nuk e vrasin  
si ç'i u vjen nga goja flasin.  
Vini vesh se ku po pshteten  
edhe në ç'pandehma mbeten?  
me lajkat që po na flasin  
ndë moçalet po na kllasin:  
“si natyralist në dalçim  
pas mbarimit të ngadalçim”  
Ne, katër kanune kemi  
kudo pas atyre vemi;  
të tukequrën<sup>1</sup> e mbara  
e ndryshon i humbet fara.  
E dyta ndryshon nga fara  
s'vazhdon njësoj si e para



<sup>1</sup> I tukequr-i dobët-i pa-fuqishmë - handakosur

e treta: lufton qëndrimi  
hump i dobët'i rron trimi  
    zgjedhj' e natyrës e katra  
    mban të fortën e hump tjata<sup>1</sup>  
Ndaj këta katër kanunët  
thon'e dimë se majmunët  
    me ngadalë përparojnë  
    me mijra vjet gjer ndërojnë.  
Me një gjykim fort të shkurtë  
t'i u përgjigjem ëmbël' urtë:  
    “këto fjalë që po thoni  
    as ju vetë s'i besoni  
një copë rasht'e gurosur,  
mendjen i-a ju ka helmosur,  
    sa kaq' i jepni ndryshime!  
    pa gjykime pa peshime!  
pak e pak dyk e ndëruar  
bëhen njerës të mbaruar!”  
    Me dyshime, me përtime  
    I çfaqni këto mentime,  
pra dhe ne gjësendi s'themi  
në ca punra bashkë jemi  
    shohim disa nga të gjallat  
    q'iu ngjasin eshtrat, kokallat  
por se të shumat s'ndërrojnë  
si ç'kanë qenë qëndrojnë  
    kanë pasur edhe gjerpërinjtë  
    këmbë të larta të zinjtë




<sup>1</sup>*Kanuni verathet (trashëgimi)*

por dyk e shtrykur pas dherit  
se i katisnin të mjerit -  
dyk qën'e bukur kafshë  
sot i mbetën këmbët rrafshë.  
Por ju prapë s'rrini urtë  
me të çala na u turtë;  
“tek shihni barrat e para  
se s'paskan qenë të mbara  
pra si shkokan shekuj mirë  
më të mbarat paskan mbirë,  
dhe për kafshët kështu thoni  
se i a ju dashka zakoni!”  
Ju përgjigjemi ju themi:  
“këtu më një mëndje s'jemi  
na tregon sheshit kjo fjalë  
çdo fill bar, çdo gjë e gjallë -  
të nalta të poshta tërë  
kan' ardhur vërtet me sërë  
nga të parat sa u çpikën  
kafsh' e barra krejt u fikën.  
Zoti në të tjerat palë  
çpiku tjetër gjë të gjallë  
por nga të parat gjë s'mori  
rishtazi të tjera nxori  
të dobëtat i shoj Zoti  
nga shkaqet që donte moti.  
Ca i çpiku më të mbara  
më të saktat pak të ngjara.  
Zot' i madh e i vërtetë  
ç'qiti në palët të tretë -

i ndryshoj nga pal'e dytë  
si po i shohim me sytë.  
Edhe në palë të katër  
kafshë, bar qiti lloj tjetër  
më të sakta gjë javiti  
një farë më vet-he qiti  
më të mbrothçme dyk e ngjizur  
të parat s'kanë lëvizur.  
Kur ka dhe kësi menjtime  
që na prurin kaq fitime  
q'i pëlqen geologija  
mbase dhe krejt njerëzija -  
e ç'na shtrëngon që të themi  
nga majmunët ardhur kemi?  
Zoti veçan na ka nkryer  
nuk nga shebekët këmbyer.  
Mot për mot geologija  
ngaj barrat ngaj bagëtija -  
po gjen shumë në çdo palë  
që veç e veç kanë dalë.  
Shkon dimri edhe vjen vera  
pikasim gjërra të tjera.  
Si të gjallat edhe barrat  
s'shëmbëlajnë më të parat  
të shumat fare të ndryshme  
fjal' e saktë, nuk e dyshme,  
por dhe disa bimra ndodhen  
e ndërojnë rracën, rrodhen,  
nga e nxehta dyk e marrë -  
forcë,vinë shumë mbarë.

Bim e dobët herë herë  
humbet s'del prapë në verë.  
Bimrat më të mbrothçme prapë  
ngjallen por sa shohin vapë.  
Ne s'ndigjojmë kësi fjalë  
s'bën dobi pandem' e çalë,  
sepse mëndjen kur e vrasim  
në kreaturët pikasim:  
Pal'e fundit s'del një farë  
me gjërrat e dheut të parë -  
nga raca shumë ndërojnë  
disa aspak nuk afrojnë,  
pakica që shëmbëllejnë  
nga mbrothësija këmbejnë,  
dhe disa fare humbasin  
çpiken të tjera që s'ngjasin  
kështu dhe ne Myslymanët  
ngaj ky kanun s'rimë mb'anët:  
"Zot' i madh e i vërtete,  
nga ca shkaqe q'i di vetë  
prej rrënjës qit degë themi  
me ju në një fjal' jemi,  
kështu dhe luft'e qëndrimit<sup>1</sup>  
i dobëti para trimit,  
mundet të humbij'e të shuhet  
a vjen mroth e ron si duhet  
i le i hump Perëndija  
si gjen dot geologieja




<sup>1</sup>*Kanun-i tenazu-i beka (lufta për qëndrim e për jetim).*




ndryshim i forcës për ditë  
në bimrat në bagëtitë -  
    po duket s'monohet kurë  
    se qeshesh bëhesh lëkurë.  
Por themi Zot i vërtetë  
ngaj të shpikurat ç'të ketë-  
    veçan zakon I ka falur  
    për të çquar për të çpallur,  
se të gjitha llojet ç'janë  
me degë pa funt pa anë -  
    t'i çpikte në një fytyrë  
    për ne do t' ishte fort ndyrë  
bir e bijë grua, burrë  
s'ishte për të njohur kurë,  
    s'njihej kali as gomari  
    mbase vetëm ngaj samari  
do të bëhej një rrëmujë  
hak'e tjetrit bëhej ujë  
    po ngaj ndryshimet që kanë  
    nga grinda kujdesur janë  
të vemë re dy binjakë  
sado shëmbëllejnë pakë -  
    prapë se prapë ndryshime -  
    kanë në trup e në qime.  
Kurse nga një rrënjë dalin  
përse s'gjan djali me djalin?  
    Puna s'është si pandehni  
    vehten më kot mos e dehni!  
All-llahu ngaj një lloj rrënjë  
degët e saj do t'i bënë -

të ndryshme në shumë gjëndje  
që njeriut i sjellin bindje.  
Sa të rojë toka, era  
ngaj degët, degë të tjera -  
me kësi llojesh mënyra  
qit me miljun fytyra  
ngaj lloji s'qit një lloj tjetër  
por degë ngaj rrënj e vjetër  
si shkon një vrundull i gjatë  
në fytyret q'ish yt-atë-  
Çon një stërnip Perëndija  
si-kur i a do madhërija  
dyk'e shkuar vjete shumë  
vjen prapë ngaj ky lloj brumë  
çpallen fytyrat të para  
nëpër degët fort të ngjara  
si duhet re po të vihen  
pak' të ndryshme do të shihen,  
ngaj çdo soj gjer të mbarohen  
fytyrët kështu ndërohen,  
por një lloj nuk' benet tjetër  
si ç' thotë zakon i katër,  
me milijun njerës janë  
një fytyrë dy s'e kanë  
ka njerëz të zinj të bardhë  
si përse të ndryshim ardhë?<sup>1</sup>  
prej të dy llojevet vallë  
a del tjetër gjë e gjallë?




<sup>1</sup>lehtësuar paj ardhën

i ziu të bardhë në marrtë  
lindet një foshnje si kartë  
një stërnip më të haruar  
vjen si stërgjysh i uruar  
edhe ju kësi soj thoni,  
këtë si ne e besoni  
neve nuk n'a lot imani  
se n'a thot edhe Kurani:  
“është punë Perëndije  
pika ujë që kur bije -  
në barkut sa të qëndrojë  
Zoti e ngjiz si të dojë.  
Prej Ademit tatë-pjetë  
ç'fytyra arthnë në jetë -  
në ç'fytyrë të pëlqejë  
asi lloj munt t'a shkëlqejë.  
As njeriu si mbetej fjalë  
fotografi të kish dalë -  
qindra vjet prej nesh më parë  
sot kush-do vesh e kish marë -  
pikasej çthot Ajeti<sup>1</sup>  
se s'e çpifi Muhamedi  
stërnipërit si shihnim ndryshe  
veç si stërgjyshër, stërgjyshe  
vjen koha kjo do të çhpallet  
edhe si kush do t'i falet.  
Por njeriu të mos nxitohet  
lipcet mirë të mejtohet -



<sup>1</sup>*Fi e jji suretin ma shae (shiheni në Tefesirin e Ismail Kakkiut)*

gjyshrit prapë nuk javiten  
por shpirtra të tjera qiten.  
Të tre Kanunet e parë,  
me pandehma janë marë  
sa për Kanun e natyrës  
kuptohe prej pasqyrës -  
të parët e kanë mbjellë  
të parët e kanë vjelë -  
një sent që lint nga pandehma  
s'ka qëndrim është si lehma  
si kur dhe vlejë të ketë  
punë-prishës s'munt të jetë.  
Sa për ngjizjen s'ka nevojë  
zgjedhj' e natyrës të dojë<sup>1</sup>  
se Zoti në këtë botë  
nuk' ka çpikur gjë të kottë.  
Kreu të dobëtat më parë  
pastaj më të mbrothçmet farë.  
Pastaj nga luft'e qëndrimit  
m'i poshtti humb prej trimit  
nga më të mbarat që mbenë  
e zbukuroj Zoti dhenë.  
Veçan më të sakta çpiku  
edhe ato prap' i fiku  
humb ato ngjiz tjetër lloje  
jo veçan; ngaj rrenj e soje,  
munt të rrojne dhe të parat  
ato q'ishin më të mbarat -




<sup>1</sup>*Kanuni intihap.*

bashkë me ca të veçanta  
që ngjiz Zoti të pa antta,  
zgjedhja natyrisht aherë  
s'paska nevojë pra lerë!

Të katra t'i përsëritim -  
çeltazi në shesh t'i qitim:  
Zot i madh radhën të parë  
çpiku të dobëtat farë,  
ngaj ca shkaqe q'i di vetë  
ngaj të parat asnjë fletë -  
më s'la t'gjitha i fiku  
pastaj më të mbara çpiku  
të dobëtat prap, i ngriti  
veçan më të sakta qiti  
çpik e humb kush di sa herë  
gjer u bë kështu kjo terë.

Llojet e poshtta i shojt  
dhe më të mirat rojti.  
Këto kështu po t'i themi  
të dy palët më një jemi -  
luft' e qëndrimit s'mohonet  
kanun i zgjedhjes pohonet.  
Veç kësaj Zot' i vërtetë  
pas zakonit që ka vetë,  
çfarësit e rrënjës tërë  
në degët njëj s'i ka bërë,  
në ca ngjasin në ca s'ngjasin  
nuk themi se fare s'nqasin  
sa për ndryshimin më parë  
thamë ka funt e të ndarë,

por nuk' aqë sa të nxjerë  
nga një lloj' lloje të tjerë.  
vetëm aq sa të quhet,  
të dihet ç'është e ç'quhet  
trashëgimi po pikaset<sup>1</sup>  
edhe ndryshimi po nqaset<sup>2</sup>  
po këto nuk na largojnë  
se që të katrat tregojnë:  
çdo lloj bime veçan dolli  
njëri tjatrin nuk e polli,  
Ç'ju thotë gelogjija  
kuntër shkrimeve të mija?...  
Në kini shenja të tjera  
logjikane e të vlera -  
m'i radhitni t'ju vë veshin  
se kështu bota ju qeshin.  
Dofta mos është kështu e, ...  
Dofta mos është ashtu e, ...  
e me dofta edhe me vallë -  
me një pandehmë të çalë  
rihni botën ta gënjeni!...  
filozofi t'i u rrëfeni !...!



<sup>1</sup>*Kanuni i trashëgimit*

<sup>2</sup>*afrohet*

## Ankim dhe këshillim

Dua të ju them një fjalë  
nga baza duk-e mos dalë:  
    ndodhen ca që nuk mejtojnë  
    lajkat tuaj s'i kuptojnë,  
mendjen i a u trubulloni  
me ca fjalë q'i u zbuloni;  
    me pandehmen q' i-u tregoni  
    nga feja munt t'i largoni;  
por ati që i a pret koka  
nuk lot si mali ngaj toka  
    sa të shtohet diturija  
    aqë njihet Perëndija.  
Ç'jini naksër' urtë s'rini;  
të rinjtë në lak i shtini!  
    me ca të kalbura rrënjë  
    dyk-e trguar si shënjë -  
me pandehma për të qeshur  
llerët i keni përveshur -  
    thoni: "ardhën ca barbarë  
    mijra vjet prej nesh më parë  
Musaj' Isaj Muhamedi  
u përpoqnë porsì deti  
    ngjizën besime të kota  
    u muar më qafë bota.  
Thanë shpirti nuk vdes kurrë  
dhe gjithë kësaj i u thurrë

këta të tre botën çanë  
edhe në tri deg' e ndanë.,,  
dyk e ngjizur ca përralla  
me ca shenja fort të çala  
rihni botën ta gënjeni  
por s'ju shkojnë ku të gjeni  
Burra që janë fetarë -  
sot, kalojnë milijarë  
doni t'i renoni fetë  
të bëni si doni vetë,  
e ç'faj kanë Pejgamberët?  
a pse s'na lanë ndër terrët?  
tek shmbëllen më njerinë  
pak majmuni me arinë  
nuk lipset kurrë të themi:  
"nga shebekët ardhur kemi"  
se shebeku me majmunë  
sa do bëjnë llojesh punë  
sikur lindin ashtu vdesin  
gjithnjë ndë një shkallë mbesin  
si njeriu s'kanë mejtime  
s'njohin shkrime e këndime  
pa lindur mirë gërmojnë  
kërkojnë yshqim të rrojnë.  
Njeriu lindet i tukequr  
dyk e vojtur dyk e hequr.  
Nuk njih as ujët as zjarë  
kërkon yshqim dyk e qarë.  
Më sis' e ëma n'e vëntë  
pi në mos qan të merr mëntë.



Mbarimin e ka ngadale  
me mundime me halle.  
Pastaj me mëndjen e naltë  
majmunët i le në baltë.  
Me dituri e shpon malin  
fluturon mbi retë me kalin  
ecën me këmbë mbi detet  
pa bërë punë s'i mbetet  
sado ta mësosh majmunë,  
a i bën dot këto punë?

## **Një ngjarje...**

Ndë një qitab e kam parë:  
"disa mijë vjet më parë -  
një sharllatan çun i ditur  
një majmun kishte stërvitur,  
vishej, ç'vishej, qeshte' qante  
bashkë me të zonë hante -  
vetë hipte dhe më kalët  
vinte porsi lord mbi shalët,  
zinte falej' binte' ngrihej  
se ç'ishte fare nuk' njihej.  
E mori ky sharllatani  
q'ish një çun nga Hindistani.  
Gënjeshtari ç'ka punuar  
kur vinte dit' e shënuar -  
në falëtore e shpinte  
para bindjetarit rinte -

këshillonjësi sa zbriste  
majmuni ngrihej më s'piste -  
zinte kujen' logorinë,  
sa i u diqte mushkurinë.  
Thosh i zot dyk e qarë  
O zotërinj! Zemër-larë!  
këtë të gjorin pra shihni  
t'ju vijë keq e t'i ndihni!  
është' i shkreti bir prej mbreti  
ngaj magjia kështu mbeti,  
Që kur qe djalëz i mitur  
më një çupëz ish goditur -  
me magji majmun e bën  
dhe gjuhën i'a kanë zënë  
më s'flet por qan nat' e ditë  
ky yll i bukur plot dritë!...  
ah për të prishur magjinë  
s'la gjë shiti shtëpinë  
i duan tri-dhjet barë  
ta këmbejnë si më parë  
kush kujton Zon e vërtetë  
i ndihmon trimit me fletë.  
Bir mbreti e rron si kafshë  
s'i ka bërë kujt gjëkafshë!  
Ndihm' e juaj do ta shpëtojë  
do bëhet si ish me gojë.  
I zoti kështu pa thënë  
shtëza qante sa kish zënë,

si ishte koh e magjisë<sup>1</sup>  
s'i binin pas dhelpërisë,  
i jepnin ndihmë sa mundnin  
ç'kishin qeset i shkundnin.  
Kur rronte ndër errësirë  
bota dhe si egërsirë  
kështu bënin Hindijanët  
shetitnin në të gjith anët  
me djallëzi me të qarë  
mblithnin të holla me barrë.  
Majmunin dot s'e çquanin,  
ulërinin bashkë qanin.  
Qysh ish mijra vjet më parë  
dhe sot një cërkë<sup>2</sup> s'ka ndarë  
e ç'bën sot majmuni tjetër  
a shkruan këndon në letër?  
Shum a pak gjith bagëtija  
punojnë të mer çudija.  
Shihni ç'bëjnë karanaxhatë  
tromakset njeriu i ngratë<sup>3</sup>  
asi mrekulli punojnë  
t'i kallëzojmë s'besojnë.  
Për papagallat tek flasin  
të themi njeriut i ngjasin  
po fili q'i ngjet mushkonjës  
edhe skifteri shqiponjës



<sup>1</sup>Asi kohe magjin e besonin

<sup>2</sup>Cërkë - një çikë, një grimë

<sup>3</sup>i priset mideja, hutohet krejt

u rit u bë fil mushkonja!  
a u bë skifter shqiponja!  
po minjtë q'i ngjasin derrit?  
vallë qysh plasnë prej dherit?  
Ce nuk bënen minjtë derra  
dhe arslan macet e mjera?  
Si tashti edhe më parë  
as qen' as janë një farë  
edhe njeriu me majmunët  
tjatër rreshta tjatër punët.  
Kurse shkruam gjër e gjatë  
për një që s'është tru-thatë -  
e merr vesh punën si duhet  
ngaj pandehmë e ligë ruhet  
se Bohneri me Darwinin  
rahin të n'a prishin dinin  
kush e kupëton Kuranin  
s'e le dot dinin, imanin  
sa të shtohet diturija  
aqë njihet Perëndija  
mijra vjet bota më parë  
besëvet i u vunë zjarë  
si dhe Brahmat Hindijanë  
Athurinj' Babilijanë  
me filozofit që patnë  
besimet e fet' i gvatnë  
prandaj çoj Zot i vërtetë  
profetë në këtë jetë -  
që të binden trathëtorët  
rrugë-lënësi't, të gJORËT.

Shih qëmoti kur s'pat besë  
sa i ardhi kundra fesë.

Ç'hoqi Musaj me Isanë  
me Muhamed Mustafanë  
shpirt-keqët fenë s'e deshnë  
profetit s'i vunë veshnë

kundërshtimi është' i vjetër  
veç se lloji ëshë tjetër  
i munduan fort fetarët  
i thern' i mvarën në trarët

i vran, i grin i sharuan,  
i mbytn, i doqn' i faruan,

Por ashikët e Allahut

deshinjt e Resulullahnt

kurban u bënë për dinë  
s'e mohuan Perëndinë

gjer në Arsh i u vinte ah  
dorë s'hoqnë ngaj Allahu.

Dhe pas kësaj ashtu duhet,  
fetari tepër të ruhet

pas pandehnavet mos bjerë  
të mos ndigjojë Bohnerë

të mos bjerë pas Darvinit  
të mos largonet prej dinit

kujt mëndja të mos ja presë  
nga m'i dituri i fesë -

duhet çështjen ta çkoqitnjë  
qysh ështëë në shesh ta qitnië

duhet pranuar një pikë  
që gjykohet me llogjikë

se feja s'është përrallë  
që të pranohet çdo fjalë.  
Dashtë Zoti na shpëtoftë  
dashurin e Tij na shtoftë.

## **Mentimet e njerëzisë**

Kështu ka rrjedhur që kuri  
ç'do njeri një rrugë zuri  
një vështronte drejt nga qielli  
thoshte Allah je ti dielli!  
Kush thosh: Perëndija tënë  
je ti bukuroshja hënë!  
Kishte disa kokë-thatë  
njihnin Zot yjet e shtatë.  
Cili lumit' cili drurit  
cili malit' cili gurit.  
kush stërgun që fluturonte  
e njihte e shënjtëronte.  
Cili kanë balash donte  
i falej dhe e lëvdonte.  
Disa gjarpërinj gojë-madhë  
donin, i falëshin rradhë  
kush hynte brënda ndër ujë  
falej sa vinte rrëmujë  
e cili i falej zjarit  
kush viçit e kush gomarit  
kush barishtave i u falej  
i u bënte timi e s'ndalej

mbretëronte errësira  
s'ndahej e keqja' e mira.  
Kur i shihte Perëndija  
që rronin si bagëtija  
për të ngratët keq i vinte  
edhe deshi që t'i bindte.  
i-u dërgoj pra Pejgamberët  
por nuk bindëshin të mjerët  
nuk i linin dot statytë  
s'i largonin dot nga sytë  
fenë që solli Ademi  
edhe sot gjith' atë kemi  
aspak s'kanë ndryshim fetë  
ndryshimet i prumë vetë.  
Besimi është Amentyja  
për iman e vetëm nyja  
s'ndryshoj e s'ndryshon imani  
kështu beson myslimani.  
S'shtohet, s'paksohet besimi  
si Ademi' Ibrahimimi  
ç' besoj Musaj me Isanë  
me Muhamed Mustafanë  
edhe ne ashtu besojmë  
gjer kijamet do pasojnë  
s'ka faj feja por se bota  
i futën sende të kota.  
Ca i dhanë trup të trashë  
dhe e zgjatnë disa pashë  
ca i dhanë fron të rijë  
edhe të hajë, të pijë

u besua shumë llojesh  
është turp të zihet ngojesh  
por besimet më të sakta  
edhe fjalët më të pakta  
fjalët që tha i Vërteti  
ato tha dhe Muhamedi  
Muhamedi vetiu s'foli  
por fjalët të Zotit solli.  
Nga stërgjyshi Ibrahim  
ç'trashëgoj kallëzot trimi  
edhe Musaj me Isanë  
Ibrahimin mburim kanë  
fen' e atit përsëritën  
përrallat q'u futn' i qitën  
kësi soj dhe Muhamedi  
nga s'tërgjyshi ç'besim gjeti  
pa shtim pa të met e çhpalli  
botës shpirtin i a u ngjalli  
për një të drejtë përpiquej  
sa pësonte prapë s'hiquej  
buz'e tij lëshonte mjaltë  
pun e tij shërbim i naltë  
gjyq i tij si shpat' e mprehtë  
ç'do dënim dukej i lehtë.  
Mbretërim' naltësim s'donte  
vetëm donte t'i shpëtonte -  
nga dytimi nga tritmi  
dhe të vazhdonte njetimi  
as kujt zemrën nuk ja thynte  
as kujt fjalën s'i a këthente



nga gëneshtrat që i larë  
në mirësit ish i parë  
si plak dhe kur ishte djalë  
nuk foli fjalë të çalë  
edhe Pejgamberët tërë  
si Ahmedi kanë bërë  
u munduan, u kapitnë  
sa muntinë botën' e ndritnë  
Porse i madh Muhamedi  
brënda ndër ta ish si mbreti  
ç'ta bëjmë të gjatë fjalë  
askush nuk i a zuri shkallën  
nuk po them fjalë të kota  
sot e pohon edhe bota.  
Sa janë gjith i besuam  
si jetuan' i mësuam  
në kryet Ademi doli  
sefte fen, ajy e solli  
ç'ardhën Atë vërtetuan  
as e zgjatn, as e shkurtuan  
por koha dyk'e larguar  
nga feja dyk'e mërguar  
ca gabime' ngatërime  
i prunë fesë ndërime  
Zot i math i lavdëruar  
këto urthet për të quar  
dërgonte prapë Profetë  
i sitnin si duhej fetë  
por pa shkuar kohë shumë  
përsëri binin në gjumë

linin fen' e Perëndisë  
sa s'ndanin prej bagëtisë  
edhe Musaj me Isanë  
fen' e saktë i a u thanë  
por s'shkoj shumë u turbullua  
e vërteta u mbulua  
bota nëpër mjegull mbetnë  
Zoti dërgoj Muhamednë  
lindi drita syt' i çelnë  
fat-bardhët ndë moçal s'ngelnë  
atij që s'i ndiu fati  
qëndroj si ish i ati  
Kjo fe është fe e qruar  
fe e sakt' e pa ndëruar.  
E pa ndëruar një fjalë  
pa shtim' pa cen as një halë  
pra sa zihet me re djelli  
aqë renet mendjefelli  
Kurani që la Ahmedi  
si u solli ashtu mbeti  
sado dhe kjo fe u çqye  
por u mprojt' e u çkëlqye  
sa mundnë thonjtë i a ngulnë  
por rrënjët dot nuk ja çkulnë.  
Se e rojti Zoti vetë  
pa cënuar pa të metë  
mbeti virg e pa trazuar  
si Parajs i lulëzuar  
me besime fort të nalta  
nuk të verbëta të çalta,

edhe sa të jetë jeta  
do të mos i nxihet fleta  
Zot' i madh që s'ka të metë  
një dritë q'e ndezi vetë -  
me frymë nuk shuhet kurrë  
sa vjen do t'ia shtojë nurë  
Zoti vetë do ta mprojë  
për herë do të mbretërojë  
Kjo fe është Zoti vetë  
pa dyshim s'vdes, do të jetë.  
Nuk po flas kot më kot  
(vall-llahu mutimmu) thotë  
si s'vdes Zoti s'vdes as dini  
kështu e beson Mumini  
nuk ka mijra Zot në botë  
kush ka mënt nuk flet më kotë  
S'u lind e s'lind Perëndija  
si shtazët e njerëzija,  
sa të shtohen dituritë  
do të lihen perënditë  
do besohet veç Allahu  
si besoj Resulullahu,  
si besuan gjith profetët  
veç një Allah me të vetët.  
Zot i math do të njëtohet  
e drejta do kupëtohet  
ç'është drita, errësira  
ç'është' i urti egërsira,  
tërë në shesht do të çpallen  
ç'janë Zotit do t'i falen

kuntërshtim nuk do të mbetet  
sikush Zotit do t'i pshtetet  
    fenë që pat Ibrahim  
    do ta ketë ruzullimi  
Musaj, Isaj, Muhamedi  
sikush përsëriti ç'gjete  
    dhe sot sikur t'ishin gjallë  
    gjith do t'ishin një fjalë  
turp i math, sot! këtë ditë!...  
të lihet feja si dritë!...  
    turp të lihet Perëndija  
    të përçahet njerëzija  
Profetët vëllezër ishin  
midis kundërshtim nuk kishin  
    As një Profet s'përrjashtojmë  
    me përjashtim gjë s'fitojmë  
Ne as Budën nuk e ngasim  
as për konfoqjon gjë s'flasim.  
    Fale Musan' e Isanë  
    i duam si Mustafanë.  
Njerës të mëdhenj i njohim  
tërë me një sy i shohim.  
    Nuk e di kur vjen bashkimi  
    që të çduket krejt rrënkimi.  
Sille Zot punën më mirë  
për ty s'ka gjë të vështirë.

## Më çudi!

Janë disa krye-fshtjellë  
që s'dinë as tokën as qjellë  
    kurse hipin në minberët  
    s'dinë se ç'flasin të mjerët  
nuk' them se s'janë munduar  
gjer n'Ebxhed kanë kënduar,  
    disa herë flasin dokra  
    që s'i bluan dot as mokra.  
Për shëmbëll ju them një herë  
hoxha kish zënë minberë  
    sa kishte zënin' thërriste  
    përralla çifutesh fliste.  
Thosh: Ademi kur gatohej  
shejtani ment copëtohej  
    nakari dreqin e shtyti  
    Ademin n'goj e shtyti  
me të vajtur kështu filli  
me të shpejtë ardhi Xhibrili  
    me gisht barkun sa i-a shpovi  
    pshtyma e ndyt' i kullovi  
nga kjo pshtyma u çpik qeni  
që sot fort besnik e gjeni  
    nga kjo na mbeti kërthiza  
    dokra... s'i beson as miza.  
Dini tha ç'janë përenjtë  
ç'janë detet e lumenjtë?

janë lotët që dheu qavi  
kur Xhibrili dhë përlavi -  
pak prej sij gatoj njerinë  
lumë-madhin e fat-zinë.

U bubu tha tok e zezë  
ç'na këputtë fare mezë,  
ata do bahen fajtorë  
për ta digjet mëm' e gjorë.

Nga ky shkak qaka e mjera  
prandaj u mbush ujë tera...  
Kësi dokrash fliste miku  
na turpëroj sa na fiku.


Hoxhë s'të mjafton Kurani  
e ç'të çoj ty ne shejtani?  
Ta dinje gjeologjinë  
s'do të tallëshe me dinë.

Lini Shemunët, Semnunët  
flisni pakëz për Dhenunët  
nga përrallat hiqni dorë  
se na fiktë mor të gjorë!...

## **H. Ademi (a.s.)**


Zoti Ademin ngaj dheu  
pa mëmë pa at'e kreu  
Zoti vet' e ka gatuar  
Atin e nderçim ndër duar

I dha frymë dhe e ngjalli<sup>1</sup>  
shumë të mira i fali.  
I fali të madhe dritë  
i dha tërë dituritë  
Engjejt krejt nga qjelli rrodhën  
anës Ademit u mblodhën  
kur e panë fort të ditur  
kanë mbetur të habitur  
fort i ditshim u rrëfye  
me të s'qitej dot në krye  
merek vesh dhe prej fytyrës  
q'ish m'i math'i kreatyrës,  
tërë në sexhdê i ranë  
veç dreqi u hoq më nj'anë  
i u shti hallka e mallkimit  
ati Shejtani-Rraxhimit.  
Dha urdhër ëngjet e zunë  
Ademin në kopsht e vunë  
edhe të shoqen Havvanë  
Ademit i a vunë pranë  
Shumic'e ehli-sunnetit  
shënojnë pun'e Xhenetit,  
ish një kopsht a një drurishtë  
veshur me pemë lulishtë  
ku ish qysh ish nuk përzihen  
i bijen shkurtë nuk zihen  
1) s'ish xhennet i Ahiretit  
Sepse çeshtj'e Hilafetit



<sup>1</sup>Me fuqin perëndijore.

si thotë Zot i vërtetë  
Duhet në tokët të jetë  
    (Halifê fi-l-erd) kur thuhet<sup>1</sup>  
Doemos në tokët duhet  
Një vent-zënës do me thënë  
Në tokët kam për të vënë,  
    q'ajy është Ademi vetë  
    vënt-zënësi i vërtetë,  
në vënt q'u çpik nuk ka rrojtur  
është tërhequr ka vojtur  
    si pas Kuran-i Qerimit  
    s'u ngjit në qjell pas krijimit  
Zoti në qiell nuk e ngriti  
as pastaj q'andej s'e zbriti  
    2) Për xhennetin'e Ahiretit  
    s'të le çeshtja e lanetit  
si mundej të hynte djalli  
portari përse s'e ndali?  
    3) Atje detyrë s'ngarkohet  
    që për dënim të largohet  
4) Nga frytat njëri s'ndalohet  
Atje kush hyn s'çpardallohet.  
    5) Atje mëkat nuk punohet  
    që të qitet të denohet.  
Nga këto ahkaqe Xhenneti  
S'është Xhennet ahireti.  
    Në tokët ish një drurishtë  
    veshur me pemë lulisht



<sup>1</sup>Tefsiri Menar vulum 1 f. 277



le të jetë si të jetë  
ku ish e di Zoti vetë  
i u dha Zoti urdhëratë:  
"hani pini dit'e natë  
kur' e kû qysh të doni  
hani me gas mbretëroni!  
Vetëm nga ky dru mos hani  
ketë fjalë të ma mbani"  
çfarë lloj pemë ka qënë  
Kurani s'na i e ka thënë  
Djalli ngaj nakari dolli  
me një butësi i u foli:  
"më vjen keq se nuk e dini  
kështu nga herë nuk jini  
do të vdisni do të shkoni  
këtë gjë do t'a kërkon  
në doni gjithnjë të rroni  
me gëzim të mbretëroni  
nga ky dru po hëngërt kokra  
s'ju ka për të mblojtur mokra  
domethënë s'vdisni kurrë  
do të rroni grua' burë"  
i gjenjeu me bê me fjalë  
se qe thënë për të dalë  
prej kopshtit i kanë qitur<sup>1</sup>  
shumë lark i kanë zbritur




<sup>1</sup>*Xhennet d.m.th. kopsht i mbuluar me drurë e me lule aqë sa drit e djellit me zin hyn. Thuhet se Ademi ka qënë i vëndosur në një kopsht, nga kopshtet e kësaj bote, pra nga faji u qit q'andej. Shihni në Sure-i Bekare e në Sure-i Araf.*

Parajs Ademi i gjorë  
s'e pati vehten në dorë  
nga ashku i Perëndisë  
ra në det të bukurisë  
er' e ashkut e kish dehur  
zemrën e tij i a kish nxehur  
aqë sa vehten nuk dinte  
ku ishte e ku po rinte  
kurse Havvaja e shkretë  
i a dha me dorën e vetë  
atë pemën e ndaluar  
kur ishte i trubëlluar  
pemën mirë pa e përçapur  
që të dy i kanë kapur  
shumë vjet mbetën të ndarë  
nat'e ditë dyk'e qarë -  
shumë vojtnë, shumë hoqnë  
në Meqqe mezi u poqnë  
si i u fali Zoti fajin  
e prenë kujen e vajin  
tha Zoti ngrehnë Qabenë  
që të falen sa të jenë  
Atit Adem dhjetë fletë  
i zbriti Zot'i vërtetë  
Shumë sendê i tregonin  
ngaj të ligat e mërgonin  
qenë shkruar dituritë  
për t'i dhënë njeriut dritë  
atyre bij edhe bija  
i u dha shumë Perëndija.

## Martestat e para


Këtë gjygj vu Perëndija  
për t'u shtuar njerëzija,  
Një çun i barkut të parë  
motrën e tij mos e marë  
ishte haram t'a rrembejë  
po me tjetrin ta këmbejë  
motra që kishte Kabili  
lipsej ta merte Habili.  
Por Kabili zemër-ndyri  
n'gjyqt të Zotit nuk hyri:  
"si e dhënkam motrën t'ime?  
q'e kam të bukur e trime!  
S'është punë o im atë!  
t'i bënj vet'hes këtë datë!  
mir' e ka dhe le ta mbajë  
s'është gogol e ta hajë"  
tha: "O bij! S'ju genjej unë  
ngaj Zoti është kjo punë  
bëjini Zotit kurbanë  
t'i shihni punrat si janë"  
Habili shkoj një dhi zgjodhi  
Kabili ca kallinj mblodhi,  
të dy përdhe i lëshuan  
edhe fjalët i pushuan.  
Javo se një zjarr i u zbriti  
një-herësh dhinë e gëlltiti

e vërteta në shesh dolli  
Habili asgjë nuk foli  
u helmua fort Kabili  
djallëzirat zu i tilli  
    mentohej vendoste planë  
    si ta vrasë të vëllanë.  
Djalli si njeri i dolli  
dhe një zog në dor'e solli,  
    me dy gur, e shtypi dreqi  
    kësi lloj punën e ndreqi  
nxu Kabili kryethati  
erdhi u ndez si lugati,  
    djallëzitë më s'e lanë  
    por shkoj shtypi të vëllanë  
si e vrau në thes e shtiri  
dhe vërtitej si i piri  
    thuhet disa dit e mbajti,  
    më s'la vise që nuk vajti,  
me mënt e ti fare s'mundi  
që t'a mbulonte gjëkund,  
    Zoti vrasësit të ndyrë  
    i ka çfaqur një pasqyrë  
i çoj përpara dy gala<sup>1</sup>  
për të mbyllur kjo andrralla  
    bot e bot dyke përpjekur  
    ra njëra përdhe e vdekur  
tjetra me thonj dhe çkërmiti  
mbuloj shoqen q'e dremiti



<sup>1</sup>Sorrë

Kabili i zi nga kjo punë  
u tmerua rahu gjunë  
"bobo tha më plastë hunda  
sa kjo sorra qysh nuk munda  
ta mbulonja të mos njihej  
se ku është të mos dihej"<sup>1</sup>  
gjë s'fitoj kot u mundua  
me të tepër u pendua  
vrasja ngaj Kabili erdhi  
gjak më parë ky dreq derdhi  
la zakon të lik në jetë  
gjithmon mallkim të ketë!  
lum kush punon me mëshirë  
edhe le zakon të mirë.  
Nuk' i vdes as emri kurrë  
e lëvdon grua e burrë  
e kujtojnë dhe Mervanë  
po jo si Nushirevanë  
Po kujtohet Jezid-qeni  
po jo si Imam Hysejni.  
Thonë gjer më dyzet-mijë  
ariu Ademi fëmijë  
me qindra vjet ka jetuar,  
më së fundi ka shpëtuar  
historija s'e ka ndarë  
ku e ka Ademi varë.




<sup>1</sup>Për vrasjen që bëri Kabili shihni Ajetin: Vetlu Alejhim gjer te fe asbehe minen-nadimîn. Sure-i Maide

Vallë në Meqqe e vunë  
apo Serendip<sup>1</sup> e shpunë  
nuk' e ndan dot historija  
si është' e di Perëndija  
Havvaja shumë më s'hoqi  
pas pak dit shkoj nde i shoqi  
në Xhidde<sup>2</sup> është mbuluar  
fjala s'është' e turbulluar  
paçin nga Zoti i vërtetë  
që të dy ndjesë për jetë.

### **Shithi (a. s.)**

Shithin fort e desh i Ati  
se shumë të mbar e pati  
një fëmijë s'ishte dukur  
djalë si Shithi i bukur  
në ç'do gjë t'et i kish ngjarë  
ish i mbrothshim e i mbarë  
ca histori kështu thonë  
që kur qe gjallë i la fronë.  
Me ndihmën e Perëndisë  
mjaft i shërbeu mjeshtërisë  
Zoti e pat detyruar  
të luftojë pa përtuar -



<sup>1</sup>Është një nisi e madhe përmban

<sup>2</sup>Është skel' e Meqquesë buzë detit të kuq

me Kabilinjtë të shkretë  
të përpiqet sa të jetë  
    luft'e zez' u ashpërua  
    fis i Kabilit u shua  
një pakicë nuk e vranë  
por i mbajtnë si rob pranë  
    në kohët të tij ka dalë  
    lufta me kam' e me pallë  
ky me baltë dhe me gurë  
i a bëri Qabesë murë  
    ishte plakur Shithi shumë  
    kur ra për jetë në gjumë.  
Për në Meqqe kanë thënë  
pranë t'et e kanë vënë

## **Enushi e Kajnani të bijt e Shithit**


Shithit jetën si e mbushi  
fronin e zuri Enushi  
    dituri të madhe kishte  
    edhe fort i bukur ishte  
Enushi si ndëroj jetë  
mbretëroj Kajnani vetë  
    me qindra vjete jetuan  
    fëmij'e tyre u shtuan  
lufta fare s'u pushua  
fis i Kabilit u shua  
    ata të tjerë që mbenë  
    u përhapën kapën dhenë.

## Mehlaili bir' i Kajnanit

Si mbet në fron Mehlaili  
vajti zu vënd ngaj Babili<sup>1</sup>  
Në këto viset të gjërë  
shumë shtëpi kanë bërë  
këta i rëmuan malet  
i qitnë sheshit metalet.  
Prej ari të holla prenë  
e ndërtuan bukur dhenë.

## Birdi bir' i Mehlailit

Në kohët e Birdit thonë  
bota e harruan Zonë  
ca shtate bënë prej guri  
disa gëdhentnë prej druri.  
Filluan putit t'i luten  
e i falen' i këputen  
me qindra vjet ka jetuar  
me një fëmijë të shtuar.



<sup>1</sup>Kryeqytet i kësaj mbretërij që quhe tBabil, sot ndodhen vetëm gërmadhat drejt qytetit Hil-le në mbretërinë e Bagdad.



## Të pesë Statytë

Nesri' Vyddi me Suvânë  
Jegûthi, Jeûku janë<sup>1</sup>

    djemt' e Ademit të pesë  
    trima të bukur me besë.

Të pesë sa qenë gjallë  
Allahut i janë falë.

    Njeriu liksht s'i kishin bërë  
    pra i donte bot' e tërë  
por si mbyllën sytë e shkuan  
për n'atë jetë ngarkuan -


    Miqt' e dashur në zi mbenë  
    qajnë me vaj tekdo venë.

I gëdhentnë në për gurrë  
për të mos haruar kurrë.

    Ç'figurë që patnë pasur  
    ashtu i patën novjasur<sup>2</sup>  
i varën atje ku falen  
që t'i shohin e të ç'mallen.

    Si pa djalli vdiqnë pleqtë  
    të rinjve u ngrihu leqtë  
i u tha: " bij të vegjël jini  
punrat e pleqve s'i dini.

    më vjen keq mundohi kotë  
    e s'merni vesh gjë në botë



<sup>1</sup> *Shihni Sure- i Nuh.*

<sup>2</sup> *Me i përsërit si kanë qenë, me i përzi një farë soj.*

prindët tuaj sa qenë gjallë  
pesë shtatevet i'u falë.

Kush kërkon shpëtim për jetë  
këtë udhë le të ketë -  
Me disa gënjeshtër redhë -  
dreqi e futi në zgjedhë.

Lanë fenë' Perëndinë,  
zunë djall' e djallëzinë.

### **Një pasqyrë e tmerrshme**

As shin as korr dreqi thonë  
por përpiqet për-gjithmonë,  
Si e si të çartnjë fenë  
për të përmbysur atdhenë  
që pa fê atdheu nuk mbahet  
si thoj prej mishit që s'ndahet.

Si mëmëdheu që mpron fenë  
ashtu dhe feja atdhenë.


Feja siguron moralin  
siguron nderin e mallin.

Por një komb kur e le fenë  
më s'ka derd as për Atdhenë.  
Feja për' njëherësh s'lihet  
pak nga pak fillon sa fshihet.

Më parë lihet mësimi  
dhe fillon sëmuret besimi.


Ligësija kështu zihet  
se sheh rrushi rrushnë nxihet.

Kështu nis burri lë fenë  
sefte gjyshi le Synnenë  
pastaj y-tatë Vaxhibin  
Farzin y-të bir me nipin,  
stërnipit gjë më s'i mbetet  
as di fare ku të pshtetet.  
Hiqet falja' agjërimi  
kapet pirja, kur....  
Shtohen këngët edhe vallet  
shtohen modat, shtohen hallet.  
Prej zjarit del një shkëndijë  
thotë miku ç'do të vije?  
Mirëpo kur i del flaka  
fillon rrihet me shuplaka.  
Midis arës shkon një vijë  
thotë bujku ç'dotë vijë?  
Mirëpo kur bëhet lumë  
fushës i bëhet dëm shumë.  
Në gishtit i del një fshikë  
thot i smuri dhemp një çikë.  
Mirë po kur i mahiset<sup>1</sup>  
trimi njëherësh gremiset.  
Prandaj duhet gjyshi' ati  
ta mbajë fënë që pati.  
Ku me libra ku me gojë  
birin nipin ta mësojë.  
Se e ka në qafë vetë  
e dënon Zot' i vërtetë.



<sup>1</sup> Malson.

Është një faj që s'i falet  
i rëndon në zverk si malet.  
S' jetonet pa fê si kafshë  
i pafeshmi s'vlen gjëkafshë.  
Pale fê e Muhamedit  
fê e sakt' e të vërtetit.  
Ajo fê aq' e mbaruar  
si lule ka mbretëruar.  
Prandaj duhet atdhetarët  
më mentarët, më të parët  
të hapin sytë mos flenë,  
fen' e bukur mos e lenë.  
Se me fê mundim të rojmë  
atdhenë me fê e mprojmë.  
Në mbeçim ndë erësirë  
na kanë për të thëthirë.<sup>1</sup>  
Me fê del nga erësira  
me fê ron plot me të mira.  
Me fê njih mëmën' babanë,  
me fê njih motrën' vëllanë.  
Pa fê s'ka m'e madhe gjëmë,  
pa fê s'njeh as at as mëmë.  
Prindët po s'u kujdesuan  
evladët po s'i mësuuan -  
foshnjat e mjera ç'faj kanë  
kurse nëna me babanë -  
fên' e shenjtë s'i a u japin  
ata ç'rrugë do të kapin?



<sup>1</sup>*Sure-i Enbija Ajeti: ve qem kasamna...*

Kështu pra feja harohet  
edhe ajy komb farohet.  
Prindët tradhëtojnë fenë  
prindet rrënojnë atdhenë.  
Prindët' prindët kurdoherë  
do të jenë në skëterrë.

### **Idrisi (A.S.)**

Shithi jetën si e grisi  
n'atë vënt mbeti Idrisi.  
Idrisit Zot' i vërtetë  
i dërgoj tri-dhjetë fletë.  
Fat-shëkimi, shkronjësija  
numerimi, shkronjësija.  
Ç'veljë ka druri e bari  
ç'duhet kau, kali, gomari?  
Nd' ato flet' ishin shënuar  
ç'mjeshtëri duhej punuar.  
Ky e ngrehu qeverinë  
tri klas e ndau njerëzinë:  
Vuri mbret edhe vezirë  
që t'i shohin punët mirë.  
Njerëzi e ditur mbenë  
tok me vezirët, me mbrenë.  
Dor e tretë nat' e ditë  
merëshin me mjeshtëritë.  
Në pak vjet që ka jetuar  
mjaft qytete ka ndërtuar,

thinë mushkën edhe qenë,  
dhe disa pirje që qenë,  
nuk i shijonin që moti  
se ishin haram nga Zoti.  
N' atë kohë Kabilinjtë  
jetonin t'egër të zinjtë,  
i faleshin putit, gurit  
dyk e rënë sâzit-drurit,  
gjenin gra i turpëronin  
vithnin' vrisnin varfëronin.  
Çoj Idrisin Perëndija  
t'i shpëtojë nga padija.  
Të pakët muarën pjesë  
nga drit e madhe e fesë.  
Dhe me të tjerët luftuan  
mjaft qytete i-u fituan.  
Ca i vranë, ca i zunë  
me shpata mbaruan punë.  
Shkroj e qepi' mati' zgjasi  
shumë mjeshtëri navjasi.

### **Nuh-u (A.S.)**

Sa për Nuh-in kanë thënë  
i math Pejgamber ka qenë.  
Ngaj frik'e Allahut qante  
kujen e vajin s'e ndante.  
Nuhut nga Zoti' i vërtetë  
nuk' i zbritnë veçan fletë -

por pas fletëve që gjeti  
në zakon të vjetër mbeti.  
Me qindra vjet mundim hoqi  
kombin e tij fort e ndoqi -  
veta vetëm tëtë-dhjetë  
e besuan me vërtetë.  
Të tjerët vesh nuk vunë  
nga shpina s'ia hoqën drunë.  
Pra kur e shtinin në dorë  
ç'erm' i bëhej trupth i gjorë.  
Si e rihnin mb'udh' e hithnin  
gjakrat pors çurk'i rrithnin.  
Sa mblithte mendjen' përmblidhej  
prapë pranë kombit hidhej.  
Prapë punë besej niste  
fjalët të Zotit i u fliste.  
S'donin fjalë të këmbenin  
pra njëherësh e rrëmbenën  
prej këmbësh e pëlcisnin  
të mjerin sa e zalisnin.  
Shumë vjet liksht u mundua  
zemra fort keq iu lëndua -  
tha: "më ndje o Zot i ndjerë  
nga ky komb këmbë mos lerë  
Zot! Nga ky remeti mua  
shpresa që pata m'u shua"  
Çoj Zoti Xhibril Eminë  
i mësoj Nuhut aninë.  
Kur e shihnin që ndërtonte  
barkën që do ta shpëtonte

tallëshin me Pejgamberë  
dhe i thoshin o i mjerë:  
    Ku e le profetësinë  
    që na kape mjeshtërinë?  
Talluni, talluni çuna  
prisni sa të soset puna.  
    Vjenë rrebeshi me njëherë  
    dhe ju shpie në skëterë.  
Nga trut' ishin fort të lehtë  
nga gjuha si shpat' e mprehtë.  
    Të tërbuar si arinjtë  
    nuk mentoheshin të zinjtë.  
Tallëshin me Pejgamberë  
mbase e rihnin përherë.  
    S'i u pëlqente mjeshtërija  
    q'ajo ishte lumturija.  
Profetët veç për fê s'ishin  
por nga një mjeshtëri kishin.  
    Me anën e mjeshtërisë  
    q'i u mësonin njerëzisë  
i u siguronin jetesën  
për të mbajtur bukur besën.  
    Se varfërija e shkretë  
    për njerzinë në jetë  
është mortje faqe çjerë  
a më mirë them skëterë.



Nga një pendë kafshë mblodhi  
brënda ndë flukët i hodhi<sup>1</sup>  
Nga të bijtë veç Qenani  
tha: "ç'më bën mua tufani  
shpëton i thosh mëndja djalit  
kur të zësh majën e malit.  
Mirë-po pa sosur fjalët  
rreptësisht i u turën valët  
E rrëmbyen si një potkë  
e ndanë nga fis nga shoktë  
u mbyt në shurën e vetë  
si ç'ish ndër arkët të shkretë.  
S'u mentua krye-thati  
u largua nga i ati.  
Ndigjoj dreqin s'ndigjoj t'anë  
humbi dinin e dunjanë.  
Humbi nderin e shtëpisë  
nderin e profetësisë.  
Shumë herë ka qëlluar  
prindët janë të kulluar -  
bijt e bijat dalin ferrë  
ta bëjnë jetën skëterë.  
Qit një Ibrahim Azeri  
prej Nuhut del kan-an derri.  
Ky mister vesh nuk u muar  
ngelëm me libra ndër duar.



<sup>1</sup> Nuhu pandehu se do të mbytej faqe dheut gjith prandaj mblodhi ngaj një pendë e i kalli nd'anit të vetë. Kombi i tij nuk ishte më tepër se një qint mijë.

Me gjith ata tetë-dhjetë  
u fut brënda Nuhu vetë.  
Ndë barkët porsa që hynë  
u vrej't u nxi s'qit dot synë.  
Dha rrebeshin Perëndija  
u mbytnë gjith njerëzija.  
U bë e keqe kjo bujë  
fusha' male krejt ndë ujë.  
Pas disa dit Zoti deshi  
pushoj shiu u pre rrebeshi.  
Nisnë ujrë u shteruan  
edhe valët pak' u shtruan.  
Qe thënë ngaj Perëndija  
në Xhudi<sup>1</sup> qëndroj anija.  
Nuhu' të bijtë shpëtuan  
kombi prej syresh u shtuan.  
Se ata të tetë-dhjetë  
ndë barkët ndëruan jetë.  
Pas rrebeshit at'i dytë  
pak vjet jetoj mbylli sytë.  
Afër një mijë vjet rrojti<sup>2</sup>  
por prej kombit shumë vojti.  
Nuhu ish i urtë burrë  
më kot nuk zemrohej kurrë<sup>3</sup>  
Përherë Zotin lëvdonte  
falej lutej e këndonte.



<sup>1</sup>Në Teurat thotë: Ararat.

<sup>2</sup>Sure-i Anqebut, Ajeti: Ve-lebithe fihim...


<sup>3</sup>Sa zemër butë që, që liksh i mallkoj kur i u mbush shpirti.

Mjaft herë pa ngrënë rinte  
urët në shtrat shtrihej flinte.  
Kur kujtonte Zotin dridhej  
në ç'do gjë Zotit i lidhej.  
Ngaj Sami' Hami' Jafethi  
janë shtuar rishtaz rrethi.  
Pejgamberët' Arabija  
Adi' Themudi' Persija  
ngaj barku i Sâmit janë  
andej këndeje u përndanë.  
Hind' Qenan' Nobe' Zenxija  
Misir' Berber' Habeshija.  
Këto vise an' e mbanë  
ngaj fëmij' e Hâmit janë.  
Turku' Rumi' Sakalija  
Zhaponi' Çini' Rusija.  
Mongol, Mançur, e Tartarë  
ngaj Jafethi janë ndarë  
ca më mirë e di Zoti  
se qysh u ndanë që moti.

### **Hudi (A.S.)**

Ardhi një e shkretë kohë  
s'mbet njeri Zotin t'a njohë  
cili djellit, cili drurit,  
cili hënës, cili gurit,  
cili i falej yllit  
por si egërsir e pyllit

ngaj udha duallën të tërë  
s'i u mbet keqë pa bërë.  
Komi Ad më liksht harbuan  
u mahnitën, u tërbuan,  
qëkuri, Hudi kish lindur  
këta njerëz për të bindur  
por ish bashkë me Musanë  
kishte mëmëdhe Ymmanë  
ishte një dit e shënuar  
mbledhur, tërë pa mënuar  
nisi Hudi me të qetë  
i u tha fenë e vërtetë  
disa zoq e kafshë rodhën  
Pejgamber Hudit i-u mblodhën  
fjalët, e tua i thanë:  
"O pejgamber vërtet janë"<sup>1</sup>  
ngaj kjo shënjë që mësuan  
vetëm dyzet e besuan  
u përpoq vjet pesë-dhjetë  
Hudi për kombin e vetë  
veta vetëm katër-mijë  
mezi i pruri në vijë  
të tjerët fort keq u-ndynë  
sa s'donin t'i shihnin synë.  
Shtatë vjet s'i u lindën gratë  
u pre shiu, dheu mbet'i thatë



<sup>1</sup>Kurse si çdo trup që s'ka shpirt dhe me anën e chimisë e të fizikës po flet, atëher zogu e karaxheja që ka shpirt përse të mos flasë? Vjen një ditë që me anën e një vegles të pasotshme që do të çpiket e do të vihet në vesh do të ndigjohet edhe miza e dheut si kau.

sa hoqën e u munduan  
s'u përmendën, s'u penduan  
më pastaj një er' e marrë  
kombit Ad i bëri varrrë<sup>1</sup>  
ditë tet' e nete shtatë<sup>2</sup>  
fryri er' e marr' e thatë.  
Vetëm ata q'e besuan  
fare do një dëm s'pësuan.  
Kur i ngrê era përjetë  
pa shpirt i flak tatë pjetë  
u shuan të liqtë s'mbenë  
e kapshuan mirë dhenë  
vjet një qint e pesë-dhjetë  
Hudi ka rojtur në jetë.

## Shedidi edhe Sheddadi

Shedidi dhe Sheddadi  
që të dy fëmijë Adi,  
Zotit besim nuk i prunë  
por rrugën e dreqit zunë.  
m'i madh vëlla qe Shedidi  
ishte mbret tepër shëriti<sup>3</sup>  
por s'shpëtoj dot prej rrebeshit  
se e priti prapa veshit




<sup>1</sup>Shihni furtunat dhe sot ç'dëme të mëdha po bëjnë në botë

<sup>2</sup>Sure-i Hâkka, Ajet: seb-a lejalin

<sup>3</sup>Bëri qejf me lumtëri e me gaz, me një në gjën e tjetrit.

në vënt të tij mbet Sheddadi  
"Perëndi jam" thosh lugati  
as mblith mendjen i thosh Hudi  
këtë fjalë s'ta kap kuti  
vetëm një Zot ka në jetë  
kjo është fjal' e vërtetë  
po besove Perëndinë  
do të shkosh në parajs tinë.  
Tha Sheddadi ç'ësh kjo punë  
Parajs krijoj dhe unë.  
Ndigjoni se ç' bëri qeni  
ndë-një fushë ngaj Jemeni.  
Ergjënd e ar edhe erë.  
E shumë gurë të vlerë  
mblodhi e mblodhi sa mundi  
një ogriskë s'la gjëkundi <sup>1</sup>  
gjeti disa Inxhinerë  
dhe ngrehu sa kaqë herë -  
një parajs, e shtruan brënda  
që ta shihnje ta kish kënda.  
Prej parajsit fare s'ndante  
nuk rihej aq' erë mbante  
drurët, lulet, ujrat rrjedhin  
ligjërojnë zoqtë bredhin  
si fije mëndafshi bari  
gjethet e drurit prej ari  
lloje zoq mbi degët vënë  
frynte erë qitnin zënë




<sup>1</sup>Ogriskë- cop e vogël, isker, grimë e vogël.

një mjeshtëri që s'besohet  
asi kohe të mësohet  
u ngrit një ditë Sheddadi  
bashkë me robët që pati,  
kush më këmbë, kush kaluar  
në Parajs për të ndaluar  
por s'i u vajti udha mbarë  
i copëtoj er'e marrë  
parajsit porsa i u nqasnë  
më s'bënë këmbët por plasnë  
pa hyrë brënda një herë  
shkoi Sheddadi në skëterë.

### **Salih-u (A. S.)**

Kombi Themud u lëshua  
në vënt të Adit q'u shua,  
këto vise që fituan  
shumë bukur i ndërtuan  
po pastaj pas djallit ranë  
e Zotin fare e lanë  
Zoti, Salih Pëjgamberë  
e çoj nga shpella t'i nxjerë  
shumë vjet është përpkur,  
Themudanët dyk e ndjekur,  
ngaj ata veç ca fat-bardhë  
në rrugët të Zotit ardhë.  
Më të shumëj fat-zinj mbenë  
nd' errësirët, sikur qenë.


Në Kuran na thotë Zoti  
komb i themudit që moti -  
prej Salihut të bekuar  
muxhize kanë kërkuar  
Perëndija muxhizenë  
i a u tregoj në devenë.  
Atje ndodhej veç një krua  
uj, i tij u cakëtua -  
një dit ata do të pinin  
një dit atë do ta linin.  
Në tokët të Perëndisë  
deve e madhe me sisë -  
do të kërkojë kullotë  
me një liri fort të plotë  
gjen belanë kush ta ngasë  
palê ajy që ta vrasë.  
Profetin nuk e besuan  
vranë kamelën pësuan.  
si u bë kjo marrëzija  
u zemrua Perëndija  
i a u dha në çast pasqyrën  
edhe i u-ndëroj fytyrën.  
Tri dit edhe tri net mbenë<sup>1</sup>  
të ç'mëndur s'dinë ku venë  
një tërmet Zot'i vërtetë  
i a u dha ditën' e tretë -



<sup>1</sup>*Sure-i Hud, Ajet: (Ve ilâ Themûde ehahum Salihangar (Ela Buden li Themûd)*



erth një zë i ashpëruar  
ngaj qielli mbi ta lëshuar -  
të pa-besët më s'u ngrysnë  
gjith u shuan u përmbysnë  
Salihu, shokët shpëtuan  
do-një të keqe s'pësuan  
u ngritnë ngaj' ato anë  
të tërë në Meqqe vanë.  
Një histori që kam parë  
në Meqqet thot' e ka varë.  
Ebu-Rigali shpëtoke  
edhe një grua uloke  
kësaj këmbët si i u hapnë  
me gas të math zuri vrapnë,  
në vadil- kurabe hyri<sup>1</sup>  
i tha kombit ç'i pa syri,  
këtë fjalë me të thënë  
përdhe e vdekur ka rënë  
ajy në Meqqe kish mbetur  
prandaj vdekja s'e kish gjetur  
jashtë Meqes me të dalë  
s'e la mortja Bu-Rigalë,  
kishte një shkop prej floriri  
s'e ndante kurrë ngaj gjiri  
me të pikasur e zunë  
me gjith shkop në dhet e vunë  
na tregojnë historitë  
Resulullahu një ditë




<sup>1</sup>Vadil-Kurabe është një mal në Jemen.

bashkërisht me Sahabenë  
ndër ato vise tek venë,  
pa ndigjuar e pa parë  
plak Ebu-Rigalit varrë  
i qofshim falë i-a gjetë  
se i refeu i vërteti  
Si digjuan Pejgamberë  
e hapnë sakaq herë,  
Ebu-Rigali ish tretur  
veç shkopi i artë mbetur  
ndigjo mumin i vërtetë  
kur t'i shikosh muxhizetë  
mos të cënohet imani  
se nuk të gënjen Kurani  
koha do t'i vërtetojë  
sikush do t'i kuptojë.  
Ç'do gjë me sy do të shihet  
dyshimi krejt do të ngrihet.  
Shish qoshku i Sulejmanit  
q'i përngjan aeroplanit  
ky si do koha me vegla  
ajy me të tjera rreglla  
këtë e bën mjeshtërija  
atë vetëm shenjtërija.  
me gjith q'është det i gjerë  
do të dalin në shesh tërë.

## H. Ibrahim (A. S.)


Një mij' e ca si u bënë  
pas rebeshit kanë thënë,  
    mbret i Babilut Nemrudi  
    Perëndi thosh jam makuti.  
Pa një ëndërr të mërziur  
mblodhi tërë njerëzit e ditur.  
    E ke pisk o mbret i tharë  
    sa ëndrat të mbrothçme s'janë  
prej dorës do të dalë  
mbretërija nga një djalë  
    në bark simvjet do të bjerë  
    po mblith mëndjen o i mjerë  
i dha redhit urdhëratë  
të ndahen burrat nga gratë  
    atë mot sa djem u lintnë  
    në pallat të mbret u qitnë  
blegërinin of si shqerat  
kur theren foshnjat të mjerat  
    atë mot Zot' i vërtetë  
    Ibrahimin çoj në jetë  
i-u vajti kot mundimi  
s'ndjen q'u lind Ibrahim  
    e pat kujdes Perëndija  
    u rrit, arth ndër mënd e tija.  
Kur u qit jasht' i ati  
ishte bërë burrë gati

tha kur pa një yll të ndritur<sup>1</sup>  
ky Zot! mos na ka javitu  
kur e pa që fshehu synë  
s'të njoh dot tha për Zot tynë!  
Kur pa hënën ndrit më mirë  
vetëtin ndër hapësirë,  
më duket ky do të jetë  
Zoti që më kreu në jetë  
kur u psheh nga syt' e tija  
as ti s'je tha Perëndija  
pa djellin më të gëdhirë  
ngaj të tërë ndrit më mirë,  
ky po llapc më tepër thotë  
do të jetë Zot në botë  
por kur pa q'u perëndua  
ngaj këto tha, asnjë s'dua!  
Syt'e minj tani më mbenë  
mbi Zotin që kreu ç'nuk qenë.  
Tmeroju ashik e mjerë  
shih Ibrahim Pejgamberë  
vër verë vesh qysh janë fjalët  
njëherësh nuk kapen shkallët  
tërë kështu kanë vojtur  
Perëndinë për të njohtur.  
Shkallë shkallë gjer të ngjitesh  
je foshnje! prit gjer të rritesh!  
S'është' aqë kollaj si thonë  
me këta sy ta shoç Zonë



<sup>1</sup>*Sure En-am, ajet:(felemma xhenu...ve ma ene minel mushrikin).*


po të thonë e kemi parë  
ta dish janë gënjeshtarë  
mbaje mënt të të them unë  
do shërbim të math kjo punë.  
Si prej gjembit trëndafijli  
ashtu doli dhe Halili  
I ati i tij Azeri<sup>1</sup>  
kalitte pute i mjeri.  
Përher' i biri i thotë  
ç'i u falesh statue kotë  
ay dhe kombi i thonë:  
"i gjetëm nga prindët tonë".  
Tha "bashkë me prindët jini  
nd' errësirët dhe s'e dini".  
"Të drejtën ti na e solle?  
A po për të tallur dolle?  
Tha: "Zot kemi Perëndinë  
na krijoj në gjithësinë.  
Aju ju krijoj dhe juve  
të ju them përpara syve :  
për Zotin po ju betohem  
ju them sheshit ç'po mentohem  
pa këthyer krahët mirë  
statyt i kam për të grirë."  
Në bajramishtë kur vanë  
falishten vetëm e lanë.



<sup>1</sup>Shih Ajetin: lidh kale li ebihi.... Gjer ne nehachejnahu në, Sure-i En-bija.

Halili si ish i nxehtë  
rroku sëpatën e mprehtë -  
veç të madhit të gjith i theri  
edhe i plasi përdheri.  
Sëpatën i a vuri plakut  
edhe dolli jashtë pragut  
kur i panë perënditë  
therur e grirë si dhitë  
qanë, thirrën, lebetitën  
çorën faqet e bërtitën  
kush na i griu perënditë  
nuk paska në shpirtit dritë  
bubu mos i qoftë thënë  
sa zemër-zi paska qënë.  
Than: Ibrahim i theri  
dhe i përplasi pas dheri.  
Ja moj kuje, ç'na gjeti?  
Vajti fjala gjer ne mbreti.  
E përlanë q'atë ditë -  
ti i grive perënditë?  
Tha: "pyetni më të madhë  
t'i-a ju thotë me radhë".  
Nga fytyra fort u nvrejtnë  
njëri tjatrën e vërejtnë.  
Njeri-tjatrën duk'e thënë  
kjo pyetje duhësh lënë  
e drejta na turpëruat  
karshi këti na marruat.  
Unjën kryet dhe i thanë  
o çun, putet gojë s'kanë.

I u tha: "s'kini turp kur flisni  
puteve qysh i-u taptisni?  
Këtyre që janë gurë  
s'bëjnë as keq, as mirë kurrë.  
uh sa qënkeni kokë-thatë  
putet kapt' e zon' e latë!".  
Me fjalë s'kryen dot punë  
Halilit në llê<sup>1</sup> i a vunë.  
Në zjart than, e përvëlioni  
në dhet të gjall' e mbuloni.  
Mos rini njerës të mpitë  
gëzojini perënditë!  
Fjala kështu kapi fundin  
nemrudanët sa të mundin -  
të presin dru disa javë,  
t'i bijen t'i bëjnë stavë.  
Dyzet ditë si ndezën zjarë  
e kan' Ibrahimin marë -  
mbi manxhinekun prej druri<sup>2</sup>  
shpirt keq Nemrudi e vuri.  
Ia dhanë vollt dhe e drodhën  
që për së largu e hodhën.  
Prej manxhinekut të shkretë  
kur fluturonte përtpjetë -



<sup>1</sup>llê-mëri, inad, srofkë etj.

<sup>2</sup>Manxhinik është persisht. Përbahet prej fjalëve (men ç'i ineqd.m.th. unë çë kjo: Arabët e bënë mexhinik. Kjo ishte një vegël si shilar (kolovejselidhej në drurë të mëdhenj e të lartër edhe me anën e tij për së largu hidhëshin gurë fort të mëdhenj e të rëndë për të shembur muret e kalave.

Xhibrili nga qjelli zbriti  
pa rënë përdhe e priti  
ç'dëshëron Halil thuajmë  
a do këtu të të mbajmë?


Në thëng prej teje gjë s'dua  
se prej Zotit s'më di mua?  
Zoti Halil i ka thënë<sup>1</sup>  
se kaq besnik ka qënë.

Këmb'e tij në zjarr pa shkelur  
ju bë një parajs i çelur<sup>2</sup>  
as gjësendi s'i-u cënua  
as gjëkundi s'u lëndua.

Ka bura edhe sot futen -  
brenda në zjar dhe nuk tuten.  
Edhe sot ajz dru shihet  
ndë Urfë dhe vëndi njihet.

Ngaj mushicat gjet belanë  
prej syresh një frymë s'lanë.  
Tri-dhjetë vjet është marë  
në Babil me mbren' e marre.

Si u shuan Nemrudanët.  
Ibrahimi' Myslimanët -  
nga Shâmi në Falestinë  
u vendosën që të rinë.



<sup>1</sup>-Halil- mik besnik

<sup>2</sup>Sure-i Enbijâ, Ajet: (Kulna ja naru Qûni...)



## Udhëtimi i Ibrahimit (A.S.) për Egjyptë

Mori Saren edhe Lutnë  
arthnë në Misir u futnë.

Saren jevgët kur e panë  
Firaunit vanë i thanë:

"Ka ardhur një zonj'e bukur  
që gjekundi s'është dukur"

Ç'bëtë tha që më rëfyet!  
ah më piktë më mbërthyet!

Të m'i sillni shpejt taninë  
t'i pyes, ç'janë, nga vijnë.

Halilin e gjetn' e shpunë  
e poqnë me Firaunë.

"ngaj' jinni ç'bëni ç'kërkoni?  
Zonjën ç'e bëtetë? më thoni!"

"Ngaj Kan-ani jemi ngritur  
fort të varfër të kapitur

Të math zî ka në vënt tonë  
që s'ka ngjarë kështu thonë.


Motra, nipi edhe unë  
arthmë për drithë këtunë"

"të ma sjellç tha se e dua  
të të motrë ta mar grua. "

Vërtet motrë nuk' e kishte  
vetëm, se në një fê ishte.

Deshi ta fshihte ngaj frika  
që të shpëtonte nga thika.

Ç'të bënte vajti e solli  
edhe vet' u ngrit e dolli.  
Zonjës duart me të nderë  
i u thanë sa kaqë herë  
u tremp' i u lut! "o moj Sare!  
po më shrove s'të ngas fare"  
"Shroje Zot tha Firaunë  
n'u largoftë nga kjo punë!"  
Si u shrua ngaj gëzimi  
e dërgoj nde Ibrahim. <sup>1</sup>  
Për shërbim i dha Haxhirë  
ta ketë si Xhavahirë.  
Tha: "që nesër të ngarkoni  
të mos qelli po të shkoni!".  
U ngritnë të katër vanë  
në pak ditë zun Qen-anë.  
Sareja si s'pat fëmijë  
as shpresë sojësh të vijë,  
i tha të shoqit: "ta dhashë  
ta keshë grua këtë vashë".  
Lindi Ismaili i mirë  
si hëna në hapësirë.  
E bëri synnet i ati  
trembëdhjet vjetç kur pati.  
Sareja si s'lindi vetë  
më të zu nakar të ketë.



<sup>1</sup>*Kur fakirët e Hindit me anën e disa mjeteve tregojnë shumë çudira atëhere Profetët me anën e mrekullive pse të mos tregojnë?*

I tha të shoqit që t'i shpjer  
prej Qenanit lark t'i lerë.

Haxhirë me gjith të birë  
i shpu ndë-një shkretëtirë:  
"pse më le o burrë shkretë  
qysh ta shkoj të zezën jetë!"

"Mprojtës ke, tha Perëndinë  
ajy s'të le të heqç tinë".  
Sareja fare s'e linte  
të rinte atje të flinte  
sa i shihte se qysh janë  
dhe prapë zinte Qenanë.

### **Luti (A.S.)**


Luti i bir i Haranit  
rinte fort lark prej Qenanit.

Në fshat Sedûm pat jetuar  
me një fëmijë të shtuar.  
Por kombin e atij vëndi  
dha e dha dot s'e përmendi.

I u thoshte: " a kokë-thatë  
kaptë djemtë latë gratë!  
Zon'e vërtetë e harruat  
u mahnittë, u marruat!

Pra vini gishtin njëherë  
menjtohi o ditë-prerë.  
Kështu si ju kush ka bërë?  
në këtë botë të tërë.

Vetëm derri me gomarë  
hedhin nëpër ferrat farë.  
Hiqni dorë se ngaj Zoti  
ju vjen rebesh si qemoti.  
U zemëruan e rëmbyen  
ngaj qyteti e përzyen.  
E tepëruan të liqtë  
më s'ia linin edhe miqtë.  
As njeri më s'kudëzonte  
pranë Lutit që të shkonte.  
E preu shpresën fare Luti  
mallkimin i a u këputi.  
Edhe Zoti s'mënoj shumë  
i u çoj ëngjëllit në gjumë  
u gëdhinë më s'u ngrysnë  
far'e keqe u përmbysnë  
Lutit melekët i thanë:  
"ju sonte hiqi më nj'anë!<sup>1</sup>  
edhe udhës kur të shkoni  
prapa fare mos shikoni!  
Jotë-shoqe do ta vërejë  
prapa veshit do ta gjejë"  
Kryet mirë pa këthyer  
mortj'e zez e ka mbërthyer.  
E çau ferrën shkoj ndër miqtë  
u bashkua me të liqtë,  
komb i lik si u gremisnë  
Luti mori farën' fisnë.




<sup>1</sup>*Sure-i Hud-ajet: (Ja Lutu in-na Rusulu...)*

Në Halilu-Rrahman rrothnë  
tok me Ibrahimin u mblotnë<sup>1</sup>  
Atje ndenji vjetë tetë  
pastaj ka ndëruar jetë.  
Si e shoh në kartat unë  
pran Ibrahimit e vunë.

### **Ismaili (A.S.)**

Thamë sipër për Haxhirë  
që mbeti në shkretëtirë.  
Ibrahimi gjithnjë vjnte  
por për fjetje kurrë s'rinte.  
Një ditë me gjith të birë  
mbenë pa ngrënë' pa pirë  
zuri përpiqej si deti  
se as gjësendi s'i mbeti.  
Safâ' Merve disa herë  
ngjitu e zbrit zonj' e mjerë,  
andej këndej hipë' thirrë  
her' unjet dhe sheh të birë.  
Vu re e mjera sa mundi  
por ujë s'pa dot gjëkund.  
Së përpjekur këmbkat djali  
kishte dal' ujë ngaj zalli.  
Erth prapë dyk'e qëlluar  
kur pa mburimn e kulluar.



<sup>1</sup>*Asi kohej Ibrahimit ronte.*

Në sexhde ra nga gëzimi  
lëvdoj zonë nde burimi.

Piu u ngop me gjith të birë  
e pshtolli mos bëjë firë  
ajy mburim i uruar  
kurrë s'ka për të shteruar.

Pus pastaj e kanë bërë  
prej sij pijnë bot'e tërë.  
Ngaj Jemeni ca arabë  
ishin lodhur bënin vapë  
Javo shohin zogjërinë  
në një vënt ven' edhe vinë.

Ç'uan dy ngaj njerëzija  
ku vozitnin zogjërija.

Pranë zoqve si u nqasnë  
ujët Zemzen e pikasnë.

Ca më tej Haxhirë gjetnë  
kur paska dal' e pyetnë ?

Tashti shpejt i u tha ka dalë  
ngaj Zoti për këtë djalë.

Vetëm për vehte e kini  
të pijmë ne, a na lini?

Sa të doni merrni pini!  
prej neve lejen e kini.

Pinë dhe fort e pëlqyen  
pastaj prapë u këthyen.

Sihariq o shokë thanë  
gjetmë një mburim mb'at"anë,  
i kulluar e me shijë  
njeriu s'ngopet sa të pijë.

Ç'qenë me gjith se j u ngritnë  
pran' ati burimi zbritnë.  
I thanë: "në na jep lejë  
në Jemen njëri të vejë  
me fis me farë t'i mbledhë  
në pak ditë këtu t'i hedhë.  
Të bëjmë shtëpi të rimë  
ne kjo uj, e ne kjo bimë".  
I u tha: " bëni si të dini  
prej meje lejen e kini".  
Shkuan e prap' u këthyen  
përjet atje u mbërthyen.  
Haxhirja kur nderoj jetë  
djali qe pesë-mbë-dhjetë.  
S'flinte s'pinte as nuk hante  
ngaj helm i shkretë veç qante  
kërkoj që t' ikte më nj'anë  
nuk' deshnë miqtë s'e lanë.  
Një nuse t'mirë i zgjohjnë  
leqtë në këmbët ia hojnë  
erth i ati si shkoj kohë  
të bir e dashur ta shohë,  
vajti në portë trokiti  
doli e reja e priti  
"burri im s'është ka dalë  
për gjah tha ka marrë malë".  
S'i tha : zbrisni, urdhëroni!  
sa të çlodhi pak' qëndroni !  
si e desh puna s'e priti  
dhe ngaj kali nuk e zbriti.

thotë me vehte: "kjo grua  
aqë fort s'më pëlqen mua,  
me këtë im-bir ku rënka  
obobo derën ç'i zënka".  
Ndigjo i tha: " o moj bijë  
selam t'i bësh kur të vijë :  
më tha plaku mos haroni  
derës pragun t'i a ndëroni".  
Mbrëma e ndigjoj i shoqi  
në ziq të mëndjes e hoqi -  
"duhet t'a ndigjojmë plaknë  
ta ndërojmë nesër praknë".  
Mori tjetër me të ndarë  
prapë prej fisit të parë.  
Kur ardhi një tjetër herë  
porsa trokiti në derë,  
doli e reja e priti  
deshi ta zbresë por s'briti.  
Ashtu si ishte kaluar  
i lau mirë këmb e duar.  
Edhe pak bukë q'i qiti  
hipur e hëngri' nuk zbriti.  
Të lutem në je i ngehur  
të zbrisnje pak për të krehur  
veç një këmbë jashtë vuri  
dhe u bë vurratë guri  
lum ajo fitoj bekimin  
se e krehu Ibrahimin.  
I tha: " o bijë ! po ardhi  
im-bir Ismaili fat-bardhi,



t'i thuash : të hapnjë sytë  
mos e prishnjë prakn'e dytë  
ta dojë, kujdes ta ketë  
pse si ky s'gjendet në jete".  
Kur erth i shoqi i a thotë  
ç'i tha plaku q'erth në portë.  
Tha: "plaku është im-atë  
që të dha tynë uratë.  
Ti je pragu i pëlqyer  
që s'të kam për të këmbyer.  
Ta dish sa jetë të kemi  
të dy bashkë do të jemi".


### **Lindja e Is-hakut**

Thamë për Sarën më parë,  
që fëmijë s'kishte parë.  
Xhebraili, Miqaili  
Israfil, Asrail,  
nde Ibrahim të katër  
vanë i u shtruan më vatër.  
Musafëret fort i priti  
darkën sakaq' e gatiti  
dhe një të majme mëshqerë  
por s'muarnë as një herë.  
U tremp i u tha:"përse s'muart?  
përse vallë s'ndeni duart?"  
Sihariq o plak i zbardhur!  
prej Sarës ka për të ardhur:

një çun i urt' i mitur,  
i zquar, i ndjer, i ditur,  
prapa derës i përgjonte<sup>1</sup>  
ç'kuvëndonin i ndigjonte  
qeshi, i u tha: unë plakë!  
qysh lintkam, s'mejtohi pakë?  
Thanë: "s'del gjë nga çudija  
bën ç'të dojë Perëndija".  
Q'atë natë më s'e lanë  
edhe Lutit van' e i thanë:  
"Të dalç jashtë Zot i mirë,  
se kombin që pa-gdhirë -  
do t'i ngrem' e t'i lëshojmë  
me gjith se j do t'i sheshojmë".  
Bur'e grua si u plaknë  
i-u fali Zoti Is-haknë  
kaqë fort t'et i përgjante  
sa bota mezi e ndante  
si u thinj i ati mirë  
nisnë ta çquajnë të birë.

## H. Ibrahim i taksi Zotit një Kurban

Ibrahimi kishte thënë:  
"Zoti një bir me të dhënë,  
kurban i a kam për të bërë  
ç'dua më fort ngaj të tërë".



<sup>1</sup>*Sure Hud, ajeti:(ue-mreetuhu, kaimetun...."*

Kishte shkuar kohë shumë  
i u shti një natë në gjumë;  
"Ibrahim s'e mbajte fjalën  
nuk' e bëre kurban djalën".  
U zgjua e po mejtohet  
po nuk' mundi të kujtohet  
tre net me radh' e ka parë  
ëndrën e natës së parë  
doemos nuk' lihet vonë  
do ta therç po deshe Zonë.  
I tha të shoqes: të birë  
e lau dhe e veshi mirë.  
Pastaj tha:" o bir i mbarë  
pra mer thikën e litarë  
kemi në mal për të vajtur,  
duhen pak dru për të mbajtur".  
I del dreqi mb-udh' i thotë:  
"Ibrahim! çë lodhesh kotë  
ish djalli për Perëndinë,  
po mblith mëndjen ku je tinë?  
qysh thënka Zot i vërtetë  
që të therç djalën e vetë".  
"hiqu dreq i tha, ç'më thua,  
s'më gënjen dot kurrë mua".  
U çporr u hoq prej Halilit  
vajti i u qas Ismailit.  
"bir ku vete? Udh' e mbarë  
thik'e litar ç'i ke marë?  
Me t'im-atë në mal shkojmë  
të bëjmë dru t'i ngarkojmë.


Ah o bir? e madhe datë!  
kjo që të bën ty yt-atë  
ëndrën vërtet e pandehu,  
thikën bir për ty e mprehu  
e gënjeu n'ëndër tha plakun  
të të derthnjë ty bir! gjakun.  
qysh i arthka Zotit mirë?  
të thernj'i ati të birë?  
Ngaj ëndra e djallëzuar  
s'duhesh të jesh i gëzuar.  
Mos u loth o i mallkuar  
fjala s'të ka për të shkuar.  
Më vjen keq çun i paritur  
i bukur, mentar i ditur,  
obobo o foshnj' e mjerë  
do të theresh porsì shqerë!  
shporru pra prej meje ikë!  
se mos të ngul do një thikë!  
i mërziur i lëshuar  
i kapitur i mëshuar <sup>-1</sup>  
i shkoj Haxhirit të gjorë  
dyk e rahur kraharorë:  
"nuk' e di ti moj e mjerë  
të të bir ku do ta shpjerë?  
Për një endër që ka parë  
po e shpije për të vrarë".  
Qysh e thua këtë fjalë?  
Të roitnë mëntë vallë.



<sup>1</sup>I rënduar prej shpirtit e fort i bregosur.

Për Zonë s'të gënjej' unë  
është e vërtet tha kjo punë.  
Bir e ka, tha si të dojë,  
ti nemitu mos hap gojë.  
U zemrua fort Haxhiri,  
ngriti një gur e i shtiri  
si s'i ndezi as një herë  
u shpor iku u bë erë.  
Këta të dy më kët' anë  
në Minâ arrinë vanë.  
Tha:" o bir ca net më parë  
ty në ëndër të kam parë  
bir! m'u duke të thernja tynë  
qysh do bëhet hall'i ynë?"  
"mos u prapc tha o im-atë  
bëj sikur ke urdhëratë!  
Për mua keq mos të vijë  
le të bëhet gjaku vijë.  
Po ju lutem të më lithni  
mbi syt gjesent të më hithni!  
Kam frikë se mos përpiqem  
ju vjen keq, thoni "të hiqem"  
Prandaj them përmbys më vini  
mprihni thikën dhe më bini  
Këmishën mëmës ia shpjerë,  
le t'i marë për mall erë.  
Se kursen shpirtin ashiku  
i a fal sa t'i thotë miku.  
Kur kështu për Pejgamberët  
thua kursehen të ndjerët?

si këta dhe evlijaja  
sa të qëndrojë dynjaja  
    Kurbanët e Zotit janë  
    për të s'e kursejnë xhanë.  
E vu poshtë Ismailë  
i a hoqi thikën me sillë.  
    Tri herë thikën i a dendi  
    po nuk' i preu dot gjësendi.  
Dërgoj Zoti Xhebrailin  
ta shpëtojë Ismailin.  
    Dyke kënduar teqbirë  
    i solli dash për të birë.  
Ibrahimi atë kohë  
ngriti kryet që të shohë.  
    I ndigjo Xhibrilit zënë  
    sheh për veshi dashnë zënë  
Tha selam të bën Rahmani  
ty kubull t'u bë kurban.  
    Sihariq të shpëtoj djali  
    këtë dash për të e fali<sup>1</sup>  
Për ty një provim ka qënë  
për kurban që të ka thënë.  
    Miqësin' e kallëzove  
    se as pakëz nuk bëzove  
miqësin e vërtetove  
titullin Halil fitove!



<sup>1</sup>Thuhet se Xhebraili kapi një dash prej një tufej nga dhent e Ibrahimit dhe ia pruri për kurban.

## Një gykim përmbi kurbanin

Në shapitrën e krijimit<sup>1</sup>  
thotë pun'e Ibrahimit:

Ti, dashurin' e rrëfeve  
bir' e vetëm s'e kurseve  
si yjet e si kum deti  
do t'i shtohet zur-rijeti.

Jahudinjtë nga inati  
thonë do bënte i ati -  
Kurban, Is-hakun e mitur  
q'e kish të dashur' të ditur.

Po të kish themel kjo fjalë  
jahudinjtë përse vallë -  
s'e kujtojnë Pejgamberin,  
për nderim kurban nuk therin?

Sa për kurban nga Halili  
u shënua Ismaili.

Pesëmbëdhejtë ka qënë  
ky urdhër kur është dhënë.

Is-haku lindur nuk kishte  
vetëm Ismaili ishte.

Zotit lebbejq<sup>2</sup> duk'e thënë  
çunin Merve e ka shpënë.

Nip i tij Muhamedi  
kurbanin prej kujt e gjeti?



<sup>1</sup>Teurat, shapitr e krijimit. Ajel(16-17)

<sup>2</sup>Lebbejqe, d.m.th. kurdoherë jam ndënë urdhërit tënt: Fjala lebb' lepe që themi, është lehtësuar prej lebbejqe-s.

Sot haxhinjtë përse s'flasin  
vetëm lebbejçe bërtasin?

Merve' Safa herë shtatë  
nxitojnë paçin uratë.

Veç ngjarjen për të përmendur  
me lebbejçe dyk'e rendur.

Fëmija e Ismailit  
u qojt nga an'e Halilit-  
mysliman, që do me thënë  
i përrunjur, nuk qit zënë<sup>1</sup>

Pse nuk i mbeti prej plakut  
myslim, fëmijës t' Is-hakut?

Jahudinjtë an' e mbanë  
nga Is-haku rjedhur kanë

Kurejshit i zihet filli  
pa dyshim nga Ismaili<sup>2</sup>

Ata bijt' e Israilit  
këta bijt e Ismailit.

### **Ndërtimi i Qabesë pastë nder për jetë**

Pas tufanit vjete shkuan  
at e bir prap' u bashkuan  
si e mësoj Xhebraili  
i ndihmoj bir Ismaili -



<sup>1</sup>*Surei Enbija, Ajet: semmaqumu-l-muslimine.*

<sup>2</sup>*Ismaili - semia-il, d.m.th. Zoti lutjen e Ibrahimit e ndigjoj, e pranoj për të birë.*



verë balt'e ngarko gurë  
i a bënë Qabesë murë.  
Gure zi e pruri djali  
dyk'e ngarkuar nga mali.  
E ngriti e vu i ati  
atje, nevojë ku pati.  
I treti ish ky ndërtimi  
që ka bërë Ibrahim  
Halil' i Zotit, mbarë  
Halilu-Rrahman ka varrë.  
Brisku, misvaqi, sunneti  
nga Ibrahim na mbeti.  
Dhe ca zakone të tjetra  
të pëlqyera, të vlera -  
prej atij mbetur na kanë  
sunnet ishin, sunnet janë  
zemër-bardh' i madh ka qenë  
sikujt do buk i ka dhënë  
shtëpi e tij s'kishte derë  
hynin' delnin, dimër, verë.  
Ibrahimi tërë gjenë  
për shpirtit vakf e ka lenë.  
Dhe sot vakfet e tij janë  
ndritin Halilu-Rrahmanë.

### **Is-haku (A.S.)**

Që kur ishte gjallë plaku  
u bë pejgamber Is-haku.

I biri në Qenan vajti  
vetë Falestinin mbajti.  
Pas martesës së sij pakë  
i u lintnë dy djem binjakë.  
U lint Isi më parë  
pastaj ra Jakub i mbarë.  
Thonë për Isin i ati  
dashuri më tepër pati -  
dhe e Ëma çunin tjetër  
e donte prej sij më tepër  
me të plakur syt' e lanë  
e më s'e njihte dynjanë.  
Isit i thotë një ditë  
"m'u shti për gjah bir! O dritë  
po ma solle këtë natë  
të kam për të dhën' uratë"  
jashtë derës ish e Ëma  
i ndigjoj fjalët që mbrëma.  
Jakubit që pa gëdhirë  
"shpejt i tha një gjah të mirë"  
sa kaq një dhi e zuri  
i a cigarithi i a shpuri.  
e hodhi dorën mbi t'anë  
zën' e ngjau në të vëllanë  
plaku tha:" për të çuditur  
kjo punë qysh ka goditur?  
Dorën të Isit kam zënë  
Jakubit i ndigjoj zënë"  
e uroj tepër të birë  
rrofsh t'u bëfshin bijt e mirë.

desh Jakubit Perëndija  
nga të bijt' e nipërija,  
Pejgamberë mijra ardhë  
se u ndoth me fat të bardhë.

### **Jakubi (A.S.)**

Me Isin qe i prishur  
prej Qenanit ish pështishur  
ngaj kjo gjë në Shâm ka shkuar  
me rreth të xhaxhajt bashkuar  
atje ishte mot i zisë  
tharë krahun njerëzisë  
ngaj që s'i u kish mbetur drithë  
në zi mbetur bota gjithë  
si peshku pa ujë mbetur  
një pus kishin; i u kish fjetur  
i tregoj ungji zinë  
edhe pa ujë si rinë.  
u ngrit sa kaqë më s'priti  
ngaj pusi pak ujë qiti -  
piu dhe ç'mbet mbrënda e hodhi  
dha Zoti si lumë rodhi.  
Isi dy vajza kishte  
m'e bukur e vogla ishte  
kur pikasi këtë punë -  
ajy u shti fort më çunë  
atëhere Isit, nipi  
çupën e vogël i lipi

"po m'i rojte dhentë mua  
shtatë vjet, ta jap kë thua"  
pas fjalës shtatë vjet shkuan  
ardhi nata u bashkuan.

## **Lindja e Jusufit (A.S.)**

Lindi hën'e bukurisë  
q'i diqte shpirtin Perisë -  
prej Jakubit të Is-hakut  
q'ish bir i Ibrahim plakut.  
Nga një lulisht e bekuar  
me dor' ëngjëlli mëkuar.  
Luleja e shenjtërisë  
burbuqja e foshnjerisë.  
Lindi Jusufi i hijshëm  
plot bukuri e i shijshëm.  
Si burbuqe buzë-çelur  
prej mëmës i përkëdhelur.  
Vehten mirë pa papërmiedhur  
fati helmin ia pat hedhur.  
E kapi e shkreta gjëmë  
hën'e bukur mbet pa mëmë.  
E mori foshnjën e mitur  
i ati dhe për të rritur  
së motrës së tij ia shpuri  
edhe i a lëshoj nde gjuri.  
E ndau por shpirti s'i ndahej  
s'i flihej plakut s'i hahej.

Nat'e dit'e vizitonte  
mallëngjimin e lehtonte.  
Disa vjet kështu ka shkuar  
atje ndenj çun 'i bekuar.  
Së motrës i tha një ditë  
më s'ndahem dot nga kjo dritë -  
por të ma dërgosh të lutem  
më s'duroj dot po këputem.  
Tetoja si ndëgjoj fjalën  
që vëllaj i kërkoj djalën  
i pikoj në shpirt si helmë  
por s'bëzoj nuk hodhi shqelmë.  
E ka për zakon ç'do femër  
s'flet, helmin e fsheh në zëmër.  
Veç se me mendjen e vetë  
gjeti një lajkë të shkretë.  
Që me një hîle të tillë  
do i a gjejë punës fillë  
ka patur një bres ndër duar  
prej Is-hakut trashëguar -  
bres pas brezi kishte mbetur  
prej kujdesit s'ishte tretur.  
Si e lau çunin e veshi  
pshehtazi brezin i a ngjeshi.  
As kujt gjësent pa treguar  
të vëllait i a ka dërguar.  
Pas pak orësh plak' e shkretë  
shkon nde Jakubi dhe vetë.  
Bërtet' qan: më humbi brezi  
o Jakub më griu për mezi

As pleq as foshnja nuk lanë  
një nga një të gjith i panë.

Së fundi Jusufi i mjerë  
kur u vërejt për qemerë -  
u zbulua kush kish qenë  
pas ligjës rob e ka zënë.

Mall i vjedhur ku të gjindej  
vjedhësi duhesh t'i bindej -  
si npas ligjës q'e dënonte  
mbahej si rob dhe punonte.

Kësisoj Jusufi i gjorë  
i ra hallos rop në dorë.  
Pati fat, gjatë nuk mbeti  
se plaka përjetë fjeti.

Kështu Jusufi bekuar  
me t'an është ribashkuar.  
Shtëpija i u lulëzua  
s'rrëfeket sa u gëzua.

Si të mos i qeshte syri  
në shtëpit hëna i hyri.  
Ajo hën' e bukurisë  
Afrodit e Perëndisë -  
jepte një shkëlqim një dritë  
q'i kishin nakar peritë.

Ajo bukuri, një ditë  
do t'i diqte mushkëritë -  
Zeliasë që po flinte  
në gji të s'emës gjë s'dinte.

Ku dinte gocëz e mitur  
se në një kohë të pritur -

shpirt' i saj do të përzhitej  
edhe pakëz sa të rritej.

## **Atheu dhe fisi i Zelihasë**

Mbreti i Fasit Tajnusi  
shum i naltë nga namusi -  
Vetij' ëngjell' fort i mirë  
zemrat ndër dor' i kish shtirë.  
Ç'do q'i duhej mbretërisë,  
prej së hollash, prej fuqisë  
si nga toka, si nga deti  
krejt i kishte gati mbreti.  
Kish përmbledhur lumtërinë  
bota i a kish zilinë.  
Zelihaja ish e bija  
q'ish më e bukur se perija.  
Syn'i fatit nuk kish parë  
aqë të hijshme të mbarë.  
Njeriu hijen t'i shëkonte  
në zemër vrer i pikonte.  
Sikur n'ëndërr t'i faneksej  
llahtarija do t'i feksej.  
Medoemos do të çmendej  
Perija kur t'i përmendej.  
S'është e mundur bukurija  
si e thotë historija -  
të kallëzohet si duhet  
me një pendë që gjë s'quhet.

Me një pëndë q'është e çalët  
qysh mund t'i rradhijnë fjalët:  
Shtat-derdhur edhe e naltë  
buz e saj i rrithte mjaltë.  
Trëndafili turpërohej  
në faqet të saj t'afrohej.  
Mysku kishte turp të delte  
në një vënd ku ajo shkelte.  
Gush e saj ish rrathë rrathë  
zbarthte si gombolja djathë.  
Le pale fijet e flokut  
er' i falnin borzilokut.  
Qiparet i a kish qëndisur  
ajy që e kish jaratisur.  
Për qeshje buzët të hapte  
tufët lule i përhapte.  
Me një sy me bisht kur shihte  
zemrën me neshter ta krihte.  
Qepallat e saj të shponin  
përnjëherësh të renonin.  
Llër'e saj ndritte shkëlqente  
si rëz e djellit rrënjente.  
Kur ecte ngrihej nga vëndi  
nga ajo kish turp ergjëndi.  
A thua rrashta nuk kishte  
nga pambuku m'e but' ishte.  
Atë s'munt ta çfarësojë  
njeri me pend'e me gojë.  
I ati atë e pshihte  
as syn'i djellit s'e shihte.



Çuna mbretëresh e të tjerë  
me të ndëgjuar njëherë -  
bëheshin ashik të gjorët  
mbasi s'kishin gjë ndë dorët.  
Sicili gojën e qepte  
se i ati nuk i a jepte.  
Se sa ashikë të ngratë  
digjeshin por në të thatë.  
Ku ta dinte Zelihaja  
që për të digjej dynjaja.  
Kurdoherë dëshironte  
me dëfrim zemrën ta shronte  
porsi gjith gocat që rriten  
lozin me kuklla zbavitën.

**Filloj er' e holl' e sevdasë të fryjë  
në zemrën e Zelihasë.  
Gjumi iu ngrit**

Gjum i ëmbël zu t'i vinte  
si për net u shtri të flinte.  
Ky gjumë s'ish si ngaherë  
për zemër liksht e ka prerë.  
Gocat erdhën trëmbë trëmbë  
i fshinë faqet ndër këmbë.  
Sado ngritur ish nga shtresat  
por e hutuar nga shpresa.  
Si nga herë s'kudëzonte  
nga turpi aspak s'bëzonte.

Zemr' e djegur gjak i thithte  
por duronte lot s'i rrithte.  
Filloj me shoqet të flasë  
qesh' por për syt e dynjasë.  
Prej gojës i delte fjala  
por zemra plot me andrralla.  
Gjuha me shoqet i fliste  
por helmi në zjar e klliste.  
Trupin në çupat e kishte  
por shpirtin aty nuk ishte.  
Sytë ndër ato e mjera  
në zëmër kishte të tjera.  
Frenin më s'e kish në dorë  
s'dinte ç'thoshte çup' e gjorë.  
Zemr'e saj në fyt të sprihës  
këmba në majët të grihës.  
Mëndj'e saj mikun mentonte  
gjuh'e saj mikun kujtonte.  
Nga shpirti i delte ahu  
pas shtyllës i vritej krahu.  
Ku je o ar i kulluar  
zemrën ma ke përveluar.  
Zemrën ma kape dhe ike  
s'më the cili je, më fike!  
Emrin tënt s'ma kallëzove  
as për vëndin s'më bëzove.  
Në je mbret emrin ç'ta thonë  
në je yll ku ma ke fronë  
në qofsh Peri ku je pshehur  
çerdhen në ç'vënd e ke ngrehur.

O ëngjll i bukur m'u çfaqë  
pa ndjersur qime' mustaqe  
qetësinë ti ma vodhe  
në shtrsat gjëmbat m'i hodhe.  
Syt' i mbyllte, i shtrëngonte  
gjoja mendjen ta largonte.  
Gjer agoj nata nuk fjeti  
lulja me lot ndër sy mbeti!  
Shumë net kështu gëdhihej  
fat i zi me të zgërdhihej.  
Shtres e saj i mbushej ferra  
por nuk qitte zë e mjera.

### **Zeliasë fytyra iu ndërrua dhe plaka q'e pat rritur filloj të helmohej.**

Nga harku i bukurisë  
del shigjet'e dushurisë.  
Dhe ku ngulet le vurratë  
e shpon' e bren dit e natë.  
Dashurinë Zelihaja  
e mbulonte nga dynjaja.  
E mbante pshehur në zemër  
dhe s'bëzante trimja femër.  
Por ç'i bën nga çdo qepallë  
lot e saj vinin vërdallë.  
Nga zemra që i llukiste  
me pahir ah kur thërriste -

lëshonte tragë drejt qjellit  
si re syt i zinte djellit.

Kush ta shihte atë tragë  
zembr' e tij mbushej plagë.

Venitur verdhur fytyra  
faqet e saj ngjyra ngjyra.

Lul'e buzës i qe vyshkur  
uj'i dhëmbëve qe ndryshkur.

Merej vesh sa do që s'fliste  
kishte një zjarr po e ndiste.

Gocat e pallatit panë  
s'është si ish, Zelihanë.

Përse rri than'e hutuar  
e turbull dhe e mentuar.

Njëra me tjetrën po flasin  
por sëmundjen s'ja pikasin.

Një tha dofta sysh ka rënë  
hutuar vehten ka zënë.

Një tha: e kanë zaptuar -  
peritë, rri e hutuar.

Një e ka zënë magjija  
pra s'është ndër ment perija.


Një: ndër ëndër mos ka parë  
vashëz e mitur e mbarë -

ndonjë figurë të bukur  
dhe sakaq' i është çdukur.

Sicila nga një gjë ngjizte  
me tahmin nga një gjë fliste.

Por asnjëra s'kudëzonte  
pëllumbeshës t'i bëzonte.

Ishte taja q'e kish rritur  
plak'e vojtur' shum'e ditur.  
Fort e provushme në jetë  
në ç'do pellk kish rënë vetë.  
Para çupës arth një natë  
tha: o bijë jetë-gjatë!  
Zemra tënde mos mëshoftë<sup>1</sup>  
buza tënde gaz lëshoftë!  
Pëllumbesh' e mbretërisë  
mbretëresh e bukurisë -  
që ditën q'u linde bijë  
që s'dinje as haj as pijë -  
Kërthizën e Zelihasë  
e preu kjo shpat e sevdasë  
me myshk me gjylyp të lava  
prej sat' ëme krejt të ndava -  
në djep të përkëdhelisë  
shpirt' i im të dhashë sisë -  
nat' e ditë jam këputur  
jam djegur rrotull si flutur  
pas shërbimit jam kapitur  
andej këndeje kam trapitur -  
ngrihëshe, në këmbë rrinja  
flinjë, të rrinja te brinja -  
edhe sot në këmbë bijë  
më ke sido që të vijë.  
Ç'ke në zemër kallëzoma  
folë ç'ke, shpirtin gëzoma



<sup>1</sup>Mos ndjelltë të këqija, mos u mërzhittë, mos u theftë etj. (toskënisht)

prej kujt është ky merak?  
m'u venite, ç'është shkaku?  
Ç'është ky hutim i shkretë?  
sido një shkak do ketë.  
Përse u fshik trëndafili?  
përse u vanit kandili?  
Përse djelli s'po jep dritë?  
përse hëna mbet e mpitë?  
Padyshim e di mir' unë  
ty, të ka ngjarë një punë.  
Kush e di se qysh ka rënë  
je goditur në një hënë.  
Veç kush është kallëzomë  
bukuroshe bisk i njomë!  
Të jetë në qjell përperjetë  
a se në dhet tatëpjetë -  
në dor' e kam për të shtënë  
veç më kallëzo o hënë.  
Kur pa plakën q'i zotohet -  
për hallin e saj mentohet  
çeli gojën Zelihaja  
t'i derthnjë derdet e saja.  
Ç'të të them o taj' e shkretë  
emrin nuk ja di as vetë.  
Njëher' ëndër me të parë  
mendjen, zemrën ma ka marë.  
Si e pa plaka mentare  
se kjo punë nuk ka çare.  
Filloj t'i japë këshilla  
që këto ëndra të tilla -

s'janë gjë veç djallëzore  
për të dhënë njeriut zore.  
Zelihaja tha, qysh dreqi  
të më çfaqet si meleqi?  
Plaka tha kjo është hije  
se njeriu në shtrat kur bije -  
Ç'të mentohet sheh në gjumë  
më ka ngjarë mua shumë.  
S'më ka shkuar ndërmënt kurrë  
të sjell ndër ment ndonjë burrë.  
Bij' i tha nga mëndja hiqe  
s'është gjë kjo letër digje.  
I tha : ta kisha në dorë  
a të bëzonja e gjorë?  
Freni nga dora më dolli  
më bëri rob vetull-holli.  
Në zemrën e ngushtë t' ime  
fytyr e tij shtruar nj'ime.  
Sa prishet prej gurit shkrimi  
aqë më shkulet mentimi.  
E pa plaka që s'i ndezi  
u ngrit sa u çel mëngjezi -  
Shkoj ne mbreti i qan hallë  
i a solli mendjen vërdallë.  
E çdo të bënte i ati  
kur e kish në dorë fati.

## Ëndra e dyt' e Zelihasë

Hoqi motmot Zelihaja  
digjej në tymt nga sevdaja.  
Më s'e shihte dot fytyrën  
sado ndër mënt e kish ngjyrën.  
Thosh: o fat unë ç'të bëra  
që m'i punove të tëra.  
Mezin si harku ma kruse  
më brengose më urguse.  
Le që zgjuar se shoh unë  
por në gjum' a s' është punë?  
Pse kursenesh fort i shkretë?  
s'ma rëfen ëngjëllin me fletë.  
Kështu vajtonte një natë  
pëllumbesha past uratë  
u plas më nj'an, e kapitur  
me një zemër të përzhitur -  
me mentime si po meresh  
e kapi gjumi një heresh -  
në shtrat mirë pa u shtrirë  
shpirt' i saj i ka arrirë.  
Po ajo fytyr e parë  
për të cilën kishte zjarë.  
Me të parë Zelihaja  
drejt në kambë nga tasaja<sup>1</sup>




<sup>1</sup> *Derd, gajle, helm, brengë.*



Puthi dhenë dyk e thënë:  
trup-ergjënt ku më ke lënë?  
Zemrën t'ime ma zhurite  
trupthin në zjart ma përzhite.  
Të ve bê për Perëndinë  
që të fali bukurinë -  
edhe ty mbret të ka bërë  
përmbi të bukurit të tërë -  
shtatin tënt s'e ka kush kurrë  
buza tënde ngjall sëmurë -  
i betohem Perëndisë  
për dritën e bukurisë -  
që më dogji porsit flutur  
gjallë në dhet më ka futur  
për ato flokët e tua  
q'u bënë zinxhir për mua  
dhe i lithnë mënt e mija  
bëftë derman Perëndija -  
Për këto bê që të vura  
emrin e Zotit të zura -  
Kaq' i bukur kush je tinë  
tregom' atdhe' e shtëpinë.  
Bir njeriu jam e uruar  
uj'e baltë jamë krijuar -  
Në qoftë se më do mua  
me vërtet ashtu si thua -  
dua të qëndrosh besnike  
po more tjetër më fike.  
E ç'kujton e mjera femër  
a veç ti ki zjar në zemër -

q'atë natë që të pashë  
dhe vetë n'atë lak rashë.  
I u çel syri Zelihasë  
kur ndigjoj pun'e sevdasë -  
q'edh' ajy ashtu po digjej  
me mallëngjim i përgjigjej -  
zjari më tepër i u shtua  
fare u deh, u hutua.  
Së mjerës gjumi i dolli  
gjith ç'pati përmënt i solli.  
Freni i mëndjes i iku  
Sevdaja zemrën i a piku.  
Rrënkimi mbi qjell i shkonte  
zemra gjak' vrer i pikonte.  
Petkat e shpirtit i çante  
me lot prej gjakut i lante.  
Herë përmbi dhet lëvrihej  
si kurban i therur shtrihej.  
Herë herë flokët i shkulte  
nëpër faqet thonjt i ngulte.  
Shërbëtoret e rethuan  
sa nuk i shihnje dot thuan.  
Gocës i japin i marrin  
s'mundin dot t'i a heqin zjarin.  
sado ngushëllim i jepnin  
s'bënte dobi, buzët qepnin.  
Si e mori vesh i ati  
mblodhi gjith mjekët që pati.  
Lloje barnash i ndërjuan  
por derdin s'i a kuptuan.

Prej syresh një q'ish m'i parë  
tha sefte duhet gjak marë  
    Si s'pa dobi tha i pari  
    duhet një gjarpër prej ari -  
në puplat të saj t'i lithet  
si një nomâtî t'i hidhet -  
    Si thesar i bukurisë  
    i duhet gjarpri perisë<sup>1</sup>  
qê ta mpronte nga kusarët  
nga të poshtët, magjistarët.  
    Nga kjo lidhje mbretëresha  
    u kënaq tha këtë desha.  
Kurse në zemrën e Zelihasë  
me zinxhirin e sevdasë -  
    thosh me vehte, është lidhur  
    këmbët pse t'i rinë zgjidhur.  
Le të kënaqet pra fati  
s' u kursye kokë-thati-  
    m'i punoj gjith marrëzitë  
    mjerimet e keqësit.  
Ndenji një kohë të gjatë  
hedhur pëllumbesh e ngratë.  
    Herë qeshte herë qante  
    petkat me lot-sysh i lante.  
Le të heq thosh un' e mjera  
më grisi era e sera.



<sup>1</sup>Gjoja që moti kur i mbulonin hazinetë në dhet sipër i u vinin gjarpër metalesh që kësi soj të mos mundte kush ta nvuthte.


Të më heqin një qint shpata  
të parpiqem un e ngrata  
të përpiqem sa jam gjallë  
porsi deti që bën valë -  
nuk më dhimbet vehtja t'ime  
mikut mos m'i pshtetet qime.

### **Ëndr' e tret' e Zelihasë Jusufi i a kallëzoj vëndin**

Eja zjar i dashurisë!  
o mburim i lumturisë!  
Herë paqë, herë luftë -  
sjell, Zoti mbarë ta pruftë!  
Herë herë ç'ment mentarët  
heth në pranga më të parat.  
Herë herë një të çmendur  
e bën njeri të përmendur.  
Kush lidhet prej njerëzisë  
në gërshetat të perisë -  
ka vrarë vehten, për jetë  
i hutushëm sa të jetë.  
Kështu ishte Zelihaja  
gjith e humbur nga tasaja.  
Ajo vehten nuk e dinte  
shtat'i saj krusej sa vinte.  
Hijen nga sytë s'e ndante  
tokën gjith me lot e lante.  
Kur ishte zgjuar, kur flinte

mikun nga goja s'e linte  
thoshte: ku je i uruar  
përse s'vjen më ke haruar?  
Ti mëndjen ma përlave  
dhe zëmrën sa ma përndave -  
tani-s'më del në syt fare  
njeri je, peri a ç'fare?  
S'ta di emrin të therisnja  
s'ta di vëndin të barisnja  
kështu kuspull më ke lidhu  
në një gjëndje fort të hidhur.  
Në syt tënt s'kam ndonjë vleftë  
më rëntë pika më greftë.  
Po ta donte nderi tynë  
që ta çilnje pakëz synë -  
me një vështrim të më shronje  
a se krejt të më mbaronje!  
Mos pësoftë kush si mua  
në botët as bur' as grua.  
Si mua kush mos u djektë  
më mir' i pikoftë, vdektë.  
Kështu si mua ç'të rojë  
prindet kot t'i turpërojë.  
Më s'i u lashë sy e faqe  
më s'rinë dot ndër konaqe  
Sherbëtoret i hutova  
zemrat i a u copëtova.  
Si do ta shkoj këtë jetë  
nat'e dit' ah un' e shkretë.  
Tërë derdet i radhiti

s'mbylli gojën gjer dremiti.  
Nga ky gjumë këtë herë  
po rilindej goc e mjerë.  
I u çfaq fytyr e bekuar  
kjo i u qep dyk e rënkuar.  
Ku je yll i bukurisë?  
Hën'e plot' e Perëndisë?  
Ma rëfeve vehten tënde  
shpirt, dy herë sa më çmënde.  
As emr' as vënd s'më tregove  
fësht<sup>1</sup> nga sytë m'u largove.  
Zemrën me vehte ma more  
nga njerëzimi më nxore.  
Të ve bê për Perëndinë  
që ka çpikur gjithësin -  
si ëngjëll të krijoj tynë  
djek botën kur i u heth synë.  
Emrin, vëndin kallëzoma  
ngjallma shpirtin e gëzoma!  
Tha: me kaqë mjaftoka  
të të them ku është toka.  
Ministër jam emëruar  
ndër Egjyptë kam qëndruar.  
Zelihanë këto fjalë  
e forcuan e ringjallë.  
Trupth i saj rish fuqi mori  
dufin e vjetër e nxori.  
Mëndjen e turbullt e mblodhi



<sup>1</sup>frik, njëherësh

derdet krejt prapa i hodhi.  
Me gaz shërbëtoret thirri  
i u afruan te piqiri.  
I u tha: goca pra ndigjoni  
shkoni dhe sihariqoni -  
atin t'em se sonte shpresa -  
m'u mbarua, u çkujdesa.  
Mbreti kur u lajmerua  
tha: fati qënka me mua.  
kishte kohë që s'i shkonte  
vajzën me sy ta shikonte.  
Rinte lidhur trubëlluar  
me zemër të përvluar.  
Tani u ngrit mbreti vetë  
të shohë bijën e qetë.  
Shërbëtoret, shërbëtorët  
nga gazi përdhe të gjorët -  
unjnë kryet puthnë tokën,  
pastaj ngritnë tërma kokën.  
Ajy gjarpri me dy krerë  
që mbante çupa e mjerë -  
i u zgjith sakaqë nga këmba  
q'i shponte puplën si gjemba.  
Gocat një fron t'art prunë  
mbretëreshën sipr e vunë.  
Disa dit kështu ka shkuar  
pëllumbesha e bekuar -  
Fliste, qeshte me vërsniket  
me ato si më besniket -  
por fjalën ngado ta çelte

fundi ndë Egjyptë ngelte.  
Me Egjyptë e mbyllte fjalë  
dyk'e vënë kapak djalën.  
Në mos po, rrinte nuk' fliste  
mentohej, në det humbiste.

### **Mbretit po dërgojnë ndërmijetësa kërkojnë Zelihanë, por vetëm nga Egjypta s'ardhi kush**

Bukuri e Zelihasë  
hyri në vesh të dynjasë.  
Në çdo shtet ajo lëvdohej  
kudo kënga i këndohej.  
Mbretërija nga çdo anë  
po kërkojnë Zelihanë.  
Por ajo asnjë s'pëlqente  
se donte mikun ta gjente.  
Nga Europa, nga Asija -  
nga Afgani, nga Persije -  
nga Syrija, nga Greqija -  
nga Çini, nga Japonija -  
nga ç'do vise njerës ardhën  
e kërkuan sisë-dardhën:  
Sikush takste një dhuratë  
që prej saj hutuhen gratë.  
Mirë po kjo trup-ergjënda  
as për gjë s'ia kishte kënda.  
Xhevahir e ar nuk donte  
kjo tjetër këngë këndonte.



Nuk i duhej xhevahiri  
priste njerës nga Misiri.

Nga gjith anët u çkarkuan  
tërë mbretërit më kërkuan.

Nga Egjypta qysh s'ka dalë  
mir' a keq si do një fjalë!

Goca kësi soj mentohej  
nga miku s'shihte gjë; ftohej.

Me gjith atë gojë s'çelte  
priste puna ku do delte.

I ati i tha një ditë:

"o hën' e bukur plot-dritë!

Zër' i bukurisë tënde

ka arrirë në ç'do vënde.

Mbretërija mëntç po prishen  
edhe nga fronet po çvishen.

Nuk kanë gjekund synë  
vetëm të të marin tynë.

Sa mbretër patën dërguar  
një nga një ja ka treguar.

Atë asnjë s'e gëzonte

Veç digjonte e s'bëzonte.

Ajo nga Egjypta priste  
i ati gjë mos i fliste!....


Por kur pa që s'ish në listët  
çupën e mbuluan djersët.

Sytë liksht i u zgërdëlluan  
alivanët e mbuluan.

Lotët si rrëke i vanë

dhe e pa njëherë t'anë:  
Të mos më kish lindu mëma  
a të më kish marë nëma  
të mos më vinin në sisë  
të kisha shkuar në pisë -  
a lija të më kish ngrënë  
gjer sot të mos më kësh lënë.  
Ç'të bëra o fatë ç'të bëra?  
për mua brengat e tëra?  
Prej detit një rë të ngrihet  
dhe përmbi botën të shtrihet -  
asnjë s'le pa ngopur reja  
për mua ruhet rufeja.  
Fat i shkretë ç'ke me mua?  
Ç'të kam bërë as më thua?  
Zemrën ma bëre thërime  
a ke qëllim vdekjen t'ime?  
Nga mos-drejtësija tënde  
që shpatën në shpirt ma dënde  
unë qëkuri kam vdekur  
ri e zalisur e mekur.  
Qënkam në gaz a në helmë  
ç'ke fat që më heth shqelmë.  
Qënkam e ëmbël e hidhur  
a qënkam në pranga e lidhur  
rri o fat ti ç'ke me mua?  
Ç'kërcëllonësh si dragua?  
Tek më mori mua lumi  
tek s'më merr tërë natën gjumi -  
tek ma mori era vrahun

tek ma theu fortuna krahun -  
tek më kapi si zog laku  
tek më kafshoj përçollaku -  
shiko punën fat i shkretë  
lërmë pra të rri të qetë.  
Ç'zemër le ti pa plagosur  
ç'shpirt le ti pa handakosur?  
Ç'çerdhe le ti pa gremisur  
ç'shtëpi le ti pa vitisur?  
Ç'lule le ti pa venitur?  
Ç'bimë le ti pa krasitur?  
Fat nuk kam punë me tynë  
nuk dua të shoh synë.  
Si e pa kështu i ati  
që qahej goca nga fati -  
kërkoj nga mblesësit<sup>1</sup> ndjesë -  
se trëndafili me vesë -  
s'ka dëshirë për martesë  
virg e pastër do të vdesë.  
Ardhësit të dëshpëruar  
me shosh ujë nëpër duar -  
u përgatit sikush niset  
për të shkuar nëpër viset.



<sup>1</sup> mblesës - ndërmjetës! Që hyn në mest për fijim

## I ati i Zelihasë i dërgon një ndërmijetës ministrit të financave nd' Egjyptë

Mushkërit' e Zelihasë  
plagë plagë prej sevdasë.

Me të pikasur i ati  
sëmundjen se ku e pati -  
mentoj dhe, një mentar gjeti  
të cilin s'e kishte shteti.

Me dhurata e pajosi  
dhe e nisi te balosi.  
Ngarkuar në xhevahirë  
zuri mblesësi Misirë.

Para ministrit ka dalë  
i përulet dhe nis fjalë:  
qofsh i nderçim zot i epër !  
të rritë Zoti më tepër !

Prej mbretit tim ke të fala  
të çon dhurata të rralla.  
Ka një çupë që s'ka shëmbëll  
mendje-lartë, gjuhë-ëmbël -  
ajo është ëngjëll drite  
karshi saj hëna rri mpitë.

Perija ka turp t'i dalë  
Karshi saj duket e çalë  
E shkon arin ç'do fill floku  
karshi saj ç'vlen borziloku?  
Ku di fëllëza mitare  
para saj të ecë fare.

Mbretërija an' e mb'anë  
për atë të djegur janë  
gjak i u pikon për të zemra  
por asnjë nuk pëlqen femra -  
ndë Egjypt e ka sevdanë  
s'heq dorë t'i falç dynjanë  
s'e di faqe-trëndafil  
pse i pëlqen uj' i Nilit?  
Egjyptën s'e lë nga goja  
a është krijuar gjoja -  
nga ky dhe që s'i haronet  
qan e qan sa po mbaronet.  
A e ndjell' uji e toka?  
që s'i mbushet aspak koka!  
N'e pranofte shkëlqesija  
t'i bëhet zonjë perija -  
le ta mbajë shërbëtore  
shërbimi i vjen prej dore.  
Si ndigjoj këto Azizi,  
në çast prej vëndit lëvizi -  
me një përulje të fortë  
filloj mblesësit t'i thotë:  
mbreti kur më pranoj mua  
s'kam gojë t'i them s'e dua.  
Pluhr' i këmbës së saj t'isha  
përmbi krye do ta kisha.  
Të jem funt e krye gojë  
a të jem pendë dhe bojë  
s'e kallëzoj dot gëzimin  
kur fatin e paskam t'imin.

Kundërshtim nuk del prej meje  
po kërkoj ndjesë prej teje -

se mbreti i shtetit tonë

kësi soj e ka zakonë -

që një orë t'i largonem

si fajtor do t'i tregonem.

Të më ndjeni pra ju lutem

se prej shpatës së tij tutem.

Mirë-njohtës i tij quhem

për të shpirtin jap nuk druhem.

Ku ka goca qindra mijë

trup-ergjendta e plot-shijë

shtat i tyre shkon servinë

dit e natë si put rrinë.

I' u rjeth buza sheqer' mjaltë

perinë e lënë në baltë.

Prej hyrive ndryshim s'kanë

prej nuri krijuar janë.

Erë myshk i u mbajnë flokët

ç'thurur, lëshuar mbi tokët.

Vetiu e kanë stolinë

përmbi frone t'artë rrinë.

Prej sij lejë pa kërkuar

nuk mundim për të ngarkuar.

Pastaj nisim përgatitim

zgjedhim njerëz dhe i qitim -

zgjedhim burra nga mentarët

nga të nderçmit' nga të parët

t'i vendosim në karocat

bashkë me disa nga gocat

me një madhështi të shkojnë  
pëllumbeshën ta ngarkojnë  
me një përkëdhelje ta sjellin  
Misir, të ndriçojnë qjellin.

Mblesësi kur ka ndigjuar,  
prej gazit është rëgjuar  
unji kryet puthi dhenë  
filloj të lëvdojë mbrenë.

I tha im-zot s'ka nevojë  
ministri njerëz të çojë  
ka shumë vise në dorë  
ka pa numër shërbëtorë -

Si gjeth drurësh petka nderi,  
lumtërit e tjera leri!  
Pas dëshirës që ke tinë  
do të ta sjellim perinë.

Kur ajo pem' e shijuar  
për tynë qënka krijuar.

### **Sihariqi i pranimit erdhi prej Misirit edhe Zelihaja filloj të përgatitet e të stoliset.**

Buri me mëndje në krye  
nga Egjypte u këthye.


Lajmin kur i a zuri veshi  
buza e Zelihas'i qeshi.

Nga pranim i jetë-gjatit  
i u çel trëndafil i fatit.

I u bë ëndra e vërtetë  
brenga i u zbërthye vetë.  
Nga gëzim i math i çupës  
nga çkujdesimi i pupës -  
i ati fort u gëzua  
tha fati u bë me mua.  
Kur palloj zogu i fatit  
m'artht në kulmit të pallatit  
jam i lumtur' i gëzuar  
me një fat të lulëzuar.  
Tani paj'e nusërisë  
pas shkallës së mbretërisë -  
duhet gatitur së shpejti  
të mos thonë se na rejti.  
Kështu tha dhe nisi mbreti  
për pajim si ish adeti  
mijë kuklla greke' ruse  
tër' i kishin bërë nuse -  
vëth xhevahiri në veshët  
fort të çmueshëm në peshët  
Petka të mëndafshta veshur  
breza të kristalta ngjeshur -  
në gushët gjerdan inxhijë  
si squk e qjelit plot hije.  
Kësullat e tyre t'arta  
me vlefta shumë të larta  
Kështu mijëra shërbëtorë  
thua ishin gjith një dorë.  
Veshur gjithë si bir mbreti  
habitej në ta qyteti.



Dhe mijë kuaj si erë  
prej Arebisë të blerë.  
Me shala t'arta stolisur  
me lloje lulesh qëndisur.  
Veçan dhe deve një mijë  
kur ecnin qitnin shkëndijë.  
Njëqint kamela veç pajë  
një mijë vjet s'mund t'i mbajë.  
Dyqind shtresa të kumashta  
që s'gjëndeshin dot përjashta -  
Dhe shumë gurë të vlerë  
xhevahir' jakut' të tjerë -  
Dy qint kuti myshk tatari  
zablat' amber' ûd-kumâri.  
Pastaj gocën për të hipur  
bënë një qoshk fort të kripur  
Druri prej sandali prerë<sup>1</sup>  
që sa gjall të ketë erë.  
Tavan i tij me ar shkruar  
me lloj lule zbukuruar.  
Thoshe, ish kubbe e qjellit  
përhapur rezet djellit.  
Yjet atje krejt shënuar  
fort me mjeshtëri punuar.  
A ish lulisht e Xhennetit  
q' i përgatitej Profetit.<sup>2</sup>



<sup>1</sup>Një lloj dru që er e mirë naturale që ka, s'i del kurrë

<sup>2</sup>Pas kohe përgatitej për H. Jusufin

Zelihaja mbretëresha  
në çerdhet si pëllumbesha -  
u fut brënda dhe u nis në  
afër një muaj degdisnë.

Rrugës në çdo vënt natonin  
me lukset botën hutonin.  
Drurët<sup>1</sup> binin këngat zjenin  
rrugëtarët lodhje s'ndjenin.

Zelihaja sa afronte  
zembr'e saj fluturonte  
ah kur do ta shoh Misirin  
të piqem me xhevahirin.


Ku e dinte goc e mjerë  
që po shkonte në skëterë.  
Nat e brengës po i zgjatej  
dhe fati po i mbufatej.

Egjyptës kur i u afruan  
çuan një, i lajmëruan.

**Azizi i Misirit' ardhjen e Zelihasë me të marë  
vesh përgatiti ushtërinë për pritje nderimi.**

Nga gaz i sihariqimit  
ment i luante mëndja trimit.

Në çast mblodhi ushtërinë  
kalorësit këmbësinë -



<sup>1</sup>Sazet

i veshën petkat e reja  
ngjeshëm armët si rrufeja.  
Në tjetr' anë, gocat' gratë  
nga stolija pik'e datë.  
Populli me gjith të parët  
muzikanët' këngëtarët -  
edhe kabinê e mbretit  
duallën jashtë qytetit.  
Buçisnin e zjenin mallet  
nga kënkat edhe nga vallet.  
Kështu tri dit udhë hoqën  
me krushqit gjer sa u poqën.  
Çadërat që patën ngrehur  
atje krushqit për të shprehur -  
të mëndafshta ishin tërë  
punuar me ar' me sêrë.  
Ministrit ment i rroiti -  
mëndja, në fushë kur zbriti.  
Të dhëndrit kur u avitën,  
të nuses duallën i pritnë.  
Njëri tjatrën përshëndetën  
të dy palët në gaz mbetën.  
Shtrohen nëpër fronet rrinë  
lloje limonatesh pinë.  
Si u mbaruan dhe fjalët  
u gatitën të dy palët  
filluan kafshët ngarkojnë  
për në Egjyptë të shkojnë.

## Zelihaja ministrin e pa dhe u dëshpërua.

Çargu i fatit të shkretë  
plot lajka në këtë jetë.

Kur i taks zemrës një shpresë  
s'i a plotëson gjer të vdesë  
i fal një pjekje njëherë  
pastaj nuk i a ndanë zeherë.

Ky rrodhan aqë keq i sillet  
ndër këmbë si gjarpër i fshtillet.  
Sikur të qeshç një minytë  
motmot lot derdhin sytë.

Azizin kur e pa çupa  
ment i u çpik nga derdi krupa.  
Tajës së saj që kish pranë  
q'e donte më fort se xhanë -

I tha shoh një turi-nëmë  
që mingjezin ta bën mbrëmë.  
Gjejmë një ilaxh ti mua  
se këtë shok s'e dua.

Kur e pa fort të brengosur  
nga zemra liksht e plagosur  
ngrihet plaka lajkëtare,  
pa e ndjerë njeri fare -

çadrës një brim' i çeli  
dhe ardhi në vëndin ngeli.  
Q'andej goca syn' i qepi  
por brima e shpoj si grepi.

Se nuk ish ajy që donte  
nuk ish ajy që lëvdonte  
u turbëllua liksht femra  
i doli një ah nga zemra  
ububu vah korba unë  
Çudi qysh më ngjau kjo punë?  
Qysh u bë? s'është ky dhëndër  
që kam parë unë ndër ëndër !  
S'është' ajy që më rroiti  
s'është' ajy që më zhuriti.  
S'është' ajy që më plagosi  
më trullosi' më brengosi  
Nuk është ai që më smuri  
pastaj plagës bar m'i vuri.  
Fat i keq ah ku më pruri  
oji se në ç'lak më zuri.  
Xhevahir' inxhi përhap  
ububu se ç'rruaza kapa.  
Derdha gjith këta thesarë  
sprihën shtrigë për të marrë  
Një trëndafil të mar desha  
në gjembin helmëtar ndesha.  
Andej këndej m'u bë bujë  
në shkretëtirë pa ujë.  
Prej etjes buza më piqet  
nga ethet zemra më digjet.  
Më lëvrin në trupthit gjaku  
si flaka që qit oxhaku.  
Kërkoj ujë më del qiqi  
punën time s'e kap ziqi.

Barka në det më është thyer  
mbi një shkëmb më ka lëshyr  
për minytë vijnë valët  
më përpjekin nëpër shkallët -  
Shoh një barkë për së largu  
nga gazi thyhem si hargu -  
them mos më vjen të më shpëtojë  
sa e kam shpirtin në gojë.  
Ah fat' i shkretë më fiku  
nuk më ra në dorë miku.  
Po e mbaj zemrën me dorë  
se përpëlitet si sorë.  
T'i ve gurin të qëndrojë  
zjarin q'e ka ta durojë.  
Fat! Në beson Perëndinë  
përkrahmë njëçikëz tinë -  
të lutem ketë ashikun  
dhe në mos e pjekç me mikun -  
më mirë më hith zeherë  
dhe në tjatër mos më shtjerë.  
Të lutem piqin'e nderit  
mos ma fëlliq me të tjerit!  
Hijen e mikut kujtonte  
qante rënkonte vajtonte.  
Njëheresh buza i qeshi  
sepse një zë i zu veshi.  
Zeliha! ç'ke që mentonesh  
përse grisesh' copëtonesh?  
S'të përket në ndert kush tynë  
kije të kulluar synë.

Nuk ishte dëshira tënde  
kur ardhe në këto vënde -  
të mernje ministrin burë  
Zeliha! Kjo s'bëhet kurrë!  
Por ministri është shkaku  
për me të pjekë tynë hakku -  
me atë q'u përvëlove  
u venite u kullove.

Zeliha duhet ta dini  
pa çelës nuk çelet dryni  
nuk të fëlliqet piqiri  
do gjilpërë xhevahiri !

Nga ky sihariq i pshehtë  
i taraksi zjar i nxehtë.  
Si u çkujdes nga merakun  
kujet e vajet i flaku.

Tani duron' shikon fatin  
kur po i a sjell jetë-gjatin.

### **Zelihaja në të nesërmet bashkë me ministrin po futet nd' Egjyptë dhe për mirëseardhjen po ndahen sherbetet**

Nesërejt që pa gëdhirë  
u rahnë trampetet mirë.

Pas zakonit gjith ngarkuan.  
Edhe me prohorit shkuan  
Ushtërija e kish fshtjellë –  
karvanin, sa s' shihte qjellë


petkat e arta çkëlqenin  
si rez e djellit rrënjenin.  
Nga kënkat buçisin malet  
t'i ndigjoj'i vdekmi ngjallet.  
Hajvanët kur hingëllonin  
Qarqet me zë i mbulonin  
gocat që prisnin perinë  
para saj si qiri rrinë  
si lule qeshin nga gazi  
se çkëlqente si elmazi  
gjith far'e fis i ministrit  
që po prisnin pas radhistrit  
kur e panë Zelihanë  
nga Gazi në sexhde ranë.  
Zelihaja ndër mentime  
U bubu kjo puna ime –  
kësi soj ku do të vejë?  
Ç'rezik tjatër do më gjejë?  
Mjaft o fat më përvëlove!  
Më prishe' më handakose!  
Ç'ke o fat që bën dëllye  
Nuk më le as mënt në krye.  
Vajza kështu po mentohej  
vajn' e pshihte s'kupëtohej  
Dyk e ecur po ndigjojnë  
Disa po sihariqojnë:  
Jah Nili jah dhe qyteti  
Jah ku kia dalë dhe mbreti.  
Kalorësit' këmbësija  
dukëshin si mizërija.



Në pailat kur kanë zbritur  
me nder të math janë pritur.  
Nëpër fronte u radhitnë  
me respektim u gostitnë.  
Shumë mir' i doravitnë  
nderin tepër i a u rritnë.  
Pale Zelihaja ç' mori  
nga mbreti e nga obori.  
Kësulla me xhevahirë  
gjerdhan inxhije të mirë.  
Bileziqe e unaza  
qyrqe' kumasha e gaza<sup>1</sup>  
dhurata me qindra barrë  
kësi soj askush s'kish parë.  
Se plaçkat që pruri vetë  
s' çmëshin në këtë jetë.  
Ajo s'donte stoli' gurë  
donte veç të shihte Nurë –  
atë Nur që si harohej  
që për të tretej mbarohej.

**Zelihaja po digjet në zjarr të ndaries të  
Jusufit edhe nat'e ditë, po menton bukurinë e  
tij.**

Kur goditet ndënjë zemra  
me tjatin më s'prehet femra.



<sup>1</sup>Një lloj cipë mëndafshi

Ç'hajir pret dhe ai burrë  
kur me përdhun e ka prurë?  
Flutura kërkon qirinë  
kot ia tregon djellin tinë.  
Një qint tufë lule bjeri  
s'i don bilbili i mjeri.  
Mos i jep lule bilbilit  
don erën e trëndafilin.  
Ujë kërkon etjetari  
ti po e çon te bozari.  
I pangrëni kërkon bukë  
ti i thua bli soxhukë  
kështu pra dhe femr'e shkret  
syn'e zemrës ku ta ketë.  
Në shtëpit që ra perija  
atje lindi madhërija  
atje lindi lumtërija  
gazi' fati mbretërija.  
Gjith veglat e rehatisë,  
i kishte brënda shtëpisë -  
ërgjënt' ar' mall sa të duash  
shërbëtorë, sa të thuash -  
erë myshk mbanin të tërë  
përveshur pupla e llerë.  
Disa ishin nga të zinjtë  
përveshur krahët' piqinjtë.  
Nga oreksi krejt të largët!  
për gjë s'i u vareshin jargët.  
Këta ishin përmbi gocat

kur delnin ngisnin karrocat.  
Gjith zonjat e parësisë  
s'i ndahëshin prej shtëpisë.  
Nat'e ditë e vizitonin  
nga hëna dritë fitonin.  
I nderonte, i përfillte  
mir' i priste, i përsillte.  
Në syt me to kuvëndonte,  
me zemër tjetrin mendonte.  
Trupth'i saj rinte me gratë  
me Jusufin, shpirt i ngratë.  
Dita kësi soj i shkonte  
psherëtinte e rënkonte.  
Natën fillkazi kur ngelte,  
një ah fort i zi i delte -  
ahu i saj ish si mjegull  
vazhdonte' ecte me rregull.  
Thosh: O shpirt lakun ma ngrehe  
vehten ç'pate që ma pshehe?  
Egjyptën ma kallëzove  
edhe gjoja më gëzove -  
del pra të të shoh fytyrën  
shtatin e bukur e ngjyrën.  
Të të shoh qiparet' qiftin  
dorën' mollën' edhe gjishtin.  
O trëndafili me vesë  
a po më del i pa besë?  
Uh ç'thashë goja m'u thaftë  
Zoti fajin mos ma pafhtë!  
Del o ëngjll i Perëndisë

mbret i math i bukurisë.

Del ilaxh i zemrës s'ime

se m'u bë fare thërrime.

As del të të shoh njëherë

se m'u bë jeta skëterrë.

Del të të shoh se pa tynë

është harram të çel synë.

Del të të shoh del o hënë

se pa ty s'dua me qënë

Del në beson Perëndinë

se ma grive mushkërinë

Gjer gëdhihej kështu qahej

dhe me lot lahej' çpëlahej.

Er'e mëngjezit kur frynte,

zjar'i math në zemr' i hynte

edhe i thoshte moj erë

të lutem ecë njëherë -

çoji mikut t'em të fala

po i varem ndër qepalla -

të zhuritem mos më lerë

por le të duket njëherë.

Të lutem moj erë prapë

miku ç'lajme të të japë,

po të ngarkoj tokën qiejtë

të mi biesh me të shpejtë.

Kur mbetej vetëm e ngrata

me helme i shkante nata.

Delte vashëza e mjerë

anës Nilit herë herë

vërente në të katr' anët

kur udhëtonin karvanët  
kthehej e dëshpëruar  
shpirt-djegur e hidhëruar.

Mjaft o fat mjaft e mundove  
mjaft shpirtin mjaft ia lëndove.

Hafëz! Mjaft del nga Kan-ani  
shiko ç'bën Jusuf sultani?

Lutju' bjerja Zelihasë  
se po digjet prej sevdasë -  
se më s'duron dot e mjera  
u mbyt me lot e tëra.

Dy minyta të fjaloset,  
ta shohë-pak të ç'malloset  
Xhebrail zbrit tatëpjetë  
shih Jusufin ku të jetë  
bjerja perisë ta shohë  
ta presë vajin një kohë.

### **Vëllazrit filluan t'i refejnë nakar Jusufit.**

Sa i shtohej bukurija  
aq' i rritej dashurija.

Të tjerët më s'i kërkonte  
Jakubi dhe s'i shikonte.

E donte e përkëdhelte  
vetëm s'e linte të delte.

Ishte ëngjëll nga vetijat  
s'kish shok në bijt e në bijat.

I tha t'et pshehur një natë

Yll-i bukur jetë-gjatë:  
T'i luteshê Perëndisë  
që shkopin e shenjtërisë  
baba mua të ma falte  
të mirat të mos m'i ndalte.  
Djalërinë' pleqërinë  
ta kalonja si do tinë  
me një mënyrë të ndershme,  
me lumturi të përhershme.  
Zbriti ëngjëlli' krahë-arti  
me sihariq prej së larti:  
Ke selam prej Perëndisë  
se shkopi i shenjtërisë  
i u dha nga Zot i vërtetë  
Jusufit ëngjllit me fletë.  
Kësi soj filloj nakari  
kësi soj u nagas zjari.  
Q'atë natë grinda nisi  
se as shin as kor Iblisi.  
Vërtet me gojë gjë s'flisnin  
por gjithnjë plane kurdisnin.  
Botimi i veçantë prej këtu  
fillon i Jusufit e Zelihasë.

## Jusufi sheh ëndër që njëmbëdhjetë yj dhe djelli me hënën i bënë sexhde

Prej këtu fillon Jusufi me Zelihanë  
I tha t'et një ditë djali:

N'ëndër hipa majë një mali  
rreth e qark drurë mbuluar  
buçet mburim i kulluar.

Zbritën yje njëmbëdhjetë  
djelli hëna tatëpjetë.

Të trembëdhjetë m'u falën.  
As më thua çdo më dalën?"

Bir njeriu të mos ja thuash !  
Ëndërrën po të më duash.

T'yt vëllezër po ta dinë  
do pësosh prej syresh tinë.

Në zemër peng i u ka mbetur  
nga nakari janë tretur.

Sado q' e mësoj i ati  
tjetër lloj e mësoj fati.

I tha njërit u-gënjye  
dhe u-bë pastaj dëllye.

Po dolli nga buzët fjala  
merret vesh dhe zjen mëhalla.

Ëndërrën vëllazërija  
Jusufit nga goj'e tija

pa dëgjuar fare mirë  
i a uruan me pa hirë.

Zu gjaku po i-u lëvronte  
zemra as pak s' i-u duronte :

Vallë përse ky im-atë  
digjet për të dit'e natë?

Një ditë të mos e shohë  
s'është në mend atë kohë.

Vallë me ç'mend gjith kjo trëmbë  
t'i bjerë ati ndër këmbë?

S'ka turp thot' im-më im-atë  
tërë ndër këmbë më ratë.

Si s'mendohet at' i ynë  
ç'i a ka hapur kaqë synë?

Për sede jëmi përpjekur  
ku vete kemi ndjekur.

Tër-ditën pas bagëtisë  
tër-natën rrotull shtëpisë.

Me ne mprohet nga armiku  
me ne nderohet nde miku.

Prej tij ç'të mirë ka parë !  
për-veç lajkavet me barë !

Më s'hiqet dot kjo e tija  
atij do bërë ndërtija.

Nga herë do të na çjerrë  
po ta shkulim këtë ferrë.


Në një vend një mbledhje duhet.  
Jusufit pisha t'i shuhet.

Pas fjalës që patën bërë  
u mblodhën në një vënt tërë.

Njëri tha: ky do tërkuzën  
mjaft se na i plasi buzën.



Krahët gropës me të vënë  
më s'ia dëgjon kush zënë.  
Njëri tha: s'e pëlqej unë  
t'i derdhet gjaku pa punë.  
Qysh qënkemi Myslimanë  
të vrasim pa faj vëllanë?  
T'a lëmë në shkretëtirat  
le ta çqyejnë egërsirat.  
S'gjen as gjësendi të hajë  
le të heqjë le të vuajë<sup>1</sup>  
Më mirë të vdesë vetë  
vrasja ngaj ne të mos jetë.  
Një tjetër tha: s'është mirë  
vdekja pa ngrën e pa pirë.  
Ti hiqet shpata njëherë  
dhe le të vdesë pa-ndjerë.  
Tjetri tha: ngaj këto tërë  
as një gjë s'kam për të bërë.  
Të gjejmë një pus të thellë  
të mos shohë dot veç qjellë.  
Brënda në pus si t'a lemë  
grykën me gur si t'ia zëmë  
mundet që njeri të vijë  
të nxjer' ujë që të pijë.  
Ndofta zihet pas litarit  
edhe del ngaj' buz' e varrit.



<sup>1</sup>Toskët nuk qitin u-në të fjalës: vuaj e thuaq etj. Po e shkurtojnë prandaj s'i siell dëm krahu i dytë se ka një zë më tepër.

Le t'a mbajnë si të dalë  
si rrop të mbler' a si djalë.  
Fjalës kështu funt i dhanë  
u ngritnë në shtëpi vanë.  
Në mëngjez në të gdhirë  
u ngritnë me një dëshirë.  
Ujqet u bënë si shqera  
kur i hynë t'et nga dera  
ndejnë në gjunjë dhe zunë  
dhelperisht të bëjnë punë.  
Ngaj ty lejë po të kemi  
nesër në fushë të vemi.  
Ri e ri jemi mërzitur  
të dalim për të zbavitur.  
T'i japç dhe Jusufit lejë  
me ne bashkë të dëfrejë.  
Ç'është kjo e madhe date !  
Mbyllur brënda dit'e natë.  
I ka shtënë derës llozë  
dërgoje nesër të lozë.  
Herë në fushë të bredhim  
herë në mal lule të mbledhim.  
Gjuajmë sorkadhet, cepinjtë  
vrasim ujqet e arrinjtë.  
Kur të dalim majë malit  
do t'i hapen sytë djalit.  
Herë del, herë rrëzohet  
i çelet zemra gëzohet.  
Me zë të ashpër i u thirri:  
"Bij nuk e ndaj dot nga gjiri

ju pas lodrë do të bini  
djalën vetëm munt ta lini.  
Kam frikë ujku mos dalë !  
e m'a çan të mjerin djalë".  
Thanë:"Zoti mos e dhëntë  
At'i dashur po mblith mentë  
qysh lemë vetëm vëllanë  
e të vin' ujqet ta hanë !  
Mos na pandeh pa tru kaqë  
se s'jemi të humbur aqë.  
Prej nesh njeri nuk bën këmbë  
t'i ngulnj atij ujku dhëmbë.  
Bot e bot bënë dëllyen  
me be Jakubn' e gënjyen.  
E madhe kuje për qjellë  
q'e flak hënëzën në shpellë!  
Ndrehn' e bukur ah që breth  
në thonjt e ujkut e heth!  
E muar Jusufn' e gjorë  
ujqet e shtinë në dorë.  
Kush pas dore kush në gushë  
sa afruan gjer në fushë.  
Pastaj shkelmin i ngërthyen  
sa brinjët of i a zbërthyen.  
Bamp e bump liksht e goditnë  
Jusufn'e mjer' e sfilitnë.  
Zbathur nëpër gjembat shkonte  
dridhej qante e rënkonte.  
Ngaj koçkorët që po shkelte  
gjaku porsi çurk' i delte.

I gjirit i përkëdhelur  
zbathur kurrë s'kishte shkelur  
s'ia kishte parë synë djelli  
ishte m'i bardhë se mjelli.  
Hëna s'mund të jepte dritë  
para tij ish fort e mpitë.  
Ne Jusufi është sosur  
bukurija dhe vulosur.  
Si s'i u vinte keq të zinjve  
i binin me grusht turinjve.  
Kush zverkut, kush prapa veshit  
kush e heq zvarrë pas leshit.  
Si kujt piqinë t'i zinte  
ku të muntte do t'i binte.  
Si kujt ndër këmbë t'i shtrihej  
e shqelmoste sa më s'ngrihej.  
Me rënkim kujt q'i thëriste  
më keq me shpull' e priste.  
E preu shpresën dhe më s'foli  
se as një për krah s'i dolli.  
Herë nga gjakrat lëvrihet  
herë nëpër dherrat shtrihet.  
"Ku je o im-atë ! vallë  
përse s'm'a di mua hallë?  
Jak' o at i dashur jakë!  
T'i dalç për krah çunit pakë!  
Të shoq trupthin e Jusufit  
çarvalitur thonjt e bufit.  
Ah ç'më bënë t'im vëllezër  
ata zemër-gurt' e zezër

më s'më lanë vënt të saktë  
mua ma thithnë gjith gjaktë".  
Nga ata hoqi tri orë  
të këqija djal' i gjorë.  
Pranë një pusi e mblodhën  
atje ndenjnë pak u shlodhën.  
Si varr i errët i ngushtë  
burgu përpara tij ku-shtë?  
Gryk e tij si gojë sprihej  
fundi me sy nuk i shihej.  
Plot gjarpërinj ish mbushur brenda  
qelbeshin errat të rënda.  
Atje njeriu po të shtihej  
sa kaqë fyti i zihej.  
Oj sa keq e sa hidhur  
fort e çvatën dyk e lidhur.  
Qysh të them kur lebetitte  
zëmrën fort ta përzhëlitte.  
Nuk mundim t'i themi tërë  
gjith ato q'i kanë bërë.  
Aq' e munduan sa deshnë  
s'patnë turp gollash e çveshnë.  
Nuk është për të haruar  
kaqë keqë kanë vepruar.  
Si s'kujtuan Jakub plaknë  
djalën në pus kur ja flaknë.  
Ngaj bukurija që kishte  
si djelli që shkëlqen ishte.  
Në pust një gur ish i dalë  
mbi të qëndroj murgu djalë.

Me të rënë ajo dritë  
llapci pusi u bë ditë.  
    Që prej gjyshit i kish mbetur  
    një këmishë fort e vjejtur.  
Xhebraili e pat sjellë  
Ibrahimin e kish pshtjellë.  
    Nga zjari ajo e mprojt  
    edhe fare s'hoqi s'vojt.  
Në krah të nipit qe lidhur  
erth Xhibrili i a ka zgjidhur.  
    Djalit atë kur i a veshi  
    buz'e vrertë pak i qeshi.  
I tha:"mos ri i brengosur  
e me zemër të plagosur.  
    Çon selam Zot i vërtetë  
    në rënkime të mos jetë.  
Për të ligat që të bënë  
mos e nxirr ti fare zënë!  
    Ti e di ata ç'janë!  
    edhe ç'vlejë që kanë".  
I u çel zemra i' u hap syri  
Xhebraili kur i hyri.  
    Qysh nuk shkujdeset taninë  
    kur e ka shok Xhibril-Eminë?  
Mbi gurt në pust tri dit mbeti  
As hëngri as piu as fjeti  
    Karvan i Medjenit ardhë  
    për misir me fat të bardhë  
Si çngarkuan gjith u mblodhën  
Pran' ati pusit u shlodhën.

Ish e katërta kjo ditë  
Që i'u nqasnë njerëzitë  
U ngrit një burr i uruar.  
Të nxjer' ujë të kulluar  
Po kovën me të lëshuar  
Brënda mundë pus të shuar<sup>1</sup>  
Shpejt i tha Xhibril-Emini:  
"Jusuf litarë përfshini!  
Hyrë në kovët rëndoju!  
Po si djelli perëndoju!  
Shko ri në Misir një kohë  
të mahnitet kush të shohë".  
Në kovët si u vëndua  
heqësit fort i' u rëndua.  
Thirri: "shokë, fort e rëndë!  
Këto herë qe si pendë  
s'më duket ujë të jetë  
kush e di se ç'do të ketë.  
Jakëni pakëz më ndihni  
ç'ka rrokur kova të shihni".  
Kur erth kova për të qitur  
panë hënëzën të ndritur.  
Njëri nga shokët bërtiti:  
"sihariq se djelli ndriti!  
Nga të tjerët shoq e pshehnë  
e nveshn' e ngjeshnë e krehnë  
e hoqnë e lanë më nj'anë  
po të vllazërit e panë.



<sup>1</sup>Edhe sot përdoret; mundë shtëpit

Syt atje i kishin qepur  
veshët ngrehur porsi ljepur.  
Të vëllezrit u bashkuan  
ardhën Jusufn'e kërkuan.  
Në pust fare si s'e panë  
zunë kërkojnë karvanë.  
Me të gjetur e përfshinë  
e ku ishe pshehur tinë?  
A e shihni këtë ferrë?  
E kemi një rop të mblerë!  
Është i mërziur ky skurë  
nuk shtrohet në punë kurrë  
Mere! shite ç'do ta duam!  
Na mërziu u rënduam.  
Ç'të duash na jep ta dhamë  
sepse është' ashtu si thamë.  
Maliqi q'e kish nxjerë  
kuvëndo me ta ta mblerë.  
Të zinjtë si s'u menjtuan  
për t'anë sa i u betuan.  
Ç'ze Misiri tërë monë  
nj'e pamje i vlente thonë.  
Turp të math lanë në botë  
e shitnë për një zollotë.  
Vlejën e tij veç i ati  
e dinte po i u gremis fati.



## **Maliqi me shokë**

Bënë gati dhe ngarkuan  
me yllë në Misir shkuan.

Maliqi fort u gëzua  
u bë fati thosh me mua.

As po hënën e shpëtova  
gjithë botën e fitova.

E përpjeta dhe rëzimi  
shesh i dukej ngaj gëzimi.

Egjyptës porsa ju nqasnë  
yll'e bukur e pikasnë.

## **Të vëllezrit u kthyen në shtëpi**

Në shtëpi kur u këthyen  
këmishën me gjak e lyen.

T'et i thanë dyk'e qarë  
djalën ujku e ka çarë.

Sa gjëm' e madhe e zezë  
i këputnë fare mezë!

Sheh këmishën pa cënuar  
kupëtoj ç'kanë punuar.

Bij! i u-tha unë çuditëm  
në këtë punë habitem.

Qysh i-a shoj Jusufit pishën  
kur s'i ka grisur këmishën.

Kur qe kaqë zemër bardhë  
ta kollofitte si dardhë.

Si u-bë qysh shpëtoj lina?

Këtë nuk ma merr kaptina  
më duket ju gënjeu djalli  
po me mua bij mos talli!

Vajti shkoj u-bë kjo punë

Zonë paça ndihmës unë  
durim e forcë më dhëntë  
gjith-një ndarë mos më lëntë!

### Çështje Jusufit

Pa marë vesh njeri s'mbeti  
vajti fjala gjer ne mbreti.

Ment i lozin mbretit mënttë  
për atë trupth ergjënttë.

"Shpejt, Aziz! I tha pa zbritur  
del përpara për të pritur.

Shko pra e shih me sy vetë  
si po e thon' a do të jetë?"

Kur i shtiu Azizi synë  
tha sexhde të bëra tynë.

Për sexhde porsa i u shtriti  
Jusufi s'e la e ngriti.

Vetëm Zotit të vërtetë  
ta dish i bëhen sexhdetë.

Maliqit Jusufn'e mjerë  
ia kërkoj mbretit t'ia shpjerë.

I tha jemi të kapitur  
kaqë ditë kemi baritur.  
    Ju lutem pak dit na lini  
    edhe re mos na i vini.  
Pa ngrënë, pa gjumë jemi  
mëndjen në kokë s'e kemi.  
    Tani s'është për të shpënë  
    një gjisht pluhur ka zënë.  
Ta lajmë mir' anës detit  
më pastaj t'ia shpijem mbretit.  
    Vajti Azizi ne mbreti  
    kur i a lëvdoj ngriu dhe mbeti.  
Urdhëroj duallën zgjodhën  
sa të bukur gjetn' i mblodhën.  
    Ç'do të lipset për të bërë  
    t'i stolisni tha të tërë  
në pallat të mbret i sualln  
me të mëndafshhta i fshtualln.  
    Kapat të artta në kokë  
    ngjeshur me breska me tokë.  
Në pallat kur u radhitnë  
pandehnë se yjtë zbritnë.

### **Larje e Jusufit edhe vajtja e tij ne mbreti**

Maliqi të katrën ditë  
Jusufit i tha: "o dritë!  
    Të ka zënë trupi zgjyrë  
    çvishu dhe në lumët hyrë!"

Hyri në Nilt dhe humbi  
disa herë si pëllumbi.

Mbi ujët kokën kur nxirte  
të prishte mendjen t'a mirte.  
Faqen me flok e mbulonte  
zemrën keq ta përvlonte.

Me të mëndafshta e nveshi  
një bres të florinjt' i ngjeshi  
në kokë një taxh të vlerë  
që shumë shtrenjt ishte mblerë.

E mori Maliqi miknë  
hipnë llandonë dhe iknë.  
Pranë pallatit kur vanë  
mbrenë në fron jasht e panë.

Bukuroshet rreth përqarku  
i kishin pështjellë si hargu.  
Ishin mbledhur disa mijë  
prisnin Jusufin të vijë.

Atë ditë ra goditi  
djelli qe pshehur e s'ndriti.  
Tha Maliqi hën'e qjellit  
o Jusuf o rrez'e djellit:


"Zoti dritën ta ka dhënë  
del tani dhe llapc si hënë!  
Jusufi atje kur zbriti  
pandehnë se djelli ndriti  
po kur panë prapë retë  
thanë qënka hëna vetë.  
Bukuroshet me të parë  
të gjitha buzët i varë.

E sa ndrit një top i artë  
përpara djellit të zjartë?

### **Ardhje e Zelihasë në vëndin e mbledhjes**

Zelihaja e kish marë  
punën vesh ca ditë më parë.  
Kishte dalë disa herë  
s'e piqte dot zonj'e mjerë.  
Atë ditë ka goditur  
kish dalë për të shetitur.  
Pranë pallatit kur vajti  
Arabanë pak e mbajti.  
Prej redhit një njeri pyeti  
ç'i ka mbledhur këta mbreti?  
I tha: "gjithë ç'kanë dalë  
për të parë këtë djalë"  
po sa q'e pa Zelihaja  
ment u plas nga arabaja  
zembr'e shpirtit i u përvëlua  
nd'alivanet u mbulua.  
Ajo plaka q'e kish ritur  
kur e pa mbet e mahnitur.  
Si i arth m;ndjeja pakë  
bijë ç'ke ? tha murga plakë!  
Aqë keq, ç'pate, që thirre  
zalisur më re ndër gjire!  
Qysh të flas ah moj e mjerë  
prapë zali do më bjerë

këtë yll a e vështrove?  
Se qysh është' e kuptove?  
Në gjumë më ështëë rëfyer  
zemër shpirt m'i ka rëmbyer.  
Për të po më dredhin ethet  
për të zemra po më ngjethet.  
Për të sytë gjith më qajnë  
për të bëj kujen dhe vajnë.  
Për të s'më hahet s'më pihet  
për të s'më flitet s'më flihet.  
Për të unë kam me vjetë  
s'di ku jam e s' di ku vete.  
Ky ndër Egjyptë më pruri  
ky ngrehu grackën më zuri.<sup>1</sup>  
Qysh të bëj ah korba unë?  
Të mëdha çile më zunë  
më dogji shpirtin më piku  
më rrëmbeu zemrën dhe iku.  
Më s'e kam vehten në dorë  
s'fle tërë natën mas oborë.  
E ç'pati me mua, ç'pati!  
Për poshtë më mori fati!  
Zoti sa dit që ka dhënë  
gjith një vrer për buzët tënë.  
Me ato flokët e tija  
janë lidhur ment e mija.



<sup>1</sup>Kur e kërkoj Azizi, kish pandehur se mos ishte Jusufi që ishte shtënë në gjumë.

Dhentë Zoti e qëndroftë  
në shtëpit t'ime më shroftë.  
Ngaj zjar' i saj plak e gjorë  
qau e rahu krahanorë.  
Bijë s'dimë se ç'bën Zoti  
nuk e dimë ç'rëfen moti.  
Kam shpresë në Perëndinë  
që do të shkujdesesh tinë.  
Kush duron trashëgon thonë.  
T'a lemë punën me Zonë.

### **Shitja e Jusufit edhe blerje e Zelihasë atë**

Një njeri thirri sa mundi  
pa vajtur s'la vënt gjëkundi  
për dorej Jusufn' e mbante  
edhe ngaj shkonte s'e mblerë  
kujt i kënda që t'a blejë  
punën vonë mos e lerë.  
Të vijë vlejën t'i japë  
se s'bije në dorë prapë.  
Si ëngjëll prej qellit zbritur  
me të mira shumë ritur.  
Një shpirt-ëmbël zemër-qruar  
s'di gënjeshtër' të zemëruar.  
Nji plakë me të dëgjuar  
edhe aq' është regjuar.  
Sa do jam tha pesëdhjetë  
do t'a mble si do të jetë.

Ngaj erdhi njëherë dolli  
një torbë me flori solli:

Hidhet tjatri e marr vetë  
ja ku të jap torba dhjetë  
ngrihet një thot' un' e dua  
një qint torba për mi mua.

Tjatri myshk vuri me barë  
përmi shokët me të parë.  
Kush mëndafshin kush inxhinë  
shtuan, në dorë s'e shtinë.

Zelihaja i përgjonte  
qysh shtonin gjith i dëgjonte.  
Si e pa q'u lodhën mbenë  
se s'patnë këllqe t'a mblenë  
thirri Azizë i thotë:  
bota mos mundohet kotë  
jepi Maliqit ç'të dojë  
sa pa hapur tjetri gojë.

Ne të zotrit tha nuk jemi  
se t'i mblethç të gjitha ç'kemi  
as të dhjetën dot s'e mblemë  
të heqim dorë ta lemë.

Zelihaja ngaj i ati  
shumë gjë të vlefçme pati.  
Si ishte bijë prej Mbreti  
të hollat si kum prej deti.

Vanë me plakën dhe muar  
shumë gurë të çëmuar.  
Si çdo gur thosh jam m'i miri  
një vleftë sa ç'vlen Misiri.



Merri o burë i-a shpjerë  
kap djalën sa kaqë herë!  
Mirë po druhem nga Mbreti  
se e shoh syri i mbeti.  
I ka ënda Mbretit t'a marë  
mi gjith t'a ketë të parë.  
Ec i tha Mbretit t'i thuash:  
Të lutem sikur të duash  
rëndë fare mos të vijë  
se më di që s'kam fëmijë  
ta linje ta merja unë  
do të bënja shumë punë.  
Zotrote rop unë djalë  
ta kemi të qofshin falë!  
Mbretit fjalët me të thënë  
të qoft i tha t'a kam lënë.  
Si paguan dhe e mblenë  
po sikur fituan dhenë.  
Të qeshur më shtëpi vanë  
e gëzuan Zëlihanë.  
Fle o Zot a jam e zgjuar?  
M'ardhi shpirti jam gëzuar.  
Tani fatbardhë si mua  
s'gjendet gjëkundi do një grua.  
Kisha humbur nd' errësirë  
po tashti jam shumë mirë.  
Në shtëpi hëna më zbriti  
shpirtin e zemrën m'a ndriti.  
Sikur të mos isha pjekur  
për së shpejti kisha vdekur.

Lavdëroj Zon' e vërtetë  
që më shpëtoj ngaj rrëketë.  
S'më vjen keq ca gurë dhashë  
por në nj' yll të bukur rashë.  
Mjerë kush shet xhevahirë  
kush e blen është fatmirë.  
Kush e mblen është' i fituar  
ngaj të keqet i shpëtuar.  
Kësi lloj me mënt e saja  
thosh dhe qante Zelihaja.  
Herë helmohej për ç'hoqi  
herë gëzohej q'e poqi.

**Baziâ-ja që ish një çup e bukur që s'kish  
shoqe, vetëm me një dëgjim si u godit më  
Jusufnë?**

Shumë herë kjo ka ngjarë  
goditet njeriu pa parë.  
Rrobën e djeg-jes e veshi  
njeriu më tepër ngaj veshi.  
Sa nat' e ditë përpiqet  
me të dashurin të piqet.  
Ngrënje gjumë i priten tërë  
i hyjnë sytë në vërë.  
Rënkton lëngon si i smurë  
nga mëndjeja s'i del kurë.  
Baziaja kanë thënë  
pas Jusufit q'është shtënë.

S'e kish parë po ngaj veshi  
i ra në kokë rebeshi .

kaq'e bukurë ka qënë  
del a të dal thosh moj hënë!  
Shumë të mbëdhenj dërguan -  
mblesësit,<sup>1</sup> dhe e kërkuan.


Martesa ndër mënt s'i vinte  
dhe syri as një s'i zinte.  
Të mjerës më tjetër mëngë  
i mbeti në zemër pengë.

Si u nis u stolis mirë  
me florinj me xhevahirë  
ardhi u poq me Jusufnë  
për të qitur pakëz dufnë.

Të mjerës oh ç'i pat ngjarë!  
I ra zali me të parë.  
Si arth në ment u zgjua  
Jusufit pak i-u afrua.

Kaq i bukur ku je bërë !  
sa i prishe menç të tërë?  
Do në trup do në qipare  
do një s'kasë<sup>2</sup> ti s'ke fare.

Vallë në ç'gji më je ritur?  
Kështu kush të ka javitur.  
A po ke zbritur ngaj qjelli  
që ndrit e çkëlqen si djelli.



<sup>1</sup> *Mblesës: mesitës që çohet për të kërkuar një gocë për martesë.*

<sup>2</sup> *Skasë: shak për të gjetur cen' e metë.*

I thotë: "Zot' i vërtetë  
më krijoi si deshi vetë.  
Aju ngrehu gjithësinë  
qjellin' dhen' e njerëzinë.  
Madhëri e tij s'ka anë  
të gjitha të tijat janë  
gjithë ç'sheh, degët e tija  
rrënja është Perëndija.  
Ka ngjizur shumë pasqyra  
për të parë çdo fytyra.  
Në hapsirët çdo shenja  
janë pasqyrë nga rrënja.  
Ngaj rrënjët aju që ndahet  
në për degët reh të mbahet  
është njeri i gënjyer  
nga mëndja i kapërzyer.  
Kush është me mënt në kokë  
Zotit nuk i bie shokë".  
Fort këto fjalë e mbërthyen  
çupës mëndjen i a këthyen.  
Tha më parë kur dëgjova  
për tynë si s'u marova.  
Zali më ra kur të pashë  
ndër këmbët të tua rashë.  
Me këto që më tregove  
zjarë fare m'a largove.  
Po paskëtaj dashurinë  
e shtiva në Perëndinë.  
Ngaj të ligat qofsh pallua,

që m'i hape sytë mua.  
U bëfsh si të dashtë zemra  
bëftë Zoti ç'thotë femra.  
Dolli duk'e dhënë uratë  
çup e ditur mëndje-gjatë  
buzë Nilit si kashtore  
ka ngrehur një falëtore.  
Plaçka, enë, shtresa, drithë  
elmas, florinj, ç'pati gjithë.  
Në për të varfërit të tërë  
i ndau s'mbajti një gjilpërë.  
Mbleu roba të komptta veshi  
mezë me një gjalm e ngjeshi.  
Binte përmi pluhurat flinte  
e kokën përmbi gurt e vinte.  
Nat'e ditë gjithnjë falet  
prej rënkimit dridhen mallet.  
Falej, lutej, goc e mjerë  
gjer sa vdiq s'dolli njëherë.  
Po si trimat ndërroj jetë  
vajti ne Zot i vërtetë.  
Prej Jusufi ne Krijusi  
shkoj goca jetën e ngrysi.  
Si Mexhnuni për Lejlanë  
qaj e qaj gjeti Meulanë.  
Lum ajo q'është e fituar  
ngaj rëmetet e shpëtuar.  
S'm'a mer mëndja sot të ketë  
po t'a mbyllim këtë fletë.

## **Zelihaj po mëson Jusufin qysh do t'i bëjë shërbim.**

Lloje roba i ka mblerë  
dhe pas trupit ja ka prerë.  
Treqint e gjashtëdhjet palë  
që për dit ndryshe të dalë.  
Disa breza prej floriri  
kësula prej xhevahiri.  
Me lloj myshqe e lyente  
me lloj gjërra e ushqente.  
Shilte me pëndë i shtronte  
me plaf t'artë e mbulonte.  
Kur binte djali të flinte  
tërë natën mi kok i rinte.  
Si qiriri pas tij digjej  
si peshku në furë piqej.

**Jusufi po i tregon Zelihasë ç'hoqi udhës edhe  
në pust, edhe Zelihaja po i dëften ndjenjat e  
keqësitë që i u rrëfyen asaj atë ditë.**

Zelihaja zemër-djegur  
me Jusufin që pa pjekur  
një dit' e ka marë zjari  
hyr e del s'pushon së qari.  
As jashtë të dalë i ka ënda  
as ku – 'shtë të rijë brënda.


Vallë ç'ka po thotë taja,  
që s'zë vënt sot Zelihaja!  
Ky helm i math ç'është bijë?  
Lottë të venë si vijë!  
Hyn e del nuk ri gjëkundi  
ç'është ky zi që të shkundi.  
As unë s'e di o mëmë!  
Ç'është ky helm, ç'është e kjo nëmë.  
As shtëpija as obori  
s'më nxe s'di ashtu më mori.  
Zu Jusufi hapi gojë  
Zeliasë t'i tregojë:  
në pust edhe udhës ç'hoqi  
e çdo rrebesh si e ndoqi.  
Dëgjoj pusnë Zelihaja  
edhe tha me mënt e saja:  
Kjo është ajo dit'e zezë  
Më këputi fare mezë.  
Zemrat në mest udhë kanë  
me vërtet pasqyra janë.  
E kanë vënë re shumë  
njeriut i shfaqet në gjumë.  
Edhe zgjuar kur të jetë  
njëherësh i bijen retë.  
Shpirt' i tij keq hidhërohet  
s'do njeri që t'i afrohet.  
S'ka se si gjësent ka ngjarë  
pas kohej vesh do t'a merë.  
Lejlaja vuri neshterë

një ditë pak gjak të nxjerë.  
N'atë çast Mexhnun i mjerë  
mollën e dorës ka prerë.  
Mashuku pak të cënohet  
ashikut do t'i tregohet.  
Janë gjëra fort të larta  
s'i tregon dot këto karta.

### **Lutje e Zelihasë për të gushuar edhe ndrojtje e tij nga ajo punë.**

Ajy i mjeri që shtihet  
as më një vënt nuk i rihet.

Gjithnjë qan ngaj do të shkojë  
buza vrer do t'i pikojë.  
Ç'është ai q'është goditur?  
E s'është djegur zhuritur!  
Zelihaja do t'i nqaset<sup>1</sup>  
ky largimit i nagaset.  
Ajo sytë nuk i-a ndante  
ky kokën unjur e mbante.  
Zemr'e saj gjak i pikonte  
ky sy-mbyllur s'e shikonte.  
Ajo çiret si gjinkallë  
ky nuk i flet asnjë fjalë.  
Kish frikë sytë të ngrerë



<sup>1</sup>*T'i afrohet*



se zjari mer me një herë.  
Zeliasë nga kjo tragë  
i-u bë zemra murgës plagë.  
Me vet-he nisi të shahet  
ngaj fat i shkretë po qahet.  
Bobo mëndjen ku e pata!  
S'u menjtuash kokëthata.  
U godite moj e shkretë !  
me një çun që mbleve vetë!  
Of turp i math ç'më gjeti  
sy e faqe më s'më mbeti.  
Po sa ta dëgjojnë gratë  
më dhanë munxët' belatë.

### **Pyetja e tajës Zelianë: përse digjesh e tresh kaqë pas Jusufit".**

Plaka kur pa Zelianë  
lottë si breshër i vanë.  
Mjaft moj bijë m'u kapite  
m'u këpute m'u venite.  
Ç'është gjith kjo e vajtuar !  
përse më ri e mejtuar?  
M'a plase buzën o bijë  
nga e qara çdo të vijë?  
E qara kishte më parë -  
shijë, sa s'e kishe parë.  
Sot për sot që t' u qas pranë  
këto logorira ç'janë?

Fati në dorë ta shtiri  
rop të blerë për së liri.

Loj e qesh shpirt! dit'e natë!

E ke rop ndër urdhëratë.

Nuk m'a di moj im-më hallë  
pra m'i thua këto fjalë.

Nuk e di se ç'kam në zemër

e se ç'heq e zeza femër!

Ndër urdhër e ke më thua?

E ku më sheh me sy mua!

Si më sheh pas tij po tretim

s'kundëzoj aspak t'i pshtetem.

Si kur t'i heth syt e mija

nd' ato tiparet e tija

lëshohet, e ashpërohet

s'është punë që t'afrohet.

S'këput dot prej tij një fletë

po mundonem më të shkretë.

Në piqit dorë t' i shtije,

ze sytë dhe përmbys bije.

Mos më lëndo plagët lemë

se s'këput dot prej tij sij pemë.

Ngaj kjo qan fort plak e mjerë

tha m'u bë jeta skëterë.

Më mirë të mos e piqnje

kaqë brenga të mos hiqnje.

Vetëm një zjar ish më parë

po tashti helmet me barë!...

## Lutja e tajës Jusufit dhe përgjegjje e tij me urtësi

Plakës zjari si i hyri  
Zeliasë i-u hap syri.

T'arthtë keq o mëma ime  
e dashur! Burreshe! trime  
me shpirt me zemër t'i futesh  
kështu t'i thuash t'i lutesh:

o bisk i ri rrusk i bukur  
djalë si ti s'është dukur!

As ka ardhur, as vjen kurë  
njeri me kësi figurë!

T'ish si ti nga bukurija  
nuk rinte pshehur perija.

Po njeriu fare mos lodhet  
se as peri kështu s'ndodhet.

Engjëllit në qjell përperjetë  
për ty sytë tatëperjetë.

Zeliasja ka qëkuri  
që për ty në zemër e vuri.

Që e vogël pa martuar  
tri herë në ëndër ka vështruar.

U shti e rroknë fort ethet  
gjith qan e dridhet dhe ngjethet  
u tret humbi gjë s'ka mbetur  
as ha as pi as ka fjetur.

Zemr e saj u kupëtua  
është ndër duart e tua.

T'arthtë keq of mos e lerë!  
U zhurit nusez e mjerë.  
Tek t'i japç një pikëz ujë  
o bir! nuk bëhet rëmujë.  
Sikur t'i jepnje një buzë  
jet'e saj bëhet tërkuzë.  
Këmbën mbi krye t'i hithte  
prej juve hurma do mblithte.  
Fat zezën tek ta gëzonje  
nderin tënd s'mund t'a rëzonje.  
Fikë prej njeriu mos kini  
bëni ju them si të dini.  
"ç'ma thua o plak' e ditur  
këtë punë të mërzitur!  
Zelihaja më ka mblerë  
m'ushqen më nvesh më mban nderë  
Është liksht shumë për mua  
t'ime zonjë ta mar për grua.  
Aziz' e kam si t'im-etë  
më njeh si birin e vetë.  
Këtë gjë të papëlqyer  
kur si zog më ka yshqyer  
qysh t'ia bëj t'im-zoti unë !  
Kopili bën kësi punë.  
Njeriu qen nukë pjell kurë  
s'jep gruri elp, elbi grurë.  
Gjyshi stërgjyshi, im-atë  
nuk' e bënë këtë datë.  
Mos e dhëntë Perëndija

të fëlliq piqinjt' e mija.  
Shko t'i thuash Zelihasë  
i lutem të mos më ngasë.  
Ashtu kam ne Zoti shpresë  
sa të roj, me nder me besë!.."

### **Zelihaja dërgon Jusufin në kopësht.**

Sa zu plaka që t'ia flasë  
këto fjalë Zelihasë  
lottë prej gjaku i'a dhanë  
i vajti Jusufit pranë.  
"qysh janë këto kuvënde  
jam balt' e këpucës tënde.  
Shpirti im me ty po mbahet  
zemra prej teje s'më ndahet.  
Për ty del shpirti në daltë  
për ty në hyfsha në baltë.  
Dashurija më zhuriti  
zjari tënt më përzhëliti.  
E vdekur e pa mbuluar  
oh së qari jam kulluar".  
Qau Jusufi u helmua:  
"ah ç'mi thua këto mua"  
qarjen e tij me të parë  
nisi prapë për të qarë.  
Pikë lot ngaj ty të rjedhë  
vrer në shpirtit do më hedhë.  
Jusufi tha: "m'u lëndua

zemra ngaj kujet e tua.  
Sa herë re e kam vënë  
më mua kush q'është shtënë  
s'më del mirë më së fundi  
do të më hedhin gjëkundi.  
Që në djept më kanë zënë  
im-më dy vjeç më ka lënë.  
Motr e tim-eti më riti  
nga të këqijat më qiti.  
Kurë vetëm nuk më linte  
më merte në gji kur flinte.  
Palê se ç'bënte im-atë  
të mos më shihte një natë  
hidhërohej aqë shumë  
sa në sy s'i hynte gjumë.  
I tha së motrës: "të lutem  
djalën sill se ment këputem".  
Im-at' asaj me të thënë  
më ka marë më ka shpënë.  
Kish një bres shumë të vjetur  
bres pas brezi i kish mbetur.  
Atë bres kush-do t'a mbante  
ngaj të ligat e ruante.  
Bobo sa turp e sa hidhur  
pshehtazi ma paske lidhur.  
Në mëngjes i tha t'im-eti:  
" a e di vëlla ç'më gjeti?  
Më humbi brez'i bekuar  
s'e gjej dot sa kam kërkuar.  
Mos e dhënte Perëndija

a mos e muar fëmija?!"  
Tër'i xhveshnë një nuk lanë  
sa liksht ngjeshur kur m'a panë.  
Pas gjyqit që kemi patur  
im-emtë rob më ka mbajtur.  
Për atë kusar më zuri  
më shtëpi të saj më shpuri.  
Që ngaj dashuri e parë  
rrukullimë më ka ngjarë.  
Pse më deshi shum' im-atë  
vojta e vuaj dit'e natë.  
Ndë Egjyptë më dërguan  
ngaj gjiri i tij më larguan.  
Zemra më qan kur-do herë  
dashka tënde ç'do të nxjerë.  
Se punrat më të mbëdhatë  
kanë ngjarë gjith ngaj gratë".  
"Shpirti im! tha s'është punë  
të të vijë liksht ngaj unë.  
Mos e sill ndër mënt Azizë  
se s'na sheh dot as një mizë.  
I ke kot këto menjtime  
s'dua të të pshtetet qime.  
Nuk' dua shpirtin sa tynë  
e me ç'mënt e qitkam synë.  
Copë copë zemra ime  
mbytur plot në hidhërime.  
As shpëtomë ngaj skëtera  
se u doqç' ah unë e mjera".  
I përgjigjet e i thotë:

"Zonja ime ç'vuan kotë?  
Jam një rrop i zotrissate  
për mua pagove ç'pate.  
Jemi rrop ashtu si thamë  
në një trajsë tok nuk' hamë.  
Mua më vret Perëndija  
të ha ndër enët të tija.  
Të lutem të më largoni  
një punë të më tregoni.  
Ngaj e ndenjura pa punë  
shoh krahët fare m'u zunë".  
Zelihaja tha: "s'ka shijë  
të punosh kur kam një mijë.  
Ti je zot kujt do t'i thuash  
t'a mbaron çdo gjë të duash.  
Më nep urdhër për ç'do mua  
të jem ndër këmbët e tua".  
"Në më do tha, zonja ime!  
Mua më trego shërbime!


### **E dërgoi Zelihaja Jusufnë në vresht.**

Qe një kopsht i bukur shumë  
i shkonte përmes një lumë.  
Nga çdo anë brazda çarë  
rjedhin ujrat prap' e mbarë.  
Krijuar shkëmbenj me gurë  
stolisur me lloje drurë.  
Kishte çelur dhe gjethuar



me trëndafilë rethuar.  
Përposhit drurët radhitur  
tërë me një masë ritur.  
Druri me drut katavalur  
lëshuar degët e falur.  
Sipër zoqtë ligjërojnë  
përposh bimrat gjelbërojnë.  
Trëndafilët plot burbuqe  
ca të bardha ca të kuqe.  
Pa le nga lulet e tjera  
kundërmon s'rihet nga era.  
Pjergullat krahët lëshuar  
drurët i kanë gushuar.  
Kishin hapur disa shpella  
fort të gjëra pak të fella.  
Me mermer farkuar ishin  
në mest nga një kollon kishin.  
Kërcente ujët përplotë  
prej kollonit si shigjetë.  
Peshqit lozin an'e mb'anë  
nëpër liqenet që janë.  
Ati që të hyjë brënda  
e ku i-a ka daljen kënda !  
Njeri a ka që s'do vallë !  
në parajs të hyj' i gjallë !  
Kurrë s'munt njeri me gojë  
as me pëndë t'a tregojë.  
Të t'a shohë syri vetë  
del sheshit kjo e vërtetë.  
Jusufn' atje Zelihaja

e largoj nga syt e saja:  
"Shko në parajs o shpirt tinë!  
Se hurit' atje po rinë".  
Disa çupa i-a stolisi  
Jusufit prapa i a nisi!  
Pas ati rrotull të vinë  
më këmbë qiri t'i rijnë.  
Një dit' u ngrit zonja zbriti  
në kopshtit si djellë ndriti.  
Jusufi! tha: "të tuat janë  
të gjitha ty zot të kanë".  
Mua për haram më qojte  
e ngaj pun' e till' u rojte.  
Këto hallall i ke tërë  
bëj me to ç'ke për të bërë!  
Je i ri në vërsët tënde  
qesh e loj në këto vënde.  
I u tha çupavet: "vështroni  
të fillura<sup>1</sup> mos përtoni!  
Për se do shpejt t'i përgjigji  
me shpirt për të të përpiqi.  
Në çdo vënt që t'ju kërkojë  
si kush do me nxit t'i shkojë.  
Ja ku ju thashë t'a dini  
helmë n' ju dhëntë ta pini!  
Syri kudo që t'i vejë  
cilën do që të pëlqejë,  
ju kohën mos e mërgoni



<sup>1</sup>Të mjera, të ngrata

të vini të më tregoni".  
Kësi lloj e mjera donte  
punën e saj t'a fitonte.  
Që Jusufi kur të flinte  
të ngrihej natën t' iu vinte.  
Atje ndër këmbët t' i-u pfsihihej  
pastaj Jusufit t' i shtrihej.  
Punën pshehur t'a mbaronte  
zemrën' e smurë ta shronte.

### **Si u ngrys ardhën çupat përpara Jusufit e po i lupiten vallë kë do të pëlqejë?**

Si u ngrys çupat i'u mblodhën  
me radhë fjalët i hodhën.  
"Rrokmë mua thotë, njëra  
jam m'e mirë ngaj të tëra".  
Hidhet tjetra: "mer-më mua  
këto s'më vin' as ndër thua".  
Një thotë: "jam manushaqe  
gjak më pikon molla faqe".  
Njëra: "unë bistra-mollë  
hundë-qiri vetull-hollë!  
Gusha ime rathë rathë  
m'e bardhë se bregu djathë".  
Tjetra tha: "unë perija  
bisk i dreqtë si servija.  
Borzilok leshrat e mija  
si do vetë Perëndija".

Njëra: "jam sysk'e kaleshkë  
kush më sheh digjet si eshkë".  
Një çupë dorën i'a shtiri  
e zu djalën pas piqiri:  
"Unë jam tha trup-ergjënda  
ngrehu të hyjmë bashkë brënda".  
Si kush-do nga çupat ç'qenë  
pa folur Jusufit s'i mbenë.  
Ajo mbret i bukurisë  
i dashur i Perëndisë,  
ishte burr' e bir prej burri  
as një fjalë në vesh s'vuri.  
Djal' i mbarë hapi gojë  
punë besej t' iu tregojë:  
"Gjithë bota ju pëlqejnë  
se fytyrat ju çkëlqejnë.  
E gënjen mëndja njerinë  
që pshtetet në bukurinë.  
Vini gishtin pak menjtohi  
vallë përse s'turpërohi?  
Besoni Zon'e vërtetë  
që ç' piku ç' ka në dy jetë!  
Prej balte na ka javitur  
na yshqeu e na ka ritur.  
Jakëni Zotit t' i fali  
mos rini si shkëmp prej mali.  
Krye prandaj na ka dhënë  
për të mbi dhet për të vënë.  
Njeriu njëriut nuk' ka shijë

përpara si put t' i rijë.  
Sexhdeja veç Perëndisë  
i bëhet nuk' njerëzisë.  
Dor e fundit dor e parë  
të terë janë një sharë.  
Ca njerës skalisin gurë  
të tjerët gëdhendin drurë.  
Pazsdaj mëndje-shkurtrit zenë  
para syresh puthin dhenë".  
Gjer u gëdhi atë natë  
i këshilloj kështu gratë.  
Ato q' iu tha i mësuan  
ngritnë gjisht zo'n e mbesuan.  
Zelihaja pa gëdhirë  
me një gas të math të mirë.  
Ç'të shohë kur është nqasur  
të gjitha pas tij gajasur.  
Përpara ndenjor ç'do trime  
mer nga Jusufi mësime.  
Putet gjith i kishin thyer  
nga bes' e remët këthyer.  
Perëndinë lavdërojnë  
as një grimë s' e harojnë.  
Zelihaja me të parë  
tha: "prëmë me se je marë?  
Bukurija t' është shtuar  
tjatër shije ke fituar.  
Vallë ç' hangre mbrëmë tinë  
që t'a shtoj sot bukurinë!  
A po nga këto peritë

fitove dritë mbi dritë?  
Mirë thonë si të vijë  
rrok pema prej pemës ngjijë".  
Zelihaja sado foli  
aj goj' e tij fjalë s' dolli!  
Ngaj trupi kokën s' e ngriti  
sytë drejt saj s' i vërtiti.  
Si e pa që nuk i fliste  
sytë fare s' i lëviste  
shpirt' i saj u përvëlua  
qau e qau sa u kullua.  
Me pa-hir u nda nga miku  
lam t-hu mirë tha dhe iku.

### **Lutj' e Zelihasë tajës që si të bëjmë qi të bashkohem me të?**

"O mëmëz un' u zhurita  
m' u nxi m' u bë sterë dita.  
O mëm' e dashur e ditu,  
më ke mëkuar e ritur!  
Ato të mirat e tua  
as im-më s' m' i bëri mua.  
Un' e mjera kot përpiqem  
si e sëmurë zvarrë hiqem.  
Pra sa jemi tok dhe bashkë  
por kur s' ka për mua dashkë!  
Mua kjo më ka kalitur  
që i dukem e mërzitur.

Pak mundim sikur të hiqnje  
s' ka se si do të na piqnje.

Ti i-a mbush kokën të duash  
e bën vetiu po t' i thuash.

Gjësendi s' të ka shpëtuar  
ti ç' do punë e ke gatuar.

Po t' i fuç në zemër zjarë  
mundet malli që ta marë.

Se më s' i heq dot të tijat  
më këputnë të këqiat".

Asaj plaka i përgjigjet:

"Bijë shpirt mos të digjet!

Me durim puna mbarohet  
me durim plaga shërohet.

Unë them me mëndjen t'ime  
që të bëjmë ca ndërtime.

Por ja ku ta them më parë  
duhen të holla me barrë.

Them: një shtëpi të ndërtojmë  
brënda e jashtë ta shtrojmë  
ta stolisim e të shkrojmë  
si parajs ta zbukurojmë.

Pra t' i bijem gjat' e gjërë  
muretë t' i ngjyejmë tërë.

Shumë bukurë ta lyejmë  
ju për-gushej t' ju rëfejmë.

Si të rij' ajy një kohë  
vet'hen kështu po ta shohë  
ze i shfaqet edhe në gjumë

i hyn malli ca më shumë".  
I dha me barrë të holla  
plakës ajo vetull-holla.  
Me to të zërë ndërtinë  
të bëjë si tha shtëpinë.  
Plak' e mënçmë ka thërritur  
një inxhinier fort të ditur.  
Njeriu sa-do që të rendte  
atij gjëkunt shok s' i gjente.  
Në pak kohë e mbaruan  
me gurë mermer e shtruan.  
Kish oda pallat i gjatë  
derë në-për derë shtatë.  
E shtata fort zbukuruar  
me kafshë më zogjër shkruar.  
Me lloje lule e drurë  
qëndisur tava' e murë.  
Me një mjeshtëri të gjallë  
parajsi jashtë kish dalë.  
Drurë me pemë me fletë  
thuaj: janë me vërtetë?  
Zoqtë sikur t' i vështrojnë  
thonë do të fluturojnë.  
Burbuqet ashtu rëfejnë  
ndejnë dorën t' i rëmbejnë.  
Si ç' do gjë aqë goditur  
sa gënjen njerinë e ditur.  
Jusufnë me Zelihanë  
nxjer' e kanë më çdo anë.  
Më një vënt pas gushej zënë



më tjatër anë buzën dhënë.  
Mbushnë muret e tavanë  
gjëkunt pa shkruar se' lanë.  
Ashiku po t' i shëkonte  
goja lënk do t' i pikonte.  
E mer zjar i dashurisë  
edhe shtihet pas perisë.


### **E ftoi Zelihaja Jusufnë në shtëpit të re që ngrehu.**

Shtëpia fort pastëruar  
shtresa prej mëndafshi shtruar.  
Mijë kandilë radhitur  
me erra ç' do vënt ujitur.  
Murga në parajs vërtitej  
si në skëterë mërzitej.  
Jusufi atje të ndodhej  
zelihaja do të shlodhej.  
I dërgoj fjalë të vijë  
ta vërë në kënt të rijë.  
Sa do që s' kishte nevojë  
tupn' e saj ta zbukurojë  
sa e bukurë ka qënë  
dhe aqë stoli ka vënë.  
Petkat më të mira mveshi  
brezë më të bukur ngjeshi.  
Ta shihte njeri perinë  
ia përzhitte mushkurinë.

Ardhi mbret i bukurisë  
dhe ndenji pranë perisë.  
Sot i tha: "prandaj të thirra  
të të jap shumë të mira.  
Zemrën ta kam për të bërë  
sa të zjejë bot' e tërë".  
Me lajka Jusufn' e zuri  
pas dorej brënda e shpuri.  
Hynë në odët të parë  
i heth derës katarinë.  
Me të hedhur drynë derës  
i u hap goja pak së mjerës.  
Më ty më shtiu Perëndija  
ti më s' del nga ment e mija.  
Që kur qesh e vogël vashë  
tynë në ëndër të pashë.  
Ngaj fytyra jam ndëruar  
jamë bërë si e maruar.  
Kur të shoh zemra më çelet  
kur s' të shoh fare s' më delet.  
Hith sytë më shih një herë!  
Fjalët e para i lerë!  
Kry-unjur i përgjigjet:  
"ime-zonja ç' ka që digjet?  
Rrop si mua munt të kini  
një qint mbretër po më lini!  
T' arhtë keq të më kujtonje  
nga brengët të më shpëtonjë.  
As më lësho ngaj kuvlija  
shpëtomë nga robërija.

S' është mirë tok të rimë  
se na hyn zjari në shpimë.  
S' ri tok baruti me zjarë  
se përzhitet me të parë".  
Zelihaja vesh s' i vuri  
në dhomët të dyt' e shpuri.  
I vu klyçin e kuptosi  
Jusufnë keq e brengosi.  
Me rënkim të math thirriti:  
"zjari tënt ah më zhuriti.  
Për ty qimen krejt e dhashë  
gjësendi fare më s' lashë.  
Pandehnja të më dëgjonje  
edhe plagët të mi shëronje".  
Tha: " të lutem as më lerë  
se nuk e prish unë nderë.  
Qysh e bëkam këtë punë?  
Ku futem nga Zoti unë?".  
Këto fjalë me të thënë  
odën tjetër patnë zënë.  
Dhe asaj klyçin ia hodhi  
Jusufit keq ia përmbloodhi.  
Me kësi lajka që zuri  
në të shtatën gjer e shpuri.  
Të mjerës buza i dridhej  
i ngjethej zemra, i hidhej.  
Dyke mbajtur ëmbël fjalën  
e zuri për dore djalën.  
E ngasi ku kishte shtruar  
qëlloj për të turpëruar.

Atje zuri logorinë  
heq leshrat e çjer turinë.  
"Jusuf! më qafë më more!  
Më s' më le mënt po m' i nxore!  
As më sheh se vdiqa plasa  
për ty zalisa, gajasa".<sup>1</sup>  
S' ngrinte kryet nga piqiqiri  
se mos e diqte qiriri.  
Po i mjeri dot s' shpëtonte.  
Në çdo vënt që të vështronte  
të dy tok me Zelihanë  
nëpër shtresat shkruar janë.  
E hoqi kokën nga muri  
syri prap ato i zuri.  
U vërtit po sheh tavanë  
ç' të shoh gjith ashtu janë.  
Kudo që të hedhë sytë  
sheh gushuar vet' i dytë.  
Si e pa pisk më ç' do anë  
ngëthehet sheh Zelihanë.  
Zelihaja u gëzua:  
"ndriti djelli tha mbi mua".  
Bëri ah duke rënkuar  
lottë si çurkë pikuar.  
"Këtu ku kam shtruar shtresën  
as m'a mbaro mua shpresën.  
Nem pak ujë se u dogja



<sup>1</sup>Zalisa: më ra të filmit. Gajasa: prej qarjes, s'më mbenë mënt:  
humba krejtë mbeta me goj/ hapët (gojasa)

të mbaj shpirtin se u poqa.

Kam me vjetë që s' kam gjumë  
lott' e minj venë si lumë.

O shpirt për zon' e vërtetë  
që ka çpikur ç' ka në jetë.

Yll! Për bukurinë tënde  
që mbretëron në ç'do vënde!

Për qepallat që më kini  
më të bukur shtat që jini.

Për atë qipar të shkruar  
që të ka fort zbukuruar.

E për nishanet të faqes  
burbuqkat të manushaqes.

Për lott' e syve që derdha  
e për fytyrën q' e nverdha.

Për atë që më s' gëzonem  
dita më ditë rëzonem.

Për atë q' u përvëllova  
n'alivane u mbulova!

Shpirti im! Keq të të vijë  
as vëre punën ne vijë!

As m' i shro plagët e mija  
më të faltë Perëndija".

"As po të thashë më parë  
mos m'a ngarko këtë barë!

Shumë më qafë më bije  
menjtohu pak s' të ka hije.

Prindret t' im gjith Pejgamberë  
gjer më sot kam rrojtur nderë.

Sikur të mos më trazonje  
shumë do të më gëzonje.

Pastaj kurrë s' ta haronja  
shpresën do të ta mbaronja".

Ahere Perija thotë:

"Jusuf! Këto i ke kotë

një që për ujë zhuritet  
gjer për nesër qysh i pritet?

Mua ta dish nga kjo fjalë  
m' ardhni shpirti më të dalë.

Sot përse s' do nuk më thua?

Se më s' më durohet mua!..

"Zoti' Azizi me qënë

tha: s' më kanë për të lënë.

Se po mori vesh Azizi

m' i nxjer petkat nga kurizi".

I tha: " frikë mos ki tinë

Azizit ia bëj ndërtinë.

Për zonë vetë ke thënë:

q' i duron mëkatet tënë.

Të holla me barrë ndajmë  
edhe fajne t'on' e lajmë".

"Po të dal tha i pa besë

më rëntë pik' e rrufesë.

Nuk i kam për të haruar

të mirat, se s' jam maruar.

Se s' gënjen do Perëndinë

se të ndash të holla tinë".

Syt' i lëshuan shkëndija

më s' duroj dot tha Perija:

"Ç' janë ato që po më thua?  
Me profka s' më gënjen mua!  
Gjer këtu se më s' ka kripë  
më s' më mbetet as mua cipë.  
Me sot nesër s' bëhet punë  
sot e gjalla më s' dal unë.  
Ja më jep ujë një pikë  
ja më çaj barkun me thikë.  
Në kursefish ti dorën tënde  
thikën në zverk po s' m'a dënde  
do të bëhem vetë trime  
edhe të ther vet-hen time.  
Të vdekur kur të më gjejnë  
s' ka se si ty të rëmbejnë".  
Kish ndënë shtresët një pallë  
qiti si tha këtë fjalë.  
U ngrit Jusufi nga vëndi  
për të marrë pallën rëndi.  
I rrok dorën zu t' i flasë  
me të mirë Zelihasë.  
"Do të më therç mua tinë  
a do bar të shrosh mëlçinë?".  
Si dëgjoj Perija aqë  
e flaku pallën sakaqë.  
Tha se puna po mbarohet  
por ajy prap s' afrohet.  
Ajo kërkon t' i pllavitet  
ai prapë hallavitet.  
Kjo e mjera përvëlonet  
ai sërish po ndalohet.

Sikur mbërthehet ç' mbërthehet  
herë ngëthehet ç' ngëthehet.

Kësi lloj rreh të shpëtojë  
punën e tij të fitojë.

N' atë çast pa Zelihanë  
që mbuloj një shtat më nj' anë.

"Kaqë fort tha, ç' i qëllove  
ç' pate shtatnë q'e mbulove?

Në çast përgjigjet Perija:

"ajy është Perëndija.

I jam falur dit' e natë  
i kam kërkuar uratë

Nuk më kënda këtë kohë  
në këtë gjë të më shohë".

Jusufi thiri njëherë:

"bobo sa qënkam i mjerë.

Kjo prej të vdekurit ruhet  
prej shtatit të ngurtë ndruhet.

E si quhem njeri vallë  
kur unë nga Zoti i gjallë

nuk mejtohem asnjë çikë?

Të kem pak turp e pak frikë!".

Kjo thirrje ndër ment e solli  
u ngrit ngaj shtresat dhe dolli.

Kjo fjalë si e përmëndi  
nxitoj më s' e mbante vëndi.

I ra prapa desh ta zerë  
po ai ikte si erë.

Gjishtin mirë pa rëfyer  
katinari qe zbërthyer.



Jashtë mezi e ka zënë  
edhe dorën ia ka shtënë.  
Po brënda si më s' e futi  
ngriu ne dera porsi puti.  
U sul prapë e katisi  
këmishën prapa i a grisi.  
Të mjerit keq si ia fshtolli  
ashtu copë jashtë dolli.  
Si më s' bëri dot gjësendi  
s' muntte të ngrihej nga vëndi.  
Në krye mënt më s' i mbeti  
"un' e zeza thosh ç' më gjeti!  
Më dolli ngaj dora gjahu  
un e mjera m' u tha krahu".  
Merimanga ngrehu tendë  
si bujku që heq parmendë.  
E mbaroj lesën e thuri  
një gjah të majmë e zuri.  
S' qe e zonja dot s' e mbajti  
mundimi humbur i vajti.  
"Merimang' unë jam thotë  
që më vajti puna kotë.  
Më roftë maji me indin  
se ma punoj gjahu qindin.  
Bobo mendjen ku e kisha  
për të qimen krejt e prisha"  
Këtej djali me të dalë  
e pjek Azizë për ballë.  
Çkalafitur me të parë  
i tha: "o bir! ç' të ka ngjarë!"

Atij goja s' munT t' i vejë  
që Azizit t' i rëfejë.

    Deshi punën ta mbulojë  
    e të mos e turbEllojë.  
Pas dorej me qeshk e zuri  
pranë Zelihas' e shpuri.

    Kur i pa tok që po vinë  
    e preu e zeza Perinë:  
"Obobo i paska thënë!  
Puna mbyllur më s' do lënë.

**Si u afrua Azizi, Zelihaja ç' i tha edhe si vajti  
puna ?**

Porsa që i u nqas i shoqi  
ajo këmbëzën i a hoqi.

    Do me thënë hapi gojë  
    me të rema ta mbulojë.  
"ky rropi që kemi blerë  
gruan tënde desh ta zerë".  
Pra trego i tha i shoqi  
djalën jashtë kush e ndoqi?

Kisha hyrë brënda flinja  
kur e shoh këtë ngaj brinja -  
    Hyrë si kusar i nvjedhur  
    mua thonjtë për të hedhur.

Kur më nqasej e dëgjova  
nga gjumi sakaq u zgjova.

    Si u zgjuash u tremp miku

zuri sulmin edhe iku.  
I rashë prapa e ndoqa  
i zura linën e hoqa.  
Këmisha q' është' e gjerrë  
faqe bardhë do më nxjerë.  
Po të më dëgjonje mua  
mbase jam një copë grua.  
Ja në burgut ta vëndosni  
ja tjatër lloj ta brengosni.  
Të marin të tjerët pjesë  
të mos dalin të pa besë.  
Azizi keq u zemrua  
bërtiti u ashpërua.  
Dy-qint brrë për ty dhashë  
për vet-hee asnjë gjë nuk lashë.  
Si bir të vetëm të desha  
si djalë mbreti të nvesha.  
Tynë gjumi të të zinte  
kjo mbi kokë do të rinte.  
Djem e çupa gjithë ç' janë  
si të dy sytë të kanë.  
Ç' pate që na turpërove!  
Të mirat kur i harrove!  
Të mirën nuk e ditke!  
Zotin tënd me grusht e pritke!  
Ha kripën shemp kripaniknë  
si ngrohesh fëlliq kllaniknë".  
I përgjigjet dy e qarë:  
"o im zot! Kështu s' ka ngjarë".  
Por Azizi më s' ja zgjati

i dha urdhër njëjt që pati:

"Hekurat në zverk t' ja shtjerë  
ta marë në burg ta shpjerë".

**Heqj' e njeriut Jusufnë për të hedhur në burk  
edhe folj' e foshnjes të djepit për të larë  
Jusufnë, edhe për ta qitur faqe bardhë.**

Jusufnë me të përfshirë  
i arth keq ka psherëtirë.

Ngriti sytë në qjell lutet  
lot prej gjaku i këputet:

"O ti që di ç' do të pshehur  
e grackën kush e ka ngrehur!

Përveç teje s' ka të tjerë  
të drejtën sheshit ta nxjerë.

Gjith këto mi kokë m' ardhë  
as më qit Zot faqe bardhë".

N' atë vënt u ndoth një grua  
nga kjo gjëmë u tmerua.

Ish nga fis i Zelihasë  
i u zu pika s' munt të flasë.

Pat në djep tre muajsh një djalë  
si i math nisi flet fjalë:

"Aziz! S' duhet të nxitohesh  
turp i math po të menjtohesh.

Nuk është për të munduar  
zembr' e tij për të lënduar".

Azizi habitur mbeti  
ngëthehet foshnjën pyeti:

“Ty Zoti ëngjëël i mitur:  
të mësoj flet si i ditur  
Folmë, pra, fjalën e drejtë  
vallë kush i ngrehu leqtë?”

Tha: nuk jam që s’më mban barku  
të të them se ç’bënë varku  
S’i mban barku e s’ri mirë  
prandaj myshku është nxirë.

Do të të them me të urtë  
tynë një fjalë të shkurtë.  
Kjo punë shpejt kupëtohet  
këmisha po të vështohet.

Përpara në qëntë çarë  
Zelihaja është e larë.  
Prapa grisur po të jetë  
fajnë djali do ta ketë.

Si tha foshnj’ e arësyer  
këtë fjalë të pëlqyer.  
Pa këmishën prapa çarë  
zu të shoqen për të sharë:

Tha: “qënkam lajkat e tua  
sy e faqe s’ më le mua.  
S’ pate turp a ditë-prerë!  
Qysh e zure rropn’ e mblerë.


Ç’ është kjo moj faqe-zezë!  
O moj dhelpër! E pa-fezë!  
Çpifjet tuaja anë s’kanë  
të mbëdha si malet janë.

Of burrat më të mbëdhatë  
të zinjt i heqin ngaj gratë.

Grua e tillë mos qoftë  
Zoti ngaj to na shpëtoftë.  
Laje tani me të qarë  
Emrin elik që ke marë!  
Përpiqe kokën pas murit  
për këtë q'i bëre burrit".  
"Jusuf! O ëngjëll i lartë!  
Jusuf! O florir i artë!  
Mjaft për ty o bir i mbarë!  
Dolle me piqi të larë!".  
Këto fjalë si i foli  
i lëshuar jashtë dolli.  
Durimi thot është i mirë  
po e drejta e pështirë.  
S' do lëshuar gruas frenë  
paztaj prej mjekre të zenë.  
Gruaja sy po të ketë  
shtëpinë e ngëthen përpjetë.

**Savijt<sup>1</sup> e gravet të mëdha të qytetit Zelianë  
edhe e premja e duarvet kur lindi hëna mbi to**

Grat e mëdha tërë ç' janë  
po qeshin me Zelianë.  
Si s' ka turp e si s' mejtohet ?  
që ndyhet e turpërohet !  
Pas rropit të saj ka rënë



<sup>1</sup>Sharje prapa shpinës (gibet)

sa s' di vet-he! është shtënë.  
Çudi e madhe kjo punë  
thonë, dhe po rahin gjunë.

Çudija m' e madhe ku-është?  
Ngaj çuni e ka keq ngushtë.  
Ase sheh as do t' i flasë  
as s'i qaset Zelihasë.  
Vallë ç' ka s' do ta pëlqejë?  
Më të bukur do të gjejë?  
Një ngaj ne po të vështronte  
pa parë munt të duronte?  
Ca bukuri shumë kanë  
por fatnë të çalët e kanë.  
Ka disa turi mërziur  
në to janë gjith goditur.  
Po s' pat fatin bukurija  
rri e pshehur si Perija.  
Kësi fjalësh thoshin gratë  
e përgonin dit e natë.  
Fjalët me të kupëtuar  
dërgoj njerëz i ka ftuar.  
Lan' e pshin' e pastëruan  
shtresat më të mira shtruan.  
Lloje gjellë lloje pemra  
nga ç' do gjë që t'i u donte zemra.  
Mushk dhe shum' err-ra të tjera  
spërkatn' odat gjer ne dera.  
Shtruan sofrën zunë hanë  
t' ëmbla t' tharta ç' janë.

Çupat e çunat të zgjedhur  
tërë reth e rrotull mbledhur.  
Zonjavet nder për të bërë  
me dorë në zemër tërë  
po mbajnë kupat e arta  
që çkëlqejnë si të zjarta.  
Ngaj e ngrëna sa pushuan  
portokajtë i u lëshuan.  
I u dhanë dhe nga një thikë  
tha: " lutem prisni një çikë  
shumë savitur më kini  
mblithni mëntë se gjë s' dini!  
Ju atë sikur ta shihnit  
besoj që do të më ndihnit".  
Thanë bëhet shumë mirë  
të shohim kemi dëshirë.  
"Eh duroni pak prisni  
portokajtë mos i prisni.  
T' i dërgojmë le të vijë  
si hëna të vetëtijë.  
Dërgoj tajën e thërriti  
s' qe e zonja dot s' e ngriti.  
Vajti vetë dyke lutur  
me një zemër-të-këputur.  
"Shpirt'i im vallë ç' fitove?  
që zemrën ma copëtove.  
Për ty në gojë më mbajnë  
i math i vogël më shajnë.  
Ti në gratë po të donje  
mua nuk më turpëronje".



Bot e bot dyke lutur  
mezi gjer sa e a zbutur.  
E nveshi, bukur e ngjeshi  
e stolisi porsi deshi.  
Që ngaj krej e gjer në thonjtë  
florinjti i nverdhin si ftonjtë.  
I u vret sytë bukurija  
i u përzhitet mushkërija.  
Pënda ime esht' e çalë  
nuk gjen dot të shkrojë fjalë.  
As me pëndë, as me gojë  
s' mundet njeriu ta tregoë.  
Ish një kopsht i lulëzuar  
ngaj parajsi qe rëzuar.  
Grat e zeza kur e panë  
u zalisë përdhe ranë.  
Të mjerat si drurë ngrinë  
se ku janë më s' e dinë.  
Që kur hyri brënda djali  
i-u kish rënë portokalli.  
I prenë duart i ngrinë  
e mbytnë me gjak shtëpinë.  
Fort të bukur kur e panë  
ky nuk është njeri thanë.  
Këtë njeri s' e ka pjellë  
ëngjell është ka vënt qjellë.  
I u hap syri Zelihasë  
nisi zonjavet t' i-u flasë:  
"Ju zonja jini që mua  
s' më latë baltë ndër thua?"

E ku jini përse s' flisni  
vini re duart mos prisni!  
Ç'do të thoni si e patë?  
Tashti të drejt' a më dhatë !!!  
Për këtë digjesha unë  
për këtë turpet më zunë.  
Për këtë keq u zhurita  
po s' më qasi fare drita.  
Pas këtaj ju them ta dini  
më qafë të mos më bini.  
Dhe ky pas këtaj po s' deshi  
e zuri në burg rrebeshi.  
Si të heqë do të zbutet  
pastaj vetë do të më lutet.  
Zoqt e egr' ashtu e kanë  
nuk i nqasen njeriut pranë.  
Ca ditë kuvli si rinë  
në dorë vetë të vinë".  
Disa ngaj ato q' u prenë  
q' atë kohë pa shpirt mbenë.  
Disa gra fare roitnë  
zbathur e karros u ngritnë.  
Dhe disa sa patnë jetë  
më s' bënë kurrë përpjetë.

**Si e panë Jusufnë i dhanë hak Zelihasë edhe e  
trempnë Jusufnë me burk**

Si e pa q' u doqnë gratë

po si peshku më të thatë.  
Zelihanë si fill bari  
e përvëloj më keq zjari.

I u tha zonjavet që çanë -  
duart, djalën kur e panë:  
"A kini gjë për të thënë?  
Flisni pra t' ju dëgjoj zënë!".  
I thanë: " s' kemi ç' të themi  
të gjitha me tynë jemi.  
Edhe guri ta vështojë  
zemrën do t' i copëtojë.  
As duke as është dukur  
kësi djalë kaq i bukur.  
Kushdo ta shohë zhuritet  
i lozin menttë mahnitet.  
Do një faj ti s' paske pasur  
ka faj ky që s' të është nqasur.  
Pastaj Jusufit i u mblodhën  
gjith me një fjalë i u hodhën:  
"Jetë-math! O yll! o hënë!  
Si ti syri s' na ka zënë.  
Të lutemi shpirt i thanë:  
të dëgjosh pak Zelihanë  
për ty ç' pati gjith' i prish  
u doq në hellt porsi mishi.  
Aju njeri q' është burrë  
si haron të mirat kurrë.  
Kemi frikë mos zemronet  
edhe pastaj mos gërmonet

pra të heth në burk të fellë  
të mos shoq me sy as qjellë.  
Ç'do njeri që hidhet brënda  
ka në zverk pranga të rënda.  
Pa bukë e pa ujë rinë  
se ç' heqin' ata e dinë.  
Ata njerëzit e derës  
si zebanit e skëterës.  
Në këtë vënt nuk na kënda  
të të kallim tynë brënda.  
Po s' pëlqeve Zelihanë  
zgjith një grua ngaj ne thanë.  
Si hëna e bukur jemi  
në bukuri shoqe s' kemi.  
Të gjitha jemi të tuat  
ajo nuk na vjen ndër thuat".  
Tepër u mbush i mjeri djalë  
kur dëgjoj gjith këto fjalë.  
"Zot! Me zemër thotë murgu  
më mirë më duket burgu.  
Atje më mirë për zonë  
sa të dëgjoj ç' më thonë.  
Shumë më kanë shtrënguar  
më mirë të jem mërguar.  
Një qint vjet le të qëndronja  
ngaj gratë veç të shpëtonja.  
Mjer un' o Zot i vërtetë  
në mos m'a mbyllç këtë fletë  
që po ma këndojnë gratë  
ah këto lajka-mbëdhatë.

Më keq liksht më s' ka për mua  
jetën fare çdo ta dua".

I gjori burgun e ndolli  
me këto fjalë që foli.

As po ashtu ishte thënë  
në burg kishte për të rënë.

**Ngasje<sup>1</sup> e grave të Misirit Zelihanë për të  
hedhur Jusufnë në burk edhe dëgjim i saj  
kuntër ati.**

Si e panë që s' i u ndezi  
u këputnë keq nga mezi.

Për djellën e bukur tërë  
lakuriq i natës bërë.

Zeliasë zunë i flasin,  
me të rema e nagasin

"E më ç' ron! o ditë-prerë?


T' u nxi jeta t' u bë stërrë.

Si mishi në hellt të piqesh  
kotë sa do të përpqesh.

Sa u munduam në tërë  
e bëmë gjuhën gjilpërë.

Nuk i shpohet dot piqiri  
s' na ndriti fare qiriri.

Gjithë më një mëndje jemi  
na vjen keq ja ku të themi:



<sup>1</sup>Shtyrje

Ti çunin në burk pa hedhur  
mëndjen s' e ke për të mbledhur.  
Hekuri pa nxehur, s' rrihet  
pa vojtur e mira s' dihet".

Dhan' e dhanë e gënjyen  
mëndjen gjersa ia ngëthyen.  
Tha ndofta mund të pendohet  
ca kohë si të mundohet.

I tha Azizit një natë  
ajo mënt-shkurtër e lesh-gjatë:  
"Sy e faqe më s' më mbeti  
qesh me mua gjith qyteti.

Tërë thonë gra e burra  
gjoja Jusufin' e zura.  
Burrë! Them me mënt e mija  
ta largojmë ngaj shtëpija.

Na! ajy dorën ta shtjerë  
mbi zonjën q' e ka blerë.  
Edhe bota si ta shohin  
ç' farë është do ta njohinë

Ngaj goj' e botës shpëtojmë  
nderë prapë e fitojmë".

Azizi fort u gëzua  
kjo më pëlqen tha dhe mua.  
Ty në dorë ta kam lënë  
bëj ç' të duash nuk nxjer zënë.  
Si i tha kështu i shoqi  
Jusufit krabën ia hoqi.

"Mblith mënttë se mjaft u lodha

se tani në burk të hodha.  
Ytë-zot ma la në dorë  
po mbush kokën o i gjorë!  
Do të flesh atje mbi gurët  
çveshur' zbathur edhe urët".  
Hapi gojën zu t' i flasë  
me të mirë Zelihasë.  
Po ajo u ashpërua  
edhe fort keq u zemrua.  
Petkat e mira ia çveshi  
i veshi stroma prej leshi.  
Thiri njerëzin e muar  
i hodhën klyçe në duar.  
Hekurat në zverk ia hodhën  
një gomar të zgjebur zgjodhën.  
E muarn, e hipnë prapë  
pa këpucë dhe pa kapë.  
Më s' lanë vënt pa shetitur  
njerëzit dyke thërritur:  
"Ç'do njeri q' është i ndyrë  
të shohë këtë pasqyrë.  
Kjy të zot i lik i dolli  
punën gjer këtu e solli".  
Por bota me vet-he thonë:  
"nuk na mbesohe, për zonë.  
Nuk na i mer mëndja kurrë  
të jetë i këtill skurrë.  
Kjy nga qjelli ka rrëzuar  
s' ka meleq të djallëzuar.  
Ngaj kjy nuk vjen pun' e ligë

në qaft' e past' ajo shtrigë!

Gjithë ç' qenë pas i ranë

e shpunë në burk' e lanë.

Por sa hyri kjo nga dera

u bë një parajs skëtera.

Prej mbretit të bukurisë

u çel zemr' e njerëzisë.

Zelihaja u pendua

shpirt i saj liksht u rëndua.

I çoj fjalë burgëtarit:

"ta nxjerë nga buz' e varrit.

Hekurat t' ia zgjidhnjë tërë

t' i japë një odë të gjërë.

Ta lajë dhe ta ndërojë

shilte të butë t' i shtrojë".

Jusufi me të shkujdesur

ngaj zonjat që kishte ndezur

si parajs i duket burgu

nat' e ditë falet murgu.

Lavdëron zon' e vërtetë

q' e shpëtoj shpejt ngaj rëketë.

**Pendimi q' e dërgoj në burk, dhe qarj' e  
renkim i saj që bënte pastaj.**

Jusufi në burk si hyri

perisë zu i qan syri.

Pallatet i duken sterrë

nuk di se ç' udhë të zerë.



Lê kur sheh vëndin e djalit  
i pikon në mest të ballit.

Ja moj kuje thëret, çiret  
këput flokët e rreh gjiret.

"Qysh m' i qitnë mëndtë mua?  
Syri im qysh u verbua?

Hi më hodhën syve gratë  
vetë si hagra afratë.

S' më duket njeri të ketë  
t' i shkurtojë këmbët vetë.

Un' e mjera, ç' u mahnita  
ç' pata syn' e vet e qita!

Se ku shkela of nuk pashë  
si e verbër në pust rashë".

Tërë natën gjumi s' e zinte  
s' delte s' fliste s' hante s' pinte.

Kur shihte plaçkat e tija  
zaliste humpe Perija.

M' i math zi s' ka ku të vejë  
shkoj pëllumbi ku ta gjejë!

U largua fort prej trimit  
s' ka ç' të bëjë veç durimit.

Zu rihte kokën pas murit  
përpiqte duart pas gjurit.

U ngjit mbi kulmit përtpjetë  
të gremiset tatëtpjetë.

Por nxitoj plakëz' e gjorë  
i puthi këmbë dhe dorë.


"Mblith mëndjen i tha, moj bijë

për mua keq të të vijë.  
Ngaj këto gjëra ç' fitove?  
Veç zemrën na copëtove!  
Kështu, mos bëj ! si e marrë!  
Gjë s' fiton dot me të qarë.  
Po durove trashëgove  
me miknë tënd u bashkove.  
Ç'do gjë bënet me gadalë  
bënet gruri bukëvale".  
Ngaj fjalët që foli plaka  
në mënt i hynë të paka.  
Gjer pushoj vojti shumë  
mezi e vu pak në gjumë.

**Dobëtim i Zelihasë nga zjar' i ndarjes  
të Jusufit dhe vajtj' e saj në burk për të  
parë hënën që të merte pak dritë**

Edhe në gjumë që flinte  
ajo preçartjen s' e linte.  
Gëdhihej ngrysej s' haronte  
zëmra për të i lëvronte.  
Ngaj goja nuk e lëshonte  
e ngaj qarjet nuk pushonte.  
Ç' bën Jusufi sonte vallë?  
Qysh e kam si ma ka hallë?  
Zjari sa vinte i shtohej  
veç si ta shohë menjtohej.  
Me të ngrysur tha:"o plakë!

Ngreu të vemi në bur pakë.  
Pshehur donjë bri të zemë  
yll' e bukur re ta vemë.  
Se në kopshtit po mërzitiem  
dua në burk të zbavitem.  
Mua në kopshtit s' më delet  
zemra veç në burk më çelet.  
Ndë një bri van' u tulitnë  
gjer sa u hap dera pritnë.  
Kur shohin se hëna ndriti  
si vetëtima shkrepiti.  
Kur e pa që për së largu  
ardhi u ep po si hargu.  
Herë ngrehur si qiriri  
i vetëtinte turiri.  
Herë pas dheut fshinte faqet  
thua përhap manushaqet.  
Lot'e nxehtë i zbërthehen  
drejt ngaj dera kur ngëthenen  
thosh me vet-he: "vallë ç' pata  
unë shushka kokë-thata  
ty në burk qysh të dërgova?  
Ngaj këndi qysh të largova !".  
Tër natën është tresitur<sup>1</sup>  
pas djalit është zhuritur.  
Kështu disa net ka vajtur  
vehten me gas për të mbajtur.  
Pagëdhirë ngrihej shkonte



<sup>1</sup>Kapitur, kahtitur përpyjekur fort.

buz' e saj vrer i pikonte.  
Pazdaj një kullë ka ngrehur  
delte natën për të shprehur.  
Po pa hipur mirë qante  
sytë ngaj burgu i mbante.  
Mundohej gjësendi s' shihte  
ngaj zjari gjunjët i rihte.  
Thosh: "të bëhem copë copë  
të hyj e gjallë në gropë.  
T' isha zog të fluturonja  
ah drejt shpirtit të qëndronja".  
Tër ditën në kullët rinte  
si veriu nga burgu vinte.  
Çupat sa do që i flisnin  
në mënt s' vinte ç' i thërisnin.  
Mos mundohi thosh: o çupa  
se më dehu mua kupa.  
Kup' e Jusufit që piva  
zemrën, mushkëritë i griva.  
Menttë nde Jusufi mbenë  
për atë ethet më zënë.  
Jeta imë kotë humbi  
prej zemrej më mori plumbi.

**Të mirat e Jusufit që u bënte të mbyllurvet në  
burk e tregim i ti ëndrat t' atyre q' ishin pranë  
mbret, edhe porosija që ta kujtojnë ne mbreti  
kur të dalin ngaj burgu.**

Jusufi në burk kur hyri  
i' u çel të gjithëve syri.  
Njerëzit i thëriste  
fjalë të mira i-u fliste.

Pas Jusufit aqë ranë  
nat' e dit' i rinë pranë.  
As për gjë s' duan të dinë  
shkujdesur të qeshur rinë.

Dërgoj mbreti dy fajtorë  
lidhur kuspull këmb' e dorë.  
Njëri bukën i gatonte  
tjatri verën i ndërtonte.

Njeriu i bukës gërmonte  
mbren' e ti që ta helmonte.  
Mbretit këtë i-a rëfyen  
edhe sakaq' i rëmbyen.

Pandehu shokë mos janë  
fjalën më një mos e kanë.  
Ky pas kokës mir e gjeti  
por kalli dhe tjatrin mbreti.

Të dy nga një ëndër panë  
vanë Jusufit ia thanë.

Njëri tha:" në vreshtët isha  
në dorë një kupë kisha  
u mundova pak u ndrydha  
tre kopanecë i shtrydha.

Mbretit të dashur ia dhashë  
e piu tërë mir' e pashë".

Ai tjatri hapi gojë

ëndrën e tij t'ia tregojë:  
"Mi kokë shportën kam sjellë  
plot me bukë dhe me gjellë.  
Javo zoqt' e egr' u dhanë  
m' i hëngrën fare s' më lanë.  
Tregona si do të dalë  
mirë-bënjës! Trim! o djalë!".  
Tha:" njëri do të shpëtojë  
mbretit musht do t' i ndërtojë  
tjatri do të nvaret në drutë  
do t' i hanë zoqtë trutë".  
I thanë: "këto që thamë  
ne i ngjismë nuk i pamë".  
Ç' më pyett' unë ju thashë  
si dita gjyqin e dhash.  
Ati që do të shpëtonte  
i thotë që ta kujtonte.  
Mbretit pranë kur t' i vejë  
për të mjerin t' i rëfejë:  
"ka kohë një çun i zënë  
në burk pa faj është shtënë".  
Aju nga burgu si doli  
Jusufnë ndër mënt s' e solli.  
Vjetë një-mbë-dhjetë mbeti  
gjer sa pa një ëndër mbreti.  
Të diturit gjith u mblodhën  
u përpoqnë sa u lodhën.  
Sa u lodhën u menjtuan  
ëndrën dot s' e kupëtuan.  
Kësi ëndrash fare s' dalin

thonë dhe gjësendi s' çpallin.

Njeriu që shpëtoj i thotë:

"mos mundohi kështu kotë

në doni të kupëtoni

mua në burk më shpejtoni!"

Shkoj në burk dyke nxituar

ëndrën për të kupëtuar.

"O Jusuf! O trim i drejtë

më kanë dërguar pleqtë.

Një ëndër ka parë mbreti

dualln shtëtë qje nga deti.

Të mëdhenj të majmë qenë

muarën përposhit dhenë

pas tyre dualln dhe shtatë

të dobët të liq të thatë.

Të ngjallmëve pas i u ranë

i kollofitën s' i lanë.

Dhe kallinj të nveshur shtatë

si kush i gjelbër i gjatë!

Dualln pas shtatë të thatë

i gëlltitn ata të shtatë.

As më rëfe mua tinë

të shkoj t' iu them le ta dinë".

"Shtatë vjet, farë, do hithni

bukur ta korni, ta mblithni!

Sa t' ju duhet aqë shini

tjatri në kallit e lini.

Të shtatë kallinjt e gjetë

të mbushur krye-përpyjetë

motet të mbarë rëfëjnë

arat tepër do të lëshëjnë.  
Do të bëhet shumë drithë  
do të mbushet bota gjithë.  
Qetë dhe kallinjt e thatë  
që gëlltitin ata të shtatë  
tregojnë motet e zisë  
motet e zinj të urigjsë.  
Të varfrit do të thëresin  
bukë buk' e do të vdesin.  
Pastaj vjen një mot i mirë  
drithi bënet fort i lirë.  
Susamn' ullinjtë e rrushtë  
ku ta venë vajnë mushtë.  
Do t' ju ndihjë Perëndija  
do të ngopet njerëzija".  
Ajy njeriu i dërguar  
mbretit mirë pa treguar  
shkoni tha më sillni mbreti  
se ky bir ëndrën ma gjeti.  
Sakaqë vanë i dhanë  
sihariq edhe u thanë:  
"Ty e keqe më s' të mbeti  
jakë shpejt se të do mbreti".  
"Shko i tha t' i thuash mbretit  
pra pyet grat e qytetit.  
Ato grat e ftushme ç' qenë  
duart vallë pse i prenë!  
Se im-zot i di të tëra  
q' unë gjësendi s' i bëra".  
I mblodhi grat i pyeti



me një tërsëllëmë mbreti.  
Thanë: " faj Jusufi s' kishte  
me të drejtë të ti ishte.  
Është" ëngjëll i Perëndisë  
nuk i nqaset ligësisë".  
Edhe Zelihaja foli:  
"E vërteta në shesh dolli  
un' e thira por s' më nqasi  
buzën t'ime kaq m'a plasi.  
Është i drejt trim prej trimi  
por faj i madh është timi.  
Gjë të ligë nuk ka bërë  
i pësoj prej meje tërë".  
Jusufnë për të nderuar  
mbret' i madh ka urdhëruar!  
Që të mblidhen parësija  
të mëdhenj e vogëlija  
gjer ne burgu ngaj pallati  
të radhiten për së gjati.  
Jusufn' e qitën kaluar  
e sjellin dyke ndaluar.  
Udha njerës gumuzhitte  
kur shkante ky i zhuritte.  
Arthkën me të kupëtuar  
mbreti del dyke nxituar.  
Zbriti poshtë dhe e priti  
e përqafoj, nalt e ngjiti  
pranë tij në fron e mbajti  
e pyet si shkoj si vajti.  
Ëndrënë që kishte parë

ia përsëriti më parë.

Ngaj ç'do deg' e nga ç'do punë  
me Jusufnë fjalë zunë.

Mir' e bukur i përgjigjej  
gojë-hapur mbreti digjej.

"Sot për sot tha, Jusuf tinë  
në dor e ke mbretërinë.

Pra më jep një mëndje mua  
bota ç' të bëjnë as më thua !".

Tha:"në shtatë vjett e parë  
mos lenë pa mbjellë arë  
të xhërmitin dhe shkëmbenjtë  
të mbjellin dhe përrenjtë.

Vënt pa mbjellë të mos lenë  
për motet e zinj ta kenë.

Këtë punë lërma mua  
që të punoj si të dua.

Sikush do s' mundet të dijë  
t'a vejë punën në vijë".

Mbreti u gëzua shumë  
tha: "mi arkat ty të vumë  
në dor' e ke ushtrinë  
edhe gjithë njerëzinë.

Mbreti Aziz e përzuri  
në vënt të tij këtë vuri.

Ditët të shkurtra i pati  
më s' rojti shkoj ne i ati.

Zelihaja gjithnjë qante  
kokën pas murit e çante.

Se ç' punon ahmokr' e qjellit

gjith i bije ndryshe fyellit.  
Një e mer e ngre mbi retë  
tjatin e flak tatëpjetë.

## **Arthj' e Zelihasë në krye të udhës që shkonte Jusufi edhe ndërtim i saj një kalibe prej kallmi.**

Kur të qan zemra nga herë  
të duket jeta skëterë.  
Zelihaja vetëm fillur  
si zogu në kuvli mbyllur.  
Azizi më këmb' i rinte  
një fill bar me dorë s' zinte.  
I kishte tërë të mirat  
shtresat të ngrënat të pirat.  
Në gojë Jusufnë mbante  
nat' e ditë për të qante.  
Ç' do njeri që karshi sojesh -  
Jusufnë ta zinte ngojesh -  
zonj' e mirë nuk kursente  
i jepte në xhept ç' të gjente.  
Kështu e dha gjën' e tërë  
s' mbajti vet as një gjilpërë.  
E gjora si vdiq i shoqi  
shumë vojti shumë hoqi.  
Ngaj duart i dualln radhë  
sa u fut ndë një gërmadhë.  
Ngaj zjar i tij fare s' flinte  
kujen, të qarën s' e linte.  
Thosh ahere sa mir isha  
kur Jusufnë pran' e kisha.  
Për në burk me ç' mënt qëllova

e hodha por u kullova.

Ngrihështa natën si bufi  
vinja të shoh ç' bën Jusufi".

Kështu thoshte e përpiquej  
po si gjarpër zvarë hiqej.

Thojtë në turinj i ngulte  
hiqte flokët dhe i shkulte.

Zemrës grushtin ia lëshonte  
gjishitn me dhëmbë e kafshonte.

Me vjet zonj e goditur  
me lot dhen' e ka ujitur.

I' u krrus fare murgës shtati  
shkoj bukurija që pati.

Është vërbuar së qari  
është nverdhur si fill bari.

Ndënë kokët plithar vint  
pa rogos mbi truallt flinte.

Më në fund petka prej leshi  
ditë-zeza mori nveshi.

Ngaj gërmadha është ngritur  
se shpirti i qe mërzitur.

Ngrehu një shtëpi me kallmë  
e shtrëngoij mirë me gjalmë.


Jusufi kaluar delte  
këtë vënd nga her' e shkelte.

Kish një kalë që kur shkonte  
dukej sikur fluturonte.

Ushtërija pas i binin  
ku qëndronte ajy vinin.

Kal i tij kur hingëllonte

mali edhe fusha lonte.  
Zelihaja kur dëgjonte  
nga kallamishta jashtë rronte<sup>1</sup>  
Pëlcitej mb' udhë rënkonte  
priste Jusufnë mos shkonte.  
Si ia muarn vesh folenë  
çilimija më s' e lenë.  
Atje i mblidhen për ditë  
i zenë ngaj qesënditë.  
Ja Jusufi shpejt i thonë  
ka ardhur ri në mest t'onë.  
Djem! I u thosh mos më gënjeni  
përralla mos më rëfeni!  
Erë Jusuf nuk më bije  
mos më ngisni se s' ka hije.  
Jusufi kur delte m'at'anë  
me gjith shokët që ka pranë  
thoshin: "Jusufi nuk ndodhet  
Zelihaja kot sa lodhet!"  
Rini bij mos më gënjeni!  
mos më lani, mos më lyeni!  
Se s' më shohin sytë e ballit  
rëfen hingëllim e kalit.  
E gjer kur do ta heq vallë  
këtë zjar e math e mallë?  
Thërriste njëher e binte  
humbte sa vet-hen s' e dinte.  
I shtohet orë mbi orë



<sup>1</sup>*Ikte*

zjari ashikut të gjorë.  
Zeliasë s' i durohej  
desh Jusufit t' i afrohej.  
Se njeriu të parën kohë  
i kënda lulet t' i shohë.  
Pastaj me sy me të parë  
don t' i këputnjë t' i marë.  
Donte Jusufnë ta shihte  
por murga ngaj sytë s' njihte.  
Përpara putit këputej  
qante rënkonte i lutej.  
"me vjetë t' u fala tynë  
t' arhtë keq pak hapmë synë  
ta shoh Jusufnë një herë  
pastaj në dashq mos më lerë.  
Bëjm' o shtat në qënç i zoti  
me sy si isha qëmoti.  
Më s' munt fare u kulluash  
si barut u përvëluash".  
Në mëngjes me të gëdhirë  
dolli dyke psherëtirë  
ndenji mb' udhë si lipcarke  
ngjeshur mezë me litarkë.  
Disa njerës që po zbresin  
hapni udhën! po thërresin.  
Kur dëgjoj kuajt që vijnë  
zu e zeza logorinë.  
Ngaj buçim e njerëzisë  
s' i vu vesh njeri Perisë.  
Aq u bë sa vet-hen s' dinte

zu kokës me gur i binte.  
U ngrit ashtu e gjakosur  
me një zemër të plagosur.  
I ka vajtur shtatit pranë  
me një zemrim që s' ka anë.  
"e përse o shtat i ngurtte!  
fati im të jet i shkurtë?  
Ngaj ty çdo send që kërkova  
sado qava e rënkova  
ti nuk më dëgjove kurrë  
prit tashti prej meje gurë.  
Ngaj jeta duart i lava  
dale barkun po s' ta cava".  
Rrëmbeu një gur po si trimi  
e thërrmoj si Ibrahim.  
Pastaj përdhe fshiu turinë  
zu lutet më Perëndinë.  
Thosh: " o Zot! Isha mahnitur  
pas shtatit qeshë stërvitur.  
I falësha dit' e natë  
pandehnja prej sish uratë.  
Faj të math bëra duromë !  
o Zot! Hap-më sytë shromë.  
Zot! Më plasi buza ime  
më shkoj jeta me rënkime!  
Shumë vjet kam që jam ndarë  
Jusufin t'im s' e kam parë.  
N' ato fjalë ka goditur  
Jusufi kur është ngjitur.  
Dolli jashtë lebetiti



sa u nqas Jusufi priti.  
Ashtu si shkonte me kalë  
i zu veshi këto fjalë:

"Rrop e kisha unë mbrenë  
mbeç e varfër po fshij dhenë.  
T' arthtë keq o mbret i ndjerë  
për mua plakën të mjerë.

As kujtoni Perëndinë  
paçi jet e mbretërinë.

Tha: "oji u përvëlova  
ngaj kjo plak u turbullova.

Mereni shpejt mos e lini  
në pallatet të ma shpini!

Ta pyesim, pse qan vallë !

Ta shohim ku e ka hallë!

Ç' është ky njeri i varfër!

Nqasur Zotit aqë afër!

**Arthj' e Zelihasë në shtëpi të veçantë të  
Jusufit edhe me lutjen e tij që j'u hapnë sytë  
edhe u shtrua u zbukurua më tepër se ish**

Si e shpërndau ushtërinë  
Jusufi zuri shtëpinë.

Ardh njeriu që porosity  
plakën pas dorej e ngjiti.

Tha: " kjo është plak e gjorë  
që të zu frenë me dorë.

Më the : në shtëpi ma shpjerë

të shohim ç' ka kjo e mjerë".  
"Shihja i tha punën vetë  
mos është e varfër e shkretë.  
Jepi murgës ç' të kërkojë  
e gëzuar le të shkojë".  
Tha Jusuf! S' do të rëfejë  
do të hyjë jepi lejë".  
I dha lejë brënda hyri  
ahere i qeshi syri.  
Zu qeshte e kuvendonte  
e uronte e lëvdonte.  
Jusufi në çudi mbeti  
emrin plakës ia pyeti.  
"Unë jamë që kur të pashë  
për ty ç' pata i dhashë.  
Më shkoj kotë çupërija  
gjer më mbërtheu pleqërija.  
Jusufi vesh me të mrrë  
i ardhi keq e ka qarë.  
Zeliha! Si e ke hallë?  
Ce u bëre kështu vallë?  
Murga porsa dëgjoj zënë  
u zalis përdhe ka rënë.  
Pastaj mëndjen me të mbledhur  
fjalën sërish ia ka hedhur.  
Shtat i-yt pse është krusur?  
I tha: "nga fat i urgusur".  
I tha: përse je verbuar?  
I tha: ngaj qarj' e uruar.  
I tha: të hollat ç' tu bënë?

I tha: për ty i kam dhënë.  
Ç' do njeri të të kujtonte  
pa marë florin s' shpëtonte.  
As ergjënt as ar më mbeti  
malli tënt mua më treti.  
I tha: sot ç' kërkon prej meje.  
dua tha: dua një be prej teje.  
Nem një be po të këthjelltë  
pra ta hap zemrën të felltë.  
Tha bëj be për Perëndinë  
që më fali shënjtërinë.  
Punën me të kupëtuar  
ty të kam për të shpëtuar.  
E para tha, çupërinë  
të bëhem si e di tinë  
pastaj hiqmë verbërinë  
të të shoh bukur turinë.  
Jusufi me të uruar  
Zelihaja është shruar.  
Cepn e syve me të ngritur  
filloj hënë për të ndritur.  
I dha Zoti bukurinë  
i fali dhe nusërinë.  
Si i kishte kënda vetë  
si hëna katër-mbë-dhjetë.  
S' kishte mbushur as tridhjetë  
nga vjeçet nusez e shkretë.  
Në një vërsë kanë qënë  
të dy afërdit e hënë.  
Dua tha të të marr burrë

të mos ndahem ngaj ty kurrë.  
Ngaj plagët ahere shronem  
mikut t'im po t' i afronem.  
Por Jusufi ka pushuar  
ngaj kjo buzën ka kapshuar.  
pret ç' i vjen ngaj Zot i gjallë  
unji kokën nuk bën fjalë.  
Në mest të këtij menjtimi  
kur e pa Xhibrilë trimi  
tha: "nga Zot' i lavdëruar  
ke selam mbret' i uruar!  
Për ty Zelihan' e zgjodhën  
niqanë në Arsh' ia hodhën.  
Të qafohi, të shtrëngohi  
me shëndet të trashëgohi.  
Do të lintni djem të mirë  
të bukur si Xhevahirë".

### **E shtëna niqah për Zelihanë edhe mbyllj' e tyre**

Që të nesërejt shtroj shtëpinë  
e ftoj mbren' e parësinë.  
Miqte q' u ftuan, u mblodhën  
pas zakonit niqah hodhën.  
Pas besës të t' et shkruan  
letrat edhe ia uruan.  
Jusufi shum' është sjellë  
në pritje, në të përsjellë.

Zelihan' e kish dërguar  
në dhomët të tij të shtruar.

Kësaj së mjerës nga gazi  
i qe pjekur fort grumazi.  
Thoshte: fle a jam në gjumë  
ç' jam gëzuar kaqë shumë.

Ëndër vall' a e vërtetë  
kjo punë qysh do të jetë!  
Herë derth lot ngaj gëzimi  
herë gjak nga hidhërimi.

Por kur pa se u hap dera  
u zalis u plas e mjera.  
E zu Jusufi e ngriti  
gjersa ardh në mënt e priti.

Pastaj për qafej e zuri  
ja vu kryet ne gjuri.  
Në buzët buzët i jepte  
burbuqet ashtu ia qepte.

Puthka është krip e gjellës  
kripa i jep shije felës.  
Si ranë të dy të flenë  
kërkoj ia gjeti folenë.

Po derën mbyllur e gjeti  
ngaj kjo gjë habitur mbeti.  
Tha: "Azizi s' e kish parë  
se s' mundi lule të marrë.

Njeriu kotë mos mundohet  
se pa armë nuk luftohet!".  
"Ty në ëndër si të pashë  
q' atë herej, pas të rashë.

Njerës nuk m' u qasnë kurrë  
me elmas ta shponin gurë.  
Lavdëroj Zon' e vërtetë  
kam rojtur me nder në jetë.  
Sa kam hequr sa kam vojtur  
trupthin tim unë e kam rojtur.  
Si e gjet të pa trazuar  
është kënaqur gëzuar.  
I tha sot nga bukurija  
ka turp s' del pshihet perija.  
Thua se qenë vërsnikë  
të dy yj e drit' e pikë.  
"Tani më mir' a ahëre?  
M'a bëre linjën lëvere!"  
"Ah o burrë tha kjo fjalë  
ngaj goja të mos kish dalë!  
Vet-hen në dorë s' e kisha  
më di ndër mëtd unë s' isha.  
Po ti sonte pse s' durove?  
Thelbin bajam pse e qrove?  
S' duhet trubulluar miknë  
s' eë re Mashuku Ashiknë.  
Por s' ma durove ti fajnë  
e nisa përsëri vajnë".

**E shtuara zjar' i dashurisë ne Jusufi për  
Zelihanë edhe ndërtim i ti një faltore për  
zonjën.**

Si kush do që ka duruar  
puna i është mbaruar.

Për Mashuknë kush përpiqet  
më së fundi do të piqet.

Zelihaja sa vjet hoqi  
për Jusufnë gjer e poqi.

Vërtetë shumë kohë vojti  
por pastaj sa rrojti, rrojti.

Më së fundi dashurinë  
e hodhi më Perëndinë.

Më s'i dukej gjësend jeta  
thosh tani Zon, un' e gjeta.

Çudi e madhe ka ngjarë  
ajy një nat' e ka ngarë.

Ajo nga duart i iku  
i ra pas e rroku miku.

Këmishës dorën ia shtiri  
së mjerës iu gris piqiri.

Zelihaja i ka thënë:

"Zoti s' paska për të lënë  
ç' të bësh, të bëka në jetë  
s' vajtka humbur në të shkretë.

një shtëpi i ka ndërtuar  
zonja atje ka jetuar.

Nga falëtorja më s' delte  
veç të shoqit njeri s'i shkelte.

Aqë falej sa kapitej  
edhe Jusufi çuditej.

Për dorej një dit' e zur,

për mi fron të tij e vuri.  
I tha: "moj zonj, e uruar!  
Shpirt-ndritur e zemër-qruar  
ngaj e falura më shkove  
e drejta ti më ngarkove.  
Ësht' tepër zonjë ! fjala  
unë sa ty nuk u fala.

### **Motet e zisë edhe arthk' e të vëllezërvet për të marë drithë.**

Kur ardhën motet e zisë  
më s' u mbet gjë njerëzisë.  
Ar, ergjënt e plaçka gjithë  
i shtinë që blenë drithë.  
Shtatë vjetë një thatëtirë  
u bë fusha shkretëtirë.  
Edhe gjer në Falestinë  
e përhap Zoti zinë.  
Zuri Shamnë e Qenanë  
bota më s' kanë të hanë.  
Jakubi të bijt i thirri  
t' i dërgoj ngaj Misiri.  
"Qënka tha një mbret i mirë  
shitka drithë fort të lirë.  
Bëni gati o bij shkoni  
shpejt pakëz drith ngarkoni"  
Sa ardhën vëllazërija  
u ftuan në odën e tija.



Dyzet vjet kish që qe ndarë  
po i njohu me të parë.

Ata për të njohur kurrë  
mbenë në kambë si drurë.

Jusufi është ngëthyer  
vëllezrit i ka vështryer.

Një zu Ibranisht të flasë:

"për grurë suallm' ca thasë".

"kësi gjuhej tha, ne s' kemi,

të shkujdesur ngaj ju s' jemi  
njerës të pshehur mos jini?

Arthtë viset të na dini".

"Të bijt e Jakubit jemi

zunë be të liga s' kemi.

Arthmë që të blejmë grurë  
pra ne s' kemi dalë kurrë".

I u tha: " sa vëllezër jini?

Ç' punoni ? ç' mjeshtëri kini?"

"Kemi Jakub Pejgamberë

baba të math e të ndjerë.

Neve dy-mbë-dhjetë qemë

një-mbë-dhjetë vetëm mbenë.

Një ditë duallm në fushë

me vëllan e dashur gushë.

Se si qe pas lodrës ramë

Jusufnë vetëm e lamë.

Javo një ujk është dhënë

të gjorin na e ka ngrënë.

Kemi një të vogël tjatër

e mban plaku gjith në vatër  
Jusufit fort i ka ngjarë  
e do, është fort i mbarë.

Që kur i humbi i biri  
nuk mund ta ndajë nga gjiri.  
Barinj edhe bujqër jemi  
tjetër mjeshtëri nuk kemi.

Ne patmë dhe shumë kafshë  
por tashti s' na mbet gjëkafshë.  
Ngaj kafshët duart i lamë  
ngaj plaçkat gjësend më s' lamë.

Janë bërë arat trokë  
grurë s' muarm asnjë okë.  
Burim e lumenj pushuan  
zoq e bagëti u shuan.

Kaqë ka shtrënguar zija  
vdiqnë bota ngaj urija.  
S'ka mbetur asnjë fill bimë  
se ç' heqim veç ne e dimë.

Si mbeti dheu kaqë thatë  
na dërgoj ndër ju im-atë?  
"A e pat' - u tha sa mas të mirë!  
E sa tepër ju kam shtirë!

A patë sa jam i pritur!  
Ku ri vetë ju kam ngjitur!  
Radhën tjetër kur të vini  
po s' ardhi dhe Benjamin -  
mos mundohi do me thënë  
drithë s' ju kam për të dhënë".  
Mir'o zotni! E sjellim thanë

mundet ta kandisim t' anë.

Ja ku të lemë Shemunë -  
ty pengë për këtë punë.  
Muarn një-mbë-dhjetë barë  
i përsualln udhë e mbarë.

Po Jusufi i-u kish thënë  
trimavet që masin gjënë.  
Tërë plaçkën që sualln  
në thasët i-au fshtualln.

Më shtëpi kur t' i vështejnë  
mundet prapë t' i këthejnë.

**Shpunë drithët ne i ati edhe si e muarnë  
Bynjaminë e vanë prapë që tu japë drithë.**

Ata t' et kur i u ngjthyen  
ç' panë me sy i rrëfyen.

"Shemunë tha ku e latë?  
Mos më bëtë do një datë!".

"në mos arthtë Benjamini  
na tha drithë fare s' kini.

Edhe ne, pisk si e pamë  
Shemunë peng ia lamë.

Dërgoje bashkë të vemi  
shumë kujdes do ta kemi.

Pastaj si të marim drithë  
ngëthenemi tok të gjithë".

"Qysh të jem tha i shkujdesur?  
Për Jusufnë sa kam ndezur!

Por Zoti e ka në dorë  
ç' të bëjë njeriu i gjorë?

I arthtë keq dhe, e rojtë  
ngaj të këqijat e mbrojtë?".

Kur hapnë thasët, i gjetnë  
plaçkat ngëthyer, dhe mbetnë.

Ne më ç' duam t' et i thanë  
plaçkat prapë na i dhanë.

Marim këto edhe shkojmë  
tjatër drithë të ngarkojmë.

Çun' e ruajm' e vështrojmë  
edhe drithët mjaft e shtojmë.

Kjo që suallm fort e pakë  
le-na djalën më mënt jakë!

Tha:" s' e kam për të dërguar  
ju, për Zonë pa betuar.

Kush do besë të më japë  
që do sillet djali prapë".

Bes' e kuvend si i dhanë  
e muarn të vëllanë.

Tha:" Zoti ron është' i gjallë  
dëgjon e di këtë fjalë.

Si të doni bij ju , dini  
si gur mullini e kini".

Kur i përcolli i-u thotë:

"bij mos hyni ngaj një portë!

Por të hyni të shpërndarë  
i-a u pruftë Zoti mbarë".

Kishte frikë pun' e syrit

pra i-u kujtonte të hyrit.  
Fort të bukur shtate kishin  
ngaj të gjitha një shat' ishin.  
Prapë thotë: "s' është punë  
s' zihem dot me kader unë.  
Një që vjen ngaj Perëndija  
s' e ndryshon dot njerëzija.  
Bij ne Zoti ju kam lënë  
le të bënet si ka thënë.  
Ata njerës që e dinë  
e lenë me Perëndinë".  
Hyn ashtu si u tha i ati  
Zoti s' desh s' u ndihu fati!  
Nga u rojtnë, dot s' shpëtuan  
një emër të lik fituan.  
I kanë zënë kusarë  
për një matës që qe marë.  
Pranë Jusufit kur vanë  
e shpunë atje vëllanë.  
"Ja ky është Bynjamini  
që na the pa të mos vini!".  
Me shumë nder i ka pritur  
më të lartër i ka ngritur.  
Kur i u shtroj bukën të hanë  
dy nga dy i vu më nj' anë.  
Bynjamini mbeti vetë  
i yanë lottë shigjetë.  
"të kisha gjallë vëllanë  
rinja me të pran e pranë".  
Tha Jusufi: "ha me mua

të kam si vëlla të dua".

Oda veçan i u ka ndarë  
vëllanë vet' e ka marë.

Dy nga dy edhe kur fjetnë  
Bynjamini tok me mbretinë.

Përse do shok i del vetë  
s' do ta lerë si të shkretë.

"në vënt të Jusufit dua  
të më bënje vëlla ç' thua?"

"Fort mirë tha Bynjamini  
të mëdhenj të nderçim jini.

Por kjo është e madhe nëmë  
s' kemi një atë në mëmë".

Është ngritur dyke qarë  
dhe për gushej e ka marë.

"Jam Jusufi mos bëj fjalë  
pshih, jashtë mos na dalë!

Mos ki keq e mos qit zënë  
për të ligat që na bënë!".

Ahere tha Bynjamini:

"dua pranë të më kini".

I tha Jusufi: "fort mirë  
edhe unë kam dëshirë.

Them si kusar të të zemë  
në thest gjësend të vëmë".


"Si përse tha të mos dua  
si të duash ç' më pyet mua".

Kupën në thest dyke masur  
ia u hodhën pa pikasur.

Në mëngjes nisën ngarkuan

nga një barr, e u bashkua.  
Një njeri pas i-u ka rënë  
i-u thirri sa kishte zënë:  
"Ngëthehi o udhëtarë!  
se ju na qënkeni kusarë!".  
U ngëthyen edhe thanë:  
"ç' farëe plaçke ju për lanë?"  
"Kup' e art e mbretit tënë  
s' dimë se në ç' thes ka rënë!  
I zotonem unë vetë  
se cili do që ta ketë  
le ta sjell' e le të marrë  
grurë të mirë një barë".  
Thanë: "për Zonë e vërtetë  
edhe ju e dini vetë  
s' kemi ardhur që të hedhim  
farë të lig' e tën vjedhim.  
Se ne po t' ishim kusarë  
plaçkat në thes me të parë -  
nuk i sillnim por i mbanim  
i shisnim edhe i hanim".  
"Por në dalçi gënjeshtarë?  
ç' ti bëjmë atij q' e ka mrrë?".  
"Në barrët kush që ta ketë  
Rrop i Azizit të jetë  
kështu e kemi zakonë  
për kusarët neve, thonë".  
Nisnë barrët i çgarkuan  
thasët me radh i kërkuan.  
Si mbet në funt Bynjamini

tha Jusufi mos e ngini!  
S' më pandehet që ta marë  
është djalë zemër-larë.  
Të vëllezrit janë hedhur:  
"s' dihet mund ta ketë vjedhur  
është e mira ta vështrojm  
ngaj merakut të shpëtojmë".  
Ne Bynjamini e gjetnë  
ngrinë të vëllezrit mbetnë.  
"Bir i Rahilit i thanë  
këto që na bëre ç' janë?  
Gjithnjë nga ju po pësojmë  
s' na latë nder t' ju besojmë".  
Tha: "ç' kini o krerë-thatë!  
Jusufnë ju nuk e vratë?  
Këmishën me gjak e lyet  
ja shputë t' et e gënjet.  
Edhe ju fort mirë e dini  
këtë s' e bën Bynjamini.  
E ku jini mblithni farat  
vën e ka kush vu të parat".  
Po pas kuvëndit që dhanë  
ne Jusufi rrop e lanë.  
Të vëllezërit atë herë  
thanë: "Bynjaminin' pra lere!!!  
S' vodhi Jusufi më parë?  
As po atij i ke ngjarë"!<sup>1</sup>



<sup>1</sup>Për brest q'i kish ngjeshur e emta pshehurazi që ta mbante si rrop.  
(Shkoj më sipër)



Keq i ardhi nga kjo fjalë  
por prej tij zë nuk ka dalë.

Në syt fare s' desh t' ju bjerë  
s' desh të pabesë t' i nxjerë.

Tha me vet-he: "si s' menjtoshi?

Ç' kini bërë s' turpërohi?

Jusufit ç' mundim i dhatë?

E hodhtë në pust e latë!

Pastaj e shitt' e larguat

në Misir rrop e dërguat!

Me gjith këto nuk e lini

por edhe kusar e zini!

O të zinj sa të liq jini!

të sharat për të s' i lini!

As po flisni sa të doni

i di Zoti tërë ç' thoni".

Aziz! "Bunjamini thanë

e ka plak të nderçim t' anë.

Që kur i humbi i biri

s' e ndan dot këtë nga gjiri.

Një nga ne o zotni i ndjerë -

mbaj, Bunjaminin e lerë!

T'i ke bërë gjith-një mirë

fal-ja Jakubit të birë.

I u tha: "Zoti mos e dhëntë

por ju them të mblithni mëntë.

Përveç këtij që iu zunë

tjatër s' mbahet s' është punë.

Po qe këti që t' ia falim

jashtë gjyqit do të dalim".

## **Kuvënt i tëvëllezërvet si të bëjnë edhe si t' i thonë t' et për Bunjaminë, e me ç' sy e faqe të këthehen në Qenan?**

Shpresën fare si e prenë  
u hoqn më nj' anë mbenë.

Po fjalosen pishtëllojnë  
këtë gjë qysh ta mbulojnë.

Të vëllanë po ta lenë  
nde i ati si të venë?

Farej i pritej durimi  
do t' i shtohej hidhërimi.

Të mos shkojnë punë prishin  
se fëmija bukë s' kishin.

Se ngaj ta zenë më s' dinë  
as që shkojnë as që rinë.

Tha m' i madhi: "krerë-thatë  
s' e dini plakut ç' i thatë?

Gjith' ato fjalë të forta  
pa dalë mirë nga porta -  
i haruat ditë-prerë!

si nuk menjtohi një herë?

Po Jusufit ç' i punuat  
e dini apo e haruat?

Nga Misiri s' dal i gjallë  
gjer mos mar ngaj babaj fjalë.

A Zoti një gjyq të japë  
për muâ ngreu shko prapë.

Ndryshe pra s' ngrihem ta dini  
pa ardhur dhe Bunjamini.

Pra merni drithët ngarkoni  
me kohë ne plaku shkoni.

Ytë bir t' i thoni vodhi  
edhe gjith punën si rodhi.

S' dimë puna si ka ngjarë?

Po kaqë gjë kemi parë.

Në thest të tij kur u nqasmë  
kupën atje e pikasmë".

Shkuan t' et: "besona thanë  
në mos pyet karvanë.

Por besona s'të gënjejmë  
si ka rjedhur po rëfejmë".

Plaku ahere ka qarë.

"nuk ju thash o bij më parë  
ngaj lakmimi ndetë duart  
djalën të vogël ma muart.

Sa herë që kini dalë

kini lënë nga një djalë.

Të parën Jusufn' e ndatë  
të dytën, Shem-unë latë.

Latë Robilë taninë

bashkë me gjith Bunjaminë.

Fjalë të ngjizura janë  
rrenjët të sakta s' i kanë.

Veç durimit ç 'të bëj tjatër

Zoti m' i sjelltë të katër".

Jusufi kur i kujtohej  
zjari më tepër i shtohej.

Ngëthehet thërret një herë:  
"bir! O Jusuf! Më ke prerë!"  
Si u zgjat me vjete ndarja  
i u zbardhnë sytë nga qarja.  
Po zjarë që kish e pshihte  
kur qante njeri s' e shihte.  
Ahere të bijt i thonë:  
"o at i ndershëm! Për Zonë  
kurrë s' ke për të pushuar  
nga goja për të lëshuar  
Jusuf! Jusuf! Gjer të tretesh  
sa të kullohesh të mbetesh".  
Tha:"ne Zoti e kam lidhur  
juve, mos ju vijë hidhur.  
Zotit ia kam qarë hallë  
për djalën që ja kam mallë".  
Aju tashti është tretur  
fare tragë s' i ka mbetur.  
Në të vjetrat siqëmoti  
pandeh të ta ngjallnjë Zoti!  
Nga dashurija që kishe  
u trete humbe u prishe!  
As mos ju hajë merak  
ju nuk dini sa di plaku.  
Pa ngrihi o bij ! e shkoni  
brënda në Misir kërkoni.  
Hapni sytë dhe përgjoni  
për Jusufnë mos dëgjoni,  
mos dëgjoni donjë fjalë -  
që mua pak ma qit mallë.

Nga Zoti mos prisni shpresë  
e ngjall dhe sikur të vdesë.

**Vajtja e çunave prapë në Misir edhe e pilluara  
e tyre për Jusufnë, e si ja dhanë letrën e t' et  
e qysh i shfaq Jusufi**

Një letër q' i u kish dhënë  
djemt Azizit me të shpënë  
edhe me gojë ia thanë,  
hallë që patnë ia qanë:  
"i math rezik e ka zënë  
me gjith-sej shtëpinë tënë.

Ca plaçka që kemi prurë  
për të marë pakëz grurë.  
Ç'i do, s' kanë fare vlejë  
të poshtta s' ka ku të vejë.  
Po na matni pakëz drithë  
se ment shuhemi të gjithë.  
Fal-na se Zot i vërtetë  
ta shpërblen në të dy jetë".

Dhe letra q' ishte prej plakut  
prej Jakubit të Is-hakut thosh:  
"Aziz! Zotni i ndjerë  
atër gjyshër kur-do-herë,  
e këqija m' i ka ndjekur  
si deti janë përpjekur.  
Gjyshnë t' im në zjar e hodhën  
e munduan sa u lodhën.

Fare gjë s' kanë fituar  
se Zoti e ka shpëtuar.

I vuri thikën t' im-eti  
i ati gjë s' e gjeti.  
Zbriti dashnë Xhebraili  
ia dha e theri Halili.

Kisha një djalë ma muarn  
t' im bij dhe në fush' e nxuarn.  
Këmishën me gjak ma dhanë  
e hëngri ujku më thanë.

S' më shohin sytë së qari  
kam mbetur si fill prej bari.  
Mbanja në vënt Bunjaminë  
edh' atë ma mbajte tinë.

Prej nesh të jesh zemër larë  
se s' nvjedhim s' pjellim kusarë.  
Po m' i çove të bekova  
po m'i mbajte të mallkova.

Pastaj breza gjer më shtatë  
më s' shpëtoni nga belatë".  
Pa kënduar letrën mirë  
zuri për të psherëtirë.

Nisi trupi t' i dridhej  
s' e mbante vëndi po hidhej.  
I u tha: "ndër mënt a e kini?  
ç' i u punuat a e dini?"

Jusufit e Bunjamin  
porsi shqiponja i u rinit!  
Por t' i lemë ato të parat  
se nuk i u arinin farat".


Ti mos je Jusufi thanë?  
Unë tha: me gjith vëllanë.  
Zot' i madh pastë lëvdatë  
qënkam me jetë të gjatë.  
Më dha një këmbë të lartë  
më vuri në fron të artë.  
Kush ka frik' e është ndruar  
dhe të liga s' ka punuar  
duron ç' heq nga njerëzija  
nuk' ia humbet Perëndija.  
Vërtet thanë: të ka bërë  
Zoti math mbi ne të tërë.  
Ne jemi më fajëtorë  
prandaj mbemë fort të gjorë.  
Sot shkujdesur tha të jini  
prej meje qortim nuk kini.  
Edhe Zoti ju duroftë  
mëkatet mos ia ju shkroftë.  
Merni këmishën e shpini  
t' im-et përpara t' ia lini.  
Mos do Zoti n' atë kohë  
i hapen sytë të shohë.  
Të mblidhi gjithë të vini  
në shtëpi njeri mos lini.



## **Juda që shpuri këmishën me gjak i' u lut Jusufit të i'a shpjerë vetë edhe Jakubi si e ndjeu erën në Qenan**

Vëlla tha të lutem Juda  
të ma napç këmishën mua  
se jam keq i turpëruar  
edhe fort i hidhëruar.  
Për ato që kam punuar  
këmishën me gjak shënuar.  
Pra e mora ia shpura  
plakut përpara ia vura.  
Ajy hidhërim i parë  
ardhi koha duhet larë.  
T' ia shpie me dorën time  
t' ia nxjer ato hidhërime.  
Këta pa dalë ngaj dera  
Jakubit i vajti era.  
Ngaj gazi Jakub i mjerë  
tha: " më bije Jusuf erë  
mos më thoni u mahnite?  
u mplake! më s' di shavite".  
Po vërtet ashtu je thanë  
ty mëntë fare të lanë.  
S' nxjer nga goja fjalë tjetër  
s' heq dorë nga udh' e vjetër.  
Dolli Juda me karvanë  
në tetë ditë zu Qenanë.  
Turin e t'et me të fshirë

i u hapnë syt fort mirë.  
"nuk' ju thosha ? bij më lini  
sa di unë ju nuk dini".  
"Të math faj bëm' ati ynë  
tani të lutemi tynë:  
lutju për ne Perëndisë  
të mos na hedhë në pisë".  
Do të lutem tha po rrini  
për këtë merak mos kini.  
Është një Zot i duruar  
i vjen keq fort i dhuruar.  
Jusufin tha qysh e latë?  
Është thanë mbret i lartë.<sup>1</sup>  
I u tha ç' punë kam me mbrenë?  
rëfeni si e ka fenë?  
Fen' e ka Islam kur thanë  
e gëzuan shumë t' anë.  
S' ka më mirë se kjo punë  
tani u shkujdesa unë.  
Kafshë dyqind i u ka dhënë  
t' et të dashur për të shpënë.  
Shta-dhjet-e-dy veta ishin  
ngarkuar ç' do gjë që kishin.  
Në shtëpi njeri më s' lanë  
gra e burra gjithë ç' janë.



<sup>1</sup>Lartë lartër lartrë

## **Mbreti Jusufi edhe të gjith parësija si i duallën përpara Jakubit për pritje.**

Mbret e njerëzi e parë  
e katër mij' ushtarë  
    dualln' udhës për të pritur  
    më të dy anët radhitur.

Pshtetur me Judan'e shkonte  
Jakubi plak e shikonte.

    Kur pa Jusufin pyeti:

    "Judanë, ky është mbreti?"

"Është Jusufi i thotë  
që s' i reshtnje për të lottë".

    T'et deshi selam me dhënë  
    por Jakubi s' e ka lënë  
i dha i ati më parë  
pastaj të birit ia ka marë.


    E gushuan mëm, e atë<sup>1</sup>  
    me mallëngjim me uratë.

Të shkujdesçim tha i biri  
hyni tani ngaj Misiri.

    Ku tregohet ajo ditë  
    ç'ulerinin njerëzitë!

Një pjekje me mallëngjime  
me rënkime me lëngime.

    E ku durohet pa qarë  
    kaqë vjet që janë ndarë!



<sup>1</sup>*Ishte e njerka*

Buçet kujeja e vaji  
lott' iu vanë si shi Maji.  
    Brenda në qytet si vanë  
    i vu në front t' ëmën t' anë.  
Babaj, mëma, fisi, fara  
tërë i u plasnë përpara.  
    Tha Jusufi: "o im-atë!  
    Ëndra që pash' atë natë.  
Shkuan vjete mbi tridhjetë  
gjer sa u çpall sheshit vetë.  
    Mua ngaj burgu më qiti  
    në fron të lartër më ngriti.  
Edhe ju nga shkretëtira  
në këto vise të mira  
    ju hodhi Zot' i vërtetë  
    pastë lëvdim për jetë.  
I pa-udhi në mest tënë  
nakar të math kishte shtënë.  
    Zoti brengat na i hoqi  
    gëzuar me rreht na poqi".  
Dolli një ditë me t' anë  
një nga një arkat i panë  
    mëndafshin, ergjendin, arë  
    veç e veç i kishin ndarë.  
Lloje lloj arm' e zjartë  
rroba të reja si kartë.  
    Kur i pa kartat me barrë  
    i tha të birt dyke qarë:  
"Gjith këto karta me ndodhur  
si përse nuk ishe lodhur?"

Një letër të më dërgonje  
shëndenë të ma tregonje".  
Tha: Xhibrili nuk' më linte  
të shkronja dorën ma zinte.  
E pyeti Xhebrailë.  
Përse ngjau kjo pun' e tillë?  
"Zoti më dha urdhëratë  
për këto fjalë që thatë:  
kam frikë ujku mos ma hajë  
e ngaj gjiri mos ma ndajë".  
Vjet njëzet e katër mbeti  
Jakubi pranë ne mbreti.

### **Vdekj' e Jakubit edhe pun' e Jusufit pas vdekjes së t' et.**

Vdekja si i u afërua  
"jak' o bir tha me mua".  
Që të dy bashkë me t' anë  
bënë gati në Sham vanë.  
Pran' Is-hakut e ka vënë  
pastaj Egjyptën ka zënë.  
Njëzet e tre vjet ka rrojtur  
pas t' et, në Misir s' ka lojtur.  
Shumë vjet me Zelianë  
një bashkim të bukur panë.  
Bijtë, dhe nipat i u shtuan  
me një reth të math jetuan.

## **Sëmundj' e Jusufit edhe vdekj' e tij.**

I ra një sëmundje e shkretë  
më s' bënte fare përpjetë.

Si e pa që s' ka të shruar  
për zonjën ka dëshëruar:  
"sill-mani ta shoh një herë  
se do mbetet fort e mjerë".

S' munt i than' është' e kapitur  
nga vreri tënt e kahtitur.  
Ah tha:" zemrën ma këputi  
në dhet të gjallë më futi!

Kam frikë dhe n' atë jetë  
kështu e humbur mos jetë.  
Zot' i math durim i dhëntë  
murgës mos i lozin mëntë".

Këto fjalë po sa folë  
Xhibrili i jep një mollë.  
Mollës buzët pa lëshuar  
drita që kur paske shuar.

Zunë kujën edhe vajnë  
lebetitin edhe qajnë.  
Dëgjoj' Zelihaja thotë:  
"ç'është kjo kujë në botë?"

Jet' i thanë ka ndëruar  
mbret i math e i nderuar.  
Fluturoj u ngrit nga qjelli  
shkoj atje ku s' ka vënt, shkeli.

Murga zonjë pa gajasur,  
e zalisur është plasur.  
Të katrën ditë është zgjuar  
por prapë me të dëgjuar,  
i ra zali e ka rënë  
humbi, më s' nxirrte dot zënë.  
Si mblodhi mëndjen pyeti  
po as tabutnë s' e gjeti.  
Mbeti fort e turbulluar  
me një shpirt të përvëluar.  
I u pre së mjerës durimi  
zu grisej ngaj hidhërimit.  
Gjékundi më s' i durohet  
sa po vjen zjari i shtohet.  
Thonjtë në turinj i ngulte  
përpiqej leshrat i shkulte.  
Mbyllur nat' e ditë s' delte  
s' dinte ku rinte ku shkelte.  
Logorija në qjell vinte  
se ç' punonte fare s' dinte.  
Ku-shtë mbret i bukurisë?  
Ku është shpirt i njerëzisë?  
Ç' ke që s' del e bukur hënë?  
N' errësirë më ke lënë.  
Ç' pate djellë pse u zure?  
Të gjallë në varrt më vure.  
Të varfrit të kishin atë  
qajnë për ty dit' e natë.

## Vdekj' e Zelihasë pas tij.

Thërriste sa kishte zënë:  
"shpirt mua ku më ke lënë?  
S' të ardhi keq fare për mua?  
jetën pa ty ç' do ta dua?"  
Si më s' e haronte fare  
u ngrit e vajti në vare.  
I ra sipër lebetitte  
kokën me gur e goditte.  
Hiqej nëpër dherrat zvarrë  
qante edhe puthte varrë:  
"dheut të zi krahët i vure!  
Zin' e math mua më prure!  
Lot prej gjaku gjith i derdhej  
s' hante, s' pinte, ligej, nverdhej.  
Njeri që andej dot s' e hiqte  
kokën pas dheut e përpiqte.  
Sipër mbi varrt ka rënë  
shpirtin shpirtit ia ka dhënë.  
Për ashiknë s' ka më mirë  
jep shpirtin duke lëvrirë -  
mbi varr t' atij që do vete  
pa dyshim e pa të metë.  
Ja kështu digjet Ashiku  
nuk rron dot si i vdes miku.  
Kështu kështu ruhet nderi  
porsi Jusuf Pejgamberi.



Mbajti nderin sa ish gjallë  
pra e fitoj atë shkallë.  
S' do të rema dashurija  
se s' gënjehet Perëndija.  
Dashurija s' do përralla  
aty le të mbetet fjala.

## **Ejjub Pejgamberi (A.S)**

I nip' i Lutit Ejjubi  
ishte dhënderr te Jakubi.  
Zotëri i pasur ishte  
gjënë pa numur e kishte.  
Berrat e kafshët e tija  
bekuar ngaj Perëndija.  
Veta me mij' e lëronin -  
dhen' e tij dhe s' e mbaronin.  
Port' e tij gjith hapur rinte  
kush donte pa ftuar vinte.  
Me javë hanin e pinin  
atje rinin atje flinin.  
Darkë, drekë sofra shtruar  
bujar i math zemër-qruar.  
As lindja, as perëndimi  
nuk kishin si Ejjub trimi.  
Kursimit emrin s'ia dinte  
turpërohej kushdo vinte.  
Pun' e tij me pendë s' shkruhet  
se s' është e mundur të thuhet.

Pas kohej rrezik e gjeti  
as fëmij as gjë s' i mbeti.  
Çdo rrebesh q'i hodhi Zoti  
falej më fort se qëmoti.  
U sëmur tepër zuri shtratnë  
dhe për të ngrënë gjë s' patnë.  
Thonë vojti shum' Ejubi  
aqë sa iu krymp dhe trupi.  
S' është e vërtetë kjo fjalë  
prej Tevratit një përrallë.  
Është çpifje nga çifutët  
gënjeshtër nga shpirt-makutët.  
Se kurrë Zot' i vërtetë  
nuk çnderon Profet në jetë.  
Zonja me pun e yshqente  
pra ku gjente e ku s' gjente.  
Si nuk i u mbet gjëkund  
shitnë shtëpinë së fundi.  
Zonj' e tij si ngelnë jashtëm  
thuri një tendë me kashtë.  
Shumë kohë kështu hoqnë  
zonj' e mjerë me të shoqnë.  
Ish në sëmundje t' atillë  
i a kish prerë fare fillë.  
Ajo me të sa do vojti  
zemra fare s'i mëshojti.  
Shkonte shërbente e gjora  
t' i zinte pak bukë dora.  
Me shërbim qitte ushqimin  
kujt s' ia tregonte rëshqimin.

Prapë gruaja kish dalë  
se më s' kish asnjë halë.  
Javo Xhebraili ardhi  
hyri në tendët nga gardhi.  
I tha Ejjub Pejgamberit:  
"përpiqe këmbën pas dherit<sup>1</sup>  
Dolli fort një uj' i mirë  
për të larë e për të pirë.  
Piu, u la, plagët i u shruan  
të këqijat i u mbaruan.  
Kur e pa është çuditur  
gruaja hënëz e ndritur.  
Pse çuditësh tha Ejjubi  
këto pun' e bën Mahbubi.  
Të madhit ç' i vjen në krye  
duron s' bën fare dëllye.  
Nuk' qahet kurrë nga moti -  
e duron ç' i vjen nga Zoti.  
Prandaj i ka lartësuar -  
Zoti, se kanë pësuar.  
S' gjindet shkalla me bërtitje  
me ankime me thërritje.  
Ç'do Profet kështu ka vojtur  
nga rënkimet është rojtur.  
Në pak' koh i ardhi mbarë  
më mir' u bë se më parë.  
I fali Zoti shëndenë  
berrat, kafshët, bijtë, dhenë.




<sup>1</sup>Shihni në Sure-i Sad: urqud Birixhliqe...

Pastaj ka rrojtur dhe shumë  
ç' hoqi i dukej si gjumë.  
Me kombin tepër përpjekur  
nëntë-dhjet e tre ka vdekur.  
Ndë burim e ka varrë  
atje ku thamë më parë.  
Pastaj i biri Besheri  
m' i mir' i kombit m' i ndjeri -  
ngaj Zoti si një dragua -  
në vënt të t' et u dërgua.

## **Shuajb Pejgamberi (A.S)**

Medjeni me gjith Ejqenë<sup>1</sup>  
e kishin haruar fenë.  
Kur masnin e kur peshonin  
gjithnjë hiles' i mëshonin.  
Gënjenin botën e çmëndnin  
gjithë për të rjepur rrëndnin.  
Djalli në zverk si u hipi  
u dërgua Shuaipi.  
Më fjalë t' ëmbra përpiquej  
nat' e ditë nuk' i u hiqej:  
"Masni mirë! zgjasni mirë!"<sup>2</sup>  
Mos bëni gjë të pështirë!



<sup>1</sup>Dy qytete ngaj Falestini

<sup>2</sup>Sure-i Hud e Sure-i Shuar: Euful-Qejle...

Mos i çvishni udhëtarët!

Përse i ripni fshatarët?"

Por ata veshin nuk' vinin  
e qesëndisnin s' e linin.

"As hiq dor' o plak i mjerë!

s' na gënjen dot por na lerë!

U plake e s' di ç' të thuash  
ep-na mallkim sa të duash.

N' e ke fjalën të vërtetë

zbrit një rebesh që përtpjetë!"

Më s' mendoj fare Zoti  
doli era u nxeh moti.

Roitnë s' dinë ku venë

e lan' Ejqen e Medjenë.

Zunë fushën gra e burra  
se u nxeh fort shumë furra.

Ngaj të nxehtit ujrë zjenin

ku të hynë vrimë s' gjenin.

Për së largu kur pikasnë  
një re të madhe u nqasnë.

Ç' qenë ndënë të u mblodhën  
ndenjnë pak sikur u çlodhën.

Kur filloj që të gjyjojë  
pandehnë shi do lëshojë.

Tek po rrinin të tulitur

i-u ardhi një e tronditur.

Njëherësh një zjar i shkretë -  
del i u shtie si rufetë.

Si e kërkuan e gjetnë

u zhuritnë kërcunj mbetnë.

Afër dy-qint vjet ka rrojtur  
me kombin shumë ka vojtur.  
Në Meqqe është varruar  
plaku i mir' i-uruar.

### **Musa Pejgamberi (A. S.)**

Firauni i mahnitur  
pa një ëndër të mërzitur.  
Përpara mbretit kur vanë  
ëndër-tregonjësit thanë:  
"Ngaj dora ka me të dalë  
mbretërija ngaj një djalë".  
Firauni' shpirt-makuti  
nisi më keq se Nemruti.  
Kush e di sa qindra mijë  
therën atë mot fëmijë.


### **Lindj' e Musajt (A.S.)**

E ç' munt të bëjë armiku ?  
kurse tjatrin e do miku?  
Shumë gra qenë zotuar  
posht' e lart për të vështruar.  
Po të lindej do një djalë  
i dërgonin mbretit fjalë.  
I u ndodh kur lindi Musanë  
s' ëmës një nga shtrigat pranë.

Më s' ia hiqte sytë djali  
prej dritës q' i del prej ballit.  
Nisi trupi e i ngjethet  
nga tmeri i u çpikën ethet.  
E ndërroj mendimin femra  
me dashuri i u mbush zemra.  
I tha s' ëmës: " unë e zeza  
nuk di qysh më ngjau si ndeza.  
Pata ardhur për të vrarë  
por mënç lojta me të parë.  
Ta kesh kujdes të them tynë  
ky është' armiku i ynë".

### **Flakj e Musajt në lumët edhe marj' e prej Firaunit.**

Firaunin si e panë  
që përpiqet për Musanë.  
I ardhi në mëndje s' ëmës  
për të shpëtuar prej nëmës.  
E hoqi djalën nga gjiri  
mbleu një arkë dhe e shtiri<sup>1</sup>  
E mbërtheu me pis' e zuri  
dhe buzë Nilit e shpuri -  
E lëshoj në lumët shkonte  
por buza vrer i pikonte.  
E motra arkën e ndiqte




<sup>1</sup>Sure-i Kasas, Ajet: *Ve uehejna ila ummi musa - gjer - la jealemun.*

shkonte pas' synin s'ia hiqte.  
Firauni veç një çupë -  
kishte, dhe ajo si krupë.  
Krejt pika e kish turinë  
se ç' t' i bëjnë asgjë s' dinë.  
Shronjësit dhe magjistarët  
të mëdhenjt e më të parët-  
gjith' i thanë më një gojë  
mbretit: "në Nilt të shikojë.  
Nuk shkon shumë do të sjellë -  
Nili një arkë të fshtjellë.  
Ak- se ç' ditë, ak- se ç' orë  
arka të bije në dorë.  
Ka brënda një gjë të gjallë  
pandehim mos është djalë.  
T'i març ati jargët tinë  
e t' ia fshish çupës turinë".

### **Arka qysh ra në dorë**

Një ditë që pa gëdhirë  
s' kishte lindur dielli mirë  
Asijeja mbreti bashkë<sup>1</sup>  
edhe çupa pikalashkë  
buzë Nilit kishin dalë  
mbi një pallat shtatë palë.



<sup>1</sup>Asijeja që e shoqe e Firaunit. Kjo ishte besimtare e zonj' e shenjtë.  
Firauni kësaj nuk i ishte afruar fare. Ma së fundi e ka vrarë.



Nili valët duke hedhur  
sjell kutinë dyke dredhur.  
Firauni me të parë  
"shpejtni tha, kush do ta marë"  
Hynë notarët e zunë  
sa kaqë mbretit i a shpunë.  
Sa qenë me rradh' e kapnë  
u munduan dot s' e hapnë.  
Asijeja më së fundi  
e mori pak sa e tundi -  
u hap arka, ndriti djelli  
u kujtuan se u çel qjelli.  
Në foshnjën fort shum' u shtinë  
ku ta vendosin nuk dinë.  
Në çast bij' e Firaunit  
u fshi me jargët e çunit.  
Turin e saj sa ia pshteti  
u shrua asgjë s'i mbeti.  
Në gji e ngriti nga gazi  
se i dukej si elmazi.  
Magjistarët kur e panë  
Firaunit plak i thanë:  
"ajy çyn ky do të jetë  
je i mënçim e di vetë!".  
E shoqeja: " s' është punë  
bir e bëra s' e jap unë".  
Më s' i tha gjë po i a fali  
shpëtoj ngaj thikëza djali.  
Qante fort, dot s' e pushonin

nga gjiri nuk' e lëshonin.  
Mbreti sa do gra që pruri  
as njërës sisën s' ia zuri.  
E emta si e pa ditur<sup>1</sup>  
i u thotë për çun' e mitur:  
"A t' ju gjej unë një grua  
të shkoj e ta sjell o mbret ç'thua?"  
tha Hamani:"shko e bjere!<sup>2</sup>  
sisën e saj mos e zërë!"  
Sa ardhi në sis' e vuri  
e paske zënë që kuri.  
Ç' qenë, gjith' u çuditnë  
të pallatit kret u ngritnë -  
Kush dha ar kush xhevahirë  
e ngarkuan zonjën mirë.  
Në shtëpit të Firaunit  
i jep sisë mëma çunit.  
Kur s' do Zoti që ta vrasë  
armiku le të pëlçasë!  
Për Musanë vrau me mijë  
i shoj fare s' la fëmijë.  
S' dinte ç' punonte i gjori  
armikun në gjit e mori.  
Sa herë hynte e delte  
e mirte e përkëdhelte.  
Një ditë një shkop e ngriti




<sup>1</sup>*Emta - teze. (Kjo i kish rënë pas arkës dhe si e pa kush e mori, vinte për ditë përgjonte. Kurse mori vesh që kërkojnë sisëdënëse i lajmëroj*

<sup>2</sup>*Haman: vezir i math i Firaunit*

mbrenë në kok' e goditi.  
Kjo ishte m' e madhja datë  
i shkuli mjekrën të gjatë.  
U zemrua desh ta vrasë  
q' atë ditë ta humbasë.  
Është foshnjë s' di i thanë  
i u lutnë ndër këmb' i ranë.  
Urdhëroj i prunë gratë  
çunit plot me zjar një pjatë.  
Çilimiu gonjën e mbushi  
e ja dogji gjuhën prushi.  
Ishte thënë të pësonte  
kur u rit të belbësonte.  
Më s' e vras tha mjekër-gjati  
por ma hipni ngaj pallati.

### **H. Musaj si vrau një jevgë me gabim shkoj në Medjen ke Shuaipi (A.S).**


Ngaj mbreti me të përzënë  
disa vjet një cep ka zënë.  
Në pushim ndenji me vjetë  
por një ditë se si vete.  
Me një kuluf<sup>1</sup> mb-udhë piqet  
me një çifut po përpiket<sup>2</sup>.  
U sul Musaj me të parë



<sup>1</sup>Kuluf- jevgë - evgjit - xhipt - kipt - magjyp

<sup>2</sup>Sure-i Kasas, Ajet: Ve dehale-i medinete...

ta arijë sa pa vrarë.  
Hoqi një grusht e goditi  
u plas i vdekur evgjiti.  
Nuk pandehu me një dackë<sup>1</sup>  
të këputej porsi mackë.  
"Bobo ç' pata q' e godita  
të mjerit i u shua drita.  
Në mingjez i trembur dolli  
të shohim tha nata ç' polli".  
Të djeshmin e nxjerke djalli  
me një naks piqet për balli.  
Si e pa thirri një herë:  
"nxito Musa se më therë"  
I tha: " i lik njeri qënke!  
Pa trazuar njeri s' lënke!"  
desh t' i heqjë një shukretë  
ta bej' evgjitnë për petë.  
Thirri sa kish zën' evgjiti  
ashpër shumë lebetiti:  
"E ç' kërkon o Musa ç' thua?  
Si të djeshmin s' më vret mua!  
S' dashke ta ndash botë kurrë  
por t' i u shtypç kokën me gurë!".  
I vjen një dyk' e nxituar<sup>2</sup>  
tha: "në ke për të shpëtuar  
del këtej shko udh' e mbarë  
se të ndjekin për të vrarë".



<sup>1</sup>Dackë - shpullë - grusht

<sup>2</sup>Sure-i Kasas. Ajet: *Ve xhae rexhulun...*

Dolli i trembur dhe iku<sup>1</sup>  
"Zot! Shpëtomë nga armiku".  
Shumë fusha shumë male  
ku me nxitim ku ngadale.  
Nat' e ditë kapëtonte  
pa ngrënë zbathur nxitonte.  
Udha në Medjen e nxori  
shpëtoj prej vrasjes i gjori.

### **Pjekj'e Musajt me bijat e Shuaibit (A.S)**

Kur ardhi nde pusi pranë<sup>2</sup>  
shumë njerës an' e mb' anë.  
Uj' i japin bagëtisë  
kalit' lopës' delës' dhisë.  
Pa dy goça prapa rinë  
presin tok me bagëtinë.  
I arth keq' i ka pyetur:  
"vonë përse paski mbetur?".  
Thanë:"po s' mbaruan ç' janë  
s' i vemë dot pusit pranë.  
Plak i dobët at i jonë  
doemos do ngelim vonë".  
Dhent' e tyre ky i mori  
gjer u ngopn' ujë i u nxori<sup>3</sup>




<sup>1</sup>*Sure-i Kasas: Ajet: Feharexhe minha*

<sup>2</sup>*Sure-i Kasas: Ajet: Velemma verede mae...*

<sup>3</sup>*Sure-i Kasas: Ajet: Feseka lehuma...*

Çupat si mbaruan punë  
shtëpinë me koh' e zunë.  
Musaj u hoq ndë një hije  
sytë përperjet i shtije.  
Thot:"O Zot! I varfër mbeta  
për të ngrënë gjë nuk' gjeta".  
I u tha plaku pse shpejtuat  
kur i u dhat' ujë shpëtua?  
"Të mos më ndodhej një i mirë  
dhentë na mbetnë pa pirë.  
S' kemi parë asi rropi  
dhentë sakaqë i ngopi.  
Dërgoj një çupë ta ftojë  
ç' është kjo ta kupëtojë.  
U këthye çupa prapë  
hedhur mbi krye një napë.  
Me turp ecën sendërqare  
as më një anë s' shikon fare.  
Kur e pa Musaj e pyeti:  
"ç' u lodhe prapë ç' të gjeti?"  
Im-atë më ka dërguar  
të kërkon për të paguar.  
Musaj që andej është ngritur  
plaku me nder e ka pritur.  
Shuajibit i a tha tërë<sup>1</sup>  
Musaj punrat që pat bërë.  
Mos ki frikë tha shpëtove



<sup>1</sup>*Sure-i Kasas: Ajet: Felemma xhaahu..*

dhen' e tij e kapëtove.

Gjer këtu s' i arin dora  
të lumtë ç' e bëke forra!

I shtroj bukën s' hangri fare  
ne s' punuam tha për pare.

Bir i tha kështu e kemi  
sa të rojm' e sa të jemi.

Njeri pa bukë nuk' lemë  
ç' të na ndodhet do t' i vemë.

Musaj pastaj është shtruar  
hangri me plakn' e uruar.

Njëra çupë hapi gojë<sup>1</sup>

i tha t' et:"që t'ia pagojë -

sepse trim me besë qënka  
e mbaroka ç' punë zënka.

Sedër-math e zemër-lartë  
fjalë-ëmbël' dorë-artë".

I tha Musaj<sup>2</sup>t:"unë dua <sup>3</sup>


të të jap një çupë ç' thua?

Lipcet pra të kuvëndojmë  
tjatrën të mos e mendojmë.

Tetë vjet të kulloç dhëntë  
pastaj çupa jotja qëntë.

Po të duash mbushç dhjetë  
ky nder nga ty do jetë!

Fjalën për tetë ta kemi  
dhjetë vjet të rish s' të themi.



<sup>1</sup> Sure-i kasas: Ajet: Kalet ihdahuma..

<sup>2</sup> Sure-i kasas: Ajet: Kalet- inni uridu..

S' ke për të parë shtrëngicë  
s' ke për të hequr ngushticë.  
Ty rroga do të dalë  
nuk do të dëgjosh një fjalë.  
Tha Musaj kjo në mest tonë  
le të kemi sipër Zonë.  
Biseduan plak e djalë  
dhe lidhën si duhej fjalë.

### **Shkopi i Musajt (A.S.)**

I tha Musajt Shuajipi:  
"pra ngreu ec' aty ke çipi,  
zgjith një shkop nëpër shkopinjtë  
s' bëjnë dot pa shkop barinjtë".  
Mori një shkop ia shpuri  
ia lëshoj plakut ne gjuri.  
S' shihte dot plaku i gjorë  
e provoj shkopin me dorë.  
Tjatër mer tha shko e lerë!  
Vajti ardhi shtatë herë.  
Tjatër shkop të marë s' mundi  
atë i a la më së fundi.  
Ajy shkop qe fort i vlerë  
mbajtur shumë Pejgamberë.  
Prej Ademit, atit tënë  
kishte mbetur kanë thënë.  
E porositi Musanë:



"të mos veç ak-se-më ç' anë.  
Të mos i ngaç berrat afër  
se atje ndodhet një gjarpër  
të bën dëm do ty do dhënve".  
Nuk trambet fare prej qënve  
Mirë thotë nuk' i shpije  
nuk bëj ndryshe se s' ka hije.  
Sa u gëdhi veshi abën  
mori dhëntë edhe krabën.  
Anës fushës sa i nxori  
i ikën dhëntë tërthori.  
Gj ;r mbi gju ish ritur bari  
uj'i kulluar si ari.  
Musaj dremit, dhëntë hanë  
veç shkopi i mbeti pranë.  
Si fjet pak' kur është ngritur  
sheh në gjakra shkopi mbytur.  
Pa një s' prihë sa një lopë  
grisur shkopi copë copë.  
U shkujdes si e pikasi  
sprih e madhe ngase plasi!  
E lavdëroj Perëndinë  
u ngrit i shpu bagëtinë.  
Kur i zu me dorë plaku  
i u ish fryrë dhënve barku.  
"as më thua bir i thotë  
ku re më këtë kullotë?".  
Si ia tha fort u gëzua  
i tha ti, qënke për mua.  
Sa të lindin s'im-vjet berrat

t' i kam për të falur shqerat.  
Atë mot sa janë bërë  
Musajt i a ka dhënë tërë.  
Vjete dhjetë si u bënë  
e ka qitur Musaj zënë:  
I kërkoj Shuajbit lejë  
që pranë s' ëmës të vejë.

### **Udhëtimi i Musajt për në Egjyptë**

Mori dhëntë edhe shoqnë  
udhës Misirit u hoqnë.  
Ç'kanë pësuar një natë  
nga një shi i math i gjatë.  
Një thëllim i keq kish dalë  
i ka sjellë fort vërdallë.  
Nuk rëfeket se sa hoqi  
se i lindi edhe shoqi.  
Palê foshnj' e mjerë q' ardhi  
prej thëllimit se sa mardhi.  
Andej këndej po mundohen  
s' gjejnë' dot zjar që të ngrohen.  
Kur sheh një zjar për së largu<sup>1</sup>  
u nda sakaq nga vargu.  
Pandehu barinj të ketë  
se zjari nuk ndizet vetë.  
I u tha: "ju këtu qëndroni!




<sup>1</sup>*Sure-i Kasas, ajet: Felemma Kada..*

Gjer të vinj unë duroni!  
Mos u ndahi po rini bashkë  
mundet t' ju sjell ndonjë bulashkë.  
As udhën më të s' e kemi  
ta marim vesh se ku jemi!".  
Kê drita kur është' afruar  
sheh një dru të gjelbëruar.  
"Qysh digjet vetiu ky druri?  
vallë zjarë kush i a vuri?  
Digjet, fletët pse s' i nverdhen  
Si durojn' e si nuk' derdhen?  
Dru i njomë qysh jep flakë?  
Po vret mëndjen, ndenji pakë.  
Pastaj nj'a dy kleçka mblodhi  
s' u ndezën, u tremp, i hodhi.  
Javo sheh një gjelbësirë  
përhapur në hapësirë.  
Që ngaj qjelli gjer nde druri  
si kollon ish bërë nuri.  
I u vranë sytë i mbylli  
u verth më s' ndante ngaj dylli.

### **Fjalimi i Zotit me Musanë (A.S.)**

Ndigjoj një zë si të qetë:  
"Musa! Jam Zot i vërtetë"<sup>1</sup>  
"Po ta ndëgjoj o Zot zënë



<sup>1</sup>*Sure-i Kasas, ajet: felemma etaha nudije...*

s' të shoh dot s' di ku ke rënë?".  
"Me ty bashkë jam i thotë  
s' më sheh dot mos vuaj kotë!  
Ky vënt që je Turvâ quhet  
t' i nxjerr[ nallënat tha duhet<sup>1</sup>  
Por si flake të dy jetët  
s' takon dot në të vërtetët.  
Të hyç zbathur e do nderi!  
Se është' i bekuar dheri!  
I tha: Unë ty të zgjodha<sup>2</sup>  
Të mirat nde ty i mblodha.  
Fjalës t' ime vesh i verë  
bëj namaz të parën herë!  
Unë jam një i vërtetë  
në këtë dhe n' atë jetë.  
Lipset kurrë të mos ndalesh  
vetëm mua të më falesh!"  
I u ngjeth trupi ngaj kjo fjalë  
se i ngarkoj Zoti malë.  
S' di ku është humbi, dridhet  
nga dheu një pëllëmbë hidhet.  
Nuri e kishte pllakosur  
zemra i qe fort plagosur.  
Prapë Zoti e përmendi  
me-zi lojti pak nga vendi.  
"më të djathtë ç' ke i thotë?<sup>3</sup>



<sup>1</sup>Sure-i Taha, ajet: felemma etaha nudije.. të dy nallënet janë, e shoqja me të birë, a se të dy jetët.

<sup>2</sup>Sure-i Taha, ajet: ve ena-htertuqe..

<sup>3</sup>Sure-i Taha, ajet: Ve ma tilqe bijeminique..

Për ç'punë ç' të hyn në botë?"  
E kam shkop që pshtetem vetë  
edhe i u shkul dhënvet fletë.  
Krabë për të ngarë berra  
edhe për punra të tjera.  
Sprih e bëri Perëndija  
Musaj e zu Ilahtarija.  
"Mos u tremp tha mere çapë!<sup>1</sup>  
Un' e ngëthej qysh ish prapë.  
Musaj dorën me të nderë  
u bë shkop sa kaqë herë.  
"Fut dorën në gjit i thirri<sup>2</sup>  
të dal' e bardhë nga gjiri.  
Tjatër shenjë le të jetë  
që jam një Zot i vërtetë".  
Musaj dorën kur e qiti  
i u zbarth si djelli i ndriti.  
"Ne Firaun' i tërbuar<sup>3</sup>  
shko se është fort harbuar.  
Se ç' flet i ziu nuk mënjtohet  
se ç' punon nuk turpërohet.  
T' i thuash mëndjen ta mbledhë  
se e humbas me gjith redhë".  
Kam frikë tha o Zot unë  
mos pësoj me Firaunë  
S' i beson fjalët e mija



<sup>1</sup>*Sure-i Taha, ajet: kale hudh-ha...*

<sup>2</sup>*ajet: vadmum jedeqe...*

<sup>3</sup>*Idh-heb ila Firaune...*

më vjen do heq të këqia.  
Më mbeti në zemër pengë  
kam dhe gjuhën si me brengë.  
Gjuhën hap-ma zemrën çelma<sup>1</sup>  
që të mos mbushem me helma.  
Më jep shok edhe Harunë  
të vemë të bëjmë punë.  
Kam frikë se mos më vrasin  
për fajt, kur të më pikasin.  
Ç' kërkoje Musa ta dhashë<sup>2</sup>  
hap sytë, bëj si të thashë.  
Frikë mos kini po vini  
mua bashkë do më kini.  
T' i thoni: nuk' arthmë vetë  
na dërgoj Zot' i vërtetë.  
Me butësi po t' i flisni<sup>3</sup>  
mundet në frikë ta kllisni.  
Të m' i japç Izraelinjtë  
se i kam gjithë të mijtë.  
E kemi punën me rrënjë  
arthmë me të madhe shenjë.  
Po ta besosh Perëndinë  
e gjen të drejtën dhe tinë.  
Neve Zoti na ka thënë:  
"udhën kush-do q' e ka lënë  
dhe Zotin s' e ka besuar



<sup>1</sup>*Kale rabbi-shrahlii...*

<sup>2</sup>*Sure-i Taha, ajet: kale kad ûtite...*

<sup>3</sup>*Sure-i Taha, ajet: fekula lehu kaulen..*

shumë ka për të pësuar".

## Musaj (A.S) i drejtohet Egjyptës

Si mbaroj me Zotin fjalë  
mori fëmijën ka dalë.

Brënda në Misir si vanë  
merr Harunin të vëllanë.

Shumë kohë kanë pritur  
jashtë ne porta kapitur.

Ec, e jakë mbushnë monë  
së fundi mbretit i thonë:<sup>1</sup>

"kështu kështu nj'a dy njerës  
rinë presin jashtë derës.

Njëri jam Pejgamber thotë  
më dërgoj Zoti në botë".

Pa ma sillni tha në derë  
të qeshim një copë herë.

Kur hynë mbrënda e pyeti  
si duhet Musanë, mbreti.

Edhe Musaj hapi gojë  
mbretit fenë t' ia tregojë.

I tha ç' lipsej për të thënë  
por i kish veshët të zënë.

"O Musa ku paske qënë?  
që nuk' ta ndigjonja zënë?

Ty ngaj lumi nuk' të qita?<sup>2</sup>  
Si bir të vetëm s' të rita?



<sup>1</sup>Firaunët kanë qënë aqë zemër gurë sa populli thërisnin ah bukë ah bukë dylk e dhënë shpirtin, ata banin qejf.

<sup>2</sup>Sure-i Shuara, ajet: elem nurebbiqe fina veliden...



Nuk' të lëshonja nga dora  
nga të këqijat s'të nxora?

Me të bërë trim m'a vrave  
bukëtarin t'im dhe çave.

Punove liksht pa mejtime  
e harove bukën t'ime".

Tha: "i rashë për të ndarë  
s'pata qëllim për ta vvarë.

Si dolli ky faj nga dora  
u tremba dhe udhën mora.

Zot i math më ka dërguar  
ty fenë për të treguar.

Në thëng se më ke yshqyer  
atëherë je gënjyer

kishe vënë fort liksht këmbë  
thernje foshnjat një pëllëmbë.

Izraelinjet të gjorë  
më s' i u le gjësend në dorë.

I rope i bërë patë  
të zinje s' i u le gjë në pjatë.

I bërë rropër të gjithë  
për magjypët mbillnin drithë.

Ç' do evgjit nga dhjetë mbante  
i punonin, ajy hante.

Me gjën' e tyre dhe mua  
a nuk' më yshqeve ç' thua?

Ç' e hap fare këtë fletë  
më mirë mbyllur të jetë".

"Zot' i gjithësisë cili<sup>1</sup>

është i tha mjekër-çili".

Ai që kreu dhenë, qjellin

çpiku yjet, hënën, djellin.

Musaj kështu me të thënë

Firauni sa pat zënë:

Parësisë që pat pranë

a e ndigjuat Musanë?

Do vet-hen e tij ta nxjerë,

Perëndi Musaj i mjerë!

Atëherë Musaj thotë:

"këtë fjal' e ke të kotë

si ju rrop' si na rrop jemi,

të gjithë Zot atë kemi".

Firauni tha: "o shokë!

Ky qënka nga mëntë trokë,

s' më përgjigjet për ç' i thashë

s' kupëton njeri i trashë".

I tha: " Aju na jep dritë<sup>2</sup>

Aju e bën natën dritë.<sup>3</sup>

Ç' shohim e ç' nuk shohim tërë


Zot' i vërtet' i ka bërë.

Mënt në krye po të kini

Zon' e math lipset ta dini".

Firauni u zemrua

edhe keq u ashpërua:



<sup>1</sup>*Sure-i Shuara, ajet: Kale Firaunu ve ma Rabbu-l-alemin...*

<sup>2</sup>*Sure-i Shuara, ajet: Kale raabbu-i mashriki..*

<sup>3</sup>*Sure-i Shuara, ajet: Kale leini-ttehadhte..*

"Le të thotë sa të lodhet,  
tjatër Zot veç meje s' ndodhet.  
Po the që ka tjatër tinë<sup>1</sup>  
ta dish në zëndan të shtinë.  
Pastaj n' atë pus të fellë  
urët' pa bukë' pa gjellë.  
Sakaqë mëntë të vinë  
bindesh' më s' çan drrasa tinë".  
Tha:" po të solla gjësendi<sup>2</sup>  
mrekulli, në ç' mëndje gjendi?"  
Tha:" në ke shenjë, rrëfeje!  
se e ke lejën prej meje".  
U ngrit lëshoj përdhe stapnë<sup>3</sup>  
u bë gjarpër, u përhapnë.  
Gjithë ç' ishin u tmerruan,  
nga frika, mend u marruan.  
Zgjatu ntrashu si mullare  
hapur gojën si kamare.  
Kokën mbretit i a vërtiti  
dhëmbët liksht i a kërcëlliti.  
Që ngaj froni i gajasur  
Firauni është plasur.  
I zu data njerëzinë  
ku të venë, nuk po dinë.  
Bobo ç' e gjeti magjypnë  
me mijë veta u shtypnë.




<sup>1</sup>*Sure-i Shuara, ajet: Kale eve leu xhituqe..*

<sup>2</sup>*Sure-i Shuara, ajet: Kale feti biha*

<sup>3</sup>*Sure-i Shuara, ajet: Fe-elka asahu..*

Si i çkriu gjaku një çikë  
i lutet Musait me frikë:  
"Do ta besoj Perëndinë  
veç ma hiq tha sprihën tinë".  
Për goje porsa e zuri  
qënke bërë shkop që kuri.  
Musajt gënjeshtar i dolli  
s' e mbajti fjalën q'i foli.  
Nxjer dorën herën e dytë<sup>1</sup>  
të gjithëve i u vret sytë.  
Kur kish marë zjar nga pjata  
dora mbetur gjith vurrata.  
Kur e nxirte e rrëfente  
porsi djelli i çkëlqente.  
A se ish i zi nga ngjyra  
pra kur llapcte si pasqyra.  
Duhesh jevgu ta besonte,  
që më tutje mos pësonte.  
"Këto magji ku i nxënke?  
Pa bërë gjësendi s' lënke.  
Me magji reh a i mjerë!  
në prej vëndit për të nxjerë.  
As hiq dorë! Kot mundonesh?  
Së fundi do të pendonesh".  
Si ndigjuan Firaunë  
magjypët e tjerë zunë:  
"Bobo! sa magjistar qënka  
me të dot njeri s' u zënka".



<sup>1</sup>*Sure-i Shuara, ajet: Ve nezea jedehu..*

## Mbledhja e magjistarëve për të manjatizuar Musanë.

Ç' duhet bërë thotë plaku?  
Pa më thoni ç' është laku?  
Lipset të hiqet më nj' anë  
Haruni pak me Musanë.  
Dërgoni njerëz të venë<sup>1</sup>  
Misir'e lartë të zënë.  
Sa magjistarë që janë  
t' i mbledhin t' i sjellin thanë.  
Kur ardhën Mbretit i thanë:  
"sikur n' e mundshim Musanë<sup>2</sup>  
Do një darovë<sup>3</sup> a kemi?  
Folë, shkujdesur të jemi?"  
Ju kam për të darovitur  
po dualt tha më të ditur.  
Magjistarët u gëzuan  
s'i u ç'kujdesën s' bëzuan.  
Si duhej u përgatitën  
si pas shkallës u radhitën.  
Me zemrim e pa Musanë  
shtrigu jevg gjettë belanë.  
Ja ku m' ardhën magjistarët  
më mjeshtrit e më të parët.



<sup>1</sup>*Suretu-i Shuara, ajet : Kalu erxh..*

<sup>2</sup>*Suretu-i Shuara, ajet : fe lemma xhae...*

<sup>3</sup>*Dhurat - bakshish*

Kur të rëfejnë magjinë  
të mos hapç dot sytë tinë.  
Ç' ditë të duash e lemë<sup>1</sup>,  
edhe ku të duash vemë.  
Të mos lozim ngaj kuvëndi  
dhe të jet' i sheshmë vendi.  
I tha: " në Nevruz them unë<sup>2</sup>  
se mblidhen me miljunë".  
Thon' evgjitet atë ditë  
i vishnin tërë stolitë.  
Të ndërruar e të lyer  
delnin tok për të dëfryer.  
Kur ardhi dita e dualln<sup>3</sup>  
magjistarët ç' qen' i sualln.  
Musaj tha: "o ditë-prerë<sup>4</sup>  
ndëgjoni t' ju them një herë.  
Punën t'ime me të parë  
mos bëhi njerës të marë  
mos thoni q' i ngjet magjisë  
se i rëndon Perëndisë.  
Kush ngjiz punra kundra Zotit  
i vjen ters gjith mon' e motit.  
Zemër-lik kush-do të jetë  
i bën dëm vet-hes për jetë.  
Zoi keq do ta mundojë  
nuk' munt kurë të shpëtojë.



<sup>1</sup>*Suretu-i Taha, ajet: fe lenetijenneqe..*

<sup>2</sup>*Suretu-i Taha, ajet: kale meuiduqum..*

<sup>3</sup>*Suretu-i Taha, ajet: fe tevel-la..*

<sup>4</sup>*Suretu-i Taha, ajet: kale lehum Musa..*

Kush beson bëhet i ndershëm  
s' sheh mundimin e ngaherçim.  
Një kohë fjalën e zjenë<sup>1</sup>  
s' dinë se ç' udhë të zenë.  
Në qoftëse na munt thanë  
të bëhemi me Musanë.  
Thanë duke pishtëlluar:  
"lipcet fort shumë qëlluar  
Të dy vëllazrit janë<sup>2</sup>  
magjistarë sa shoq s' kanë.  
T' ju rrokin juve Misirë  
t' ju prishin besën të mirë.  
Hapni sytë o vëllezër!  
Mos turpërohi të zezër!  
Ç' vegla kini krejt i mblithni<sup>3</sup>  
pastaj një herësh t'i hithni.  
Lum ajy që del i parë  
mbreti pranë do ta marë.  
Lum si kush që sonte nderonet  
Firaunit i afronet.  
Burra sot duhet përpjekur  
të lem' emër të pavdekur.  
Të tregojmë mjeshtërinë  
ta stolisim historinë".  
I thaën ca magjistarë:<sup>4</sup>  
"heth a të hedhim më parë?"




<sup>1</sup>Shihni në Sure-i Taha, ajet: fete nazeu...

<sup>2</sup>Kâlû in hâdhâni..

<sup>3</sup>Sure-i Taha, ajet: Fe exhmiu..

<sup>4</sup>Sure-i Taha, ajet: Kalu ja Musa..

I u tha Musaj: "hithni!" Hodhën  
lloje vegla sa u lodhën.<sup>1</sup>  
Kush heth shkopnë kush heth hûnë  
kush litarë, kush kërcunë.  
Shtrëngoi vapa dhe lëvizën  
i u dukën sikur u ngizën.  
Me engjërvë lyer qenë  
prandaj lonin mernin dhenë.  
Musajt pak' frikë i hyri<sup>2</sup>  
si gjerpinj kur i a zu syri.  
Një zë ngaj Zot' i vërtetë<sup>3</sup>  
i vjen; që mos ri i qetë!  
"Mos ki keqë se jem m' i lartë  
puna tënde është' e zjartë.  
Ç' ke frikë ngaj magjistarët?  
ç'do të bëjnë me litarët?  
Pra lësho shkopn' e bekuar  
të shoh komb i mallkuar.  
Të gjitha kur t' i përfshijë  
të mos ler, asnjë thërijë".  
Shkopn' ajy me të lëshuar  
ç' qenë përdhe i ka shuar.  
I thithi më s' la gjë fare  
u ntrash u zgjat si mullare.  
Pastaj kokën e vërtiti  
plakn' e zi ment e gëlltiti.



<sup>1</sup>*Sure-i Taha, ajet: Kalu bel elkû..*

<sup>2</sup>*Sure-i Taha, ajet: fe euhese..*

<sup>3</sup>*Sure-i Taha, ajet: Kulna lâ tehaf..*



Tha: "Musa! Më preu por zere  
m' u afrua nxito mere!"

Magjistarët si e panë  
gjithë ç' vunë u përlanë.  
Si s' mben' as litar' as hunjë<sup>1</sup>  
ranë të gjithë më gjunjë.


Të themi: "sytë na zunë  
neve Musaj me Harunë.  
Ku janë fërtomat' drurët?  
I gëlltiti gjarpr' i urët!

Kjo magji nuk' është thonë  
ta besojmë ç' jemi zonë -  
Zon' e Musajt' të Harunit<sup>2</sup>  
se s' del gjë prej Firaunit".

Një herësh në sexhde ranë  
than' u bëmë me Musanë.  
Ia u zgjidhi Perëndia  
iu ndriti në shpirt shkëndija.

Nga errësira shpëtuan  
fen 'e vërtetë e fituan.  
Kur pa ngaj ata këtë punë  
e zu flama Firaunë.

Ardhi e u ashpërua:  
"të më shihnin thotë mua!<sup>3</sup>  
Ju Musanë mjeshtr e paski  
punrat me të i navjaski.




<sup>1</sup>*Sure-i Taha, ajet: fe elka-sseharetu...*

<sup>2</sup>*Sure-i Taha, ajet: Kalû amenna...*

<sup>3</sup>*Sure-i Taha, ajet: Kale amentum..*

Punën në vijëz e vënki  
tërë më një mendje qënki.  
Të zinj ju kam për të vrarë  
krah e këmbë për të ndarë.  
Do t'ju var në dru hurmaje  
do ju shkoj degët për maje.  
Prej nesh kush është m' i fortë  
kur të bëhi në drut shportë -  
punën do ta kupëtoni  
por ç' dobi? Gjë nuk fitoni".  
" Të na vraç me lloj mundime<sup>1</sup>  
të na bësh mijra thërime -  
me gozhdë të na mbërtheni  
nga feja dot s' na këtheni".  
I lidhën' i kapën zvarë  
i krasitën, e i nvarë.  
Shkuan theror me vërtetë  
gjetën lumtëri për jetë.  
Firaunit ca i thanë:<sup>2</sup>  
"Si, përse e le Musanë?  
Nuk' kemi për të shpëtuar  
se ngaj fisi është' i shtuar.  
As të njohin as të falen  
po i le më tepër ngjallen.  
Pastaj na i prishin besën  
mbase na venë dhe fshesën".




<sup>1</sup>*Sure-i Taha, ajet: Kalu len nuthireqe..*

<sup>2</sup>*Sure-i Taha, ajet: Ve kale-i meleu...*

Fare në mënt tha: ç' e sillni?  
Këtë të ligë ç' e ndillni?  
Ne fëmijën i a u therim  
gratë jashtë i a u nxjerim.  
I u vemë frenë në dhëmbë  
e i marim nëpër këmbë.

### **Këshillimi i Musajt Israilinjtë**

Kjo Musajt në vesh i hyri  
por as t'ert s' i bëri syri.  
"Komb! I u tha, mos u frikoni<sup>1</sup>  
duron ndihmë kërkoni.  
Ju ndihmon pra Perëndija  
toka krejt është e tija.  
I a fal ati që të dojë  
lum ajy që të durojë".  
Thanë: "shumë mundim hoqëm<sup>2</sup>  
u cigarithëm u poqëm -  
n' atë mot q'u linde tinë  
a nuk pamë lebetinë?  
S' na qe mjaft ç' hoqëm lehmerë  
tërë foshnjat na u therë.  
Edhe thua të durojmë?  
Në skëterë të qëndrojmë?"




<sup>1</sup>*Sure-i Araf, ajet: Kâle likaumihi-steinu..*

<sup>2</sup>*Sure-i Araf, ajet: Kalu udhina..*

Tha Musaj: "po të duroni  
dëshirën do ta mbaroni.  
Zoti do ta vdes' armiknë  
me gjith rrethn' e tij të liknë.  
Egjypten ju do ta kini  
të shkujdesur do të jini.  
Nuk' duhet të më shtrëngoni  
duronit të trashëgoni!  
Njeriu mirë liksht punoftë  
s' haron Zoti në mënoftë.  
I a shpërblen pagesat tërë  
një nga një çdo që ka bërë".

## Rebeshët

Dha Zoti një thatëtirë<sup>1</sup>  
u bë fusha shkretëtirë.  
Nëpër fshatrat drurët gjithë  
pa pem' e arat pa drithë.  
Ziu i math me vjete mbajti  
thika ndër ashtët i u vajti.  
S' qe punë të mbledhin mëntë  
qenë tërbuar si qëntë.  
Sende të mira t' iu vinin<sup>2</sup>  
"ngaj an' e tyre i dinin"



<sup>1</sup>*Sure-i Araf, ajet: Velekad ehadhna..*

<sup>2</sup>*Sure-i Araf, ajet: Fe idha zhaethumu-i hasenetu..*

Gjë e ligë me të ngjarë  
thoshin magjypët të marë:  
"prej Muajt na arth urgjija  
prej sij na u shemp shtëpija".<sup>1</sup>  
Por nuk e dinin të zinjtë  
që s' ish nga izraelinjtë.  
I a u dha Zoti urgjinë  
mundet ndër udhë të vinë.  
Por ata ashtu si thamë  
kishin dreqin plak vëllamë.  
"Musa! këto që bën tinë<sup>2</sup>  
bota ç' magji jan' e dinë.  
S' të besojmë bëj ç' të duash  
s' të dëgjojmë, kot, ç' të thuash.

### **Shiu i math**

Zu një shi me javë rrodhi<sup>3</sup>  
kush e di sa pashë hodhi.  
Ngaj të dalin ku të venë  
s' gjejnë dot vënt ku të flenë.  
Firaunit van' i thanë:  
"shtëpitë ngaj shiu na ranë.  
Ky rrebesh na zuri fytnë  
bota krejt ndër uj' u mbytnë".



<sup>1</sup>Shemb toskënisht: nisi të prishet, çilimiu kur dreth buzën të qajë.


<sup>2</sup>Sure-i Araf, ajet: Ve kalu mehma tetina..

<sup>3</sup>Sure-i Araf, ajet: Fe erselna alejhim..

E thirri Musan' i lutet  
se prej komit s' ka ku futet.  
I u lut Zotit, qëndroj shinë  
u ter dhe të mbjellat mbinë.  
U bë bima aq' e mbarë  
tjatër mot s' e kishin parë.  
Zun i thoshin njëri-tjatrit  
Firaunët kokë-thatrit:  
"Shiut të mirën nuk i a ditmë  
nuk' duruam pak nuk' pritmë.  
E me ç' mënt thërrisnim aqë  
shihni si bleroj sa kaqë!

### **Karkalecët**

Pastaj karkaleci dolli<sup>1</sup>  
më keq se shiu i a u fshtolli.  
Që kur ngriheshin për pjetë  
zinin djellën porsi retë.<sup>2</sup>  
Er' e lindjes i pat prurë  
nuk' lan' asnjë kalli grurë.  
S' lanë bim, as gjeth gjëkundi  
prapë Musajt më së fundi -  
I u lutnë: dolli një erë  
i rëmbeu sakaqë herë



<sup>1</sup>*Sure-i Araf, ajet: ve-l-xherade..*

<sup>2</sup>*Vjet në Fas (Marokndalum udhëtimin e udhës të hekurtë me dit.*


gjithë togjet i përmbloodhi  
s' la as-një në det i hodhi.  
Së rish pas dreqit plak ranë  
më s' e besuan Musanë.

### **Morrat e drithit!**

Dha Zoti një morr të ndyrë<sup>1</sup>  
fushës rëndom i ka hyrë.  
Gjë të gjelbër si nuk' lanë  
përsëri kapën Musanë:  
"Po na shpëtove i thonë  
do ta besojmë dhe Zonë".  
Sa shpëtuan besim s' prunë  
dreqin për bishti e zunë.

### **Një er' e nxehtë**

Dha sërish Zot' i vërtetë  
një erë fort keq të nxehtë.  
Një fill bari s' la i përzhiti  
të gjithë në det i ngriti.  
Por Firaunët nuk binden  
prapë si më parë grinden.



<sup>1</sup>*Sure-i Araf, ajet: ve-l kummele.*

## Bretkosat

Ranë bretkosat me barrë<sup>1</sup>  
ngado dhenë kanë marë -  
    Më s' kudzojnë gjë të lenë  
    se bretkosat atje venë.  
Sado që t' i fshehin fellë  
sahanët, vorbat me gjellë  
    plot i gjejnë kur i hapin  
    plot bretkosa ç' do që kapin.  
Edhe kur flinin të zinjtë  
i u hidheshin mbi turinjtë.  
    Rrinin zhabat stavë stavë  
    hoqnë mundim nj'a dy javë.  
I zunë be për të madhë  
po shpëtuam këtë radhë:  
    "për të besuar të kemi  
    s' ka se si gjith me ty jemi".  
As po njerës Firaunë  
sa shpëuan më keq zunë.



<sup>1</sup>Shumë vjetë më parë në Korçë pas një fortune të madhe kanë rënë bashk me shinë shumë bretkosa sa u mbushën kopshtet edhe arat. Njëher kanë rënë pishq të vegjël u mbushnë hendeqet. Këto i rëmbenë e marrë nga paligjet e nga kënetat dhe i zenë basdhkë me shinë.




## Gjaku

I u dha Zoti një sëmundë  
çurk' i u vin gjaku për hundë.  
Aman i thonë po vdesim  
shpëtona besnik të mbesim.  
Nga kjo gjë porsa shpëtuan  
të ligën më keq e shtuan.  
Shum' i u dha Zoti pasqyra  
ngaj zemra s' i u doli ngjyra.

## Murtaja

I u dha pastaj një murtajë  
Firaunët zu t' i hajë.  
Me qindra mijë u shtuan  
prapë Musajt i u lëshuan.  
Gjer tani e kupëtuan  
nga të remat gjë s' fituam.  
Bê pa bërë më s'i lanë -  
Musajt, dhe ndër këmb' i ranë.  
Lut-ju Zotit le ta ngrerë  
murtajën dhe këtë herë -  
Në befshim të liga prapë  
ç' të dojë le të na japë.  
Ja ku të japim dhe fjalë  
kombi me ty le të dalë.  
Liruar kudo të venë

t' i ngasë s' e lemë mbrenë.  
Pa hequr mirë murtajën  
i u kallën prapë bëtajën.  
Jevgët shpirt-keq, faqe-zinjtë  
përpkëkin Izraelinjtë.  
Zunë më keq se më parë  
me mundime me të sharë.  
Dhjetë vjet me radhë hoqën  
porsi gjarpri u përpoqën.  
Nuk' u bindën krye-thatët  
por u ndezën si lugatët.  
Musajt zëmra i u lëndua  
tha: "O Zot! Më dëgjofsh mua<sup>1</sup>  
Firaunit i a ke dhënë  
me gjith komb pa numur gjënë.  
Nuk lagen këta ngaj vesa  
po nxjerin botën ngaj' besa.  
Gjën' e tyre bëje gurë  
zëmrën mos i a u zbut kurrë.  
Fiki Zot! se më kapitnë  
hoqa shumë me evgjitnë".  
I tha Zoti: "t' u ndigjua<sup>2</sup>  
se Firauni s' u zgjua -  
me gjith Harunë duroni!  
Ç' urdhër ju dhash' mbaroni.  
Mos bëhi si të paditur  
s' bëhet punë pa trapitur".




<sup>1</sup>*Sure-i Junus, ajet: ve kâle Musa rabbena inneqe..*

<sup>2</sup>*Sure-i Junus, ajeti: kâle kad uzhibet..*

## Dalja e Musajt prej Egjyptës

Nuhu sa vjet ka duruar  
uji gjer sa ka mburuar.  
Thonë dyzet vjet ka shkuar  
kohë si i ka mallkuar.  
Duroj Nuhu deshi s' deshi  
gjer sa i mbyti rrebeshi.  
I vjen ngaj' Zot i vërtetë  
të marë kombin e vetë  
t' i nxjerrë jashtë me natë  
pa ndjer' ajy kokë-thatë.  
Si mori vesh Firauni  
që shkoj Musai e Haruni  
ushtëri të madhe mblodhi  
atyre pas i a u hodhi.  
Komb i Musajt kur pikasnë  
Firaunët që u nqasnë  
Thonë: "ç' e pësuam neve  
ku të futemi prej reve.  
Këtej det e andej armiku  
oji në zemër na piku.  
Musaj detit ia heq stapnë  
dy-mbë-dhjet' udhë u hapnë<sup>1</sup>  
Ndër udhët s' mbet ujë pikë  
shkuan të gjithë pa frikë.



<sup>1</sup>Edhe sot më shumë vise ujët ngrihet e ulet, shumë herë qëllon se dhe toka duket. Por këto rrebeshe kanë qënë muxhize prej H. Musajt.

Firaunët kuajt' i nganë  
i u radhitnë detit pranë.  
Musaj me kombin mb'atë anë  
shihnin armikët ku janë.  
Si pa udhët s' qenë zënë  
ngaj turp i math i u ka thënë:  
"Ngaj frika ime u hapnë  
dhe ata të zinj u çapnë.  
Sa u nqasnë më të dalë  
deti zu të bëjë valë -  
Val e madhe i-u zu fytnë  
tërë magjypët u mbytnë.  
Prap' u ul ujët si ç' ishte  
për magjypët udhë s' kishte.  
Shpirti kur zu që t'i dalë  
Firauni thosh ca fjalë:  
"kur e ngre ujët përpyetë  
besova Zon' e vërtetë -  
Zon' e madh t' izraelinjve  
që hiqnin fort prej shkopinjve.  
Unë jam njeri me besë  
kurrë s' heq dorë prej fesë".  
Si e derdhi i dha dërmën  
rihte të shpëtonte kërmën.  
Shkoj vapa me gushtit thonë  
me profka s' e gënjen Zonë.

## **Firauni dha fetva kundra vehtes së tij.**

Ardhi një ditë Xhibrili

Firauni ish nga Nili:

"Për shërbim një njeri pata  
si bir të vetëm i a zgjata.

Me të mira shumë e rita

Zot më krye si e qita.

Iku zaptoj tokën t'ime  
yshqeu të poshta mendime.

Vu emrin t'im kundra meje

dua një fetva prej teje".

Firauni i ka shkruar:

"për këtë që është harbuar  
të Zot emrin i ka marrë

i vjen kundër si i marrë

të mbytet në det i tilli  
të mos i ndigjohet filli".

Gjyq,-tregonjën thonë e mbajti

Xhebraili dhe i vajti.

Kur po mbytej i ka thënë:


"shih Fetvanë që ke dhënë".

## **Izraelinjtë Musajt i kërkojnë një Zot figurë lope**

Si shpëtuan pra ngaj zgjedha

që i thernin porsi kedha-

në fushrat të Shamit ranë  
të gjëra pa fund pa anë.  
Dhe vatrat i a u lëruan  
armikëvet pse duruan.  
Gjetnë një komb të pa ditur  
prej gurësh kishin kalitur  
figurë qjesh për të falur  
nëpër shtëpi tërë kallur.  
Ca veta Musajt i thanë:  
"shiko pra ç' Perëndi kanë.<sup>1</sup>  
Pra na bëj dhe ne të kemi  
të këtij shtate që themi".  
A sa mendje-shkurtër jini  
të mirën tuaj nuk e dini.  
As po këta njerës thotë  
përpiqen mundohen kotë.  
Si s' menjtohi ç' kuvëndoni?  
Tjatër Perëndi qysh doni?  
Zoti një është s' ka tjatër  
qysh u bëka dy, tre, katër.  
Firaunët ju shtrëngonin  
porsi kafshët ju ngarkonin  
ju thernin djemkat me shpatë  
e ju turpëronin gratë -  
Ngaj mundimet si shpëtuat  
gjith këto vise fituat -



<sup>1</sup>*Sure-i Araf, Ajet: fetu ala asnamin jequfume... gjer.. min rabbiqum adhim.*

Kaqë shpejt kur i haruat?  
Ju përmbi gjith u nderuat!

### **Israilinjtë po i falen viçit t'artë të Samiriut**

Musaj kombit i kish thënë  
'Zoti fjalë më ka dhënë,  
    Ngaj Egjypta me të daklë  
    do të vete të kap malë  
Në Sina do të më zbresë.'  
Qitabin të math për besë  
    arth koha thiri Harunë  
    do të shkoj tha në Tur unë  
Hap sytë mbaj qeverinë  
se kombi im spara dinë  
    Të mos zihesh më një bigë  
    që ajo sjell gjë të ligë.  
Komb' i Musajt kishin marë  
ngaj Firaunët me barrë -  
    Ergjënt, ar e plaçka hua  
    s' iu këthyen dot' një thua  
I suallën ngaj Misiri  
më qafë si gur mulliri.  
    Ç' t' i bënim në shkretëtirat ?  
    a po mos kishin shtëpirat ?  
Samiriu q'ish naks i prapë  
i u ka vajtur fit t'i u japë  
    më qaf'i kini ç' do muart

por i hithni tha ngaj duart  
s'i i hoqn' i doqn'i tretnë  
krejt ar' i kulluar mbetnë.

### **Çifutët po i falen viçit t' artë.**

Samiriu një viçe bëri<sup>1</sup>  
pëlliste i delte zëri.

Era pak brënda t' i hynte  
si viç i gjallë do çfrynte.

Ku jini thotë nxitoni  
kus-është Zoti ta shikoni!

I ngrati Musa kot lodhet  
s' e gjen dot Zon ku ndodhet.

Të tërë Zot këtë kemi  
shpejt t' i falemi sa jemi?


Si s' mejtohet shpirt-makuti  
qysh u bënka Allah puti?

S' i u flitet as kuptojnë  
as dëgjojn' as nuk' mentojnë.

Ç' të mirë ka tek t' i u falesh  
ç' të ligë pra tek të ndalesh?

Ç' vjen prej drasës, prej figurës  
ç' del prej viçit, prej lëkurës?

Haruni i u thosh nga herë!  
Ç' bëni kështu? o ditë- prerë.<sup>2</sup>



<sup>1</sup>*Sure-i Taha, ajet: Fe ahrexhe lehum*

<sup>2</sup>*Sure-i Taha, ajet: Kalu len nebreha*



Errësira ju pllakosi  
me mëkate ju ngarkosi.

Prej Samiriut të pa-besë  
pandehni të gjeni ndjesë.  
Është një koçkor prej ferrej  
është kërcu pre skëterrej.

Mblithni mënt a të uruar!  
Zot kini Zon' e dhuruar!

S' ka hije ju foshnja s' jini  
s' kini turp, pas vëçit bini?

Ta ndam, i thonë qëkuri<sup>1</sup>  
pa ardhur Musaj ngaj Turi.

Për të hequr dorë s' kemi  
kështu ta dish po të themi.


Edhe sot israilinjtë  
japin shpirtin për florinjtë.

Ata i faleshin arit  
jo vëçit por dhe gomarit.

### **Musaj në Tur-i Sina, edhe Tevrati.**

Dyzet net në Sina mbeti<sup>2</sup>  
e fjalosi i vërteti.


Por fjalët të Perëndisë  
s' ngjasin me të njerëzisë.



<sup>1</sup>*Sure-i Taha, ajet: ve le kad kale lehum.*

<sup>2</sup>*Sure-i Araf, ajet: ve lemma xhae Musa li mikatina*

As zëre as shënja s' kanë  
ajy vet' e di si janë.  
Pra m' u shfaq tha o Zot tinë?  
Që të të shoh bukurinë.  
I thotë Zot i vërtetë:  
"S' më sheh dot në këtë jetë  
pra hith sytë vëre malë!  
Ngaj vëndi po të mos dalë,  
po qëndroj po s'u thërmua  
atëherë më sheh mua.  
Zoti por sa i u rëfye  
mali sa kaq' u zbërthye.  
U rronit e u bë copë  
mbeti vëndi porsì gropë.  
Syt' i lëshuan shkëndija  
Musan' e zu llahtarija<sup>1</sup>  
I zalisur është plasur  
mbeti përdhe i gajasur.  
Si arth ndër mënt; është ngritur  
i venitur, i habitur.  
Dhuro Zot! Tha fajëtorë  
se s' e pat vet-hen në dotë.  
Prej teje lejë pa marë  
deshi o Zot me të parë.  
Je i naltë! i vërtetë!  
As përphet' as tatëpjetë.  
Tinë vënt nuk' ke gjëkundi




<sup>1</sup>Llahtari - çikëri - zali

jam o Zot! tha më së fundi:  
ndër besimtarët i parë  
rrop i veshtë zemër-larë.

## Dhjetë fletët


Mos të vijë keq i thotë<sup>1</sup>  
se s' më pe në këtë botë.  
Përmi tërë ty të zgjodha  
Teuratnë ty ta hodha.  
Fjalët t' ime ty t' i dhashë,  
kuvëndonjës ty të thashë.  
Me librin që të dhash, unë  
dhe më lëvdo në ç'do punë!  
Solli ngaj Zot i vërtetë  
Xhebraili dhjetë fletë.<sup>2</sup>  
E mir' e ligë shënuar  
ç'do punë si desh punuar.  
I tha Zoti: " pra i ngrerë!  
Këto dhe komit i a shpjerë.  
Thuaju të punojnë mirë,  
se i mbyll në shkretëtirë".  
Musaj ne kombi këthehet  
me një zemërim që s' rëfeket.  
Tha: "Harun! E ç' bëre tinë  
pse s' e mbajte porosinë?"



<sup>1</sup>Sure-i Araf, ajet: *Ve la tushmit...*

<sup>2</sup>Sure-i Araf, ajet: *ve qetebna lehu...*

Vallë përse u hutuat?  
Pas vëçit u copëtuat.  
I lëshoj pllakat më nj' anë<sup>1</sup>  
zu prej mjekre të vëllanë".  
Vëlla! tha Harun i mjerë<sup>2</sup>  
ri! për flokësh mos më zerë!  
Unë sa munda i u thashë  
pa folur gjësend s' i u lashë.  
Ata pas Samiriut ranë  
mua për pak ment më vranë.  
Liromë pse më ke zënë?  
Mos gëzo armiqët tënë!<sup>3</sup>  
Mos më bëjë me ta bashkë  
ri mos më bëj pepellaskë.  
Musaj vet-hen si e mblodhi  
dhe punën qysh ish e zgjodhi.  
Tha o Zot! Për këtë punë<sup>4</sup>  
dhuromë me gjith Harunë!  
Samiri kështu ç' ke bërë?<sup>5</sup>  
I more më qafë tërë".  
Tha një punë më ka ngjarë<sup>6</sup>  
çudi të madhe kam parë.  
Ditën që kaluam, denë



<sup>1</sup>*Sure-i Araf, ajet: Ve elkal-elvaha..*

<sup>2</sup>*Sure-i Taha, ajet: Kale jebnu umme...*

<sup>3</sup>*Sure-i Araf, ajet: Ve la tushmit...*

<sup>4</sup>*Sure-i Araf, ajet: Kale rabbi-gfirli...*

<sup>5</sup>*Sure-i Taha, ajet: Kale fe ma hatbuqe...*

<sup>6</sup>*Sure-i Araf, ajet: Kale besurtu...*

duallëm kapëm sterenë.  
Kal i Xhibrilit ku shkelte  
atje bar sa-kaqë delte.  
Ç' të të them? S' di ç' më nagasi?  
Edhe se ç' gjë më novjasi.  
Një dorë dhe pata marë  
ngaj gjurm' e kalit të mbarë  
i a hodha viçit dhe palli  
më fal, më nagasi djalli".  
I tha shporru i mallkuar!<sup>1</sup>  
Ne, s' jemi për të bashkuar.  
Pas këndeje ke për të vojtur  
ti sa të kesh për të rojtur.  
Në gojë ke për të pasur:  
s' ka të nqasur! s' ka të nqasur!"  
Sa rrojti njeri s' i pshtetet  
se të dy i zinin ethet.  
"do ta shoq dhe viçin tinë  
q' e njohe si Perëndinë.  
Si ta djek ta bëj hi mirë  
në det e kam për të shtirë".  
Si e dogji dhe e hodhi  
kombin me një vënt e mblodhi:  
"Zoti një është i vërtetë  
nuk' viçi që ngjistë vetë.  
Nuk' i mbetet gjë e pshehtë  
ju arthka rëndë a lehtë".




<sup>1</sup>*Sure-i Taha, ajet: Kale fedh-heb feinne...*

Zemërimnë pak si e nxorri<sup>1</sup>  
fletët që flaku i mori:  
Udhën e Zotit tregonin  
ngaj të ligat i largonin.  
Për ata që kanë frikë  
si çdo gjyq ishte si thikë.

### **Kombi i Musajt, kërkojnë që ta shohin Zotin me sy**

I thoshin kombi nga herë  
në Turi Sejna na shpjerë!  
Të vemë vesh ta përgjojmë  
Zonë kur flet ta ndigjojmë.  
Zgjodhi burra shtatë dhjetë<sup>2</sup>  
u ngrit me ta edhe vetë.  
Si ardhën në Sejna dolli  
një re e madhe i fshtolli.  
Si dëgjuan ç' tha me Zonë  
këthehen Musajt i thonë:  
"sa vleftë ka pun e veshit  
kur s' e shohim Zotin sheshit?  
Për të besuar s' të kemi  
pa parë me sy sa jemi".  
Këto fjalë sa i thanë



<sup>1</sup>*Sure-i Araf, ajet: Ve lemma seqete...*

<sup>2</sup>*Sure-i Araf, ajet: Vehtare Musa..*

i zu bretku përdhe ranë.

Pastaj Zoti i përmendi  
një nga një lojtnë nga vëndi.  
Me gjith të mirat që patnë  
dreqit bishtin fort i a zgjatnë.  
Zoti murtajën i u futi  
i shoj të zinjt' i këputi.  
Por nuk bindëshin të zinjtë  
bënin më keq se arinjtë.  
Nga ta pejgamberët hoqën  
i grin' i vranë' i doqën.

### **Përse dyzet vjet mbetën në Tih?**


Urdhëroj Zoti të venë<sup>1</sup>  
dhen' e bekuar të zenë -  
Falestinin, ato anë  
Israelinjtë sa janë.  
Vet-hen në qafëz e kini  
n' u këthefshi të mos vini.  
S' vemë dot Musajt i thanë  
armiqët fort trima janë.  
Patën frikë të luftojnë  
se mos i zen' i shkurtojnë.  
S' hyjmë dot ata pa dalë  
po ri mos na ngarko malë!



<sup>1</sup>*Sure-i Maide, ajet: ja kaumi-d-hulu-l-erda...el fasikin...*

Jushaj me Qalebnë thonë:  
"duhet ta dëgjoni Zonë.  
Mbase qënkan komb' i fortë  
me të hyrë ju i kortë.  
Përgjunjen mbeten të mpitë  
tremben ikin ngaj shtëpitë.  
pshtetjuni Zotit dhe shkoni!  
Ato vise m'i kërkon".

I thon' ata zemër-gurë:  
"pa dalë ata s' shkojmë kurrë.  
Shko ti dhe Zoti luftoni!  
Ne s' lëvizim mos na ftoni.  
Ne rimë, këtu ju presim  
se nuk kemi nge të vdesim!".  
S' kam ç' tiu bëj Zot tha këtyre  
shpëtona neve prej tyre.  
Si qenë ngaj mendja fqyllë  
dyzet vjet në Tih u mbyllë.  
Zoti shkurta i u dërgonte  
përditë arrshir' i u pikonte<sup>1</sup>  
Sa ndenjn' ashtu u yshqyen  
hoqnë, vojtnë sa u çqyen.  
Por Musaj me të vëllanë  
me disa pa faj që janë  
kudo vinin të liruar  
nëpër viset të uruar.



<sup>1</sup>Natën bije mbi gurët e mbi drurët një sent si i arshirë e ambël dhe e ngjitshme kishin edhe bagëti por zarazavate jo.



## Mburimet që pinin ujë.

Ish një gur shkëmp me vërtetë  
sylynarë dy-mbë-dhjetë<sup>1</sup>

S' ish gurë në strajsët ta mbante  
ish një shkëmp që gjithnjë qante.  
Por me shkopin kur i binte  
rrithte ujë çurkë vinte.

Ngaj Jakubi qenë ndarë  
dy-mbë-dhjetë degë farë.  
Veçan hanin veçan pinin  
si ç'do degë veçan rinin.

## U mërzitnë nga hallva duan qep' e dhe hudhra

Dyzet vjet s'hahet një gjellë  
po ç' të bëjnë janë fshtjellë.

Si u qruan gjithë fajtorët  
mbenë të bitë të gjorët.  
Thanë:"këto ne na sëmure<sup>2</sup>  
duam qepë, hudhra grurë  
fjer e presh, lakra fasule  
pazi, labot, pemë fule".

Musaj tha: "si nuk menjtohi?  
Pse s' duroni, po nxitohi?




<sup>1</sup>Sure-i Bekare, ajet: Ve idhi-steska.Sure-i Araf, ajet: Ve kattannahumu-thneta ashrete...

<sup>2</sup>Sure-i Bekare, ajet: ve idh kultum ja Musa..

Më të mirat i ndërroni  
për ca gjë q' i dëshironi".  
Të gjithë Musaj i mblodhi  
pran' Erihasë i hodhi.  
Me Uç Ynyknë luftuan<sup>1</sup>  
disa vise i fituan.  
Kanë marë vënt të mirë  
gjer në Uurdun janë shtrirë,  
Haruni tre vjet më parë  
ne Zoti udhë kish marë.

### **Pjekje e Musajt me Hidrin (Hëzër) (A.S.)**

Pyeti Zotin një ditë!  
"Kë do fort ngaj njerëzitë?"  
Atë që s' më haron kurrë  
kur është shëndosh' e smurë.  
Kush gjykon më mir' i thotë?  
Ngaj rroprit e tu në botë.  
Tha: " ajy njeri me besë  
që s' heq dorë gjer të vdesë -  
ngaj e drejta asnjë qime  
s' mer më qaf' as një thërime".  
Ka prej meje më të ditur  
më të zgjuar, më të ndritur?<sup>1</sup>




<sup>1</sup>*Uxhi ishte nga kombi Amalik q; jetonin ndër ato vise, ishin mjaft të forë.*

I tha: "Hëzri di më shumë  
ka më tepër se ty brumë".  
    Ku ta gjej tha atë vallë  
    të piqem e të bëj fjalë?  
Buzë detit tha ne shkëmbi.  
Shkoni prisni, po mos trembi.  
    Kur të shoq peshkun të gjallë  
    nga zinbili që të dalë  
atje e gjen Hëzrinn tinë  
dhe i a pikas diturinë.  
    Buzë-detit kur që vanë  
    e porositi Jushânë:  
"kur të shoq peshkun të dalë  
të më bësh tha mua fjalë.  
    Unë s'i jam për të ndarë  
    Hëzrin e kam për të parë".  
Të dy bashk' udhës i u vunë  
grykën e detit e zunë.  
    Haruan peshkun e lanë  
    kur u nqas dreka të hanë -  
Tha: " Jusha! Shumë baritmë  
u lodhmë keq u kapitmë.  
    Pra na sill drekën ta shtrojmë  
    mundimin pak ta harojmë".

---

<sup>1</sup>*Sure-i Qehf, ve idh kale musa li fetahu... 23 ajet gjer meije sabra, fjalimi i Musajt me Hidrin me këta 23 ajete, është që përkëtheva me një mjeshtëri sa munda fjalë me fjalë.*

Tha: "Oji se ç' punë bëmë!  
Kur ndenjmë ne shkëmbi mbrëmë.  
Peshkun atje e harova  
obobo ç' e ngatërova!  
Qysh u bë? si s' m'u kujtua?  
Veç dreqi më haroj mua".  
Tatëpjetë u lëshyen  
ne shkëmbi prap' u këthyen.  
Kur shohin peshkun ka shkuar  
me shokët në det bashkuar.  
Çudi qysh s' na i pa syri  
kur u ngjall shkoj në det hyri.  
Këtë donim edhe neve  
Zot! Këtë na i rëfeve.  
Posht e lart vërenin detnë  
ropn' e nderçim kur e gjetnë.  
Ishte det ngaj diturija  
i a kish dhënë Perëndija.  
Si e pan' i vanë pranë  
Hëzrit plak selam i dhanë.  
Tha: "Musa! Selam të qoftë  
nderi dhe aqë t' u shtoftë  
I tha, kush të ka treguar?"<sup>1</sup>  
I tha: "kush të ka dërguar"?<sup>2</sup>  
Nuk' më mer pas pak dit mua?  
Të më mësosh pakëz, ç' thua?



<sup>1</sup>Hëzri  
<sup>2</sup>Musaj

Jakë po s' je i duruar  
e di që s' ke për të qëndruar.  
Do të shoq sende të rënda  
e s' ke për të hyrë brënda.

Do gërmonesh për të gjetur  
se ti s' duron dot pa pyetur.  
Shpresoj tha nga Zoti vetë  
të duroj si do të jetë.

S' të vij kontra as një herë  
por më mer pas mos më lerë.  
Në qoftëse vjen me mua  
fare për gjë pyetje s' dua.

Porsa u vendos kjo fjalë  
të dy bashkë kanë dalë.  
Sa i hipnë një anije  
Hëzri me gjishtit i bije.

Si e shpoj më s' iu durua  
Musaj fort u hidhërua.  
"Ç' pate tha shpove aninë?  
Çudi! Të mbyç njerëzinë".

Tha:"s' të thash' o i uruar!  
se s' je njeri i duruar?"  
Fal-ma tha, re mos ma verë!  
Se më s' të pyes tjetër here.

Në sterë, si kanë dalë  
janë pjekur me një djalë.  
Hëzri atë me të parë  
e ka kapur e ka vvarë.

"Bobo ç' pate pa faj fare  
e dërgove tha në vare!"

"Ti s' duron do nuk' të thashë?  
Dy her' u bë që të pashë".  
E shoh faj në tha dhe unë.  
Po fola tjetër punë -  
atëhere shko dhe më lerë!  
Ikë punën tënde zerë.  
Q' andej ndë Antaqje vanë  
kërkuan bukë të hanë.  
Njerëzit e këti fshati  
zemër-zinj porsi lugati.  
Fare s' ia vunë veshnë  
e hanin ngaj bishti preshnë.  
Gjeti një mur që ment binte  
as një ditë s' munt të vinte.  
Hëzri dorën me të hequr  
muri sakaq' është ndrequr.  
Haroj Musaj prapë thotë:  
"si, përse mundohesh kotë?  
Të donje pagën e mirnje  
edhe bukën na i nxirnje".  
Tha Hëzri: " si patë thënë  
ardhi ndarka në mes tënë.  
Për punrat që nuk' duronje  
gjithë pynje, pse, haronje.  
Një nga një për të radhitur,  
t' i kam dhe për të çuditur.  
Ata që kanë gjeminë  
në det, me të ven' e vinë.  
Njerës të këputur shumë  
të ngratët janë për lumë.

Një mbret që është mb'at'anë  
i rrëmben barkat ku janë.

Kur ta shohë q' është e grisur  
këthehet ngaj është nisur.

Dhe sa për çunin që vramë  
që t' u duk liksht në të pamë  
prindët fort të mirë ishin  
prej tij ligësi do kishin.

Edhe ca vjet të jetonte  
ligësitë do t' i shtonte.

Prindët prej tij do të vuanin  
brënda në burg do t' i mbanin.

Deshmë t' et t' i bëjmë mirë  
pra i a vramë ashtu të birë.

E ç' u bë? Se i u derth gjaku  
i fal një të saktë Haku.

Të të them edhe për murë  
q' ishte epur porsi urë.

Dy djem të gjorë e kanë  
jetim e të varfër janë.

Një hazine ndodhet mbrënda  
me të vjejtura të rënda.

Po të binte do ta hapnin  
ç' të gjenin bota i kapnin.

Mëm' e tyre e ati  
përgjërohej për ta fshati.

Fort të mirë kanë qënë  
djemvet gjë s' iu patën lënë.

Zoti ata do t' i nçojë  
dhe engjillin do t' ia u çojë

murin do t'ia u rëzojë  
me hazinet t' i gëzojë.  
Me mëndjen t'ime gjë s' bëra  
si desh Zoti në të tëra.  
Njeriu me mëndjen e vetë  
s' gjen dot gjësendi në jetë.  
Çdo që punon Perëndija  
përmban të pshehtat e tija.  
Hiqmetin e di veç vetë  
njeriu duron ri i qetë.  
Erdhën shkuan mijarë  
sir-rin vesh s' e kanë marë.  
Ç' derd ka Zoti se s' besojnë  
mjerë ata vetë pësojnë.  
Kur u habitën profetët  
çdo të themi në të metët?  
Në det të madh të misterit  
as një pikë në të mjerit!..  
Këto punë kështu janë  
tha dhe u nda me Musanë".  
Mustafaj ka urdhëruar  
Musaj të paskesh duruar  
shumë çudi do kish parë  
tmer të madh kish për të marë.  
S' duroj dot Zoti e ndjeftë  
durim s' kish, pra ish i vleftë.  
Në librat shihet një fjalë  
për Hëzrin q' është i gjallë.  
Kjo fjalë s' është e vërtetë  
s' mbetet gjallë askush në jetë.



Ashtu edhe Isaj ka vdekur  
shpirti me Zon është pjekur

### **Jusha Pejgamberi (A. S)**

Pas tri dit Jushaj e ngriti  
kombin ngaj lumi e qiti.

S' kishte as barkë as urë  
por e çau lumën si burrë.

Shtinë në dorë Qenanë  
Nablisnë dhe Erihanë.

Mjaft vise në dorë shtinë  
rreth e qark kapnë Sirinë.

Me luftëra të mëdha vojti  
njëzet e tetë vjet rrojti.

### **Qalebi njeri i mirë**

La Qalebin në të gjallë  
edhe ky ka hequr pallë.

Kohën me luft e ka shkuar  
me armikët të mallkuar.

Që pa vdekur la të birë  
Jusafusnë fort të mirë.

Ky pastaj ka mbretëruar  
n' atë dhe q' është' i uruar.

Edhe Misirin e pati  
që e trashëgoj ngaj i ati.


## Harkili (A. S.)

Pas Musajt ky është i treti  
Pejgamber ndër ta që mbeti.  
Çifutët keq u harbuan  
s' dinë ç' bëjnë u verbuan.  
I u ra murtaja u shuan  
në shkretëtir' u lëshuan.  
Iknë jashtë qindra mijë  
vdiqn' atje me gjith fëmijë.  
Nga Qofeja e ka varë  
thonë ca historijarë.

## Eshmuili (A.S.)

Izrailinjt' u kapitnë  
katërqint vjet u sfilinë.  
I u kish hyrë grind' e zezë  
n' atë zjar të math u ndezë.  
Pa mbret kaqë vjete rrojnë  
ata e dinë sa vojtnë.  
Ç' do që kishin Jahudinjtë  
i a u shikonin kadinjtë.  
Si u larguan nga rruga  
më s' iu ngjente fare luga.  
I u ardhi sipër Xhaluti  
i vrau të zinjt' i këputi.

Teuratët të gjith i mblodhi  
shpirt-ligu në zjart i hodhi.  
Fis-Pejgamberi më s' lanë  
Amalikët<sup>1</sup> po i vranë.  
Veç e ëm' e Eshmuilit  
mbet ngaj fis i Israilit.  
Kur u rrit këti i thonë:  
"na duhet për punën tonë<sup>2</sup>  
Një mbret trim i kupëtuar  
ta kemi për të luftuar.  
Armikët na thyen brinjët  
qeshin me ne edhe fqinjët.  
E di tha që nuk' luftoni  
kur t' ju them do të përtoni".  
I thanë: "si nuk luftojmë?  
ngaj përtimi ç' do fitojmë?  
Na nxuarnë nga shtëpija  
na kapnë rrop bij e bija.  
Pas kësaj ne çdo të presim?  
Do të luftojmë gjer të vdesim".  
Dhe Musajt kështu i thatë  
pastaj u plëngët e latë:  
shko bashkë me Perëndinë  
lufto e merni Sirinë.  
Prapë ju jini s' qëndroni  
kot më kot më ngatëroni.



<sup>1</sup>Amalika jan' ata që i-u dha urdhër Musajt për t'i luftuar e kombi s'e dëgjuan. Mbret i tyre në kohët e Musajt ka qënë Uçi dhe në kohët t'Eshmulit Xhaluti.

<sup>2</sup>Sure-i Bekare, ajet: elem tere ile-i melei.....ale-l-alemin.

Është dhe ka qën' i rallë  
ajy njeri që mban fjalë.  
Bëri mbret Zoti Talutin  
tha ta kini për Xhalutin.  
Mbret nuk' bëhet thanë kurrë  
një që argaste lëkurë.  
Më të meritushim jemi  
edhe gjë më tepër kemi.  
Ai është fort i varfër  
me gjith atë s' është' i afër.  
Tha: "Zoti e ka pëlqyer  
nuk ka tjetër për të ngjyer.  
Zot' i math e ka nderuar  
mëndjen fort i a ka zgjëruar.  
I ka dhënë trimërinë  
i ka shtuar diturinë.  
Mbretërinë kujt të dojë  
ja jep Zoti, ç' hapni gojë?  
Ju s' ju mbushet koka para  
se s' ju ka kungulli fara.  
Shënja q' është mbret Taluti  
duket kur të zbret Tabuti.  
Brënda n' arkët ka shënuar  
si lipset për të punuar.  
Shkop i Musajt e ca fletë  
dhe petkat që nvishte vetë".  
Duallnë gjithë ta presin  
melaiqet kur ta zbresin.  
Kur e shohin që përtpjetë  
që po zbret Taluti vetë

thon: Israilinjtë e patnë  
arkë që vinin Teuratnë.  
Pra si zunë ligësinë  
edhe lanë Perëndinë.  
Tabutnë Zoti e ngriti  
me qindra vjetë pa e zbriti.  
Pas shënjës zemra i u fjete  
edhe mbret Taluti mbeti.  
Tani u sosnë kadinjtë  
vunë mbret israilinjtë.  
Mbret' i parë është Taluti  
në qytetërim i futi.  
Pastaj njerëzinë mblodhi  
tetë-dhjetë mijë zgjodhi.  
Nuk' mori për të luftuar  
vetëm djem të pa martuar.  
Ju ka Zoti për të bërë  
tha një lumë, provë tërë.  
S' është t'imi kush të pijë  
t'imi është kush s' mer shijë.  
Por të liqtë që lakmuan  
pin' ujë sa u shkalluan.  
Buzët e tyre u nxinë  
e zhuritnë mushkurinë.  
Tërë buzë lumit mbenë  
kanë frikë nuk' po venë.  
Po të tjerë q' u kursyen  
mb' at' anë lumit kërcyen.  
U përgjegjnë faqe-zinjtë:  
"nuk' i hedhim dot kërcinjtë.

Këmbët drejt na u këputnë  
s' luftojmë dot me Xhalutnë".  
I thonë trimat e mbarë:  
"vdekjen sysh e kemi marrë.  
Mbase tuf e vogël jemi  
Zon' e madh ndihmës e kemi.  
Shumë herë kjo ka ngjarë  
tuf' e vogël i ka çarë -  
Tufat të mëdha të forta  
i rrëkëllejnë si shporta.  
Kush duron është me Zonë  
urdhëro të shkojmë thonë".  
Luftëtarët të Talutit  
kur u nqasnë drejt Xhalutit  
e ç' të shohin ushtërija  
buçasin si mizërija.  
Talutinjtë tërë ç' janë  
ngritnë duart o Zot! thanë:  
"nem-na durim të durojmë!  
Nem-na fuqi të qëndrojmë!  
Nem-na ndihmë t' i thyejmë  
e reshtanat t' i a u zbërthejmë".  
S' ka ç' të bëjë ushtërija  
po s' të ndihmoj Perëndija.  
Xhaluti ish trim i marrë  
frikën gjith ia kishin marrë.  
Dolli në shesh thot' o trima!  
Delni mos u futni në vrima!  
Ejshaj q' ishte nga të parët  
i zgjedhur në fist, në farët

kishte tetë djem të gjallë  
të zotrit trima për pallë.

Ejshaj Daudin të birë  
e çoj i tha: "Shko i thirrë!"

Ardhi, s' guxon dot as njëri  
i u ngjyr armiqëvet zëri.

Arsllanit kush mund t' i delte  
tundej dheu andej ku shkelte.

Si luani kur thërriste  
armikët në dhet i klliste.

U hoq më nj' anë Davudi  
i nqaset pranë Taluti.

I tha: "këtë po e vrave  
çupën t'ime ma përlave.

Për emrin të Perëndisë  
ke gjysmën e mbretërisë".

I dolla tha trim i mirë  
tashti e kam për të shtrirë.

Drejt atij është lëshyer  
dy tre gurë ka rëmbyer.

Me hobe një gur i shtije  
e godit fort liksht në hije.

Me tjatrit që kish në dorë  
i ra i shpoj kraharorë.

Si ra i vdekur Xhaluti  
u fut me pallë Daudi.

Me mij' armikë të tjerë  
porsi kërcunj i ka prerë.

Desh Zoti i çan' i ndanë  
pjesën e shumë e vranë.

Mbreti gocën s' desh t' ia japë  
fjalën ia kthevi prapë.  
Ngaj nakar i madh kërcuri  
nga qyteti e përzuri.  
Daudi si është rritur  
Zot' i math fort e ka ndritur  
i ka falur shenjtërinë  
së fundi dhe mbretërinë.  
Atë kohë Eshmuili  
vdekur mbirë trëndafili.

## **Daudi (A.S.)**

Daudi në Nobe vajti  
kryetar i fes e mbajti.  
Ushtëri të madhe mblodhi -  
Taluti Nobes i-a hodhi.  
Qytetnë keq e përzhiti  
njerës ç' ishin i krasiti.  
Pas kohej bij e Talutit  
i u dha për grua Daudit.  
Kjo të shoqt i pat treguar  
për Talutin të bekuar.  
Se i a kish me të pa-besë  
pshehur mundohej t'a vdesë.  
Israilinjtë u helmuan  
Talutit fort iu zemruan.  
Zunë më s' i a venë veshnë  
se Daudnë fort e deshnë.




Taluti si ka ngarkuar  
në fron i biri ka shkuar.  
Ngaj ta degë një-mbë-dhjetë  
i pati ndër urdhër vetë.  
Davudit një degë i mbeti  
pas kohej të gjithë i pshteti.  
Shtatë vjet luftuar kanë  
njëra me tjetrët u vranë.  
Deg' e Daudit i mundi  
tërë degët më së fundi.  
Zoti Zeburin i a zbriti  
nderin ca më fort ia rriti.  
Luftoj mundi Athurinë  
i a shkretoj krejt ushtërinë.  
Përlau viset e Qenanit  
gjer ngaj buzët e Ummanit.  
Zaptoj edhe Arabinë  
shtiri në dor' Ermeninë.  
Fron e tij në Kuds e pruri  
arkën e plaçkat i shpuri.  
Kish në zë fort të kthjelltë  
porsi një engjëlli qjelltë.  
Kur e këndonte Zeburë  
të shronte zemrën e smurë.  
Zërit të tij vesh i mbanin  
njerës kafshë me lot qanin.  
Nuk' se vetëm njerëzija  
bagëtija zogjërija  
rreth e rrotull e qarkonin  
i u digjej zemra rënkonin.

As ka ardhur as vjen kurrë  
si Daudi me zë burrë.  
Atë zë kush do ta ketë  
ta shpon zemrën si shigjetë.  
Me syt tonë kemi parë  
ndjen bilbili telungarë.  
Këputet qëndron mbi sazet  
s' duron digjet nga avazet.

### **Mjeshtëri e Daudit dhe yshqimi i tij**

Hekurin si dyll i butë<sup>1</sup>  
e punonte si oputë.  
Si brumin dyk e gatuar  
thur petka për të luftuar.  
I shiste, me to yshqehej  
me dirsët jetonte prehej.  
Nga arka e mbretërisë  
Profeti i Perëndisë  
për vehte s' prishte një pare  
e njihte mëkat të marre.  
Një ditë tek gatuante  
Lukmani sytë s' ia dante.  
Me gjisht në gojë ka mbetur  
por duroj nuk e ka pyetur.  
Me të mbaruar Daudi  
këmishës krahët i futi.



<sup>1</sup>*Sure-i Enbija, ajet: Ve al-lemnahu sanate...*

Tha: "për luftë sa e mirë  
kordha s' e ka për të grirë".

Tha Llukmani atë kohë:

"buri një send kur të shohë -  
po duroj nuk hap gojë  
vetiu do ta kupëtojë".

### **Lukmani njeri i mirë<sup>1</sup>**

Lukmani ish fort i ditur  
në shkallët të lartër ngjitur.

Mjaft Profetër pat arrirë  
prej syresh kënduar mirë.

Njeri i mirë ka qënë  
të mëdha fjalë ka lënë.

Një ditë e paskan pyetur:  
këtë nder nga e ke gjetur?

"ngaj e mos folura kotë  
e nga e vërteta thotë".

I thanë një herë tjetër:  
ngaj u bëre kaq i lartër?

Fillozofin' e zgjerove  
dhe diturit' i mbarove?

Tha: " nga ç' do q' ish i paditur  
q' ish pa turp i pakalitur.

Foli fjal'a bëri punë  
që nuk i pëlqeva unë-



<sup>1</sup>*Ka qënë rob i blerë dhe lekurë-zi*

Gjithnjë kontra i u jam sjellë  
pra u bëra mëndje-fellë."  
I tha i zoti një herë:  
"në arët susam të shtjerë."  
"E mbjellim tha fort mirë."  
Po kur u bë për të shirë  
qeshi i zoti gajasi  
se të kuntërtën pikasi!  
Unë ç' thash tinë ç' mbolle!  
Sa i mënjim bir më dolle!  
Të më ndjesh i falem fajit  
pandehnja se shiu i majit,  
elbin që mbolla në verë  
e bën susam me një herë.  
"ç' kuvëndon tha, u mahnite  
këtë fjalë qysh e qite?"  
Fjala ime, i uruar!  
Pse t' u duk' e hidhëruar?  
Zotëria tënde vallë  
përse ke zënë moçalë?  
Ta dish, fort je i gënjyer  
se me gjë të papëlqyer -  
nuk' e gjen Parajsin kurë  
se prej egjrit s' mer dot grurë.

### **Porosit' e Lukmanit për të birë**

Kështu i thoshte Lukmani  
të birt, na thotë Kur'ani:

"Të jesh bir! me mënt në kokë<sup>1</sup>  
mos i bjerë Zotit shokë!  
Po mohoj njeriu Allahun  
më s' e kursen për gjë krahun.  
Se të ligat ngaj kjo pillen  
një nga një kësi soj ndillen.  
Do përdhe do sipër qjellit  
do në gurt thërrim' e melit -  
e nxjer në shesh ku të jetë  
po deshi Zot' i vërtetë!  
O bir! Të falesh nga herë  
faljen vonë mos e lerë!  
Shtyje botën për të mira  
i largo nga e vështira!  
Mos hiq dorë ngaj durimi  
qëndro në punet si trimi!  
Mos u mbaj krye-përperjetë!  
sikur do të përpish retë!  
Mos shko udhës dyke tundur  
se dheu të ka për të shkundur.  
Njeriu vet-hen po e ndoti  
me madhesi, s' e do Zoti.  
As me vrap as mpitë fare  
të jet ecja mesatare!  
Kur të flaç shumë mos thirrë  
jo dhe aqë si me shpirrë.  
S' ka hije si veshë-gjati  
kur pëllet edhe lot fshati.



<sup>1</sup>*Sure-i Lukamn, ajet: ve kale lukmanu...*

Si do q' ish i zi nga ngjyra  
i ndritte si mur fytyra.  
Zemr'e tij ish e quar  
shpirti i tij fort i uruar.  
Gjer në kijamet s' haronet  
emr' i tij por shënjtëronet.  
S' sheh Zoti ngjyrën, lëkurën,  
sheh ç' beson e ç' punon burën.

## Çudi

Përpara Daudit shkuan  
dy njerës dhe u gjykuan.  
"Ky, në vreshtët dhënt i futi<sup>1</sup>  
prishi herdhit' i këputi."  
I tha: "dhëntë ty të mbenë  
edhe bariut fali Dhenë!"  
Kur duallën këta njerës  
Sulejmani jashtë derës  
për përfundjen i pyeti.  
"ah than' e zeza na gjeti."  
Thotë me të kupëtuar:  
"im-atë qënka nxituar  
mua të ma paske lënë  
tjatër gjyq ju kisha dhënë."  
Mori vesh se ç' tha i biri  
i dërgoj njeri e thirri.



<sup>1</sup>Sure-i Enbija, ajet: ve Davude ve Sulejmane..

I tha: "o bir ti si thua?  
Pra më jep një mëndje mua!"  
Tha:"vreshtin bariu ta marë  
ta bjerë si ish më parë.  
Dhentë vreshtarit i mbenë  
t' i u marë leshtë, bulmenë.  
Pra mot prapë t' i çkembejnë  
kësi soj dëm të mos gjejnë."  
"Më rofsh o bir! ç' e gjykove  
as një palë nuk ngarkove!"  
Si i dha kështu gjykimin  
i a u preu fare rënkimin.  
Këtë gjyq kur e ka dhënë  
një-mbë-dhjetë vjeç ka qënë.<sup>1</sup>


### **Një ngjarje e çuditshme**

Është fort për të çuditur  
të gjithë qenë stërvitur.  
Si kujt do qefi ja donte  
tjatri gruan ta lëshonte.  
Ta kapte vetë pas kohej  
të gushohej të bashkohej.  
Krejt pas grave ishin shtënë  
pleq të rinj pas qejfit rënë.



<sup>1</sup>Kupëtohet sheshit që Davudi me qënë Pejgamber, me të parë gjyqin e të birit se ishte m'i saktë e pëlqeu. Nga ky shkak kuvendi për bisedim është synnet.


Urijaj kish një grua  
në gjith shoqet si pallua.  
Daudi se si shikonte  
zonja si fëllzë shkonte.  
Nëpër zemër i ka shkuar:  
"e kisha për të kërkuar  
t' ish e ve tha nuk e linja  
por sot është gjallë fqinja."  
Kaqë gjë ndërment tek solli  
fundi shumë keq i doli.  
Ish mbyllur një ditë falej<sup>1</sup>  
qante ngaj frika s' ndalej.  
Ngaj çatija dy i zbritnë  
u tremp por vrik i thërritnë:  
"S' të trazojmë mos ki frikë  
se ne jemi dy armikë."  
Njëri tjetrit liksht i bëri  
të të themi për së gjëri:  
"Ky vëllaj im, qe sheh, tinë  
e kishte të ngopur gjinë.  
Kish dhen nëntë-dhjet' e nëntë  
më t'imet i mbenë mëntë  
delen t'ime me të parë  
lakmoj, desh të ma marë."  
"Liksht' tha e paske menjtuar  
kjo punë fort e shëmtuar.  
Shoqërija shumë herë  
i bën dëm shokut të mjerë.



<sup>1</sup>*Sure-i Sad, ajet: Ve hel etage.. ve husne meab..*



Vetëm njerzi e mirë  
s' bejnë kurrë të pështirë.  
Por këta të paktë janë  
tërë një karakter s' kanë."  
Me të thënë këto fjalë  
qeshnë ëngjillit dyke dalë.  
Ç' është puna e pikasi  
ra përmbys qau sa gajasi.  
Pastaj sa rrojti gjith qante  
trupthin gjith me lot e lante.  
Në Sad e kemi kënduar<sup>1</sup>  
Zoti shum' e ka lëvduar.  
Fjalët q' i hidhen Daudit,  
janë çpifjet e çifutit.  
Duhet pra gjuha kursyer -  
pas shkrimit s' duhet gënjyer.  
Njeri ç'do që të shikojë  
duhet bukur ta gjykojë.  
Se ç' qëllim ka shkrimëtari  
ta mentojë pak mentari.  
Profetët mëkat s' punojnë  
ata fenë s' e renojnë.  
Herë mbyllej qante s' delte  
me javë në fron nuk' shkelte.  
I biri vinte e mirte  
me të lutur jasht' e nxirte.  
Aksasë themel i shtiri  
pastaj e mbaroj i biri.



<sup>1</sup>*Sure-i Sad, ajet: ala ma jekulune..*

Vjete një qind ka jetuar  
dyzet vjet ka mbretëruar.

## **Sulejmani (A.S.)**

Njëzetat pa mbushur mirë  
lën' e pat në front të birë.  
Mjaftë mëndje lartë ka qënë  
të mëdha sende ka lënë.  
Me mbretërirat luftonte  
ku-do që shkelte fitonte.  
Disa gjemi ka ndërtuar  
rezervë për të luftuar.  
Prej Finikës ca detarë  
pruri djaloshi i mbarë.  
Jemenin' Hindin fituan  
mbretërinë tepr' e shtuan.  
Pa shkelur vënt më s' mbeti  
Egjyptën' Fasin e treti.<sup>1</sup>  
Me gjith këto sa ka rrojtur  
ngaj arka fort është ndrojtur.  
Ngrënjën me djersëz e qitte  
thurte zinbilra i shiste.  
Bukën me krunde e hante  
petkat prej leshi i mbante.  
S' ia kish kënda madhërinë  
e donte fort varfërinë.



<sup>1</sup>*Sure-i Neml, ajet: ve lekad atejna Davude ve sulejmane...*

Ngaj q' e hiqte shkopin zvarrë  
shkallë të lartër ka marrë.  
Zëret edhe njerëzinë  
bagëtinë' shpeshërinë,  
tër' i pat ndër urdhëratë  
i sillen rreth dit' e natë.  
Gjuhërat i a u kupëtonte  
fare gjë nuk' i shpëtonte.  
Ka gjuhë çdo gjë e gjallë  
fjal' e saktë jo e çalë.  
E pohojnë gjith shkencarët  
më të ditshmit' më të parët.  
Ç' do ndrydhe të kapç në botë  
sheh s' është krijuar kotë.  
Dhe mikropi që nuk' duket  
ka mjaft rëndësi, nuk fuket.  
Shohin, kupëtojnë ndjejnë  
kërkojnë ushqim dhe gjejnë.  
Ju mos shikoni Teuranë,  
pse e shajnë Sulejmanë.  
Duhet të besojmë Zonë  
e lëvdon Kur' an i jonë.


### **Fjalimi i Sulejmanit me gjët' e gjalla.**

Një ditë me ushtërinë  
tatëpjet bregut vinë.  
Në përruat kishin dalë  
karanxhat vinin vërdallë.

Mbren' e tyre ka ndigjuar  
mizavet q' u ka bëzuar:<sup>1</sup>  
    "Ushtëri! ç' prisni' nxitoni  
    pshihuni shpejt të shpëtoni.  
Sulejmani, ushtërija  
po vinë dhe nga padija -  
    mundet t' ju shkelin t' ju vrasin  
    farën tuaj krejt ta humbasin."  
Sulejmani ngaj kjo qeshi,  
tha: "O Zot! Ç' më dëgjoj veshi  
    i vjen keq për ushtërinë  
    ka frikë jashtë mos rinë  
por i u thëret të tuliten  
se shkelen, pra lebetiten.  
    Të lëvdoj, më ke nderuar!  
    Diturin ma ke zgjeruar!  
Mbi shumë robër të tjerë  
më ke bërë më të ndjerë.


### **Belkisa mbretëresh' e Jemenit**

Profeti me gjithë ordhitë  
për uj' u doqn një ditë.  
    Pupa thonë njeh fort mirë  
    gjen ujë në shkretëtirë -  
Ku mundet ujë të dalë  
dhe mihin breknë a malë.



<sup>1</sup>*Sure-i Nemi, ajet: Hatta idha eteu..*

E kërkoj punën s' e gjeti<sup>1</sup>  
u zemrua shumë mbreti.  
"Pse s' e shoh ç' u bë mos humbi  
a po u fsheh si pëllumbi?  
Do t' i jap mundim të rëndë  
për të lën e kam pa pendë.  
Do ta rjep ashtu të gjallë  
pastaj le të bëjë pallë.  
S' shpëton dot prej meje kurrë  
veç në pastë yzër<sup>2</sup> prurë."  
Kur ka ardhur pup' e mbarë  
para tij heq krahët zvarë  
i lupitet e i lutet  
ndër këmbët të tij i futet!  
"Kujto Zonë ndjemë mua  
un' e di s' vlej asnjë thu  
mora vesh punra taninë<sup>3</sup>  
që nuk' i di fare tinë




<sup>1</sup>Thotë një gjerman që ka bërë provë përmbi karanzhat më tepër se (24vjet, Karanzhatë rrrjnë me një disiplinë të mrekullshme e me shoqëria më tepër se një qint milionesh. Rrojnë me një disiplinë fort të hollë dhe ordhit' e tyre ndahen në shumë tufa edhe që të gjithë tufët, deturat i kanë të ndryshme në një mënyrë q'as një prej syresh s'mund të hidhet prej një detyre të tjetrës. Kanë gjykatore fort të mrekullshme që gjykohen e dënohen etj... si me mikroskop ashtu edhe me anën e veglavet veshore shihen e ndigjohen se ç'punojnë. Veglat e veshit zën' e tyre e rritin me mijë fishe. Punrat e çuditshme që punojnë mizat' shtëzat e burburizat njerin e habitin, prandaj muxhizet e Pejgamberëvet duhet ti besojmë pa dyshim. Veglat që po çpikën kanë me na i kallëzuar sheshit që të gjitha.

<sup>2</sup>Yzër arabisht: shkak natyrisht, (excuse).

<sup>3</sup>Sure-i Neml, ajet: fe kale chattu..

të kam sjellë ca të reja  
q' i kam parë nga Sebeja<sup>1</sup>  
Ç' më pa syri atje mua  
mbretërokërke një grua!  
Ajo ç' lipset i ka tërë  
pallat të lartë të gjërë.  
Vet'e komb'i saj sa janë  
Zot q' i falen djellën kanë.  
I u ka zënë sytë djalli  
i u thotë djellit t'i fali.  
Ngaj udhë e mirë i ka qitue  
pas të shtrembave stërvitur.  
Të vërtetën nuk' e shohin  
Zon' e vërtetë s' e njohin.  
Ngaj e vërteta pse ndalen  
ç'kanë Zotit që s' i falen<sup>2</sup>  
Zotit të math q' i ka qitur,  
ç' nuk' shihen i ka javitur.  
Do ngaj dheri do ngaj qjelli  
Aju i çpik s' i çpik djelli.  
Ç'do gjë ajy e ka ngrehur  
nuk' i mbetet gjë e pshehur.  
Mëndje shkurtër sa gënjenen  
se sa të poshttë rëfenen!  
Një është' Ajy nuk ka tjatër  
Zoti i Arshit të lartër!



<sup>1</sup>Sebe, Seba: emri i kryeqytetit të Ballkësit, tri ditë larg Sa-asë.

<sup>2</sup>Sure-i Nemi, ajete: En la jesxhudu.. gjer.. ma dha jexhium.

I tha: "re do të të vemë  
vërtet e ke a të remë?  
Mer këtë letër e shpjerë  
në reth të tyre e lerë.  
Më nj' an' u hiq me të lënë  
përgjo ç' kanë për të thënë."  
Thonë Belkisa kur flinte  
dyert hapur nuk' i linte.  
Si i mbyllte an' e mb' anë  
çelësit i mbante pranë.  
Pupa nga një vrimë hyri  
ajo flinte s' i a pa syri.  
Letrën mbi gjit i a ka lënë  
ngadale vrimën ka zënë.  
Belkisa me të dëgjuar  
ushëtimën, është zgjuar.  
Kur sheh letrën të vulosur  
është trembur ment ka sosur.  
Në çast kërkoj parësinë  
le të mblidhen vrik të vinë.  
Si ardhën, tha mbretëresha:  
"A e dini pse ju desha?  
Ma kanë lënë në gjumë<sup>1</sup>  
një letër të ndriçme shumë.  
Sulejman këndon në kryet  
brënda me (Bismil-lah) hyet.  
Na thotë të më dëgjoni  
madhësi mos më tregoni.



<sup>1</sup>*Sure-i Nemi: Kalet ja... gjer.. ma dha temurin.*

Në hyfshi në hijen t'ime  
nuk ju pshetet as një qime.  
Tani: prej jush dua unë  
një mëndje për këtë punë.  
Se ju një mendim pa dhënë,  
as gjë s' i kam për të thënë."  
Thanë:"Ne të fortë jemi  
armë, forcë ç'duhet kemi.  
Aqë fort s' na e pret mëndja  
urdhërata është tëndja.  
U mento jep urdhëratë  
të gatitemi për shpatë."  
Ky mbretërvet s'i u ka ngjarë  
se s' ka djegur e s' ka vvarë.  
Mbretit në qytet kur shkelin<sup>1</sup>  
popullin vërdall e sjellin.  
Djegin, prishin, presin, therin  
s' lënë dru rrënjët i u nxjerin.  
Rrop e bëjnë parësinë  
e çnderojnë njerëzinë.  
Luftën duhet ta largojmë  
them, ca veta të dërgojmë.  
Me dhurata le të venë  
të piqen të shohin mbrenë.  
Kur të vin' e kupëtojmë  
të durojmë mos nxitojmë.




<sup>1</sup>*Sure-i Neml, ajet: Kalet inne-l muluqe... gjer vehum sagirun.*




## Darovë - shpënësit

Të dërguarit kur vanë  
u poqnë me Sulejmanë.  
"Tuajat qofshin tha: s' i dua  
më ka dhënë Zoti mua.  
Ç' zili kam unë për gurët?  
S' jam si ju, për to i urët.  
Nuk gëzonet burri kurrë,  
me qelqovina, me gurë.  
Por mbajini mir' i kini  
si i prut ashtu i shpini.  
Ngëthehi zini shtëpinë  
pas jush vij me ushtërinë.  
E di që s' kudzoni para  
që të na delni përpara.  
Ta dini ja ku ju themi  
për të ç' nderuar ju kemi.  
Nga mëmëdheu do t' ju nxjerim  
porsi rropër do t' ju çjerim<sup>1</sup>  
Kur u këthyen i thanë  
mbretëreshës ç'do që panë.  
Na ka zënë llahtarija -  
neve në punrat e tija.  
Ne pallati pa afruar  
disa orë rrugë shtruar -



<sup>1</sup>Rroprit i çirnin në turit vija që të kupëtoheshin.

me shtresa të vlefshme tërë  
s' kishe ku heth një gjilpërë.  
Kish rradhitur njerëzinë  
pastaj zëret bagëtinë.  
Ç' gjë të gjalla ka në jetë  
kujtojmë se do t' i ketë.  
Në pallatet kur u ngjitmë  
u çuditmë' u mahnitmë.  
Përmbi ret pallat i lartë  
stolisur me frone t' artë.  
Me lloje gurë stolisur  
anët me krisaf qëndisur.  
Si s' na ra sipër tavani  
kur pa ç' prumë Sulejmani.  
Bobo sa u turpëruam  
plaçkat kur i a parashtruam!  
Para elmazit dhe arit  
ç' vlejné ruazat e gomarit?  
Me të puthur ne piqinë  
i lëshuam ç' na dhe tinë.  
S' paske sy fare për gurë  
është' ashtu si duhet burrë.  
Sulejmani mbleth një ditë  
në pallat gjithë parësitë:  
"Kush ma sjell nga qarku tonë?<sup>1</sup>  
mua sakaq shatonë?  
Sa pa ardhur mbretëresha  
t' i a sillnit pallatin desha."




<sup>1</sup>*Sure-i Nemi, ajete: Kale ja ejjuhe-l meleu... gjer (kavijjun emin)*

Nga zëret një nxori zënë  
Sulejmanit i ka thënë:  
    "Ti këtej pa ngritur mirë  
    i a kam llërët për të shtrirë.  
Kur të veç për drekë tinë  
ta gjesh të sjell shtëpinë.  
    Këtë e kërko ngaj mua  
    forcë kam tha, i u zotua."  
Kush m' i sjell më shpejt pallatet?  
Se ashtu tha shumë zgjatet.  
    I përgjigjet një i ditur:  
    "Tinë sytë pa vertitur  
qoshkun ta kam për të sjellë  
me gjith se j si është' i fshtjellë."  
    Këto fjalë po sa i thanë  
    paska ardhur qoshku pranë.  
Sulejmani me të parë  
nga gazi i madh ka qarë.  
    U unj bëri sexhde poshtë:  
    "Ky nimet nga Zoti është.  
Zoti i bën këto tërë  
mua provë për të bërë.  
    A e kam për të kujtuar  
    a po pak me të përtuar?  
Zonë kush-do ta kujtojë  
nderin më fortë do t' ia shtojë.  
    Mjer' ata që s' e menjtojnë  
    Zon' e math e s' e kujtojnë.  
S' ka nevojë për gjë kurrë  
si mjer ata zemër-gurë."

Pastaj i u ka urdhëruar<sup>1</sup>  
pallatn' e kanë ndërtuar.  
Me të tjera ngjyr e ngjyen  
për të mos e njohur e lyen.  
Ta vemë re atë kohë,  
kur të vij' a do ta njohë?

### **Ardhje e Balkizit**

Kur u afrua i thanë  
qoshet e tu kështu janë?  
I u përgjigjet zonj' e mbarë:  
"më duket paska të ngjarë."<sup>2</sup>  
Zëret fort ia kishin sharë  
Balkizën të mos e marë.  
Mëndje-shkurtër e shëmtuar  
e shumë të tjera shtuar.  
I ka i këmbët bubuleshkë,  
gishtërinjtë si kokë-breshkë.  
Ish me mëndje të çkëlqyer  
s' ishte për të mos pëlqyer.



<sup>1</sup>*Sure-i Nrml, ajet: Kale neqqiru...gjer (muslimin).*

<sup>2</sup>*Mundet se Zëret me një shpejtësi të radijushme i a përgaetitnë një shato së Belkisit ehde kur e pyetnë nuk tha as se është as që s'është, por tha: sikur se ajy vet' është. Disa shkencorë të famshëm pretendojnë kështu: kurse lëmshi i dheut në (24orë i vjen qark djellit, aeroplani pse të mos vijë? Kurse kjo teori do të realizohet atëhere dhe sjellja e qoshkut të Belkises ka për t'u vërtetuar materiaslisht. Zoti s' ren.*

Shoqe s' kish nga bukurija  
s' i vinte në thonjt perija.

Hyr' i thanë në pallatet<sup>1</sup>  
ngjiti shkallët zuri patet.

Mbreti odën ia pat shtruar  
me kristale zbukuruar

për poshit mbushur me ujë  
dhe peshqit vinin rëmuje.

Mbretëreshës si i ndriti  
ngadalë kërcinjt' i ngriti.

Këmbët e saj me të llapcur  
njerëzija janë prapcur.

Syt' e tyre si i u vranë  
ç' ishin u hoqën më nj' anë.

Prej vetëtimës më mirë  
kur hyri ka vetëtirë.


Mos u tremp! Tha: e uruar!  
Se me qelqe është shtruar.

Ajo pak u turpërua  
unji kryet qyqja grua.

S' duallën renat gjëkafshë  
i u mbush mëndja asaj rafshë.

E ku qënkam un' e mjera  
gjer tani që çanja ferra

Zot qeshë ndër errësirë<sup>2</sup>  
mbetur keq në llurbësirë.



<sup>1</sup>*Sure-i Naml, ajet: ve kile leha... kavarrir.*

<sup>2</sup>*Sure-i Naml, ajet: Kalet rabbi...*

Sa qënkam munduar kotë  
tashti e mora vesh thotë.  
Një i vërtet, një qënke  
ti kur dashke nuk' e lënke  
në shkretëtirë njerinë  
i tregoke bukurinë.  
Kjo fjalë është e dyshuar  
të dy a janë gushuar.  
Aqë fort s' e kanë ndarë  
po m' e sakta, e ka marë.

### **Të mirat q' i kish dhënë Zoti Sulejmanit**

Kësi kuaj thotë Kur' ani<sup>1</sup>  
kishte pasur Sulejmani -  
Q' i ka lëshuar një herë  
edhe kan' i kur si erë.  
Përdhe fare sikur s' shkelnin  
ç' është ajo të hedhin shqelmin.  
Nuk' rëfeket bukurija  
stolisur ngaj Perëndija.  
Një mëngjes desh për të parë  
i qiti, i ka ngarë.  
Kur i u hipin e i pshikin  
si zogu me krahë ikin  
kuajt e bukur gjer u pshehnë  
bota sytë s' i a u çkrehnë.




<sup>1</sup>*Sure-i Sad, ajet: idh urida..*

Sulejmani nuk' pushonte  
ngaj goja nuk i lëshonte:  
"Sa i dua sa i dua!<sup>1</sup>  
më lipcen për luftë mua.  
Me këta mbroj un' atdhenë  
me këta lirin' e fenë.  
Me këta dal faqe bardhë  
me këta s' bije në sardhë.  
Prapë si ka urdhëruar  
i a kanë sërish afruar.<sup>2</sup>  
U-ngrit; dorën iu ka shtirë  
dhe i fërkoj kuajt e mirë.  
Kal' i mirë s' ka të mblerë  
hap syt' urët mos e lerë.  
Tagjia nuk do kursyer  
kjo pun është' e arësyer.  
Nuk' do lënë braku drasë  
as shumë sa të pëlçasë.

### **Thuhet që vula i humbi, por s' është gjë fare**

Thonë vulën i a grabitën  
zëret' nga froni e qitën.  
Dyzet ditë ashtu ka mbetur  
vojti fort gjer e ka gjetur.



<sup>1</sup>*Sure-i Sad, ajet: Fekêle inni ahbebtu..*

<sup>2</sup>*Sure-i Sad, ajet: Rudduha alejje...*

I shtrëngoj' çështjen e zgjodhi  
e zu atë që ia mvodhi.

Iskra iskra e ka grirë  
në det e ka flakërirë.

Zotërinjt e zotëruar!

Në tefsiret e kan qruar.

Fare gjë s' është kjo fjalë  
është' ngjizur thjesht përallë.

Në doni ta kupëtoni!

Tefsirn e Raziut këndon!

### **Sulejmani me pallatet qysh shkonte mbi erët ku donte.**


Kur do herë t'i kish kënda  
në pallatet hynte brënda.

E sprënditte dhe e shtronte  
me fronet' e zbukuronte  
dhe ngaj njerëzi e parë  
merte ç' kishte për të marë.

Sa hynin, era i ngrinte<sup>1</sup>  
ku dëshironin, i shpinte.

Era, herë lehtësohej,  
e kur lipcej mjaft forcohej.

Herë erën e shtrëngonte,  
një ditë, për një muaj shkonte.



<sup>1</sup>*Sure-i Sad, ajet: Ve sahharna... Në Sure-i Seba: Ve li Sulejmane, edhe në Sure-i Embija: Ve li Sulejmane...*



Si balloni fluturonte  
ku t' i kish kënda qëndronte.  
Prej Kudsit në Sana vinte,  
s' andejmi në Hind e ngrinte.  
Por si sot aeroplani  
fluturonte Sulejmani.  
Ati Zoti i a kish dhënë  
çdo gjë në dor' e kish shtënë.

### **Qysh punonin burrat e fortë për të?**

Si i pat ndër urdhëratë  
i punonin dit e natë.  
Hynin nëpër detet fellë<sup>1</sup>  
merxhan' inxhi për të fshtjellë.  
Dhe gurë të çmuar i qitnin  
punra të mbëdha vërtitnin.  
Banjo e shtato ndërtonin  
as për gjë fare s' përtonin.  
Si qiri pas punës tretën  
as një grimë vonë s' mbeten.  
Bakëri si uj' i rithte<sup>2</sup>  
kish bërë puse e mblithte.  
E punonin porsu brumë<sup>3</sup>  
për enë, të mëdha shumë.



<sup>1</sup>*Sure-i Enbija, ajet: Ve mine-shshejatinî, në Sure-i Sad: Veshshejatine qul-le...*

<sup>2</sup>*Surei Seba: Ve eselna lehu..*

<sup>3</sup>*Sure-i Seba: Jamelune lehu..*

Duhej shkallë për kazanat  
sa një lëm i madh sehanet.  
Për të bërë një kopsht çurkë  
që ta hedhnj' ujët si furkë.  
Bënë shtylla i farkuan  
me metal i zbukuruan.  
Sa lloj peshq ka në kënetë  
shadrevani do t' i ketë.  
I dha shpirt qytetërimit  
i dha dritë njerëzimit.  
Shtëpi të mira ndërtonte  
sikush punonte fitonte.  
Koh' e tij ish kulture  
s' shkonte me kënka, me valle.  
Si i ka hije Profetit  
i jepte rrugë mil-letit.

### **Ndërtimi i shtëpisë të bekuar (Mesxhidi Aksa) edhe vdekj' e tij**

Katër vjet pas mbretërisë  
i ardhi rradha shtëpisë.  
Tridhjet e shtatë vjet vojtnë  
punuan trimat që s' lojtnë.  
Gjith me gurë të skalitur  
brënda jashtë fort stolisur.  
Kësi kohej nuk qe dukur  
ndonjë ndërtim kaq i bukur.

Vdekja kur i është qasur  
zëret s' e kanë pikasur.

Si falej përmbi shkopt pshtetur  
disa or' ashtu ka mbetur.

Vdekj'e tij për të mos ditur  
krimbi mjaft dit ka gërmitur.

Ca nga ca shkopin e briti  
u thye u plas Profeti.

Ta dinin se kishte vdekur  
aqë fort s' ishin përpyjekur.

Kur u pikas vdekj' e tija  
ishte mbaruar shtëpija.

E prishi Buhti-Nasari  
as po i u vitistë varri.

Atë ndërtim s' e arrinë  
mbeti gërmadh mbiu bimë.

Vjetë dyzet sa i ati  
kaqë, një mbretërim pati.

Trupi mbetet shpirti i iku  
vajti ku s' ka vënt ne Miku.

### **Mbretëri e Jahudinjve edhe e Israilinjve**

Bir' i tij qe Rahbeami  
rob i brëndshëm Jorbeami.

Fronin i biri e zuri  
por në dorë krejt s' e vuri.

Vetëm dy degë e njohinë  
të tjerat, fare s' iu ngrohnë.

Asi kohej është ndarë  
mbretërija më dy farë.  
E të birt: "Jahudijake"  
tjetra: "Israilijake"  
Kudsin e mbajti Rahbeami  
Nablisin zu Jorbeami.  
U çthurën Israilinjtë  
u tërbuan si arinjtë.  
Nuk i linte dhelpërija  
të vazhdonte lumtërija.

### **Iljas-i (A.S.)**

Pas Harkilit Jahudinjtë  
u harbuan faqe-zinjtë.  
Besën e lanë më nj' anë  
të ligë pa bërë s' lanë.  
Ngrehu mbret i Balebeqit  
q'ishte vëllama i dreqit -  
një staty të math si grua  
ta shoç, është gjallë thua.  
Bal e kish emrin ky shtati  
emri i gruas që pati.  
Vet'e kombi tërë ç' qenë  
para shtatit puthin dhenë.  
Ç' është ai që s' e do Balë  
e pëllcet në zjart të gjallë.  
I u dërgoj Zoti Iljasnë  
por ata fare s' iu nqasnë.

Nga të gjithë veç Veziri  
e besoj ç' i tha i miri.

Hoqi me ta shumë kohë  
tjatër njeri s' desh ta njohë.  
"Kini zën udhën e djallit<sup>1</sup>  
latë Zon' i fali Balit.

Hiqni dorë hiqni dorë  
mjaft u bëtë fajëtorë."  
Mbretëresha ish një shtrigë  
shpirt-urgusur' zemër-ligë.


U zemrua, desh ta djekë  
si peshku në zjart ta pjekë.  
Ëngjëlli shkoj, u nda ngaj djalli  
hyri ndë një vrimë mali.

Ndenji pshehur vjetë shtatë  
atje falej dit' e natë.  
Me pemë me rrënjë bari  
yshqehej Profet'i i mbari.

Kish një bir të vetëm mbreti  
sëmundja fort keq ia treti.  
Disa njerës kishte qitur  
nga Shami për të vërtitur.

Të gjejnë shëronjës të mirë  
t' i shronjë mbretit të birë.  
Iljasi udhës i gjeti  
përse duallt' i pyeti.

Si i thanë zu t' i u flasë  
fjalë të vlefshme me masë:



<sup>1</sup>*Sure-i Sâffât: E ted-une ba-len..*

"Shronjës është' Zot' i vërtetë  
jo shtatet që ngjisni vetë.

Kokën plot gëdhënje e kini  
ngaj kafshët më poshtë jini.  
S' ka shpëtim, do vdesë djali  
luti le ta shrojë Bali."

Ndëgjoj mbreti u zëmrua  
ngaj kjo gjë u ashpërua.  
Për të zënë dërgoj redhë  
t' ja sjellin në zjar ta hedhë.  
Sa vanë ne vrima pranë  
njëheresh të vdekur ranë.

Dërgoj pas disa të tjerë  
dhe ata vdiqnë pa-ndjerë.  
Dërgoj disa me vezirë  
me të mirë van' e thirrë.

Duke ardhur e pikasi  
që vdiq djali; prap, Iljasi  
u psheh sakaq ngaj syri  
vajti në vrimët dhe hyri.

### **Një zi i math**

Shtatë vjet, zi Jahudinjtë  
vdiqnë pa ngrënë të zinjtë.

Shkuan Iljasit i u lutnë  
nga e qamja u këputnë.  
Të besuam, por shpëtona!  
Me sy të mirë vështrona.

I u lut Zotit dhe shpëtuan  
porse ligësin' e shtuan.  
Me vjetë fortë e munduan  
zemrën' shpirtin i a lënduan.  
Dha e dha duroj sa mundi  
i u dha mallkim më s' fundi.  
Në vënd të tij Eljesanë  
la q' e desh e mbante pranë.  
Vetë prapë iku humbi  
u bë erë si pëllumbi.  
Nuk dihet ku e ka varrë  
Profeti Iljas i mbarë.  
Një fletë thotë: "Haruni -  
Iljasin e ka nip çuni."


### **Eljesa-u (A. S.)**

Shumë vjetë është përpjekur  
çifutët fort i ka ndjekur.  
Me fjalë t' ëmbla q' u fliste  
pak ndër udhë zu t' i klliste.  
Disa vjet mjaft mirë, vanë  
pastaj prap' udhën e lanë.  
E harruan shpejt Tevratnë  
nisën të ligat që patnë.  
Sa do i u flet fare s' binden  
por njëri me tjetrin grinden.  
Pas vdekjes së tij u prishnë  
vëllaj vëllajt i ha mishnë.

Zoti dërgoj Athurinjtë  
t' i përmendin Jahudinjtë.  
Mbret ish Sallmanasari  
të zinjt i sosi së vrari.  
I thernë si bagëtinë  
sa i u dhanë lebetinë.  
Ç' mbenë tërë rrop i bënë  
Nineva i kanë shpënë.

### **Junus-i (A.S.)**


Junus i bir' i Metasë  
Pejgamber i Ninevasë.  
Tri-dhjet' e tre vjet i u foli  
por në rrugë dot s' i solli.  
"Ngaj shtatet dorë po s' hoqtë  
për dyzet dit tha u doqtë."  
Le fjalët në vesh s' ia vinin  
e qesëndisnin s' e linin.  
U zemërua Diçlen zuri  
u fut në barkët qëkuri.<sup>1</sup>  
Erë s' kishte flinte lumi  
si kur e kishte zënë gjumi.  
Por anija ment përmbysset  
njeri gjallë s' munt të ngryset.  
Barkëtari po çuditet  
si i dehur zu vërtitet.



<sup>1</sup>*Sure-i Sâffât: idh ebeka..*



Erë fare s' ka gjekundi  
anija përse na shkundi?  
Njerëzinë tok i mblodhi  
me radhë shortë i u hodhi.  
Shortën e hoqnë tri herë  
binte gjith për Pejgamberë.  
Unë jam fajtori unë  
bëra pa pyetur punë.  
Pra ta zë me kohë denë  
të zerë barka sterënë.  
Ra dhe peshku e gëlltiti  
po ca në buzët e qiti.  
Peshku as pinte as hante  
gojën gjith hapur e mbante.  
Junusi ndër erësirë  
ish bërë si qull i çkrirë.  
Flet Kur' ani për Junusë  
në det sa ish s' mbylli buzë.  
Zon' e vërtetë e lëvdonte  
një tespih të math këndonte.<sup>1</sup>  
Buzë lumit kur ka dalë  
shkretëtirë; s' gjen një halë<sup>2</sup>  
prej djellit u përvëlua  
me gjeth kungujsh u mbulua.



<sup>1</sup>*Sure-i Enbija: Ve dhe-nnuni...*

<sup>2</sup>*Par vjet në një gazet e kam parë se një njeri kish rënë prej vaporit në gojët të një peshku të math dhe kur e qitën prej barkut e si ardhë ndër mënt tha: sikur rashë në një anbar të fellë ku atje brënda u avullova fort sa më s'dinja vetë-vet-hen.*

Komb' i shkretë si e panë  
dualln' e retë an' e mb' anë  
    zunë qajnë, lebetiti  
    lotët si breshër i qitin.  
Hoqën dor, o Zot durona  
në dhurim të math afrona!  
    Ren' e mundimit largoje!  
    Junusn' e dashur dërgoje!  
I ardhi keq Perëndisë  
ngaj rënkim' i njerëzisë.  
    Kërko kërko gjer e gjetnë  
    dhe sa rojtnë besnik i mbetnë.  
Por Junuzi është hequr  
Sahijjun ndenj gjer ka vdekur.  
    Në një brimë falej' s' delte  
    gjëkundi fare nuk shkelte.


### **Shaja-j (A.S.)**

Pas Junuzit prapë zunë  
të bëjnë të zeza punë.  
    I u dërgoj Zoti Shajanë  
    t' i u kallëzoj Teuranë.  
Një ditë në mimber dolli  
fjalë të nalta i u foli.  
    I u tha:" që vjen për Isanë,  
    për Muhamed Mustafanë.  
Dhe ç' shënja do të rëfejnë  
shtatët qysh do t' i u a thyejnë.

Ju nga menttë do rroitni  
jashtë udhës do baritni.  
Do t' i vrisni Pejgamberët  
dhe do të mbeti në terët.  
Do të rroni të çnderuar  
të poshtë' të turpëruar."  
Vërtet janë për të sharë  
Shajanë e therën me sharrë.  
Jahudinjtë faqe-zinjtë  
i a thyen edhe kërcinjtë<sup>1</sup>  
Pas tij dhe shumë të tjerë  
i vran' i pren' e therë.

### **Ermija-j (A.S.)**


Kur është' Ermijaj dërguar  
feja ish tepër larguar.  
S' ndigjonej fare aspak Tevrati  
i plakosi këmbë-thati.  
Këmbë-thati i pa-udhi  
nëpër moçalet i hudhi.  
S' e dëgjuan sa do foli  
Zoti një rrebesh i u solli.  
Shpejt e gjetnë faqe-zinjtë  
pësuan nga Athurinjtë.



<sup>1</sup>*Sure-i Junus: fe levla qanet...*


*Sure-i Ali Imran: inne-l ledhine jeqfurune bi ajatil-lahi....*

U përndanë posht' e epër  
e qarkuan Kuds sin tepër.  
Një çupë prej Jahudinjve  
të parin' e Athurinjve -  
në tendët sa e ka vrarë  
ushtërija janë ndarë.  
Athurija si u shua  
Ninevaja u sheshua.  
Babilinjtë forcë gjetnë  
ato vise tërë i tretnë.<sup>1</sup>  
U bë mbret Buhti Nasari  
fat' i tij zu për së mbari.  
Jahudinjt' i vu në zgjedhë  
nga ta filloj taks të mbledhë.  
Shumë kohë nuk ka shkuar  
Jahudinjtë e mallkuar  
u tërbuan u mahnitën  
u harbuan u rroitën.  
Buhti Nasari s' ka pritur  
mbretin që vu e ka qitur.  
Në Kuds mbret vu Sadkijanë  
filloj dhe në tjetër anë -  
të dituri ç' qenë i zgjodhi  
dhe gjithë parësin' e mblodhi.  
Uzejirë' Danijalë  
n' atë tuf' i patën kallë.  
Në Babil të shkret' i shpunë  
ndë një burk të thell i vunë.



<sup>1</sup>*I fituan*

Prapë Jahudinjt' u ndynë  
po për keq e kishin synë.  
Më liksht bënë se më parë  
s' e njohin Buhti-Nasarë.  
Dërgoj shumë luftëtarë  
i ka grir' e i ka vrarë.  
I u zaptoj viset me rradhë  
Aksanë e bëri gërmadhë.  
Në Kuds asnjë shtëpi s' mbeti  
i dogji' i çkriu i treti.  
Edhe gurët s' i ka lënë  
krejt në Babil i ka shpënë.  
Sadkijan' e ca të tjerë  
nga Israilinjtë të ndjerë  
rrop i bënë pas i hoqnë  
veç të varfrit nuk i ndoqnë.  
Në Kuds fort të pakët mbenë  
të shumtët zunë Meqqenë.  
Pas Sadkijajt mbret më s' panë  
edhe sot pa mbret janë.  
Vjetë mbenë shtatë-dhjetë  
rropër në Babil të shkretë.  
Rrobëri e Babilonjës  
i thonë kësaj ca shkronjës.  
Shtatëdhjetat kur i mbushnë:  
Qijaninjtë<sup>1</sup> i a përmbushnë.  
Trimërisht i u ran' i vranë  
dhe Babilin e përllanë.



<sup>1</sup>Persanët e shkallës së dytë

Si u shtuan Qildaninjtë  
shkuan në Kuds Jahudinjtë.  
Të mos vinin Qijaninjtë  
ishin shuar Jahudinjtë.  
Ardhën ata pra shpëtuan  
i u ndihu fati fituan.  
Çifutët trima nuk janë  
vetëm se dhelpëri kanë.  
Kanë kapur tregëtinë  
gjith botën në dor' e shtinë.  
Pa Atdhe; por mbretërojnë  
krejt botën po robërojnë.  
Gisht i tyre sjell intrikat  
si do i sjell politikat.  
Dhe sot mundohen të zinjtë  
me thas i derdhin florinjtë.  
Të vendosin Palestinë  
që të ngrehin mbretërinë.

### **Uzejri (A.S.)**

Ardhi i tha Xhebraili:  
"Uzejr! Ngrehu nga Babili."  
Vajti në Kuds, por ç' të shohë<sup>1</sup>  
gjë s' kish mbetur n' atë kohë.  
Një gërmadhë! Shkretëtirë!  
nëpër vatrat bimë mbirë.



<sup>1</sup>*Sure-i Bekare: Ev qel-ledhi mer-re...*

Tha: "vallë Zot' i vërtetë  
këtë vënt që mbet i shkretë  
qysh do ta ndërtojë prapë?  
Bukurinë do t'ia japë?  
Me rradhë një qint vjet humbi  
pra si u zbarth si pëllumbi  
u ngrit e hipi gomarë  
shkoj fëmijën për të parë.  
Jashtë portës pa një grua  
s' hyri se u turpërua.  
E kujt është tha shtëpia  
s' e njohu se qe e tija.  
I përgjigjet plak e krusur  
me një zemër të urgusur:  
"E Uzejrit ka qënë  
por nuk ia ndjemë më zënë.  
Njeri me të s' është pjekur  
s' dihet se gjallë se vdekur.  
Më rriti Zot e kam pasur  
tha dhe përdhe është plasur.  
Kur ka bërtitur një herë  
me një kujë plak' e mjerë:  
Uzejir! Ku humbe? Vallë!  
I vdekur je a i gjallë?"  
Unë jam tha Uzejiri  
foli, të dalë t' im biri!  
Kur i dolli, e ç' të shohë!  
Plakur sa s' mudi ta njohë.  
Mbesat e niprit iu mblodhën  
far e fis krejt i rodhën.

U gëzuan kur e panë  
sa nuk dinë se ku janë.

Kur dogji Buhti Nasari -  
Kudsin që thamë së pari -  
gjith i vrau s' la një të ditur  
Tevratët i ka përzhitur.

Pastaj ky e përsëriti  
siç ishte më par' e qiti.  
Ardhi tha një bur' i zgjuar:  
"ngaj im-atë e kam ndigjuar.

Atë mot q' u përvëluam  
një Tevrat ne e mbuluam.  
Ak se ç' vreshtë po të mihet  
kam shpresë që mund të shihet.

Disa veta van' i ndihne  
bashkërisht vreshtën e mihnë.

Si Uzejiri shkruar  
një harf nuk' pat të ndëruar.

Nuk vazhdoj jetë të gjatë  
sërish ata krye thatë  
u harbuan u mahnitën  
udhën prapë e lathitën.

Këtë shenjë si e panë  
është' i bir i Zotit thanë.

Krerë-thatët u çkalluan  
punën kështu e çaluan.


Vetëm një Zot' se pëlqeni  
donin dy a tre të gjenin.  
Një Zot ka një, nuk ka tjetër  
s' bëhet Zoti dy "tre" katër.



Fort e deshi Danijalë -  
mbret' i math, sa ishte gjallë.  
Dituri të madhe kishte  
sa rrojti ne mbreti ishte.  
Ky si vdiq i vogli mbeti<sup>1</sup>  
Atë zu të donte mbreti.


### **Daniali i math (A.S.)**

Harkili q' ishte i ati  
të madhe dituri pati.  
    Buhti-Nasari s' e linte  
    kudo vinte pas e shpinte.  
Buhti Nasari një natë  
pa një ëndër fort të gjatë.  
    U zgjua ngaj llahtarja  
    gjë s' i mbet ndër mënt e tija.  
Dërgoj njerës pa gëdhirë  
sa të ditur kish i thirë.  
    Të ma gjeni ç' ëndër pashë  
    në mos po e kini trashë.  
U menjtuan asgjë s' gjetnë  
me gishtrinj në gojë mbetnë.  
    Pastaj kërkoj Danijalë  
    por nuk u ndoth kishte dalë.  
Vënt nuk lanë pa kërkuar  
s' u gjënt ajy i bekuar.



<sup>1</sup>Kanë qënë dy Danijalë, njëri quhej i vogli e tjetri i madhi.


Dy a tri ditë fare s' fjetnë  
Danijalë gjer e gjetnë.  
Qe fare trullosur mbreti  
përpiquej si valë-deti.  
Kur e pa Buhti Nasarë  
i tha: "Një staty ke parë  
i trashë fort e i ngjalltë  
zverk-ergjënt e krye-naltë.  
Që ngaj puplat gjer ne supi  
i békërtë tërë trupi.  
Kërcinjtë e këmbeve hekur  
këmbët si gastar i vdekur.  
Nga qjelli një gurë ka zbritur  
shtatin me sill<sup>1</sup> e ka pritur  
as krye as këmbë as llëre -  
s' i mbet, iskra u bë tërë.  
Ato iskrat e thyera  
dolli i përhapit era.  
Guri dyk e rrukullitur  
është trashur, është rritur -  
Tjetër gjë s' dukej veç guri  
botën e tërë e zuri."  
U gëzua shumë mbreti  
tha: ëndrën si ish ma gjeti.  
I ke vërtetë këto fjalë  
po rëfemë ç'do më dalë.  
Krye :është qeverija  
shtetësija, madhërija.



<sup>1</sup>forcë, fuqi, themi silloj: i ra me forcë


Zverku: mbretërija tënde  
q' urdhëron gjith këto vënde.  
Mezi: mbretërit e tjera  
që vin' e shkojnë si era.  
Dhe persanet janë hekur -  
mbretërit e vjetër të vdekur.  
Së fundi ata që vinë  
të dobët si qelqovinë.  
Guri është Muhamedi  
q'e do fort shum' i Vërteti.  
Pastaj Pejgamber s' dërgonet  
veç emr' i tij do ndigjohet.  
I dashtun i Perëndisë  
vula e profetësisë.  
Zakoni që do të sjellë  
do të shkëlqejë si djellë.  
Tërë botën do ta ndritnjë  
nga moçalet do ta qitnjë.  
Do t' i shkrepëtijë shpata  
do të bëhet ditë nata.  
Ç' do zakon edhe ç' do besë  
do të mbeten porsì vesë.  
U gëzua nga kjo fjalë  
e nderoj mjaft Danijalë.  
Pastaj vezir e ka bërë  
punrat sipër i a la tërë.  
Por të tjerët ment u çanë  
nga nakari kur e panë.  
Aqë i u është ndezur kapa  
sa s' lanë gjësant për prapa.

Si e panë që s' i ftohet  
por sa vjen nderi i shtohet  
një shtatë prej bakëri ngrehnë  
i vunë zjar dhe e nxehnë.  
Ngaj çifutët kush s' i falej  
i gjallë n' atë zjar kallej.  
Brënda mjaft Israilinj hodhën  
zemër-zgjyrat sa u lodhën.  
Dhe Danijalin' e shtinë  
si doqnë dot as pignë.  
Kur shihte Buhti-Nasari  
nëpër dritaret ngaj zjari.  
Danijal' e pa që doli  
pran' e thirri dhe i foli:  
mua të më kishe thënë  
askush në zjar s' të kish shtënë.  
E ç' u bë tha Danijali?  
Kemi Zotin që na ngjalli.  
Le të jetë si të jetë  
o mbret me sy e pe vetë.  
Zot' i im sa i math qënka  
në zjarr të digjesh s'të lënka.  
Por Buhti sa ka jetuar  
nga shpella nuk ka shpëtuar,  
S'është bindur gjer ka vdekur  
e ka ngrysur jetën zekur<sup>1</sup>  
Hoqi, pësoj shumë rëndë  
që s' rëfehët dot me pëndë.




<sup>1</sup>Zekur-ters-prapësir-turbullirë.

Kur ka zën' i biri fronë  
shum' e zbukuroj zakonë.  
I lëshoj Israilinjtë  
nga zgjedha pleqt' e të rinjtë.  
Pas kohej dhe ky e çthuri  
dreqin prej bishti e zuri.  
Sa do q' i thosh Danijali  
bindu! por s'e linte djalli.  
I tha: "kundër mos më jakë  
mos e flak vet-hen në flakë!  
Pra m'u hiq nga sytë mua  
mos m' u ngreh porsi kapua."  
Ish me ministrat një ditë  
bën fjalë për qeveritë.  
Javo dolli për një herë  
një dorë pa krah e prerë.  
Ishin shkruar disa fjalë  
bobo thanë ç'do na dalë?  
Nga e keqja prap' e thirri  
duart në qafët i a shtiri.  
Me një nderim të math mbreti  
ngaj shkrim i dorës pyeti.  
Danijali hapi gojë  
punën nisi t' ia tregojë:  
"T' i peshoj punrat e tua  
se ç' ke bër' u kupëtua.  
Mbretërinë që të taksi  
ta dha, s' dite ta farraksi.<sup>1</sup>



<sup>1</sup>ta faroj - ta humbi - ta qiti nga dora

Të mirat tërë t' i fali -  
s' ndenje mirë dhe t' i ndali.  
Edhe tri ditë, ti më s' vete  
fundin e jetës e gjete."  
Ngaj këto gjë i u tremp syri  
frika për zemrej i hyri.  
U mbyll brënda ndë një dhomë  
dridhet dhe kruhet si kromë.  
Një të dashur la në derë  
brënda njeri mos të lerë.  
Ngrihet del natën e tretë  
ta shohë një njeri vetë.  
Portar i shkretë dremitte  
u zgjua shkallët kur ngjitte.  
Ish për gjumësh hoqi pallën  
mbreti tatëpjetë shkallën:  
"Mblith mëndjen jam mbreti unë  
mor s' të le tha s' është punë.  
Atë njeri që pat zgjedhur  
si nëpërk' i është hedhur.  
Ia nxorri mëlçit' e zorrët  
ia shtiri zëmrënnë dorët.  
S' gjeta dot të saktë fjalë  
se sa rrojti Danijalë.  
Thonë në Sys e ka varrë<sup>1</sup>  
për Danijalin e mbarë.



<sup>1</sup>*Sys, një qytet në Persi*

## Xherxhis-i (A.S.)

Një shpirt ëmbël zemër-larë  
në Remle rinte më parë.

Si pa botën q' u mahnitnë  
pas statyve u stërvitnë  
u mërzit fort, ka ngarkuar  
me gjith reth Musull ka shkuar.

Por atje pa hyrë mirë  
sheh një zjart ca veta shtrirë.  
Zjar' i math, flak' e mërzitur  
digjen dyk e lebetitur.

Pyeti ç' i kanë hedhur?  
Edhe bota ç' janë mbledhur?  
Putit kush nuk i përmbysset  
thonë, gëdhihet e s' ngryset.

Mbreti kështu na ka thënë  
mbi këtë gjë na ka vënë.  
Më s' ndenji por shkoj ne mbreti  
n' orë të mirë s' e gjeti.

I tha: "qysh ju gënjen djalli?  
Ngrehni shtatë prej metali.  
Botën përse e shtrëngoni  
nga Zoti përse i largoni?

Ngaj një staty prej metali  
ç' fitim kini se i fali?  
As më thoni vallë ç' prisni  
prej kësish që vet i ngjisni?

S' ka shijë si bagëtitë  
të bëhi më këtë ditë!  
S' di sa hidhërohem unë  
kur ju shoh juve kështunë."  
Mbreti shumë u keqësua:  
"Do më japç ment tha mua?"  
Urdhëroj: ca drurë ngrehnë  
ngulnë krëhërra e krehnë.  
Hiq e çhiq mishrat i ranë  
mundim të ashpër i dhanë.  
Më një anë gjakrat i rithnin  
ata uthull' kripë i hidhnin.  
Sikur e shpoj do një gjempkë  
në trupt fare nuk' ndjeu dhempkë.  
Sa do që e bënë për petë  
e shroj shronjës i vërtetë.  
Prapë një dit' e rrëmbyen  
duar e vesh e mbërthyen.  
Një gropë të madhe hapnë  
të gjorin Xherxhis e kapnë.  
Atje brënda si e hodhën  
e munduan sa e lodhën.  
I mallkoj si e munduan  
gjetnë belanë s' shpëtuan.  
U nxeh koha u shtrëngua  
valon e lluket ç'do krua.  
Andej këndej gjuhë-qitur  
vërtiten dyk e përzhitur.  
Përvëlohen e pëlciten  
si mishi në hellt zhuriten.



I sulen nj'a dy me pallë  
Xherxhis! S' të lemë të gjallë.  
I ranë, por s' kishte vdekur  
i dëgjoj dyk e përpjekur  
kur bërtisnin, ulërinin  
dhe si kedhat blegërinin:  
U zhuritmë! u zhuritmë  
se vramë Xherxhis ç' qitmë!  
Lebetitin e rënkojnë  
dyk e përpjekur po shkojnë.  
Pesë çape dot s' i mbushnë  
ia u flaku reja prushnë.  
I dërgoj sakaq herë  
me gjith shokët në skëterë.  
Në Musull është varruar  
ai trup i shenjtëruar.

### **Pas Buhti Nasarit Hashmenanjtë sa vjetë mbretëruan**

Fort u përpoq Uzejiri  
në dorë gjer sa i shtiri.  
Por shumë kohë s' ka shkuar  
me djallë janë bashkuar.  
E ndryshuan krejt Tevratnë  
nisnë të ligat që patnë.  
E muarnë Selefqijanët  
Sirinë nga të gjitha anët.  
Ranë ndër thonjt e Sotirit

q' ish nga Ptolem' i Misirit.

Një qint mijë rropër mori  
tërë në Misir i çpori.

Filadelfi q' ish i biri

disa të ditur i thiri:

Tevratnë greqisht e shkruan  
e mori si e mbaruan -

Në librat e t' et e vuri

q' i kish gatitur qëkuri.

Me Ptolemët luftë nishnë  
Selefqiyanët i grisnë.

Rish e pushtuan Sirinë

gjith qarqet në dor' i shtinë.

Por Antijos Epifani

q' ishte m' i lik se Mervani

gjith Tevratët i përmbloodhi

s' la asnjë në zjart i hodhi.

I u pat ngrehur Zhupiterin

t' i falen t' i bëjnë nderin.

Del Metita ngaj Lavinjtë

u bë mbret mbi Jahudinjtë.

Hashmenaj ishte i ati

një fuqi të madhe pati.

Bres pas brezi fron' e mbajti

një qint e njëzet vjet vajti.

Pastaj Herodosi dolli

Israilinjtë i fshtolli.

Rrënjët mbretëris' i qiti

ngaj Hashmenanjtë e ngriti.

Vojtnë prej Erhillavosit

q' ish nga bijt' e Herodosit.  
I mundonte Jahudinjtë  
si arixhofi arinjtë.

Pastaj shtiri dorën Roma  
tashti më keq i zu kroma.  
La në vënd Ponsillatosnë  
i shuan i handakosnë.


Antipatër Herodosi  
vrau Jahudinj sa i sosi.  
Në çdo zgjedhë që u futnë  
më keq u vran' u këputnë.

## **Lindje e Merjemit (a.s).**

Hanneja' zonj' e Imranit<sup>1</sup>  
q' ishte e re e Mathanit.


Shterpë nga vjetet e shkuar  
ngaj Zot' i math ka kërkuar -  
t' i falnjë një bir a bijë  
se s' kishte fare fëmijë.

Pas kohej kur ka pikasur  
vet-hen barsë e ka taksur:  
n' Aksa e kam për të lënë  
Zot! Këtë që më ke dhënë!  
Dit e jetë sa të ketë  
për shërbim atje të jetë.



<sup>1</sup>*Sure-i Ali Imran, ajet: idh kaleti-mre-etu..*

Pranoma! Për pekul<sup>1</sup> kima  
Do ta mbaj fjalën si trimat!  
Të shopen e la me barë  
Imrani kur zu varrë.  
Hanneja si lindi femër<sup>2</sup>  
atëhere tha me zemër:  
"O Zot! Un' e Linda vashë  
por s' këthej, fjalën e dhashë.  
Ti më mir' e di se unë  
se si ngjau kështu kjo punë!  
S' është mashkulli si femra  
fort ndryshojnë këto emra!  
Se ku është mbarësija  
atë e di Perëndija.  
Emrin Merjem i a kam thënë  
ty në dorë ta kam lënë.  
Tani nga sisa e zwordha  
në shtëpit tënde e hodha.  
O Zot! Atë me të birë  
ta kesh kujdes tinë mirë.  
Djalli mos e djallëzoftë  
kurrë kush mos e trazoftë.  
Hanneja kur e ka e shpënë  
të mbëdhenjve i u ka thënë:  
"Unë barsë që kur isha  
për këtu taksur e kisha



<sup>1</sup>*I pëlqyer*


<sup>2</sup>*Sure-i Ali Imran, ajet: Fe lemma vedaat'ha..*

Merjemi! këtu të ritet,  
për shërbim le të stërvitet.  
Le të falet sa të dojë  
të vdesë me Zot në gojë."  
Zeqirjaj më bije mua  
foshnja që pruri kjo grua.  
Dua të mos nxirni zënë  
se është nga fisi tënë.  
Thanë s' bën; të hedhim shortë  
s' bëhet me kokë të fortë."<sup>1</sup>  
Të një-zet e shtat' u ngritnë  
anës lumit u radhitnë.  
Shënuan të gjithë pënda  
i lëshuan tërë brënda.  
Që të tri herët që hodhën  
kot i-u vajti sa u lodhën.  
Ngaj ata asnjë nuk' pshtetej  
Zeqerijajt sipr'i mbetej.  
I u fundoste nuk' fituan  
të drejtën e kupëtuan.  
Pra Zeqerijajt ia lanë  
ashtu pas fjalës q' i dhanë.  
Në krahë të tij është rritur  
vash e uruar' e ditur.  
Zeqerijaj kur do herë  
do në dimër do në verë  
në mihrapit gjith gjente pemë



<sup>1</sup>*Sure-i Ali Imran, ajet: ve ma qunte ledejhim...*

thosh : ku i gjen moj Merjemë.<sup>1</sup>  
Përgjegjej: nga Zoti janë  
këto të mira pa anë.  
Pemë dimrake në verë  
elbishta, dimrin nga herë.  
Këto gjë dyk' e vështruar  
Zeqerijaj i uruar:<sup>2</sup>  
Thosh se ç' punon Perëndija  
që çuditen njerëzija.  
Në zëmër i u ngul zilija  
të ketë bij edhe bija.  
Në Mihrap kur do që futej  
Zeqerijaj plaku lutej.  
Thosh:"Zot! me një zë të pshehtë  
e me një zemër të nxehtë  
m' u tërholl Zot: fare brinja  
u plaka fort e u thinja.  
Liksht nuk bëj tek të të lutem  
sa vjen nga forsa këputem.  
Më rëzoj fort pleqërija  
rashë shum nga fuqija.  
Frik' e madhe më ka marë  
se nuk kam njeri ndër farë.  
Si mua të jet' i ditur  
kombin e tij për të ndritur.




<sup>1</sup>*Sure-i Ali Imran, ajet: Qul-leva dehale...*

<sup>2</sup>*Sure-i Ali Imran, ajet: Humaliqe dea.... edhe Sure-i Merjem, ajet: idh na da rabbehu....*

Më ka ënda të kem një djalë  
po qysh ta them këtë fjalë?  
Zot! Prej teje këtë dua  
të më falç një djalë mua!

Me nder i zoti kuvëndit  
pas vdekjes ta le në vëndit."  
Ngaj mihrabi porsa dolli  
Xhibrili sihariq solli:  
"Do të të faljë Jahjanë  
që do të forcojë Isanë.<sup>1</sup>  
në rreht do të jet' i parë  
shpirt-mirë dhe zemër-larë.  
S' ia ka ënda Jahjajt martesën  
do të trapitjë për besën."  
Thot: "o Zot! Kështu ç' më thua  
un u plakçë me gjith grua!<sup>2</sup>  
Ngaj dy të vdekur qysh vallë!  
Do të dalë një i gjallë?"  
"Tha ashtu është si thua  
por është e lehtë për mua.  
Si të krijoj ty më parë  
s' ishe të qiti si barë."  
Tha:"O Zot! Të ma shënonje  
ti, këtë kur ta punonje."




<sup>1</sup>*Sure-i Ali Imran, ajet: ja Yzeqerija...Sure-i Ali Imran, ajet: inna-llahe jubeshshiruqe...*

<sup>2</sup>*Sure-i Merjem, ajet: rabbi enna jequnu li...*

Tha: "tri dit e tre net tinë  
s' flet fare me njerëzinë.  
Lëshyer kryet mbi sjetull  
përgjegjesh me sy me vetull."  
Zoti qysh i tha, ka bërë  
u pikasnë shënjat tërë.  
U lint Jahjaj yll i ndritur  
shumë i mënçim e i ditur.  
Merjem e ëm e Isajt  
me gjith t' ëmën e Jahjajt  
që të dyja motra qenë  
ndë një motë me barë mbenë.  
Gjashtë muaj u lint më parë  
Jahjaj prej Isajt të mbarë.

### **Si mbeti barsë Merjemi (A.S.)**

E kishte vëndin të ndarë  
ku falej Merjem e mbarë.  
Bejtu-l-Mukaddesit pranë  
të këthisur an 'e mb' anë<sup>1</sup>  
Goca q' ish si yll plot dritë  
kish hyrë, lahesh një ditë.  
Zoti dërgoj Xhebrailë  
prej dritares hyn me sillë.<sup>2</sup>  
Në vesh të gjilpërës era  
hyn sa do të mbyllet dera.




<sup>1</sup>*Bejtu-l- Makdis - Bejtul-e Makdis shtëpi-e pastër-e uruar*

<sup>2</sup>*Sure-i Merjem, ajet: fettehadhet min dunihim...*



Me një figurë prej burri  
kur i u çfaq ethja e zuri.  
Aqë fort i hijshëm ishte  
si ai bukurosh s' kishte.  
Jusuf Naxhxharit i ngjiste.  
Ngaj ky shkak filloj t' i fliste:  
"Nga Zoti tha: në ke frikë  
nuk e trazon këtë çikë.  
Sipër zonë të kam lënë  
nuk e di si e kam thënë!"  
"Jam ngaj Zoti i dërguar  
o moj vashëz e bekuar.  
Ardha të të fal një djalë  
fort të mirë e të rrallë!"  
Qysh lint gruaja pa burrë  
kurvëri s' kam bërë kurrë.  
Këtë sihariq ç' ma thua?  
Pa burrë s' lint asnjë grua.  
Tha: "vërtetë është kjo fjalë  
pa martuar s' pillet djalë.<sup>1</sup>  
Por për Zonë s' është e rëndë  
për te është e lehtë pëndë.  
Shënj' e madhe do të jetë  
kjo gjë nga Zot' i vërtetë.  
Do të ngjasë se u shkrua  
mbase je pa burrë grua."  
E pushoj i hodhi farë  
dhe në çast mbeti me barrë.<sup>1</sup>



<sup>1</sup>Sure-i Merjem, ajet: qedhaliq....

Nga prindët kushërinj të parë  
ishin me Jusuf Naxhxharë.  
Ndë një odë dit' e natë  
faleshin paçin uratë.  
S' përzihej me njeri kurrë  
shërbente zonja si burrë.  
Sa vinte barku i rritej  
më s' muntte zu të kapitej.  
E pikasi i kushriri  
që ju fry barku e gjiri.  
S' kudëzonte që t'i çpallej  
se e shihte fort që falej.  
Për pyetje s' i shkon gjuha  
se nuk ishte asi grua.  
Dha e dha ca kohë s' foli  
së fundi kjo fjal' i dolli.  
"Të di që je zonj' e quuar  
je një ar' e pa lëruar.  
S' të jam ndarë një pëllëmbë  
gjëkund s' ke bërë këmbë.  
Nuk kam parë ndonjë arë  
të japë drithë pa farë.  
Po s' pati ujë në shpinë  
nuk mbin dot as drua as bimë.  
Edhe gruaja pa burrë  
as ka lindur as lint kurrë.

---

<sup>1</sup>*Sure-i Merjem, ajet: fehamelethu...*

I-a tha punën q' i pat ngjarëm  
me çunin pak ditë më parë.  
Nga dritarja qysh i hyri  
si e pushtoj, qysh i fryri.

### **Lindja e saj**

Lindja kur i ka afruar  
në Kuds më s' kanë qëndruar.  
Me Jusufnë tok u ngritnë  
bejtu-lla-hmit i u vërtitën.  
Nuk' se iku ngaj gjë tjetër  
prej Zeqerjajt kish turp tepër.  
Kish frikë mos turpërohej  
plaku i mjer' e çnderohej.  
Mos i çpiknin gjësend plakut  
se nuk e ndante prej prakut.  
Pra ajo ish femr'e mirë  
pas faljes shumë qe shtirë.  
Ngaj sexhdeja krye s' ngrinte  
ç' është' e liga ajo s' dinte.  
Si kush të qruar e dinte  
njeriu liksht mëndja s' i vinte.  
Nga kjo gjë shkoj n'Bitlihemë  
se kish turp murga Merjemë.  
U ndoth dimër asi kohej  
kur hiqte udhë mudohej.

Ndë një hurma ka mbetur  
atë nat' atje ka fjetur.<sup>1</sup>

Por as pem' as fletë s' kishte  
një dru kret i thatë ishte.

Atje ka lindur e mjera  
si gratë s' pati të prera.

"Të kisha vdekur më mirë  
të mos e kisha arirë."<sup>2</sup>

Ah këtë ditë të zezë  
më nxiu jetën më griu mezë.

Obobo ç' më ngjau mua  
tani rojtjen çdo ta dua?

Si s' vdiqa t' isha haruar  
të mos isha turpëruar.

E pata shkruar në ballë  
që do të vinte ky djalë."

Fillikazi vetëm mënjjtonte  
edhe zëmra i luftonte.

S' dihet ëngjlli a i biri  
zonjës Merjemës i thirri:

Që të mos ri e hidhëruar!  
Shiko posht o e uruar.<sup>3</sup>

Zoti për ty krijoi lumë  
të fali të mira shumë.

Pra shkunde drunë Merjemë  
të hedhjë sakaq pemë.<sup>4</sup>



<sup>1</sup>*Sure-i Merjem, ajet: fe e xhaeha...*

<sup>2</sup>*Sure-i Merjem, ajet: kalet lejteni...*

<sup>3</sup>*Sure-i Merjem, ajet: fe nadaha....*

<sup>4</sup>*Sure-i Merjem, ajet: ve huzzi ilejqi...*

Ha pi e shiko çunë  
nuk të duhet tjetër punë.  
Njeri syri në të zëntë  
do një fjalë në të thëntë<sup>1</sup>  
le të flasë sa të dojë  
ty s' të duhet të hapç gojë.<sup>2</sup>  
Në bëftë dikush dëllyen  
mos i bëzo, veç tunt kryen:  
"Agjëroj s' kam për të folur  
mbase s' jam as për të kollur.  
Ikni s' del prej meje fjalë  
s' munt t' ju them sot asnjë halë  
Pas porosive q' i dhanë  
e mori të bir' Isanë.  
Ka vajtur ne komb' i ndyrë<sup>3</sup>  
Mesxhidi Aksa ka hyrë.  
Çifutët zonjës i thanë  
ku e fitove Isanë.  
Jashtë zakonit na ardhi  
faqen sa fort na e zbardhi?  
Yt atë ligësi s' kishte  
as jot-ëmë kurvë s' ishte.  
S' na e merte mëndja fare  
të na delnje ti mitare!  
Zeqirjaj apo Jusufi  
t' i nguli thonjtë si bufi.



<sup>1</sup>Do një - dy a një


<sup>2</sup>Çifutët i flisnin fjalë të ndyta për të çnderuar në syt e botës.

<sup>3</sup>Sure-i Merjem, ajet: fe etef bihi...

Kush të zuri me përdhunë  
që ngjau kjo e keqe punë.  
Far' e fis na turpërove  
na shkretove, na nxirove.  
Sy, faqe s' na le të dalim  
këtë gjë qysh të ta falim?

### **Folja e Isajt në djept.**


I u tha me gisht për Isanë  
pyetni punrat si janë.  
Foshnjës në djept qysh t' i flasim  
kot më kot përse ta ngasim?  
"Jam rop i Zotit tha unë<sup>1</sup>  
me t' im-më nuk kini punë.  
Jam robi i Perëndisë  
kam librin e shënjtërisë.  
Mua Allahu më ndriti  
dhe këshut më porositi.  
Sa të roj Zotit t' i falem  
nga zekati të mos ndalem.  
Edhe për mëmën e mirë  
mos i bëj tha të pështirë.  
Më bëri njeri të qetë  
nuk' me hundë të përperjetë."



<sup>1</sup>*Kale inni Abdullahi...*

## Vrasja e Zeqarijjajt (A.S.)

Zeqerijjajt iu çkanosnë  
më llë i-a vun' u llahosnë<sup>1</sup>  
Dhanë vendim që ta ndjekin  
ta mundojn' e ta përpkjekin.  
Ajy e ka turpëruar  
thoshin ujqët e maruar.  
Plakun rehat më s' e lanë  
kokë-poshtët pas i ranë.  
Si e pa keq është ngritur  
jashtë Kudsit ka baritur.  
Mjaft është lodhur, këputur  
ndë një zgërbonj është future.  
Të mallkuarit s' e lanë  
si çakajtë pas i ranë.  
Pak piqinë me të parë  
e ndanë më dysh me sharrë.  
Bobo ç' punuan të zinjtë  
ujqet, arinjte dhe thinjtë.  
Por për shumë nuk' e kanë  
se sharuan Zeqerjanë.  
Sa pejgamberë të tjerë  
i sharuan e i therë.  
Funt i dhanë ligësisë  
buzën ia plasnë Marisë.



<sup>1</sup>Llahosur - i çmendur - mëri - math - gjak prishur etj.

## Vrasja e Jahjajt (A.S.)

Antipatër Herodosi

botën' e vrau, e farosi.

I mallkuar, dhëmbë-shtatë  
e kish synë gjith ne gratë.<sup>1</sup>

Shum' i lik' e i pabesë

deshi të rrokte një mbesë.

I-u lut Jahjat disa herë

s' qe punë nuk' desh t' i a lerë.

Jahjan' e shumë të tjerë

i vrau fytyra-skëterë.

Xheladët si sosën punë

kokën përpara ia shpunë.

Prap' i foli kok' e prerë

haram e ke po e lerë!

Por ku ndërsgjon pijaveci!

Sy-lugati! ligaveci!.

Oh sa ish njeri i mirë

për të liga s' kish dëshirë.

Kish fort mëndje të lartë


sa s' kallzohet në kartë.

S' ia ditnë vlejën' s' ia ditnë

e bënë cop' e krasitnë.

Trupin e tij fort e grinë

dhe nëpër trajsa e shtinë.




<sup>1</sup>Në kohë të këti kaqë fort ishte prishur morali sa israilinjtë le për gratë por edhe për çunat kishin çelur shtëpi ligësiqe që pëgërëshin!...



Kokën në Sham e mbuluan  
prap, u këthyen, qëlluan -  
gjetnë një krah dhe e shpunë  
në Bejrut në Dhet e vunë.  
Këmbët, krahu tjetër, supi  
barku, plaçkat dhe krejt trupi  
nuk u gjëndën dot gjëkund  
si çdo copë mbet ku mundi.

### **Punrat e Isajt (A.S.)**

U rrit mjaft me të këqija  
se e ngisnin Jahudija.  
I thoshin fjalë të rënda  
që s' i ngre dot fare pënda.  
Prej gojës së tij liksht s' delte  
në dhogë të kalbur s' shkelte.  
Goj' e tij mjalt' i pikonte  
i qeshte nuri kur shkonte.  
Si s' e linin Jahudinjtë  
gjith e ngisnin faqe-zinjtë.  
Zuri Hindin<sup>1</sup> nga mërzi  
atje i shkoj djalërija.  
Nga Budistët mësim mori  
Zoti faqe-bardh e nxori.




<sup>1</sup>Gjoja si shkoi në Hindistan e ëma u martua dhe lindi fëmijë të tjerë. Por neve kjo fjalë s' na mbesohet as pak. Marija s' është përlyer, as nuk është martuar. Ne jemi të detyruar të pastrojmë.

E bëri Zot' i vërtetë  
Pejgamber që në tridhjetë.  
Sheriat më vehte s' pati  
punonte si thosh Teurati.  
S' i vinin vesh Jahudinjtë  
po flisnin si çiliminjtë.  
Rrugën e kishin krejt lënë  
djallëzitë kishin zënë.  
Ç' është feja më s' e dinin  
si pul e shushatur vinin.  
Valinjt' e Romës që kishin  
fenë fare i a u prishin.  
Bot' e tërë në ç' do anë  
nga një krabë zënë kanë.  
Me të liga fort ngarkosur  
errësira fort plakosur.  
S' dinin se ç' udhë të zenë  
tërë llahosur qenë.  
Kishin të madhe nevojë  
për një; fenë t' iu tregojë.  
Ndë një kohë të këtillë  
i u pru Isaj Inxhilë.  
Isaj pat mëndje të ndritur  
që kur ishte foshnj' e mitur.  
Qysh fliste në djept kur ishte  
edhe profet ato kishte.<sup>1</sup>



<sup>1</sup>*Si çdo Profet edhe Isaj ishte m'i mentçmi i kohës së vetë. Mirë po për faqe të zezë europijanët për të aqë fort liksht kanë shkruar sa njeriut i ngjethen mishrat. Shihni librin (La foulie de Jesus KrichtÇmëndësija e Krishtit që përmban dy vOLUME.*

I u thosh ju kam sjell unë<sup>1</sup>  
ngaj Zoti të madhe punë.  
Prej balte krijoj zoq vetë  
i fryj fluturon me fletë.  
Të verbërit dhe pikalecët  
ulokët edhe memecët -  
me një fyrmëz i shroj tërë  
sheshit i kam për të bërë.  
Të vdekmin e ngre nga varri  
le t' i ketë mbirë bari.  
I a u gjej në shtëpi ç' kini  
ç' punoni ç' hani e ç' pini.  
Zoti fuqi më ka dhënë  
pa qitur ngaj goja zënë -  
punën un' e kam mbaruar  
por s' më njihni o t' uruar!  
Veta vetëm një duzinë  
i a njohë Profetësinë.  
Të tjerët nuk i u afruan  
s' patën turp fort e çnderuan.  
Fjalë të liga më s' lanë  
të tëra Shpirtit i a thanë.  
Këto magji ku i nxure?  
Apo prej Hindi i prure?  
Kësi soj fjalë i u fliste  
porse edhe t' i a u ngjiste.  
Për të besuar s' e kishin  
se ata dreqi vet' ishin.



<sup>1</sup>*Sure-i Ali Imran, ajet: ve lual-limuhumul qitabe...*

Të delte jashtë s' kudzonte  
kush ta shihte e trazonte.

E mërzitnin fort me fjalë  
porse s' i pshtetej një halë.  
Kjo ish m' e madhe çudija  
që Tevratnë Jahudija

e kishin shumë ndëruar  
mjaft e kishin çkatëruar.  
I u thoshte Isaj i urtë  
"hiqni dor' o mëndje-shkurtë.


Ajetet që ngjiztë vetë  
qrojini ngaj si ç' do fletë.  
Libri qjellor nuk ndërronet  
si ka zbritur do të mbronet.

Sikur të prisni një fjalë  
u bëtë vëlla me djallë."  
S' i vunë vesh Jahudija  
pra i mallkoj Perëndia.  
I mallkoj Zot' i vërtetë  
shkuan gjithnjë t' atëpjetë.

### **Havarijjet (apostojtë) i kërkojnë tryezë prej qjellit H. Isajt (A.S.)**

Petkat të leshta i vishte  
për ushqim merak nuk kishte.  
Hante pemë, bar' e fletë  
nuk hante pulë me petë.


Të nesërmen s' e mejtonte  
shtëpi si ne nuk' ndërtonte.  
Kur ka prishje ç' vlen ndërtesa?  
Kur ka vdekje ç' vlen martesë?<sup>1</sup>  
Gjësendi fare nuk shtronte  
ku ngrysej atje qëndronte.  
Jet' e Budës i pëlqente  
lumtërinë aty e gjente.  
Përparim në këtë jetë  
nuk donte Isaj të ketë.  
I u thosh shokëve: "besoni!"<sup>2</sup>  
Zon' e mua mos pësoni."  
Thoshin: "besuam qëkuri  
dhe s' lozim, më sa lot muri.  
Veç për ahiret përpiquej  
prandaj nga çifutët ndiqej.  
Se çifutët donin arin  
me të dy duart e marin.  
Nuk donin zbathur të rinë  
për ç' do gjë donin stolinë.  
Si Isaj s' donin të rojnë  
por donin të mbretërojnë.  
Kemi besim të këthjelltë  
na çkëlqen si yll' i qjelltë.



<sup>1</sup>Në shapitrin e 14 të Mettasë, thotë: Isaj i u tha: kur njerëzija të fillojnë që të mos martohen e të mos kurorëzohen ata do bëhen si meleqët e Zotit që janë në qjell. Në një vënt tjetër thotë: Nderin' e naltësinë q'i ka dhënë Kur'ani gruas, asnjë fe s'i a ka dhënë.

<sup>2</sup>Sure-i Maide, ajet: ve idh evhajtu...

Një ditë të dy-mbë-dhjetë  
than: "a mund Zot' i vërtetë<sup>1</sup>  
o Isa që të na zbresë  
lart nga qjelli një tryesë?"  
"Turpërohi kini frikë  
i u tha ngaj Zoti një çikë!  
S' ju mjaftoj ç' prura i patë  
këtë me ç' mënt vall' e thatë?"  
së hanguri bar e fletë<sup>2</sup>  
u mërzitme me t' vërtetë.  
Na ka ënda gjell të hamë  
se ngaj fuqija fort ramë.  
E dyta të shohim pemrat  
kur zbresin; na flenë zemrat.  
E treta ashtu si thua  
i pamë shenjat e tua  
por kjo gjë kur të na zbresë  
na jep forcë në besë.  
E katërta ç' do ke bërë  
i ke bërë këtu tërë.  
Kjo e qjellta do të jetë  
një shënj' e gjallë përjetë.  
Dhe bota kur ta pikasin  
do ta shohin do ta zgjasin.  
Nuk mundet dyshim t' i u mbetet  
sikush juve do t' ju pshtetet."



<sup>1</sup>*Sure-i Maide, ajet: Idh kale-i havarijjune...*

<sup>2</sup>*Sure-i Maide, ajet: Kalû nuride...*

Isaj i bir i Marisë<sup>1</sup>  
zu i lutet Perëndisë  
"Zot! Të mirën përsëritna!  
Ngaj qjelli tryezë zbritna!  
Si ne si të pasmit bashkë  
ta lusim ditën si pashkë.  
Dhe prej teje do të jetë  
një shënj e madhe përjetë.  
Ushqena o Zot se tinë  
je që ushqen gjithësinë."<sup>2</sup>

### Zbritja e tryezës

I thot Zot' i vërtetë<sup>3</sup>  
i a ju zbres unë atë vetë  
por pastaj ta dini mirë  
po bëtë gjë të pështirë  
po s' e njohtë mirësinë  
po mohuat Perëndinë -  
do t' ju shtije ndër duar  
dhe ju kam për të munduar -  
Më keq s' mundoj njeri kurrë  
as grua në jet, as burrë.




<sup>1</sup>Sure-i Maide, ajet: Kale Isa...

<sup>2</sup>Shokët kur i kërkuan tryesën, më parë kujtuan ngrënjën pastaj tultitjen të zemrës edhe forcimin të fesë. Isaj kujtoj më parë lartësimin r fesë, e pastaj yshqimin, me gjith atë, e kujtoj me një zemër të alrtë e me një gjuhë të zjartë. Të vegjëlit janë shumë lark prej të mëdhenjve.

<sup>3</sup>Sure-i Maide, ajet: Kalallahu inni..

Isaj duart porsa ngriti  
një tryes' e kuqe zbriti.  
Sipër' poshtë pshtjellë retë  
e zbret ëngjlli' nuk zbret vetë.  
Kur e pa Isaj ka qarë  
sa me lotë dhen' e ka larë.  
"O Zot: Të qoftë lëvdatë  
na e bëj për ne uratë.  
Për gjith të mjerit bekime  
bëj o Zot, mos mallkime!  
Kush ngrihet tha të qëllojë?  
Prej jush sofrën ta zbulojë!"  
Tha Shemuni q' ish m' i pari:  
"O Isa ti je m' i mbari."  
Është ngritur është falur  
ka qarë sa është çmallur.  
Me Bismil-lah' e ka kapur  
dhe me dorëz e ka hapur.  
Thuhet se ky ish Inxhili  
q'ia zbriti Xhebraili<sup>1</sup>  
Popullit ç' i u thoshte Hahku  
s' i a u trette dot stomaku.  
Dreqin për bishti e zunë  
u bënë më Firaunë.  
S' e donin demokracinë  
donin kryenaltësinë.



<sup>1</sup>Thuhet se ishte tryezë me sendesh ushqimi. Thuhet dhe si u friksuan nuk zbiti asgjë.



Rug' e Isajt s' i u pëlqente  
pandehnin se po i rrente.

I u ardhi rënd' u zemruan  
nga Isai u hidhëruan.

Isajt kundër zun' i venë  
e lanë besën e fenë.

I mendoj liksht Perëndija  
sa botën zu llahtarja.

S' mundet të shkruhen në kartë  
ç' hoqn' ata dreqi i martë!

### **Havarijjet (apostojt) cilët janë?**

Si s' patnë gjësant të hanë  
mori Marija Isanë.

Ndë një ngjyenjës e ka shpënë  
na! stërvitma i ka thënë.

Mjeshtri kur zu t' i rëfente  
plaçkat qysh lipcat t'i lyente,

Isaj i delte m' i ditur  
thua në mjeshhtëri i rritur.

Ustaj një ditë ka shkuar  
i thot' Isajt të bekuar:

"Si ç' do plaçkë e kam shënuar  
shih, me mënt duhet punuar.

Kur të vi t' i gjej mbaruar  
të mos mbetet gjë haruar."

Isaj të gjitha i mblodhi  
ndë një kazan tok i hodhi.

Lëshoj ngjyjë një thërime  
sa nuk' lyheshin tri qime.

Tha: "Zoti urdhër i u dhëntë  
si lipcet boja i u zëntë"

Kur ardhi mjeshtri çuditet  
si i dehur zu vërtitet:

"Mor aman Isa! Ç' ke bërë?  
Of m' i prishke plaçkat tërë!"

Ngreu shiko tha mos ki frikë  
dëm s' të bëra as një pikë.

E ç' të shohin kur i nxuar  
si kush, ngjyer duar duar.

Ca skuqin, ca gjelbërojnë  
të gjitha llojet ndërojnë.

U çuditnë kur i panë  
ç' qen e besuan Isanë.

Hauarijunë këta quhen  
tërë si vëllezër duhen.

Ca thonë ndryshe ka ngjarë

Isai ca njerës ka parë -  
gjuanin peshq anës detit  
dyk e ndihur njëri tjetrit.

Këta njerës peshkatarë  
Shem-unin kishin të parë.

Isaj më dhimbi i u thotë  
kur ju shoh mundohi kotë.

Nat' e ditë dyke vojtur  
s' shkohet jeta me të gjojtur.

Peshqit që zë ç' vlejë kanë  
këta sot për nesër janë.

Po të vish me mua tinë  
do të gjuajsh njerëzinë.  
E ke fitimnë për jetë  
je mentar metoje vetë.  
Shokët bashkë me Shem-unë  
thonë të duam një punë.  
Tërë natën qenë munduar  
asnjë peshk s' hodhë në duar.  
I u tha Isaj: "pra e hidhni  
pezaulë dhe e mblithni."  
Ment u gris kur zun' e qitnë  
ardhn' i u ndihnnë pra e ngritnë.  
Dy barka mbushnë me kulmë  
dhe i van' Isajt me sulmë:  
"Tani tynë të besuam  
se ne mbrëm' u erësuam -  
as një peshk të vetëm s' zumë  
sa do që mbemë pa gjumë.  
Tek na dhe sot ti uratë  
ngritëm si me lopatë.  
Kurrë s' jemi për të ndarë  
do të na kesh si manarë."  
Hauarijunët katë janë  
që e ndiqnin pas Isanë.

### **Trathëti e Judhajt**

Jahudinjtë të shushatur  
mëndjen prap' e patën patur.

E shtuan armiqësinë  
e forcuan ligësinë.  
Kuvënduan ta kllaposin  
ta therin e ta groposin.  
"kë kam ndihmës nga ju unë<sup>1</sup>  
për këtë punë që zunë?"  
Havarijjet i thonë  
na ke ndihmës me gjith Zonë.  
"Nesër gjeli pa kënduar  
do vinë për të munduar.  
Do të dalë i pabesë  
një prej jush do të më shesë.  
Si Jusufnë Jud' e parë  
pak të holla do të marë.  
Do të jetë i çnderuar  
krye-posht' i turpëruar."  
Atë ditë Juda nvidhet  
ndër armiqët e tij hidhet.  
"E ç' më jepni t' ju them ku-është  
se sonte fort e ka ngjushtë."  
I mallkuari e shiti  
për tri zollota po ç' qiti?  
Ku ishin mbyllur i solli  
reth e qark shtëpin' e fshtolli.  
Hyri kërkoj an' e mb' anë  
gjëkundi s' e gjeti Isanë.  
Isaj atje nuk pat fjetur  
se e patën për të gjetur.<sup>1</sup>



<sup>1</sup>*Sure-i Ali Imran, ajet: Kale men ensari...*

Juda del i dëshpëruar  
se s' e shtiri dot ndër duar.  
E përfshinë porsa dolli  
e gjeti atë që ndolli.  
Mbeti disa ditë mbërthyer  
përpara djellit këthyer.  
E vinin re Jahudinjtë  
i ngjet Isajt nga turinjtë.  
Si i dolli shpirti fare  
e shpunë zvarë ndër varre.  
Vallë Judën' a Isanë  
nga të dy kë vramë thanë.  
Po t' ish Isaj ky që vramë  
Juda ç'u bë? Pse s' e pamë?  
Çështja në dyshim i u mbeti  
Isanë gjësent s' e gjeti.  
Kur' ani thotë: "Isanë  
as e mvarën, as e vranë.

---

<sup>1</sup>Thotë një: Si e ndoqnë dhe e katisnë, Isaj nga frika u psheh edhe më s'u gjent fare. Këtë pëtojmë dhe nga Sure-i (Ali Imraninni muteffiqe- Unë ty të vdiqa edhe të ngrita pranë meje (shpirtin ta ngrita). Në Sure (Maidethotë: Felemma teveffejteni - Zot ti kur më vdiqe e kur më more po i shihuje çë bënë... ja nga këto fjalë kupëtohet se Isaj vdiq atje ku qe pshehur e gjeti. Po shpirt i tij u ngjit në qjell. Si Isaj ashtu dhe Hëzri e Iljasi gjithë kanë vdekur. Në tjetër vënt thotë: Sure-i (NisaVe ma kateluhu, as e vran as e varnë por vranë atë që i u përshembëllye edhe i përngjau Isajt, i cili ishte Juda vetë. Më tutje urdhëron: ( Bel refeahu-llahu.. Zoti Isanë e ngriti: Pra nga këto sende mundim të themi Isaj u ngrit edhe u ngjit në qjell si gjith shpirtat e tjera të mira.

Vranë një q' i shëmbëllente  
Judën q' e lante e lyente."

I a rëfente në të pamë  
vet-hen e tij si vëllamë.

Prapa tij i bëhej gjarpër  
sa e shiti për tri aspër.

Krishti mirë pa mbuluar  
bota është trubëlluar.

Isevinjtë tresh u ndanë  
ç' mundnë thanë për Isanë.

Kush tha, janë tre zotër  
njëri tjatrit s' i vjen konter.

Një trup është; ca të tjerë  
prej tri gjësh është' i përzjerë.

At e bir frym' e bekuar  
ndë një trup janë bashkuar.

Por si djelli më tri ndarë  
që ka trupnë, dritën' zjarrë.

Ati trup, dhe biri fjalë  
e fryma të tre të gjallë.

Thonë ka për Perëndinë  
trupnë fjalën gjallësinë.

Fjal' e Zotit u trazua  
që nga krej e gjer ndër thua.

Si uji brënda në verë  
në trup të tij i përzjerë.

Ati biri fryma thanë  
nga një Zot më vehte janë.

Pastaj një bëhen të tërë  
tok i bëjnë ç' kanë bërë.

S' ndjeu gjësendi kur e varë  
shpirti i doli më parë.  
Të tjerët si ëndër thanë  
i u duk kur e mbytn' Isanë.  
Nuk ndjeu se ç' mundim i bënë  
kësi lloj besimi tënë.


## **Një bisedim në vateur me disa zotërinj të ndryshëm në fet**

Me një të krishter një ditë  
fjal u çil mbi historitë.  
Shkoj biseda gjer e gjatë  
s' mbet as e njom' as e thatë.  
Në funt tha myslimanizma  
lindi nga krishtjanizma.  
Musevizmën rrënj' e kanë  
rezume e asaj janë.  
Krishti bir' i Perëndisë  
q'ish drit e gjithësisë  
gjithë botën për të shpëtuar  
fërtomën e pat pushtuar.  
Kësi soj u la mëkati  
dhe u ngjall, shkoj ne i ati.  
Kurse Zoti zbriti vetë  
fesë gjë s' i la të metë.  
Pas Krishtit më s' pat nevojë  
përmbi fe të çilet gojë.

Më s' kish nevojë mileti  
që të delte Muhamedi  
Ç' bëri pra edhe se dolli  
veç ngatërimet që solli.  
Kombin me komb e përfyty  
botën në gjakra e mbyti.  
Kësi soj tha shumë fjalë  
me një gjuhë pret si pallë.  
Ardhi radha të flas unë  
për të quar këtë punë.  
Në shesh të përgjegjes rashë  
i nderçëm vëlla i thashë:  
Unë s' them myslimanizma  
lindi nga kristianizma  
por them ajo është vetë  
pa shtim dhe pa të metë.  
Ajo është musevizma  
ajo është brahamizma.  
Se feja që fali Zoti  
si sot' dije' si qëmoti  
një lloj ish një do jetë  
se s' gabon Zot i vërtetë.  
Ajo Zot që dha Tevranë  
dha Inxhilë dha Kur' anë.  
I pari ç' besim shënonte  
tjetri aspak s' e cënonte.  
Veç forconte njëri tjetrin  
si cili ngjallte të vjetrin.  
Ç' pat besuar Ibrahim  
besonte Musa Qelimi.



Ato besoj edhe Krishti  
për ato ngrihet dhe gjishti.<sup>1</sup>  
Do me thënë Muhamedi (a.s)  
besoj si Isa Profeti.  
Se s' ndryshon kurrë besimi  
është si tha Ibrahim.  
Të tre të bijt e tij janë  
të tre atë krye kanë.  
Por ç'i bën se njerëzija  
nuk i linte djallëzia.  
Shkak u bënë disa veta  
për interesat e veta.  
Ndëruan librin si deshën  
profetit s' i vunë veshnë.  
Asi kohe hafiz s' kishte  
libri në pak duar ishte  
populli krejt i pa ditur  
pas shkrimit i pa stërvitur.  
S' kish njeri t' i u kundërshtonte  
ndryshimet t' i a u vështronte.  
Urt e butë i them mikut  
gjer në mbledhjen e Iznikut -  
feja nuk u ngatërua  
lulëzoi porsia pallua.  
Mbledhja dha vendim të nxehtë  
me një gjuhë fort të mprehtë.  
E çkatërruan besimin  
edhe rrënjosën tritimin.




<sup>1</sup>Që të besojnë myslimanët dyk e ngritur gjishtin e shehadetit.

Bir është vet' i ati  
krijimin vetiu e pati  
Ati është biri vetë  
ndryshim s' ka as do të ketë.  
Gjashtëdhjet e katër Inxhilë  
u kënduan në këshillë  
si të saktë katër lanë  
të tjerët zjarrit i a dhanë.  
Atje shpallën aforozin  
e dëbuan Ariozin  
se e besonte Isanë  
bir njeriu porsi Musanë.  
I shkullnë rrënjët njëtim  
i dhanë forcë tritimit.  
Njëtonjësit i katisnë  
i shuan i arratisnë.  
Nga frika kush s' kudëzonte  
dridhej, s' mundej të bëzonte.  
Sa pa çelur mirë gojën  
i a humbisnin fare bojën.  
Kështu vendosi këshilli  
e fitoi punën Sirili.  
Të lutem vëlla i thashë  
ta nis fjalën ku e lashë.  
Një është fe e vërtetë  
s' ka të dytë s' ka të tretë.  
The: "s' kish nevojë mileti  
për të ardhur Muhammedi (a.s)  
se Isai bir i Marisë  
i pat dhënë njerëzisë -

një dritë sa fuqi pati  
q' e pat marë nga i ati."  
Ke gabim mik i ditur  
pra të them dyk' e habitur.  
Krijohet fe me këshillë  
me Kosta, e me Sirilë?  
Fen e krijon Zoti vetë  
dhe s' pranon ndryshim për jetë.  
Si e la Isaj s' e latë  
por e ndatë, e përçatë.  
Kurse krishti thotë vetë:  
"më dërgoj Zot' i vërtetë  
pas Tevratit të bëj punë  
të mos shtoj asnjë shkronj' unë.  
S' kam të drejtë as nga paksimi  
se çkatërrohet besimi."  
Do të mos kishte nevojë  
tjetër Profet të dërgojë -  
por kur të rinte besimi  
sikur q'e la Ibrahimimi.  
Por ç' i bën Israilinjtë  
e ndryshuan faqe zinjtë.  
Librin e Zotit e lanë  
kapnë për bishti shejtanë.  
Medoemos do të vinte  
Hazreti Musaj t' i bindte.  
Prapë koha dyk' e shkuar  
me djallin janë bashkuar.  
Të mirët i vran' i shuan  
librën e shenjt' e ndryshuan.

Doemos një Profet tjetër  
për të ndrequr fen e vjetër  
do të vinte, s' kishte çare  
se feja do humbte fare.  
Ja ky është Krishti vetë  
q' e dërgoj Zot i vërtetë.  
Sa vdiq i bir' i Marisë  
Profeti i Perëndisë -  
prapë ngatërimi nisi  
se nuk i linte Iblisi.  
Ne si çifutët nuk themi  
por as me ju bashkë s' jemi.  
Njeri është si të tjerët  
dhe vdiq si gjith Pejgamberët.  
Në vënt të tij Judën mbytën  
e gozhduan dhe e jytën.  
S' u ngjall prapë si gjith shokët  
se njeri s' thahet mbi tokët.  
Prej Musajt m' i math po t' ishte  
duhej Tevratin ta prishte.  
Një libër tjetër të ngrinte  
dhe atij rrënjët t'i mihte.  
Le që kanun tjetër s' qiti  
por asnjë shkronjë nuk ngriti.  
Pra atëherë nuk duhet  
m' i math se Musaj të quhet.  
M' u përgjeq miku më thotë:  
"këtë fjal' e ke të kotë.  
Besoj se bir' i Marisë  
është bir' i Perëndisë.

Si të thashë edhe më parë  
asgjë nuk ka të ndarë  
Ati, biri një trup janë  
dhe ndodhjen vetiu e kanë."  
Qysh thua o mik i thashë  
bobo sa gabim i trashë  
qysh i jep trup Perëndisë?  
Krijuesit të gjithësisë!  
Ndigjo pra të të jap unë  
shpjegim mbi këtë punë.  
Me gjak të ftohët ta kapim  
pak shpjegim të të japim.  
Çështja të mos mbetet terrët  
rop është rop si të tjerët.  
Trija s' bëhet kurrë njezë  
s' e ha kush këtë këlkëzë.  
Një trup qysh ndahet më trizë  
kështu s' beson asnjë mizë.  
Qysh u bëka njezë trija?  
S' është lodër Perëndija.  
Le fizika e kimija  
s' e besojn as foshnjëria.  
S' është i çpikur Perëndija  
po ndodhet nga vet-h' e tija.  
Do të jetë si ka qënë  
nuk ka trup si kanë thënë.  
Isai njeri i truposur  
i mbërthyer i groposur.<sup>1</sup>



<sup>1</sup>Ata thonë s'themi ne.


I varur e i mbërthyer  
vetë si ç' kanë rëfyer.  
Si të tjerët është pjellë  
në djept lurek është fshtjellë.  
Porsi çiliminjt e mitur  
ca nga ca gjer është ritur.  
Hante, pinte, flinte, delte  
ku shkelnin gjith bota shkelte!  
Për një Zot ky turp si hiqet  
të foshnjohet të fëlliqet?  
Por kur zbriti tatëpjetë  
cilin la në vënd të vetë?  
Apo dy pjesë u gjysmua  
nuk më mbushet mëndja mua.  
I dituri s' thotë kurrë  
Perëndija ka figurë.  
Bëhet grua bëhet burrë  
po the të bëjnë lëkurë.  
Një zë ngjizet nuk ka qënë  
Zoti nga barku s' ka rënë.  
Nevojtar ka nevojë  
për një vënt që të qëndrojë.  
Isajt nevojën ia dimë  
s' ronte dot vetëm një grimë  
i javitur, i ndryshuar,  
i munduar, i lëshuar.  
I kapitur e i ndjekur  
i trapitur, i përppjekur.  
Si thoni ju kur e zunë  
përse bërtiste, thosh unë

s' kam faj ç' kini ç' më ngisni  
ç'ju bëra përse më vrisni?  
Ç' farë zemre pati ati  
pse s' e shpëtoj çunin ç' pati?  
A nuk' pati pak' mëshirë  
kur ia mundonin të birë.  
Marija në tjetër anë  
lebetitte për Isanë.  
Bir' im ku më lë mua?  
Pas teje vehten ç' ta dua?  
Ç' më punuan faqezinjtë  
thoshte dhe rrihte kërcinjtë.  
The: "prej Ademit mëkati  
mijra vjet vazhdoj së gjati.  
Gjithë hoqën bir pas biri  
si i keqi si i miri.  
I ardhi keq Perëndisë  
dhe deshi prej njerëzisë  
këtë gjynah ta çkarkojë  
dhe të mos meret në gojë.  
Pra iu desh vetë të zbresë  
të lindet edhe të vdesë.  
Q' ajy mëkati t' i u falet  
dhe të shkarkonet nga hallet.  
Pastaj të ngjallet të shkojë  
bashkë me t' anë të rrojë."  
I thash, nuk është e drejtë  
një faj që punuan pleqtë  
bres pas brezi të vazhdojë  
nip e stërnip ta mendojë.

A s' e kish Zoti në dorë  
t' i falte robrit e gjorë?  
Përse me kohë s' i fali?  
Krishtin me kohë s' e ngjalli?  
E la botën të ngarkuar  
për një gabim që pat shkuar?  
Tha: "kjo është gjë e fellë  
s' mundet mëndja ta përfshijë."  
I thashë çudi qysh thua  
nuk ma marka mëndja mua?  
A gjith bota nuk po dinë  
q' e njëtojnë Perëndinë?  
Këto mua pse m' i thua  
kujton Isanë s' e dua!  
Un' e dua ca më tepër  
dhe e lartësoj më epër.  
Porse nuk ma jep llogjika  
si të thashë nga ca pika.  
Që ta besoj porsit të  
se e zemëroj Perëndinë -  
E besoj si Muhammedin (a.s)  
rrop q' e kam shpirt e të vetin.  
Të parët të çmendur ishin  
që Krishtin për rrop e kishin?  
Qindra vjet si ne besonin  
dhe si ne e lartësonin.  
Vjen një ditë do peshohet  
ky besim do të ndryshohet.  
Do besoni si besonit  
do të bashkoheni me tonit.



Më the është pun' e thellë  
nuk mund mendja ta fshtjellë.  
Shpjegoma pra të lutem  
brënda në çashtje të futem.  
S' ka punë mendja me fenë  
tha, se nuk mund ta mat denë.  
Thashë jemi myslimanë  
për mburim kemi Kur' anë.  
Nuk besojmë ç' do që thuhet  
pa rrahur mëndjen si duhet.  
Na porosit dhe Profeti  
të mos besojë Ymmeti -  
çdo fjalë që kallëzohet  
po i duhet të bazohet.  
Të bazohet në llogjikë  
të kundërshtojë pa frikë  
sa gjer mënjja t'i a pëlqejë  
dokumenta të çkëlqejë.  
Tha: (fes-elü ehledh-dhiqri)<sup>1</sup>  
se duhet të mbushet fiqri.  
Kot më kot ne nuk besojmë  
por pyesim e mësojmë.  
Të detyruar nuk jemi  
si thotë hoxha të themi.  
Ne aforoz s' njohim fare  
zgjedhën e kemi për mare.



<sup>1</sup>Ajeti thotë: kur të mos dini një gjë pyni më të diturit që t'ju mbushet koka.

Mëkatet s' i kallëzojmë  
hoxhëvet nuk i u bëzojmë.  
Drejt për drejt Zotin thërresim  
dhurim veç prej Atij presim.  
Profetët njerës i njohim  
ndër ta fuqi Zoti s' shohim.  
Tha: Tevrati s' u ndërua  
si duhej u shenjtërua.  
Thashë: shkoj biseda gjatë  
Isaj vetë past uratë.  
I u thoshte përse e ndëruat  
Tevratin, na turpëruat.  
Asnjë shkronjë mos trazoni  
se nderin krejt i a rëzoni.  
S' e ndigjoj far' e mallkuar  
as pak Isan e bekuar.  
Ç' shapitër të kapç në dorë  
plot gabime gjen i gjorë!  
Të të them disa për shëmbëll  
mbase nuk' të vjen dhe ëmbël.  
Për Lut Pejgamberin thotë  
fjalë të ndyta, më kotë.  
I dehur kur paska qënë  
me të bijat paska rënë.  
Prej sij barsë paskan mbetur  
paskan lindur qënkan shkretur.  
Edhe për shumë të tjerë -  
njerës, q'ishin Pejgamberë  
i poshtëron aq shumë  
sa t' i març t' i flakç në lumë.

Thotë për gjarprin Tevrati  
gjith dimrin ha kokë-thati -  
dhe, edhe fle gjer në verë  
pastaj zgjohet del mer erë.  
Për katër lumënj në botë  
nga parajsi dalin thotë!  
Me qerre e tërheq djellin  
si një shoshë e njeh qjellin.  
Mbi një ka e përmban dhenë  
jep tërmet bën kijamenë.  
Kësi sende ka Tevrati  
të cilat Musaj s' i pati.  
Por i çpifnë Jahudinjtë  
pa pikë turp faqezinjtë.  
Pejgamberët liksht s' punuan  
fen' e Zotit s' e renuan.  
Por forcoj vëllaj vëllanë  
se tërë vëllazër janë.  
Pra feja nuk' ka ndëruar  
si e mer vesh i uruar!  
Ahmedi bir i Hashimit  
e stërnip i Ibrahimit  
nuk' e la mardha të ketë  
por i dha shkëlqim për jetë.  
Ndryshoj gjyqi s' ndryshoj feja  
se një është' e vjetër e reja.  
Gjyqi i vjetër ndërrohet  
koha e tij kur mbarohet.  
Kurse i vjetri më s' ruhet  
doemos gjyq si duhet.

Gjyqi që pruri Ahmedi  
ishte i gjërë si deti.  
Ky binte qytetërimin  
ky po sillte përparimin.  
Qytetërimin që falte  
gjith kombet po i ringjallte.  
I ringjallte, i ndriçonte  
në kulmin e nalt' i çonte.  
S' shihte ngjyr' as kombësinë  
shihte veç vëllazërinë -  
Vëllazërin' e vërtetë  
q' i u kish falur Zoti vetë.  
Ky ish qëllim' i Profetit  
i të madhit, Muhammedit. (a.s)  
prandaj botës i dërgonte  
letra dhe në fêt i ftonte.  
Ngjyr' e gjuhë nuk' shikonte  
donte tërë t'i bashkonte.  
S' punonte me mëntë e tija  
veç ç' i thoshte Perëndija.  
Luftës desh rrënjët t' i shkulte  
marëzinë desh ta ulte.  
Por ç' i bën kombi i vetë  
s' e lanë të rij' i qetë.  
Kot më kot në qaf i ranë  
sa rojti shprehur s'e lanë.  
Si ajy dhe shokët hoqën  
me armiqtë u përpoqën.  
Mbretërit ta kishin besuar -  
gjë do mos kishin pësuar.

Do kish lindur qetësia  
do të mbretëronte lirija.  
Më tha miku: "e ç' më thua  
çudi me fjalët e tua.  
T' ish kaq i math Muhammedi (a.s)  
duhej ta donte ummeti.  
Një të mos i kundërshtonte  
porsi babë ta vështronte.  
M'i math armik fis i vetë  
u pa sa ish gjallë vetë."  
Kësi soj tha disa fjalë  
sejçila ish fjal' e çalë.  
I thashë: vëlla! Ndigjomë  
ç'do gjë flet gjuha e njomë.  
Po të përgjigjem me sërë  
profetët e mëdhenj tërë  
kësi soj kanë pësuar  
nga kombi i pamësuar.  
Ademi q' është m' i parë  
pak' kundërshtime ka parë?  
Kabili a s' i a pat vrarë  
Habilin' birin e mbarë?  
Me stërniprit ajy vetë  
pak luftojë në këtë jetë?  
Nuh pejgamberi ç' ka hequr?  
Me shekuj është përpjekur.  
Veta vetëm tetëdhjetë  
prantuan fën' e vërtetë.  
Ardhi rrebeshi i mbyti  
pastaj u shtuan së dyti.

A pak ka hequr Jakubi  
Jusufi, Lûti, Ejubi?  
Ibrahimi prej Nemrudit  
prej atij shpirt-keq makutit?  
Sa hoqi sa e munduan  
shpirtin, zëmrën i a lënduan.  
Apo Musaj nuk ka hequr  
me vjetë është përpjekur.  
Me të vëllanë Harunë  
sa vojti me Firaunë?  
Zeqerijanë, Jahjanë  
nuk' i sharuan, i vranë?  
A Isanë s' e trapitën?  
Për tri zollota s' e shitën?  
As tre vjet me ta dot s' mbushi  
që çështjen e di sikushi.  
Po të shihni historinë  
e gjeni krejt Arebin -  
e përunjur drejt Ahmedit (a.s)  
ndënë hijen e Profetit.  
Asnjë Profet sa ish gjallë  
si Muhammedi (a.s) s' ka dalë -  
Me një ummet fort të shtuar  
edhe aqë i fituar.  
Atë qysh të mos e donin?  
E qysh të mos e lëvdonin?  
Kurse i shpëtoj nga zgjedha  
edhe i zbuti si kedha.  
Nuk e shitnë si Isan  
por për të shpirtin e dhanë.

Të mos e donin nuk vdisnin  
për ahiret një send prisnin.  
Me tjetër sy par' e kishin  
krejt therorët e tij ishin.  
Krah më krah tok kur luftonin  
kurrë nuk e trathëtonin.

### **Një liberal i krishter**

Në sallët tok dyk 'e qënë  
një nga shokët qiti zënë:  
"po çuditem me ju unë  
sa e zgjattë këtë punë.  
Musaj, Isaj Muhammedi (a.s)  
njerës si tërë remeti.  
Nuk po them s' ishin mentarë  
porse botën kanë çarë.  
nuk them gjë më tha për tëndin  
për atë ty ta lë vëndin.  
Do të flas veç për Isanë  
që disa Allah i thanë.  
Besim i atit e birit  
po më shkon tha prej fiqirit.  
Që prej Greqisë së vjetër  
ka mbetu, s' është gjë tjetër.  
Të ju them pra qysh ka rjedhur  
ky besim nga na ka erdhur.  
Qysh u hap, qysh ka kaluar  
gjith Evropën ka mbuluar.

Që nga koh' e perëndive  
mbetur nga prindët të bijve.  
Vetëm formën i ndëruan  
por pikërisht i a afruan.  
Bije fjala për Isanë  
krejt Hiraklit i a përngjanë.  
Hirakliu njeri nuk ishte?  
Zon' e math baba s' e kishte?  
Dhe Isaj njeri ka qënë  
bir i Zotit i patën thënë.  
Që të dy hanin e pinin  
edhe si gjith bota flinin.  
Hirakliu ngjalli një grua  
q' ishte fare kalbur thua.  
E gëzoj burrin e ngratë  
që vajtonte dit e natë.  
Kështu pra dhe Isaj ngjalli  
një, edhe mrekulli çpalli.  
Isaj vdiq i varur në gjalmë  
dhe Hirakli vdiq me helmë.  
Isai si vdes prapë ngjallet  
dhe ngjitet në qjell më s' ndalet.  
Ashtu dhe Hirakliu ngjallet  
ngjitet Olimpiti në malet.  
Së rish Isaj zbret në tokë  
prapë bshkohet me shokë.  
I u tha ç' u kish për të thënë  
ca porosi i u pat dhënë.  
I u pat dhënë sihariqet  
që do t' i mundin armiqtë.



Kështu dhe Hirakliu zbriti  
në Greqi edhe e ndriti.  
I u tha ç' i u pat për të thënë  
dhe sihariq i u pat dhënë:  
"më tutje kur të luftoni  
trovadën do ta fitoni."  
Jah perëndit e Junanit  
me gjith anët e xhihanit.  
Edhe sot po mbretërojnë  
vetëm emrin po ndërojnë."

### **Kritikë mbi Isanë (A.S.)**

Tha Krishti s'është pa atë  
doni shpjegim të gjatë?  
Jusufi ka qën' i ati  
t' ëmën në kurrorë e pati.  
Pshehurisht me burin piquej  
njëri për tjetrin fort digjej.  
Zot i dolli dhe si lindi  
e rriti e çoj nga Hindi.  
Krishti atje u martua  
një kallugre mori grua.  
U këthye në Kuds ardhi  
por atje fati s' i zbardhi  
se populli i u lëshyen  
e kapn' e xhvatn' e mbërthyen.  
S' është si thotë Kur'ani  
e nvarën' e di Xhihani.

Foli dhe shumë të tjera  
por pa vënt i mori era.

I u përgjegja me pak fjalë  
për të mos qitur andrrallë.  
Ne themi është pa atë  
nga Zoti pastë uratë.

Për Marin' e për Isanë  
Zoti ka zbritur Qaf-hanë.<sup>1</sup>  
Me këtë sure që zbriti  
zonjën Merjem e dëlirti.

Prandaj të lutem më lerë  
se gjuhën e kamë të prerë.  
Nuk flas dot për këtë pikë  
se nga Zoti kam mjaft frikë.

Kur Kur'ani e la mbyllët  
edhe unë i vë dyllët.  
Ç' ë e shtrëngoj tha këtë fjalë  
kur pa bukuroshin djalë:


"Unë jam vajz pa burrë  
ligësi s' kam bërë kurë."

Meret vesh e pastër ishte  
pra ndryshe aspak s' thëriste.

Fort e lartr' ishte nga nderi  
e lavdëron Pejgamberi.

Porsi nënë e nderojmë  
nga turpet e pastërojmë.

Porsi ju kurrë nuk themi  
se ato s' i mer kalemi.



<sup>1</sup>Shapitër e Marisë që është një Sure në vet-he.

Si të dojë le të jetë  
atë e di Zoti vetë.

Mushoni pak sikur qeshi  
mua tërt s' më bëri veshi.

Si e panë q' u zemrova  
thanë ta themi për prova.

Pse i u thash a nuk e dini  
që nuk na premtton dini.

Nuk na lë as edukata  
të flasim fjalë të thata.

Dërgoj një shpirt Perëndija  
atje ku lahej Marija.

E pushtoj edhe i fryri  
shpirti ku duhej i hyri.

Ish e virg' e pa përlyer  
mashkull ndër të s' kishte ngjyer.

Ti mik në besofsh si thua  
prapë del e quar grua.

Me burën e saj e paska  
burë të huaj ajo s' nqaska.

As ajo as bir i vetë  
s' duhet asnjë faj të ketë.

Nga që s' pati faj Marija  
e lartësoj Perëndija.

Jusufi ta kish trazuar  
merjemit s' i kish bëzuar.

S' e qortonte sa kish zënë  
na çnderove dyk' e thënë.

I a bëri Profet të birin  
atë Isanë të mirin.

Sa për martesët që thua  
nuk më hynë në punë mua.  
Nuk del gjë nga mos martesa  
me atë s' ka punë besa.  
Se mos martesa për mua  
nuk ka vleftë sa një thua.  
Të kish rrojtur do martohej  
si gjithë bota do të shtohej.  
Dhe ai si gjith Profetët  
do linte një bark në jetët.  
A si Brahamat mund të rinte  
punën e tij vet' e dinte.  
Njeriu ha, pi, del dhe zbrazet,  
dhe i punon gjith avazet.  
Mrekulli si gjith Profetët  
ka kallëzuar në jetët.  
S' bën manjatizmë Profeti  
punon ç'i thot' i Vërteti.  
S' them q' e mbërthyen Isanë  
gozhduan Judën shejtanë.  
Unë them vdiq si të tjerët  
as një s' mbet nga Pejgamberët.  
Zot' i math e i vërtetë  
në Kur'an po thotë vetë:  
"O Isa shpirtin ta mora  
dhe sipër në qjellt ta nxora.  
Nga dor' e qelbët shpëtove  
nga ata nuk u poshtove."  
O mik! Them ç' thotë Kur' ani  
se kështu ma do imani;

Them: Isai bir i Marisë!  
I dashur i Perëndisë.  
    Je Profet si gjith Profetët  
    të trathëtuan të vetët.  
Të shtinë që të të nvarin  
Judha ty ta bëri varin.  
    Por e pikase shpëtove  
    në vënt Judën copëtove.

### **Nga shokët e vapeutit një jahudi filloj**

Pranë një jahudi rinte  
s' fliste, bënte sikur flinte.  
    Më thotë me zë të pshehtë;  
    "bisedimin fort e nxehtë.  
Sa çudi ju muslimanët  
po i mburni kristijanët.  
    Me këto fjalë që flisni  
    ata nuk po i gremisni.  
Qysh the pa at' e besojmë  
e nderojm' e lartësojmë."  
    Mor Mushon ç' të bëj i thashë  
    unë përgjegjen i a dhashë.  
Më tha nuk' i the si duhet  
se Krishti.....  
    Ne e dimë punën mirë  
    e njohim t' ëmën, të birë.  
Por Kur' ani s' e ka thënë,  
çështjen mbyllur e ka lënë."

Mos më Mushon i thashë  
mos na dalë puna trashë.  
S' shan si Tivrati Kur' ani  
që të tallet dhe shejtani.  
Në Kur' an s' gjen kësi punë  
ajz s' shan as Firaunë.  
Ne profetët s' mund t' i shajmë  
por i dëlirtim' i lajmë.  
(Lâ nufer-riku) na thotë  
Kur' ani me zë të plotë.  
Domethënë asnjë s' ndajmë  
tërë mbi krye i mbajmë.  
As njërin nuk përjashtojmë  
gjith i duam i lëvdojmë.  
Për Isanë past' uratë  
e besojmë që s' ka atë.  
Ne shohim ç' thotë Kur'ani  
nuk shohim ç' thotë Xhihani.  
Si të duan le të thonë  
ne shohim besimin tonë.  
Ju ashtu jeni mësuar  
prandaj liksht keni pësuar.  
Sa të rroni ku të jini  
mallkimin në zverk e kini.  
Me cilin Profet s' u talltë  
drejtësinë kur e çpalltë?  
Ish si ish mua ç' më duhet  
Isaj Profet i math quhet.  
Sa jetoj në këtë jetë  
bëri detyrën e vetë.

Duket se s' ia nxuri veshi  
ndënë hundë sikur qeshi.

Thashë me vetëhen time  
ç' janë gjith këto pengime?  
Kujt t' i përgjigjem më parë  
ç' dobi? se folke me barrë.

Hiqen intelektuelë  
bëhen lugë në ç'do gjellë.  
Rrëfehen si liberalë  
veç kritikës s' kanë fjalë.

Aman o Zot ç' koh' arimë  
s' gjejmë qetësi një grimë.  
Shet xhevahir e jakutë  
atje ku shiten drutë.

Por ç' i bën kur të ze halli  
kur të qepen porsi djalli  
doemos përgjegje duhet  
se ndryshe nderi nuk ruhet.

### **Ç' thotë Muhjiddin Arebiu**

Thot Muhjiddin Arebiu  
edhe Abdurrezzak Qashiu.

Kur i-u çfaq prej Perëndisë  
shpirti ëngjëllor Marisë  
si çun' i bukur shtat-derdhur  
gjith bukurit' i kish mbledhur.

E pa, i pikoj në zemër  
sa e preku, murga femër.

U derth si buruat në gjumë  
mbeti mbarsë nuk shkoj shumë.

Kemi një grumbull pasqyra  
për kësi gjësh nga natyra.

Veç pik' e njërit të shkundet  
pas shkencës e ngjizmja mundet.

Mbasi kish dhe shënjtërinë  
më të plot' e kish fuqinë.

N' atë çastë mbeti me barrë  
pik' e vetë i-u bë farë.

Një teori fort të gjatë  
shënojnë, paçin uratë.

Sot po shohim mjaft shkencëtarë  
të famçëmim mjaft provëtarë.

Me provat që kanë bërë  
thonë me një gojë tërë:

"Me një mashkull pa përzjerë  
femra mund kylysh të nxjerë.

Dhe prej gurit gjë e gjallë  
s' është çudi që të dalë".

Shëmbëlla të tjera sjellin  
pa material po pjellin:

"Një njeri të fortë kemi  
qënke sëmure po t'i themi

do të verdhet me një herë  
dhe në shtresët do të bjerë.

Dyke mos patur gjë trimi  
sëmundën i-a ngjall shartimi.


Shumë herë një pi ujë  
shokët vrik i-a japin bujë -



Ç'bëre? Ishte i helmuar!  
Sakaq në qaf' e muar.  
Me vërtet helmonet' ikë  
me dorë i-a ngulnë thikën".  
Kështu dhe pun' e Marisë  
kur nga ëngjell' i Perëndisë -  
sihariqohet me djalë  
frymëzohet me një fjalë.  
Shkënsa e sotme na thotë:  
"Dy lloj trupe ka në botë:  
të pleksme dhe të papeksme  
faneksme dhe të pa faneksme.  
Do me thënë: shihen' preken  
ose nuk shihen as rreken.  
Ajri sikur të mos ishte  
gjë të gjallë do mos kishte.  
Si arjri është dhe fryma  
a nuk është ujë bryma.  
Elektriku në trupat  
ç' përshtypje bën nëpër grupat?  
Kur sot; por pas mijë vjetesh  
me gjisht në gojë do mbetesh  
ajo, me frym' u shartua  
më një lloj lënk u gatua.  
Lëngu material ishte?  
Brënda në frymët ç'gjë kishte?  
E di vetë Perëndija  
këtu s' arrin diturija.  
Një ditë do ta zbulojë  
shkenca dhe do ta kullojë.

## Besimi i tritimit në Brahmanët e Hindit


Një Hindijan' mori fjalë  
me një gjuhë porsî pallë:  
"Ulematë evropijanë  
si shëtitnë Hindistanë  
në shesh e qiti hetimi  
nga Hindi doli tritimi:  
n' atë volumin e tretë  
e shënon Morisi vetë<sup>1</sup>  
Thotë tritimi ka dalë  
nga Hindistani, pa fjalë.  
Kështu thot edhe Devan-i  
kur tregon nga Hindistani<sup>2</sup>  
Më të madhe falje dinë  
ta tretojnë Perëndinë.  
Sanskritist (Trimurti) quhet  
shqip (bashkë tri trupa) quhet.  
Brahma' Vishnoja dhe Siva  
një Perëndi që të trija.  
I shënojnë me tri shkronja  
E.V.M. dhe shënja.  
Trupi, puna dhe bashkimi  
një njihet me to tritimi.  
Brahma është' ati' krijonjës  
Vishnoja bir edhe mpronjës.



<sup>1</sup>Në librin "Shënjat e vjetra të Hindijane" volum 3 faqe 23.

<sup>2</sup>Në librin "Përrallat e çifutëve dhe tjera" fq. 366.

Prej Perëndisë ka dalë  
do të jetë gjithnjë gjallë.  
Siva frym e Perëndisë  
sundonjës i gjithësisë.  
Ajy prish' ndreq' bën ç' të dojë  
është Zot, s' vdes do të rojë.  
Sivës i thonë edhe Krishna  
që prej sish ka lindur Vishna.  
Është Zot dhe nuk vdes kurrë  
si njeriu ka një fytyrë.  
Arth njerinë ta shpëtojë  
se i dhimbej ta mendojë.  
Nga tri rrënjët i përzjer  
por në vehte rron përherë.  
Formë pëllumbi i japin  
tekdo për shembëll e kapin.  
Në Benares<sup>1</sup> në të hyrë  
një staty me tri fytyrë -  
Është' i shënjtë në Brahmanët  
dhe nderonet në gjith anët.  
Morisi shton dhe një fjalë  
për një staty që ka dalë -  
n' atë Hindistan të gjerë  
një trup që kishte tri krerë.  
Dhe ky kallëzon tritimin  
që s' ia di askush fillimin.  
Kushdo thotë për tritimin  
nga Hindi e ka mburimin.



<sup>1</sup>Një qytet i math në Hind (Indi)

## Form' e tritimit në Budistët

Mister Fabri për tritimin  
kësi soj e bën hetimin:

"Budistët kanë tri rrënjë

E.V.M. kanë për shënjë.

Budën Zot e adoptojën  
një Zot prej tresh e kujtojnë."

Devan-i në një vënd tjetër<sup>1</sup>

flet për tritimin e vjetër.

Gjashtë shekuj para Krishtit  
në fund të Çinit' në bishtit

një filozof Çinez dolli

Perëndinë Tavo polli.

I falen një Perëndije

që ka lindur nga tre fije.

Tavoja ish mëndj' e parë


që prej sij lindi një farë

dhe prej të dytit i treti

që prej sij lindi ç'do mbeti.

Morisi qesh sa kapitet

nga ky besim, se çuditet.



<sup>1</sup>Në librin "Përrallat e Tevratit" fq. 172

## Mënyr' e tritimit n' Egjyptijanët e vjetër.

Përsëri Devan-i thotë<sup>1</sup>  
për tritimin q'ish në botë  
kler i vjetër egjyptijanë  
tritimin të vjetër e kan.  
Ata shtatin e Manfisit  
që s' kishte ndryshim prej lisit  
e njihnin tritim të shenjtë  
edhe si shënjë të shtrenjtë.  
Thoshin:" e krijoj i pari  
të dytin' birin si ari.  
I dyti krijoj të tretin  
kështu kallëzoi kudretin".  
Tritimin të shenjtë e kujtojnë  
të tre një i adoptojnë.  
Tolisoi mbret i Misirit  
prej Tanishoqit të mirit<sup>2</sup>  
ka pyetur: " a kish vallë  
para krijuesit të gjallë?  
Dhe pas tij a do të ketë,  
tjatër krijonjës në jetë?"  
"Ka qën' i tha Perëndija  
Zot m' i parë nga të trija.  
Pastaj fjala<sup>3</sup> shpirti i shenjtë  
do të jenë gjith të shtrenjtë.



<sup>1</sup>Në librin "Përrallat e Çifutëve" fq. 473

<sup>2</sup>Ishte një qahin (pifti math që kallzonte gjoja punrat e avenirit.

<sup>3</sup>Arabisht qelimetu-llah fjala e Zotit dëshira dhe urdhëri i Zotit.

Të tre kanë një fytyrë  
kanë një trup' një natyrë -  
Fuqi e përhershme dolli -  
prej syresh dhe bota polli.

Ikë pra o jetë shkurtër  
Jetë-humbët! Sillu urtë!"

Devani e ka gjykuar  
këtë fjalën e bekuar.

Dyk e rjedhun nga tritimi  
ka hyrë ne krishtërimi.

Aboloi i shënjtëruar  
q' është në Delhi mbuluar<sup>1</sup>

fjalë quhet shënjtërohet  
si Perëndi përdorohet.

Platoni nga Skenderija  
thosh në mësimet e tija.

Fjala Zot i dytë quhet  
bir i Zotit dhe virg thuhet.

Para Krishtit vjetë shumë  
tritimi pat këtë brumë.

Edhe Bonviku ka shkruar<sup>2</sup>  
mbi fjalën e shënjtëruar.

fjala nga Zoti ka dalë  
fjala Zot dhe Zoti fjalë<sup>3</sup>

Ky lloj besimi tritimit  
që i u fut dhe perëndimit



<sup>1</sup>Një qylet në Hindistan

<sup>2</sup>Në librin "Besimet e egjyptijanëve të vjetër"

<sup>3</sup>Edhe Juhana j Inxhilin e vetë kështu me një frazë e fillon.

ish i njohur nga Platoni  
nga Arastoja së voni.  
Nga të tjer' e nga të tjerë  
ka rjedhur kështu pa prerë.  
Para Krishtit qindra vjetë  
njohur me këto mijete.  
Merret vesh nga fjal' e Zotit  
q'e njihnin burrat e motit  
ish dëshir' e Perëndisë<sup>1</sup>  
shkak krijimi i gjithësisë.  
Porsi kaloj koh' e gjatë  
u habit njeriu i ngratë.  
Tha: "Dhe fjala Zot do jetë  
më vehte Zot i vërtetë".  
Hindijan' egjyptijanë  
brënda në moçalet ranë.  
Kot më koti tritim qitën  
se ç'than' as vet s'e ditën.


### **Tritimi i persianëvet dhe i kombevet të vjetër t' Asisë.**

Flet në një libër Hixhini  
që persianët punë dini  
kishin fjalën' Mesatarin  
dhe të tretin Shpëtimtarin.



<sup>1</sup>Në i themi irade (dëshire Zotit).

Dhe Dunlabi me Bensonë  
kështu si Hixhini thonë:  
Dhe Derani jep shpjegime  
gjatë, mbi këto besime:  
"Thotë: besonin persanët  
tre zotër si Hindijanët  
Uzmerd' Metrat' Ehremenin  
dhe të tre njëlloj i gjenin.  
Uzmerdi njihej krijonjës  
Metрати' bir shpëtonjës  
Ehremeni sundimtari  
fuqi-plot si i pari.  
Finikasis' Qildaninjtë  
të tjerë dhe Athurinjtë -  
Fjalën për Zot e besonin  
dhe si Zot e lartësonin.  
Merduh i thon' athurinjtë  
edhe Memrar Qildaninjtë.  
Merduh bir i Perëndisë  
shëmbëlla e virgësisë.  
Ja kështu u hap tritimi  
komb më komb shkoj ky mentimi.  
Kështu thotë Bretshardi,  
histori-shkronjës i larti.<sup>1</sup>  
Popullsi e perëndimit  
në besimin e tritimit -  
çirakët e lindjes janë  
sado që put-perestllëk s' kanë.




<sup>1</sup>Në librin "Përrallat e egjiptianëve idolatrë" faqe 285.



Pale nga egjyptijanët  
asnjë grimë s' ngelin mb' anët.  
Njëtimin e Israilit  
e qitën fare prej fillit -  
Në tritim e trasferuan  
ç'iu tha Tervrati haruan.

### **Tritimi në kombin Grek dhe Roman etj**


Dhe put-perestët n' Europë  
mbytur krejt në këtë gropë.  
Një Zot të vetëm besonin  
me tri rrënj' e çfarësonin<sup>1</sup>  
Besonin grekërit e vjetër  
një Zot në mënyrë tjetër.  
Nga të tri rrënjët zot dolli<sup>2</sup>  
fuqi e tij botën fshtolli.  
Keler i tyre nga gjith anët  
kur do t'i shpinin Kurbanët -  
në therishtën për të prerë  
do t' i spërkatnin një herë -  
me një ujë të bekuar  
pa marë thikën ndër duar.  
Dhe xhematin përherë  
do ta spërkatnin tri herë.



<sup>1</sup>Në librin "Popujt e parë t' Europës"

<sup>2</sup>Në librin "Përparimi i mentimeve fetare" volum 1, faqe 307.

Kështu me tri gjisht e mbanin  
enën-buhur për kurbanin.  
Besonin të shënjtat tërë  
nga tri nga tri janë bërë.  
Thotë Feski se romanët  
të vjetrit put-perestanët -  
një lloj tritimi përdornin  
Zot' Fjalë dhe Shpirt nderonin.  
Barhoristi për Finlandë<sup>1</sup>  
thotë kish një Zot të randë.  
Në një trup ngjitur tri krerë  
me emrin Trigllav i ndjerë.  
Hertungerberg është gjindur  
ky lloj staty për të bindur.  
Në gjith anët ish tritimi  
para se të lint Krishtërimi.  
Tritimin nga ne e kaptë<sup>2</sup>  
por tjetër lloj e përhapte.  
Krishnës tonë Krisht i thatë  
ngrehtë një besim të thatë.  
Fjalët fort i ashpëruan  
për fill ment u ngatëruan.  
Me kaqë mjafton i u thashë  
mos shkoj puna më trashë.  
Budisti tha, mos zemrohi  
me logjikë mund të mprohi.



<sup>1</sup>Në librin "Barbarët e Rusisë së veriut".

<sup>2</sup>Hindusi po flet

Të flas mbi varjen' mbi kryqin  
si të duash jepja gjyqin.  
Kështu tha dhe çeli gojë  
me histori ta tregojë.

### **Varja e kryqi kanë qënë shumë vjet para Krishtit (A.S.)**

Përsëri thotë Devani  
kur tregon nga Hindistai.  
Idolatri hindijanë  
kësi soj një besim kanë.  
Njeriut fajin për të larë  
një Perëndi qënka ndarë  
vehten kurban paska bërë  
dhe i shpëtoka të tërë.  
Për këtë sjell dokumenta  
mjaft shëmbëlla argumenta.  
N' atë faqe prapë thotë  
mbi këtë besim të kotë;  
"Hindusët për Krishnën thonë  
është bir e virg gjithmonë.  
Është Zoti vetë Vishna  
porsi të tjerët dhe Krishna.  
Nisje, sosje nuk ka fare  
kundërshtimi është mare.  
Ka zbritur dyk' e ngarkuar -  
përmbi tokën e bekuar -

Për t'i a hequr rëndësinë  
që po mundonte njerinë.  
Dha kurban vehten e tija  
kështu shpëtoj njerëzija.  
Na kallëzon Mister Muri  
që në Hindistan qëkuri -  
Krishna qënka i shënuar  
varur, shpuar këmb e duar.  
Zemr e njeriut në këmishët  
vartur si kandili në kishët.  
Dhe një tjetër paska parë  
varur, mbërthyer, gjak-larë.  
Mbi krye kësul e artë  
për shenjë q' ishte i larë.<sup>1</sup>  
Edhe Hyku kështu thotë  
kur ka shëtitur në botë<sup>2</sup>  
q' idolatrët Hindijanë  
kësi soj një besim kanë.  
Një Perëndi e truposin  
e varin dhe e varosin.  
Në tyrli kallëp e kallin  
që njeriut fajin t' ia falin.  
Morinor Limsi ka thënë  
në një libër që ka lënë:<sup>3</sup>  
"Idolatri hindijanë  
përmbi fajin besim kanë -




<sup>1</sup>Thuhet se edhe Krishti kishte një kësulë gjembash, kur u mbërthye si pas besimit të tyre.

<sup>2</sup>Në librin "Shëtetje" faqe.326

<sup>3</sup>Në librin "Hindus" fq. 36

Edhe kur falen e luten  
nëpër këto fraza futen:  
jam fajtor mëkat-punonjës  
me natyrë, liksht-kërkonjës.  
Në mëkat më shtyri mëma  
shpëtomë o Zot nga nëma.  
Shpëtomë o sy-tërfili  
se kushdo që del nga filli -  
ti i fal, falmë dhe mua  
Zot! Jam ndër duart e tua"  
Xhoxhi në librin e vetë<sup>1</sup>  
që ka shkruar përmbi fetë  
flet: Krishnin, trim e besojnë  
dhe e Perëndisojnë.  
Për njerinë kurban bëri  
vehten dhe s' i dolli zëri.  
Dhe Hixhini për Andranë<sup>2</sup>  
q' i flaen bota mb' at' anë.  
Ësht' ajy, flet q' u mbërthye  
në drut dhe me gjak u lye.  
Njerinë për të shpëtuar  
vehten e ka shkretëtuar.  
Ajy u var, u gozhdua  
u mbyt në gjak, u mundua.  
Thotë, kush dëshëron lodhet  
e gjen në libra, ku ndodhet.



<sup>1</sup>Në librin "Fet e vjetra"

<sup>2</sup>Hixhini është m'i pari evropijan që ka hyrë në Nepal i Tubvetit në Çin. Ky put ndodhet në Tybbet.

Këtë gjë edhe të tjerë  
kësisoj e kanë tjerë.


Sa për Budistët po thua  
nga krishterët asnjë thua -  
besim të ndryshëm nuk kanë  
sikur nga rrënjët janë.

Budën Mesih e quajnë  
si bir të vetëm e ndajnë.  
Ky thon' është shpëtimtari  
u trupos vehten e vari.

Botës mëkatet t'i u falen  
në mundime të mos kallen.  
Të pastër të fluturojnë  
dhe në qjell të mbretërojnë.<sup>1</sup>

### **Disa të krishterë varjen e mohojnë**

Varrin q' e mbuluan çelë -  
në mëngjes, ditën e djelë -  
Veç ca lecka, trup nuk gjetën  
tërë të habitur mbetën.  
Thanë: vjedhkan faqezinjtë  
idolatri, jahudinjtë.



<sup>1</sup>Edhe një shumicë nga ulematë Europianë si Bili në librin *(Histori e Budës)*, Huku në librin *(Shetitje)*, Mulesi në librin *(Historia dhe literatura Sanskristedhe shumë të tjerë thonë se tritimi ka ardhur nga Hindistani. Kush dëshiron zgjatimin e kësaj çështje le të këndojë librin (Besimet e idolatërvet në Kristijanizëm). Ky libër është përmbledhur prej 47 librave anglishte.*

Mjaft ulema liberalë  
kështu kanë bërë fjalë:  
"u var, s' vdiq por të zalisur  
në grop e kanë gremisur.  
Ai mëndjen si e mblodhi  
reckat i zgjidhi, i hodhi.  
Nesërejt u grumbulluan  
hoqën gurin e zbuluan.  
Vrik dolli, iku s' e panë  
dhe sakaq' u fsheh më nj' anë"  
Thonë ndryshe ca të tjerë:  
"nuk është' as varur, as prerë.  
Këmbët, duart iu gjakosën  
trupit, plaçkat s' iu plagosën.  
Tri orë e mbajtën mbërthyer  
pastaj e kanë lëshyer -  
Kështu disa ditë të rrinte  
vdekja nuk mund t'i vinte.  
T' ish i vdekur gjak s' i delte  
as sytë s' mund t' i çelte"  
Thonë dhe të tjera fjalë  
që s' vdiq por qëndroj gjallë.  
Flet dhe Xhorxh Sajl ingjilizi  
varjen populli e ngjizi.  
Ca libra thanë për Judhën  
u gozhdua se la udhën.  
I përngjante zemër-zgjyra  
Krishtit tamam nga fytyra.  
Pas Krishtit s' u duk gjëkundi  
s' dihet stelen ku e shkundi.

Le Inxhil' i Barnabasë  
s' beson varjen e Isasë.

**Thuhet se Krishti shkoj prapë në Hind  
dhe varrin e paska atje.**

Thuhet nga tok' e Kashmirit  
përmendet emr' i të mirit.

Siri-Negër paska varin  
e vizitokan të mbarin.

Var i Juzazefit thonë  
dhe e nderojnë gjithmonë.

Thuhet vjetë afër dy mij  
ka ardhur aty të rijë.

Profet nga israilinjtë  
ka qënë dhe nga të rinjtë.

Misijonerët që shkojnë  
me tjetër sy e shikojnë.

Nuk thon' është krishti vetë  
thon' apostol mund të jetë.

Gur' i varit është shkruar  
Isa Sahib i uruar.

Fjala Sahib titull nderi  
jo mbiemër Pejgamberi.

Ne islamët gjë nuk themi  
mbajmë besimin që kemi.

Asnjë profet s' përjashtojmë  
ç' thotë Kur'ani, gjë s' shtojmë.



Pejgamber të madh e dimë  
nuk prishim gojën, por rimë.

### **Tritimi ka hyrë dhe në myslimanizëm.**

Dyk e qeshur thotë miku:

"Tritimi dhe ju ju fiku".

Më vjen islamët të tërë  
idolatër janë bërë.

All-llah, Muhammed-Alinë  
i njohin si Perëndinë.

Varrevet si put i u falen  
luten e qajnë sa çmallen.

Shpresojnë ndihmë nga varret  
me grushta i derdhin paret.

Nga idolatrët ç' ferk kanë?  
Se u quajtkan mysimanë!

Te Aliu thon' u fut Zoti  
si idolatrët qëmoti.

Si u vra, shkoj në qjell thonë  
prap u bashkua me Zonë.

A kështu është njëtimi  
që ngeli nga Ibrahimimi?


Tritimi i Hindistanit

i u fut në shpirt muslimanit.

S' kujtojn All-llah, veç Alinë  
atë Zot të gjall' e dinë.

Kanë kapur plogësinë  
nat' e ditë kuvli rrinë.

Nga varret, nga evlijatë  
shpresojnë mos gjejn, uratë.  
Fasi, Algjei, Tunusi,  
Bornoja, Tarabullusi  
Vadaj, Kongoja, Sudani,  
Xhava dhe Hindistani  
pse s' shpëtojnë nga duatë?  
Pse s' i shpëtojnë evlijatë?  
Ngeltë të plogët, të mpitë  
porsi kandili pa dritë.  
Bota po kapëton malet  
ju akoma ndër moçalet.  
Lum si ju prisni Mehdinë  
të ju sjellnjë lumtërinë.  
Prisini, prisni erenlerët  
të ngjallen dhe me teberët -  
t' i përzenj armikët tërë  
t' i merni viset me sërrë.  
Më s' iu prit dervish Hasanit  
q'ish nga Kum' i Horasanit.  
Filloj mikut me të nxehtë  
dhe me një gjuhë të mprehtë:  
"Mik! I tha s' gjete fjalë tjetër  
por na bëre idolatër.  
Ne vetëm një Zot besojmë  
vetëm një Zot lartësojmë.  
Ne All-llahu Ehad themi<sup>1</sup>  
veç atij tjetër Zot s' kemi.




<sup>1</sup>(Allahu ehadZoti është një i vetëm

(Ene Beshër) tha Profeti<sup>1</sup>  
ashtu tha dhe gjith ummeti.  
Themi Aliu ish i mirë  
njeri i pastr' i dëlirë.  
Sa për varret Zot s' i njohim  
për njerës të mir' i shohim.  
Ata s' kanë gjë në dorë  
prej nesh janë më të gjorë.  
Ata prej nesh ndihmë presin  
sadaka, dua thëresin.  
Për nderim i vizitojmë  
Perëndi s' i adoptojmë.  
Për nderim, qirinj i u ndezim  
shpirtërisht për ta thëresim.  
Ku i kini erenlerët?  
Tha, pse ju lënë në terrët?"  
Persisht dervishit i thashë:  
"ri se çështja po shkon trashë.  
Ri mos bëzo t' i përgjigjem,  
se nga zjar i madh po digjem."  
Mik i thashë lejë dua  
të të përgjigjem për ç' thua:  
"Nisje' sosje s' ka All-llahu  
rop njihet Resulullahu.  
Aliu njeri si të tjerët  
rop njihen gjith erenlerët.  
Evlijatë do me thënë  
gjithë njerës kanë qënë



<sup>1</sup>*Ene beshërum: unë jam vetëm njeri si ju.*

gjithë njerës do të jenë  
përpiqen të mbajnë fenë.  
Erenlerë dhe shenjtorë  
asgjë nuk kanë në dorë.  
Fuqin' e ka Perëndija  
këtë e di gjithësija.  
I falemi të vërtetit  
s' i falemi Muhammedit<sup>1</sup> (a.s)  
Kush e njeh All-llah Alinë  
ka mohuar Perëndinë.  
As Piranët as shejherët  
nuk thanë kështu të mjerët.  
Gjithë patën hallin e vetë  
folën fjalën e vërtetë.  
Ata Zotin s' e tretuan  
All-llahun e vërtetuan.  
Të thoshin kontra Kur'anit  
do të delnin prej imanit.  
Drejt për drejt njohën All-llahnë  
tërheqës Resulullahnë.  
Thanë s' shihet Perëndija  
se s' futet ne njerëzija.  
N' atë jetë do të shihet  
ç'është Zoti do të njihet.



<sup>1</sup>Në kohrat e mesme armiqtë e fesë çpifnin dyk e thënë: Muhamedi është një statyt (puti math ngrehur në qabe. Myslimanët për t' i u falur këtë putit Magomed ngrihen nga gjithë anët dhe i puthin këmbët e metalta. Kësi soj me mijë çpifje kanë bërë por sot këto çpifjet e ndyta po i grojnë vetë.

Nuk ka trup Zoti të futet  
si mikropi nëpër trupet.

Varret si put nuk i kemi  
dhe për vizita kur vemi  
i u këndojmë prej Kur'anit  
dhe i lutemi Rrahmanit -  
që t'i falnjë e t'i ndjejë  
shpirti keq të mos i u gjejë.

Dhe ne Profeti kur shkojmë  
prej sij gjësendi s' kërkojmë -  
por i lutemi All-llahut  
për nder të Resulullahut -  
që të na falnjë mëkatet  
që kemi ngarkuar shtatet.

Turp' i math pra për njerinë  
të harojë Perëndinë.

T' i falet varrit, t' i lutet  
dhe në sexhde të këputet.

I vdekuri ç'ka në dorë?  
A j' është vet i gjorë.

A j' lip përkrahje vetë  
nga i gjalli sa të jetë.


Me sadaka ta kujtojë  
a se Kur'an t' i këndojë.

S' më duket njeri të ketë  
veç në qëntë mëndje-metë -  
si Zot ta besojë varrë  
veç në qoftë krejt i marrë.

Pejgamberi thotë vetë:  
"aj' rop mallkim të ketë -

që vjen sexhde m' i bën varrit  
mos shpëtoftë prej kahharit!"  
Zoti krejt i pat mallkuar  
gjith ata kombet e shkuar -  
që varret si put iu bënë  
prej syresh këmbë s'ka lënë.  
Prandaj njohim vetëm Zonë  
i falemi gjithmonë.  
Sa për Alin' u vra themi  
dhe varrin Nexhef e kemi.  
Kurse vdiqnë Pejgamberët  
Aliu nuk thahet mbi terët.  
U trembën nga umevijtë  
pra e pshehnë Hashininjtë.  
Nga Qofeja e larguan  
varrin e tij s' e treguan.  
Vet ashtu i porositi  
mos e merte vesh Jezidi.  
Në thëng, të plogët pse mbemë  
e nga na erdhi kjo remë?  
Fajin nuk na e ka besa  
ajo s' bie ngatëresa.  
Shihnin shekullin e parë  
ç' punuan shokët e mbarë -  
shokët trima të Profetit  
besnikët e Muhammedit.(a.s)  
Gjysmën e lëmshit e shtinë -  
në dorë botën përpinë.  
Arësimin' mjeshtërinë  
diturinë' tregëtinë

gjer në Francë e degdisën  
perden e padis' e grisën.  
Shtatë shekuj mbetën gjallë  
me dituri e me pallë.  
Kur i u iku diturija  
i kapi liksht varfërija.  
I u shkoj vet-qeverimi  
i u fluturoj përparimi.  
Zgjedha i a u dërmoj brinjët  
i vunë ndër këmbë fqinjët.  
Fè e jonë, fè punimi  
nuk është një fè rënimi.  
Kjo fè që la Muhammedi (a.s)  
s' është veç fè ahireti.  
Është fè për të dy jetët  
puna i fiton xhennetët.  
Me zâ të lartër Kur'ani  
thotë: "Lejse lil-insani"<sup>1</sup>  
Mik i dashur në ç'do pikë  
kjo fè nuk pranon kritikë.  
Jah si e la Ibrahim  
mbretëron ndër ne njëtimi.



<sup>1</sup> D. m. th. -Njeriu s'ka se qysh fiton vetëm se të punojë.

## Prap' i pari filloj të flasë.

Filloj prap ajy i pari  
ç' ndigjon ç' thotë ky gomari.  
    Beb' e syrit të Marisë  
    është bir i Perëndisë.  
I thashë mik mos zemrohesh  
kot më kot po ngatërohesh.  
    T' u përgjegja gjer' e gjatë  
    kështu na shkoj gjith kjo natë.  
Vet' ajy ca ditë më parë  
punën liksht vesh me të marë  
    u psheh në dorë s' e shtinë  
    kur e qarkuan shtëpinë.  
Pastaj si ç' thoni q' e zunë  
për të mbërthyer e shpunë.  
    Kur e hiqnin rrugës zvarë  
    dhe bërtiste dyk e qarë.  
T' ishte Zot, a i përzjerë  
a në trupt të tij si erë  
    si çilimi përse qante?  
    Armikët ce nuk' i çante?  
Pse s' e përkrahte i ati  
pakëz dhembje a nuk pati?  
    Vetë pse s' i copëtonte  
    edhe vet-hen ta shpëtonte?  
Përse pshihej? Vallë ç' pati?  
A i pat vdekur i ati?  
    Sa turp i math për Isanë



të bërtiste kur e vranë.  
Mentari kështu nuk thotë  
se e di q'është e kotë.  
T' ishte Zot, trupi që shihej!  
Si përse rrihte të pshihej?  
A t' ishte ashtu si thonë  
trup i përzjerë me Zonë  
do' i tërë do një copë  
përse vdiq hyri në gropë?  
A nuk prishej gjithësija  
kur të vdiste Perëndija?  
Në thënçin prap' është ngjallur  
ngaj gropa q' e patën kallur  
jahudinjtë trima qënkan  
edhe Zotin nuk e lënkan -  
e vrakan, e s' paskan frikë  
s'u bëka me ta po ikë:  
Në thënçin' ashtu si thonë  
e çnderojn' e drejta Zonë:  
"Deshi të mundohej vetë  
prandaj zbriti tatëpjetë -  
Për bijtë e vetë u mundua  
për bijt e vet' u lëndua.  
Që t' i u dhuronen mëkatet  
të mos i u mundonën shtatet"  
Për të falur rropn' e gjorë  
a nuk e kishte në dorë?  
Përse vehten ta poshtronte  
bijt e tij gjer t'i shpëtonte.  
Të hante jashtë të delte

zbathur e çveshur të ngelte.  
Vehten përse ta çnderonte  
çifutët pse t'i duronte?  
A bij Zoti qënkan tërë  
që nuk lanë gjë pa bërë.  
Qysh e kanë ngjizur vallë  
këtë të bukur përrallë?

### **Zoti s' është trup a hije që të futet nëpër trupet**

Shpirt i Zotit ish tha miku  
e la trupin dhe prap' iku.  
"Zoti s' është as trup as hije  
në bark të njeriut qysh bije?  
Copkat e tij si këputen?  
Që nëpër trupa të futen!  
Të themi se u këputkan  
edhe ne njeriu u futkan.  
Atëherë paska nevojë  
dashka një vënd të qëndrojë.  
Në thënçi, një copë e ndarë  
në trup të tij ëshë parë.  
Atëherë munt të themi:  
"tërë nga një ndrydh kemi.  
Atëherë dhe ç' do mizë  
ç' do fill bari dhe ç' do drizë  
dofta çdo mikrob që s' shihet  
nga një Zot duhet të njihet"

Veç ne Isai u fut thoni  
dhe e monopolizoni.  
Jo, jo qënka copëtuar  
ndë gjithë trupet gatuar.  
Një çikë Zot s' paska mbetur  
kujt i jemi për të fshtetur?  
Pa Zot mbeti gjithësisje  
kur u përnda Perëndija.  
E zu pika dhe më s' foli  
në një tjetër degë doli:

### **Isaj (A.S.) falej shumë**

Pastë nga Zoti uratë  
Isaj falej dit e natë.  
Ku-është m' e madhe çudija!  
Vetë vehtes Perëndija  
kaqë shumë qysh i falej?  
As një grimë pse nuk ndalej?  
Edhe kjo e tregon mirë  
o mik! Je në turbëllirë.  
Në thëng se: "është përpjekur  
ngjallte njerëzin e vdekur  
shronte ca që s' shrohen kurrë  
nga se do t'ishin sëmurë.  
Dhe këto veç Perëndija  
i bën s' i bën njerëzija.  
Duhet pra All-llah të jetë  
dhe Isai si at' i vetë"

"Na falni o miq na falni  
në këtë pikëz u ndalni:  
sepse t'ish Zot i vërtetë  
në trupt të Isajt të jetë  
hyn në trupt t'im dhe tëndin  
dhe kudo pra luaj vëndit!  
Hyn në trupat e bagëtisë  
në trupt të deles, të dhisë.  
Hyn në shpinët të ç'do druri  
hyn në zemrët të ç'do guri.  
Në thëngç: ne fuqi nuk kemi  
të krijojmë ç'do që themi  
por Isaj i shënjtëruar  
sa t'i u frynte i kish shruar.  
Në botët Profetët tërë  
kësi punrash kanë bërë.  
Por asnjë s' tha jam Zot unë  
tek kallëzoj kësi punë.  
Ata që thonë për Zonë:  
"është futur në trupt tonë -  
si ndër ne edhe ndër kafshë  
ky besim nuk vlen gjëkafshë".  
Në doni të kupëtoni  
shkopin e Musait kujtoni -  
pas dherit sa ta pëlciste  
bëhej gjarpër dhe lëvizte.  
Më rënd' është pun e shkopit  
apo e ngjallmja e ropit?  
Musaj shkopin tek e ngjalli  
s' tha jam Zot a se jam djali.

Këto gjë muxhize quhen  
për të bindur një komb duhen.  
Musaj, Isaj, Muhammedi (a.s)  
rrop të parët rrop i treti.  
Për ata që kupëtojnë  
punrat bukur i menjtojnë.  
Si profet i shënjtërojmë  
i nderojm' i lavdërojmë.  
Njërin prej tjatrit s' e ndajmë  
tërë në zemrët i mbajmë.  
As njërit All-llah s'i themi  
njerës; mbi krye i kemi!  
Këtu mbaroj bisedimi  
mikun e kapi mendimi.  
Me të qeshur un' i thashë:  
"Mos të vijë keq e trashë  
kur besove një qint mijë  
beso edhe një ç' do vijë."  
Më tha miku pse u ndatë  
Krishtin pas shpine e latë".  
Ne s' u ndamë ju u ndatë  
pse Muhammedin (a.s) e latë.  
Ne Isanë e lartësojmë  
profet të math e besojmë.  
Pun' e babës çështje tjatër  
s'e sjellim aspak ndër hatër.  
Që të gjithë i lavdërojmë  
nga fajet i pastërojmë.  
Pas Kur'anit asnjë s' ndajmë  
tërë mbi krye i mbajmë.

Besoni dhe Muhammedin (a.s)  
ta gëzoni të vërtetin.

Atëherë vjen bashkimi  
forconet vëllazërimi.

Gëzonet Krishti Marija  
kënaqet dhe Perëndija.

Qeshi miku s'tha gjësendi  
dhe me kaq u mbyll kuvendi.

### **Pas vdekjes së Isajt jahudinjtë**

Jahudintë shumë hoqnë  
fort i katisn' e i ndoqnë.

Ku-do shkonin në presje ishin  
në vrasje, në presje ishin.

Ngaj Herodosët Fitosi  
i theri i handakosi.

Dy mijun afër theri  
në Kuds brënda qafë-thyeri.

Pun' e tyre kështu vajti  
as një shtet mirë s'i mbajti.

Veç kur dualën islamët  
e u hapnë në gjith anët.

Asi kohej mirë rrojtnë  
në hije të tyre s' vojtnë.

Nga zgjedh' e ndyrë shpëtuan  
edhe diturit' i shtuan.

Por ata që mbenë gjetkë

nga herë hangrën shukretkë.  
U ngrehn inkuizicionë  
si për ta, për besën tonë.


### **Krishterizmi pas vdekjes s' Isajt (A.S.)**

Pas Isajt shokët u ndanë  
si kush-do u hodh më nj' anë.  
Duallën fenë të hapin  
dhe botës dritë t'i u japin.  
Mbasi Inxhil i vërtetë  
me koh u çduk nga kjo jetë.  
Shkruan gjashtë dhjet' e katër  
që të gjithë llojesh tjatër.  
Pastaj vetëm katër zgjodhën  
të tjerët i mblodhën' i hodhën.  
Shkroji Metaj me Lukanë  
Markoja me Johaninë.  
Këta të katër pas kohej  
që feja kur ment harohej -  
njëzet vjet pas si vdiq Krishti  
për shkrim u vu sefte gjishti.  
Gjyqe fare nuk shënuan  
porsi histori e shkruan.  
Ndë në dhet kanë trapitur  
tre qint vjet janë kapitur.  
Shum' i ndiqnin mbretërija  
pale pale jahudija.  
S' i linin frymë të marin

i krasitnin porsi barin.  
Panë vrasje të përgjithçme  
tridhjet herë të drithçme.  
Kostandini nga Kajserët  
i ka shpëtuar të mjerët.  
Disa shekuj me radhë  
vazhdoj me faqe të bardhë.  
Si e pat lën' Isaj vetë  
vazhdoj pa shtim pa të metë.  
Me një moral të pëlqyer  
me një besim të çkëlqyer.  
Pas kohe krejt u ndryshuan  
besimin e sakt e shuan.  
Bënë mbledhje qindra herë  
u menjtuan gjat' e gjerë.  
Sa herë janë përfytur  
dhe në gjakra janë mbytur.  
Tetë qint vjetë janë marë  
por gjësendi s' kanë ndarë.  
Otishi tok me Diskurë  
që s' kishin shkalluar kurrë  
ishin nga priftërinjt me kokë  
në diturit s' kishin shokë.  
Zotn' e vërtetë e njëtonin  
Isanë rop e kujtonin.  
Në tretim si s' u bashkuan  
në Kadi-koj u mallkuan.  
Ashtu ish dhe Arijosi  
njëtimn' e Zotit vendosi.  
Veç një fjalë kish të dredhur



s' di se qysh s' e kishte hedhur.  
N' atë mbledhë mjaft u shanë  
kur dëgjuan kështu thanë:  
"Qysh s' menjtohen priftërinjtë  
por flasin si çiliminjtë.  
Zotn' e vërtetë tretuan  
me një vendim që venduan.  
Fen' e Shaqimunit kapnë  
të keq besim na përhapnë.  
Duan si kombet e parë  
të kenë Zot disa farë.  
Se një Zot s'i u mbushte synë  
pra ndë Budaizëm hynë.  
Sy e faqe më s' na lanë  
kur Budaizmën për lanë."  
Thanë po vesh nuk i u vunë  
të dyve i u futnë drunë.  
Të dy aforoz i bënë  
i nomuan do me thënë.  
Së fundi kanë qëndruar  
ndë një besim të tretuar.<sup>1</sup>  
Besime të reja çpikën  
nga njëtim i parë ikën.  
Zili e Romës i zuri  
që kishte staty prej guri.<sup>2</sup>



<sup>1</sup>Deri 171 para hirhretit Isaj (alejhi-sselammbesohej rob. Atëhere fjala bir i Zotit, do të thoshte njeriu i afërçmi i Zotit.

<sup>2</sup>Roma me të marrë fen eH. Isajt (a.sfigurë- kalitësit mbetën pa bukë, pra për të qitur yshqimin e vetë çpiknë në mënt fytryrat e tyre dyk

Qitnë Isanë, Marinë,  
edhe tërë shenjtërinë.  
Më fort penteurët u ngutnë  
figurët në kish' u futnë.

### **Përmëndje**

I u dërgoj me mijra Zoti  
israilinjvet që moti  
    Pejgamberë që t' i u thonë -  
    fen' e sakt' edhe zakonë.  
Jahudinjtë dorë s' hiqnin  
Pejgamberët gjith i ndiqnin.  
    I mundonin kurdo herë  
    dyk e vrar' dyke prerë.  
Edhe pas shtateve binin  
fenë e Zotit e linin.  
    Një nga një sipër u shkrua  
    që fë e saktë u ndërua.  
Ngaj bes' e vërtetë ikën  
pas qejfit besime çpikën.  
    Pa bërë e ligë s' u mbeti  
    i u shoj rrenjët i Vërteti.  
Gur-gëdhëndësit u mblodhën  
prej Romës n' Stamboll u hodhën.

---

*e shënuar edhe pak nga jetë shkrimi dhe filluan t'i shesin. Kësi soj  
ngadalë ngadalë u futën edhe nëpë kishat.*


Për fitim zunë kalitnin,  
drurë, gurë i rradhitnin.  
Isajt' Merjemes i qitnin  
figurat në murt i ngjitnin.  
Pak nga pak, kështu u hapën  
figurat tek do u kapnë.  
Roma botën pat zaptuar  
veç Arebija shpëtuar.  
Pas zakonit t' Ibrahimit  
vinin nga pun' e qëndrimit  
Jahudinjt e të krishterët  
atje, si qimja në qerët.  
Nga feja të prishur qenë  
mbushur me staty Qabenë.  
Kishin mbetur nd' errësirë  
të çpëlarë' të pështirë.  
Isaj fare qe haruar  
besimi keq ngatëruar.  
Duhej një njeri të vijë  
ta verë fenë në vijë.  
Ngaj shpell' e errët t' i qitnjë  
me diturira t'i ndritnjë.  
Ruhej kjo pun' e uruar  
për një yll të shenjtëruar  
për Muhammed Mustafanë  
që do shpëtonte dunjanë.  
I dashur i Perëndisë  
shpirt i math i gjithësisë.  
Fenë ky e përsëriti  
botën nga shpella e qiti.

Ky ardhi solli Kur'anë  
ngjalli Inxhil e Tevranë.

Ringjalli Musan' Isanë  
edhe gjith Profetët ç'janë.<sup>1</sup>  
Solli fen' e Perëndisë  
q'i jep dritë njerëzisë.

### **Mbretërit' e vjetra nd' Arebi.**

Thuhet nd' Arebi te vjetër  
ishin pese palë mbretër  
Meininjte, Sebainjtë  
Hadraminjtë, Katbaninjte  
Nebtinjte nga Ismaili  
me qytetërim si cili  
Në Hadraunt Hadraminjte  
në Mearip Sebainjtë  
Meininjte nga Jemeni  
Katbainjtë nga Adeni.  
Nga shkrimet mbi gurt që gjejnë  
mjaft sende po na rëfejnë  
Me mijë vjet mbretëruan  
dhe fort shumë përparuan.



<sup>1</sup>*Tevrati shumicën e Profetëve e shan. Jahudinjtë Isanë s' e besuan. H. Muhammedi si i pastëroj gjith Pejgamberët ashtu pastroi, ringjalli edhe Isanë. Qëllimi i tij ishte bashkimi i përgjithshëm e i përjetshëm.*

Na thot' i famshim Galseri  
dhe Mosjo D.H. Mulleri  
para Krishtit mund të ketë -  
shekuj nja këtër-mbëdhjetë -  
Arabija ish e ndjerë  
me qytetërim të vlerë.  
Thotë Noldiqe Xhermani:  
"nga juga Arabistani.  
Një ndërtim të math ka patur  
që me mijë vjetë ka zgjatur.  
Ca ndërtesa dhe sot janë  
q' e nderojn Arabistanë".  
Pale Jemeni nga herë  
ka patur emër të ndjerë -  
Për përparimin që pati  
e lavdëron dhe Tevrati.  
Nga ky shkak fqinjët lakmonin  
me lufta vehten dërmonin.  
Jemenin për të zaptuar  
gjithnjë janë copëtuar.  
Si u shuan Sebainjtë  
zunë vëndin Himjerinjtë.  
Njëzet e gjashtë vjetë me radhë  
veç nga këta mbretër ardhë.  
Ashtu dhe fiset e tjerë  
shumë mbretër kanë nxjerë.

## **Far' e fis i H. Muhammedit(A.S.)**

Stërgjyshi i Pejgamberit  
është Ibrahim i Azerit.

Profet' bujar, fort i ndjerë  
si ajz nuk pat të tjerë.

Ibrahim Halili ronte  
kur Nemrudi mbretëronte.

Një bajram i math ka qënë  
çunin fill e patën lenë.

Kish një fushë të gjerë  
atje u mblodhën të tërë.

Çuni vetëm me të mbetur  
një sëpatë paska gjetur.

Hyn në falishtët të vjetër  
edhe nuk bën punë tjetër

veç të madhit gjith' i theri  
dhe i përplasi përdheri<sup>1</sup>

Sëpatën i-a vuri plakut  
edhe dolli jashtë pragut.

Kur u këthyen i panë  
kryet pas murit i çanë.


Ja moj kuje se ç' na gjeti  
vajti fjala gjer ne mbreti.

E përlanë q' atë ditë:

"Ti i there Perënditë?"

Pyeteni tha të madhë  
të ju rëfej me radhë

se më duket ky i theri



<sup>1</sup>Pas disa mijë vjet edhe i nipi i tij H. Muhammedi (a.ssi ajy putet e Qabesë me ngritjen e një gjishti, që të gjithë i përplasi përdhet.

dhe i përplasi përdheri.  
I thanë: "Gurë qyshë flasin?  
Njëri tjetrin qysh e ngasin?"

I-u tha skini turp kur flisni  
gurëvet qysh i-u taptisni?"  
Shumë dit e shumë javë  
mbajtën dru i bënë stavë.

Maxhinëkun e përdrodhën  
Halilin në zjart e hodhën.  
Këmb' e tij në zjar pa shkelur  
i u bë një lulisht e çelur.

Në Halilu-Rrahman janë  
vakfet e tija pa anë.  
Kurse vizitoj Misirin  
mori për grua Haxhirin.


Kjo ka lindur Ismailin  
zambakun e trëndafilin.  
Ismaili i brengosur  
në Meqqë është vedosur.

Kur ardhi në ment e tija  
e lartësoj Perëndia.  
Pejgamber si tan' e bëri  
tekdo i ndigjohej zëri.

At' e bir ndreqnë Qabenë  
themeluan dhe Meqenë.  
Kur erdhi Zemzeni lumë  
u përblodhën fise shumë.

U bë qëndr' e Arebisë  
kjo shtëpi e Perëndisë.

Nip' i tij është Adnani  
që s' e pat Arebistani.  
Nga armikët shtatëdhjetë  
i dalin trimit me fletë.  
Trim' i math kur hoqi shpatën  
armiqvet i-u a kalli datën.  
Me ndihmën e Perëndisë  
i dërgoj tërë në pisë.  
Bir' i tij është Maadi  
trim, i hijshëm si i ati.  
Me dyzet veta njëherë  
mijra çifutë ka prerë.  
Luftrat dhe sot i përmenden  
në librat shënuar gjenden.  
Prej Adnanit shtrihet filli  
dhe qëndron te Ismaili.  
Bres pas brezi kap dyzetën  
në do të dish të vërtetën.  
Ebu-Jakubi ka thënë:  
Ermijaj listë ka lënë -  
q'e kap prej Adnanit fillin  
dhe e pjek me Ismailin.  
Ky listën e mbante vetë  
dyzet breza pa të metë<sup>1</sup>  
Bir' i tij është Nizari  
në Meqge u vu i pari.  
Me shëndet, me bukurinë



<sup>1</sup>Ebu-Jakubi ishte nga çifutët e Tedmurit, u bë mysliman. Shih Taberi f. 1115-1118.




e habitte njerëzinë.  
Këtij kur i-u lind Mudari  
nga q' ishte çun m'i pari -  
njëmijë deve ka therur  
të mëdha sofrë ka ngrehur.  
Mbante fen' e Ibrahimit  
të stërgjyshit' t' atij trimit.  
Mudari ish fort i sjellë  
gjith' mirësit' i kish fshtjellë.  
Bir i tij është Iljazi  
ndër shokët ish si elmazi.  
Zgjeroj fen' e Ibrahimit  
s'kish ferk prej Lokaman Haqimit.  
Çun' i tij Mudriqeja  
që nuk e kishte Meqqeja  
porse bijt e Ismailit  
harbuan duallën fillit.  
Fen' e stërgjyshit e lanë  
pas të këqijavet ranë.  
U përpoq mjaft Mudriqeja  
u bintnë krejt kabileja.  
Hyn në fet t' Ibrahimit  
ndënë flamur të shpëtimit.  
Vjershëtarët e lëvdojnë  
dhe sot këngën i a këndojnë.  
Vdiq i ri la korbën grua  
por ajo nuk u martua.  
Sa rrojti zinë s'e hoqi  
gjer sa vajti ke i shoqi.  
Vendin e zu Huzejmeja

pastaj biri Qennaneja.  
Pastaj bir' i Qennanesë  
Nadari një trim me besë.  
Kurejshinjtë <sup>1</sup> nga ky janë  
rrënjët këtu thon' i kanë.  
Bir' i Nadarit Maliqi  
q'e peshonte tepër ziqi.  
Kudoherë që qëllonte  
kombin gjith e këshillonte:  
"Me nder, me famë të rojmë  
gjyshërit mos i turpërojmë.  
Jemi bijt e Ibrahimit  
duhet larguar prej krimit."  
Si vdiq, Fihri i zu vëndin  
kapi fronin dhe kuvëndin.  
Pas Fihrit biri Galipi  
në fronin e atit hipi.  
Pas, i biri Leviu ardhi  
popullit faqen i zbardhi.  
Shumë mirë janë sjellë  
për popullin ishin djellë.  
Pas Leviut Qabi zu fronë  
edhe e mbrojti zakonë.  
Pas tij i biri Murreja  
me të mira plot si reja.  
Pas tij i biri Qellabi



<sup>1</sup>U quajt Kurejsh se gjithnjë interesohej si e si të kupëtonte nevojtarët e popullit që t'i u plotësonte nevojat e tyre. Shpirtnaltësi e zemër-bardhës e kureshinjëve ka marë bujë.

në Meqqe fronin e kapi.  
Dheut krahët kur i-a ka vënë  
Kasijjin<sup>1</sup> foshnj' e ka lënë.  
E ëma nga Shami ishte  
vëllazrit gjallë i kishte.  
Kur u bë pesëmbëdhjetë  
urdhëronte vehten vetë.  
I-u ndigjua kudo nami  
e nderonte tepër Shami.  
Se qysh një ditë përkitet  
me një shamijan përflitet.  
Ti s'je vëndës i tha miku  
kjo Kasijjin fort e piku.  
I shkoj s'emës e pyeti  
fis' i jonë ku na mbeti?  
Me të marrë vesh nga mëma  
kapi rrugën q'atë mbrëma.  
U vendos rrotull Qabesë  
çuni trim dragoj me besë.  
Asi kohej kryesija  
ish ne Halil Habeshijja.  
Goc' e tij u shti ne djali  
sepse i shkëlqente balli.  
Për kuror u lidhën nyjet  
u bashkuan të dy yjet.  
Kur Halili ndëroj jetë  
Bu Gashjani bir i vetë  
çelësin ka trashëguar




<sup>1</sup>*Kiasijj: i larguar tepër prej atdheut.*

nga froni s'është larguar.  
Pas kohej Kasijj mentari  
pagoj disa qese ari  
çelësin ën dor' e shtiri  
dhe kureshinjtë i thirri.  
Ngado ishin i përmbloodhi<sup>1</sup>  
Meqqe brënda krejt i hodhi.  
Kështu çuni me të rritur  
fitoj fronin e grabitur.  
Kryesija e Meqqesë  
dhe shërbimi i Qabesë  
Kasijjit në dorë i mbeti  
dhe e trashëgoj si mbreti.  
Si vdiq ky vëndin e zuri  
Abdi Menafi si nuri.  
Titullin e kishte hënë  
botën në balt e kish lënë.  
Prej t'et i mbet kryesija  
pas i shkonin parësija.  
Nga stërgjysh i tij Nizari  
q' ishte në kombit m' i pari -  
një flamur i-u kish mbetur  
e ruanin s'ishte tretur.  
Dhe një hark prej Ismailit  
trashëguan prej Halilit.  
Një pun' e madhe kur ngjiste




<sup>1</sup>Emrin e ka Zejd por me qënë se u largua tepër prej atdheut, u quajt Kasijj. Dhe nga shkaku që gjith Kureshijtë i përmbloodhi ndënë flamurin e H. Ibrhaimit në Meqqe u quejt dhe Muxhemmi-mbledhës.

pa ato shenja s' lëviste.  
Flamurin mban ndënjë dorë  
në tjetrën harkun si borë.  
Sa jetoj' me nder i parë  
prej sij askush keq s'ka parë.  
Abdi Menafit të ndjerë  
i-u lindën dy djem një herë  
Abdush-shemsi dhe Hashimi  
shënj e grindës dhe fillimi.  
Ballë për ballë të ngjitur  
me shpat' i kanë çkolitur.<sup>1</sup>  
Nga Shemsi jan' Umevinjtë  
nga Hashimi Hashiminjtë.  
Krah i djathtë ndër të tjerët  
kujdesohej për të mjerët  
nuk kursente një gjilpërë  
ku duhej e prishte tërë.  
Përndante me barrë drithë  
me shpirt e donin të gjithë.  
Ç' i bën nakarit të shkretë  
njerinë s'e lë të qetë.  
Bir' i Shemsit Umejjeja  
kur s'e goditi rrufeja.  
Hashimi s'donte ta njohë  
mbi front nuk donte ta shohë.  
Grind' e madhe u zgjat shumë



<sup>1</sup>Atëher disa thanë: s'bënë mirë q'i ndanë me shpatë por duhësh t'i ndanin me tjetër mënyrë se kemi frikë se mos ngjasë armiqësi e keqësi midis barqevet të tyre. Edhe vërtetë para se vjen myslimanizma e më pas armiqësija vazhdoj midis Hashiminjve dhe Umevinjve.


u derth gjaku porsi lumë.  
I dhanë vendim së fundi  
ta zgjidhin çështjen gjëkundi.  
Shkuan Asfan te Qahini  
i-u tha mos flisni por rini.  
Ç' hall kini i-a u gjej vetë  
të drejtën si do të jetë.  
Huzai-u falltori thotë:  
"Umejeja lodhet kotë  
bëj bën për hënën për yjet  
për ret që njom fushat, pyjet.  
Për zoqthit që fluturojnë  
brënda nëpër ajër qëndrojnë.  
Për ata që njohin miqtë  
si të mirët dhe të liqtë.  
Nga Umejeja Hashimi  
është m' i ndershëmi më trimi.  
Kurse dolli sheshit hakku  
mezi ka taraksur gjaku.<sup>1</sup>  
Ish bujar i math Hashimi  
si stërgjyshi Ibrahimimi.  
Një mot Gazze kur ka qënë  
në Meqqe fort zi ka rënë.  
Mjell e peksimet ka marrë  
ka ngarkuar qindra barrë.  
I shpu n' Meqqe pa pagesë  
i-a fali gjith Meqqesë.



<sup>1</sup>H. Pejgamberi (a.svojtë prej Ebu Sufjanit, Aliu prej Muavijesë dhe Ehli Bejtë prej Jezidit).

Theri edhe shumë kafshë  
yshqeu botën pa gjëkafshë.  
I math i vogël filluan  
Hashimin e titulluan:

"Zotëria i Bat-hasë<sup>1</sup>  
mirësit i ke pa mas  
Nga çifutët ca të ditshim  
kur e shihnin yll e ndritshim  
me nderim i puthnin dorën  
si ata që puthin korën.  
Si nga fara, si nga fisi  
si në kombit q'ishte prisi  
kushdo për dhëndër e donte  
por Hashimi nuk pranonte.  
Kurse tokën mbuloj nami  
u ngrit Hirakliu nga Shami  
t'i jepte gocën e vetë  
q'ish hëna katërmbëdhjetë.  
Hirakliu mbret i Syrisë  
në librat e Perëndisë  
e kish parë dhe e dinte  
se Ahmedi do të lindte<sup>2</sup>  
Por Hashimi çun' i mbarë  
nuk deshi gocën ta marë.  
Në Medine është hedhur



<sup>1</sup>Meqqe

<sup>2</sup>Emri Ahmed nëpër Inxhilet ishte shënuar (Periklitos-fort i lavdërueshëm e jo Pariklitas- i luturAbidin pashaj flet gjatë e gjërë, i cili e dinte greqishten fort mirë.

nga fisi Abdi ka zgjedhur -  
një gocë fort sendërqare  
fisnike, trime, mentare.

Port e tij nuk mbyllej kurrë  
përdit qitte disa furrë.  
Sofra rrinte gjithnjë shtruar  
prej mikut nuk' është ndruar.

Udhëtarëvet i-u ndihte  
nevojat krejt i-a u shihte.  
Shumë herë kafsh' i-u falte  
dhe të hollat s'i-a u ndalte.

Mot për mot zakon e kishte  
kombin, në Qabe e grishte.  
Në hënën e Dhil Hixhesë  
pshtetej në mur të Qabesë.

Kësi soj i këshillonte  
me fjalë q'i përvlonte:  
"Fis i Kurejshit besnikë  
prej jush s'ka sot më fisnikë.

Nga fytyra më të hijshmit  
nga morali më të shijshim  
E nga goja më të lartë  
e nga fjala më të artë.

Dhe nga fisi më të ndershim  
nderine kishin të hershim.  
Në ç'do fis më të afërt jini  
kët send të gjith' e dini.

Jini krerët e Meqqesë  
jini fqinjët Qabesë.  
Një far' e fis i kulluar



porsi ar kini qëlluar.  
Nga fisi i Ismailit  
çun' i Ibrahim Halilit.  
Në ç'do anë ju besohi  
pra duhet të kujdesohi.  
Të prisni miqtë që vinë  
për të nderuar shtëpinë.  
I kini mysafir Zoti  
sipas zakonit qëmoti.  
Pritja juve ju ka hije  
nderimi juve ju bije.  
Sa të mundni t'i nderoni  
shtëpitë t'i-a u lironi.  
Për Zon' e kësaj shtëpije  
të kisha punën në fije  
të mjaftonte gjëja ime  
do mos mbaja një thërime.  
Do ta derthnja gjënë tërë  
do mos mbanja një gjilpërë  
Prej jush as gjë do ta jipnja  
veç gjën' ime do ta jipnja.  
Gjëja ime që kam mbledhur  
është' e pastër dhe e zgjedhur.  
Haram s'është s'kam grabitur  
por me djers' e kam gatitur.  
Pra dhe juve po ju them  
se unë nga Zoti tutem.  
Për nderin që ka shtëpija  
kur të vijnë njerëzija  
fort të pastër gjë të gjeni,

veç me hallall t'i ushqeni."  
Ky shpirt-mir i zot'i nderit  
është gjysh i Pejgamberit.  
Ka qënë mentar me famë  
porsi të gjyshrit q'i thamë.  
Shumë punë të këqia  
i shporri nga vehtj' e tija.  
Alkool në gojë nuk kallte  
ashtu dhe botën e ndalte.  
Në mal të Hirasë hiqej  
falej me netë përpiqej.  
Përmbi kodrat nganjëherë  
hidhte ndrydhe burr' i ndjerë.  
Për të ngrënë zoqt e gjorë  
kur fusha s'kish gjë në dorë.  
Në hënë' e Ramazanit  
i shtronte sofrën urbanit.  
S' mblidheshin vetëm të afër  
por të pasur dhe të varfër.  
Zoq-yshqenjës, zemër-mirë  
quhej n' atë shkretëtirë.  
Ishte kryetar ne Meqqe  
moral-pastër pa leqe.  
Zoti dhjetë djem i fali  
të lëvduar nga morali.  
Bijve q'i kish falur Haku  
i-u jepte këshilla plaku:  
"Veç kësaj duhet të jetë  
një botë tjetër për jetë.  
Sikush që ngel pa nënshkrime

do të ket' atje pengime.  
Dhe kush pëson këtu kotë  
sheh shpërblime n'atë botë."  
Ish i ditshim mëndje-pjekur  
nga putet dorë krejt hequr.  
Zotin e kishte njëtuar  
lumtërin' e pat fituar.  
Mbante fen' e Ibrahimit  
fen' e t'et të tij Hashimit.  
Fron' e tij afër Qabesë  
që parësi e Meqqesë  
për kuvënt gjith atje mblidhet  
por askush në vënd s' i hidhet.  
Renditeshin krerët tërë  
bënin ç' duhej për të bërë.  
S' i këthehej plakut fjala  
ish i drejtë, s' kishte hala.  
Nipi engjll' i Perëndisë  
një ditë mes njerëzisë  
hyri plakut i zu fronin  
t' ungjit deshën ta ndalonin.  
Plaku njëherësh bërtiti  
foshnjën në fron vet e ngjiti.  
Rini foshnjën mos ma ngisni  
shpirtin t'im mos ma sëndisni.  
Mblidhni mëntë o bij thotë  
s' ka m' i math se ky në botë.  
Shpresoj im-nip Muhammedi  
do të bëhet m' i math se mbreti.  
Unë s' mund ta them me gojë

yll' i tij do ta tregojë.  
Një qint e ca vjet ka vdekur  
për kombin është përpjekur.

## Abdullahu at' i Pejgamberit

Abdullahun fort e donte  
i ati dhe e lëvdonte.

Ylli në ballët i ndritte  
prej syve shkëndija qitte.  
Nga mëndja nga bukurija  
u habitën Arebija.

Në Kurejsh mjaft goca kishte  
secila m' e bukur ishte.  
Digjeshin pas Abdullahut  
pas shkëndijës së Allahut.

Abdul-Myttalibi s'donte  
prej syresh asnjë s' pranonte.  
Goc' e Vehbit Amineja  
q'e lëvdonte krejt Meqqeja  
fisnike ëngjëll e qetë  
që s' kishte shoqe në jetë.  
Kjo zonjushe kaq' e ditur  
u zgjodh për çunin shpirt-ndritur.

Ishte ngritur krejt mëshira  
mbretëronte errësira.  
Gjith popujt si egërsirë  
s' përpiqej kush për të mirë.  
Vrasjet, presjet, therjet, varjet  
grindët, rjepjet, zihjet, çarjet  
në këtë botë të shkretë  
vazhduan shekuj të gjetë.

Syni i hënës, i djellit  
aty në prehnin e qjellit  
s' po shihte njerës të mbarë  
ishin bërë gjith një farë.  
Perënduar lulëzimi  
s' kishte lindur njerëzimi.  
Pale pjes' e Arebisë  
nga an' e mëshirësisë  
thua aqë larg kish rënë  
turp i math gojësh me zënë.  
Njëtimin e Ibrahimit  
fen' e atij Profet trimit  
dhe bukurin e Jusufit  
q'e gërvishtnë thonjt e bufit  
si muxhizet e Musasë  
edhe frymën e Isasë  
duhej një mbret t' i ringjallte,  
vëllazërimin ta çpallte.  
Se kjo natë kaq' e errët  
që lëshonte vrer mbi terët -  
për një mëngjes kish nevojë  
njerëzimin ta shpëtojë.  
Të lindte djell' i vërtetë  
të jepte dritë për jetë.

## Lindja e djellit të gjithësisë e të madhit Muhammed (A.S.)

Ky i dashur' i All-llahut  
pem'e zemrës s' Allahut.  
Lindj' e yllit në të nqasur  
Abdul-Muttalip' i pasur  
i tha të birit, duhet shkuar  
Medine për të ngarkuar  
hurma, plaçka disa barrë  
t' i bëjmë gati më parë.  
Se sa të lindnjë fëmija  
do të shkulet Arebija.  
Nga ç' do anë për uratë  
sado të jet' udh' e gjatë.  
Atje me dajinj të piqesh  
ngarkon dhe vjen para vigjesh.  
Ra i sëmurë porsa vajti  
lëngata mjaft ditë e mbajti.  
Dajinj të fort u përpoqën  
mjekët nga gjuri s'i-a hoqën.  
Abdul-Muttalip i mjerë  
dërgoj Medine Zubejrë  
që t' arrijë të vëllanë  
e mos i gjejë dermanë.  
Pas pak ditë vdiq Abdullahu  
ah, Zubejri i-u tha krahu.

Ishin të dy prej një mëmë  
pra e preu në mest kjo gjëmë.  
Pas, Harithit çoj i ati  
por ç'i bën kur s'të ndin fati?  
Është rrahur e përpjekur  
kur vëlla' e gjet të vdekur.  
Ah ku qënka vdekj'e nëmës  
la foshnjën në bark të nënës.  
Në shtëpit të tabiasë  
u varros yll'i Bat-hasë.  
Mentar i ditshëm ka qënë  
ai shkëlqente si hënë.  
Ka mbetur fjala si hënë  
ata ishin do me thënë.  
Vetë nur i Perëndisë  
drit i jepnin njerëzisë.  
Nga një racë fort e vjetër  
kryetarë porsi mbretër.  
Bres pas brezi tërë njihen  
jetë-shkrimet gjith i-u dihen.  
Far' e tyre fort e shtuar  
arebinë krejt pushtuar.  
Pas dy muajsh lindi Ahmedi  
bota lumturin' e gjeti.  
Rebiu-l evvel ka qënë  
dymbëdhjet dit e hënë.<sup>1</sup>



<sup>1</sup>*Ka lindur 1000 vjet pas Budës, 894 pas vdekjes së Skenderit të math, 657 pas lindjes së H. Isajt dhe 42 vjet pas qeverisë të Nushi-revanit.*



Lindi djell' i Perëndisë  
lindi shpirt i gjithësisë.  
Lindi hën' e Arebisë  
lindi shpres' e njerëzisë.  
Atë mot as-habi fili  
u shua s' i-u ndje filli.  
Ebreheja krye-thati  
me gjith ushtëri që pati  
s' shpëtuan, u enjtën, plasën  
njëri mbi tjetrin u rrasën.  
Nuk e prishi dot Qabenë  
nuk e përhap dot fenë.  
Kur ardhi nat' e uruar  
q'u lint foshnje shenjtëruar  
u çpikën në disa anë  
ca sende që çudi janë.  
Sejcili sent po tregonte  
që Zoti do ta dërgonte  
Profetin e math në jetë  
që pas tij do të mos ketë.  
Qëndroj zjar' i Mexhusinjve  
plasi pallt' i Persinjve.  
Njëherësh katërmëdhjetë  
u gremisnë nga kubetë.  
Nga Farisi arth një letër  
q'u shua zjarisht e vjetër.  
u tha këneta e Savê-s  
buçiti lum' i Semavê-s.  
Dhe shumë të tjera shënja  
me rëndësi e me rrënja -

Ngjanë në dhet të Persisë  
q'i dhan tmer mbretërisë.  
Nga këto Nushirevani  
u tremb i-u helmua xhani.  
Vezirët dhe parësija  
nga e madhe llahtarija  
për ç'iu gjeti mëmëdhenë  
shumë të helmuar mbenë.  
Pas ca ditë i mblodhi mbreti  
të mentohet për ç'i gjeti.  
Mubidi m'i math i fesë  
mori në bisedimt pjesë:  
"Natën që ngjau kjo poterë  
pashë një ëndër si sterë.  
Sikur u shkul Arabija  
kaluar si mizërija.  
Me deve me kuaj shkelën  
ardhën n' Persi dhe ngelën.  
Nga këto po kupëtonet  
Persija do të zaptonet.  
N'Arabistan s' di ç'ka ngjarë  
qysh ta marrim vesh më parë.  
Abdyl Mesihun e thirë  
t'i marin vesh këto mirë".  
S' e di tha Abdyl-Mesihu  
vetëm im-ungjël Sittihu  
mundet këto që t'i gjejë  
e pyes po më dhe lejë.  
Lejë prej Nushirevanit  
mori, doli prej Iranit.

Shkoj në Sham me të të flasë  
vallë kjo qysh do t'i-u ngjasë.

M'atë kohë Sittih plaku  
nuk' ngrihej dot nga jataku.

Në shtresët të vdekjes ishte  
fare për gjë qejf nuk kishte.

Selam prej Nusherivanit  
i tha t' ungjit prej divanit.

Nga plaku përgjigje s' mori  
se murgu ikte tërthori.

Disa vjersha i qëndisi  
punën pak ia gudulisi.

"O m' i dashur i Jemenit  
t'ardhi plaku i Sunenit.

O shpres e Nusherivanit  
t'ardhi nipi i Xhehanit.

Vallë veshët krejt të lanë  
a dëgjon, por ke mëhanë -  
Vdekje shkretë, ah të ka pshtjellë  
edhe pa fuqi ke ngelë.

O filozof fort i ditur!

Të lutem mos ri nemitur  
na ka habitur një punë  
për zbulim kam ardhur unë.

Se mbreti edhe remeti  
u tmeruan për ç'i gjeti.

Nuk vura re as mundime  
male, shkrepë e rëzime.

Këneta det më s' pashë  
rehatet prapa i lashë."

Çeli sytë zu të flasë  
për punën qysh do të ngjasë  
"Sot ardhi Abdul Mesihu  
nde dajiju i tij Sittihu.  
Mbi një deve të kapitur  
fort të lodhur e kahtitur.  
Ne Sittihu i gulçuar  
buzë varit është' i çuar.  
po vjen prej Nusherivanit  
q'është mbret i Sasanit.  
Se pallatet i-u renuan  
edhe zjarrishtat i u shuan.  
Pa ëndërr edhe Mubidi  
të rrepët q'e lebetiti.  
Përmbi kuajt' përmbi devetë  
ardhn' arabët tatëpjetë.  
Lumën Dixhle kapërzyen  
dhen' e Persis' e rrëmbyen.  
Kur'ani kur të pikaset  
Zot' i shkopit kur të ngaset  
do me thënë del Kur'ani  
bashkë dhe Fahri Xhiani.  
Buçet lumi i Semavës  
e shteron kënet' e Savës.  
Zjarisht e Farisit shuhet  
si çdo shenj e madhe quhet.  
Babili me të gjith' anët  
nuk qëndron më, ndë persanët.  
As Sittihut më s' i mbetet  
Shami, por vdes edhe tretet.

Gra, burra katërbëdhjetë  
sa numur kanë kubbetë -  
kanë për të ardhur mbretër  
dhe pas syresh më s' vjen tjetër.  
Do të ngjasë çdo të ngjasë  
çdo gjë shpejt do të pëlcasë."  
Më s' rrojti Sittihu shumë  
vajti për jetë në gjumë.  
Kur i-a shpu mbretit haberë  
sikur i a hoqi pak vrerë.  
Mbret'i gjorë nuk e dinte  
Persisë se çdo t'i vinte.  
Do të zgjatet fort kujtonte  
shpejtimin nuk e mentonte.  
I hyri Persisë djalli  
shumë liksht iu prish morali.  
S' shkoj shumë gjer ne Osmani  
çek më çek u shkel Irani.  
Ranë kubbet u fik zjari  
u tha kënetë mbiu bari.  
Do me thënë ra Persija  
u çkul fare mbretërija.  
Bizanti u çkatërrua  
Çini, Hindi u mbarua.  
U fik zjar' i Mexhosisë  
u fik yll' i pafesisë.  
Nga fuqia ranë fetë  
lindi feja e vërtetë.  
Riçeli port e njëtim  
karshi dytim, tritimit.

Rilindi risht lumtërija  
do njëtohet Perëndija.

### **Ç' pa Abdu-l Muttalibi natën q'u lind Muhammedi (A.S.)**

Ndodhej Abdul-Muttalibi  
n'Qabe, natën q'u lint nipi.

Dëgjoj prej Qabes i miri  
All-llahu Eqber, kur thiri:

"Tashti u lint Muhammedi  
statyve nder më s'iu mbeti.

Ai putet do t'i qrojë  
botën do ta pastrojë."

Prapë një zë po dëgjonte:

"Amineja lindi sonte"

U tremp, u ngri pa gëdhirë  
me mall të shoh të birë.

"Amine! Tha ku-është djali?

Ç' u bë? Se më mori malli"?

"O im vjehrë! S' është punë  
që ta shoq dot tani çunë.

Vjehr' i ndershim fort jam bindur  
se un' ëngjëllin me të lindur

ardhën ca shpirtra i u qepën  
e fshtuallën me gjith djepën"

U zemrua shkuli pallën

si s'e pakam? thotë djalën?

Plakun e gjorë s'e lanë  
prit tri dit pra jak i thanë.  
E mori ditën' e tretë  
nipin në gjirthin' e vetë.

Me nder në Qabet e shpuri  
e rrutulloj prap' e pruri.  
Djalën s'emës me të dhënë  
kësi fjalësh i ka thënë:


"Amine! Hap sytë bijë  
kurrë rëndë mos të vijë.  
Të më kujdesesh për biri  
për elmazin' xhevahirin.

Ky do bëhet shum' i mbarë  
do nderojë fis e farë.  
Arabët do t'i shpëtojë  
gjithë botën do ta ndritojë.  
Si lum kush që ta arijë  
i ka të mirat me mijë."

### **Ç' tha Amineja kur u lind shpirt' i gjithësisë (A.S.)**

Amineja thotë unë  
s'ndjeva gjë kur linda çunë.  
Nuk ndjeva dhimbje, të prera  
si pikasin grat e tjera.  
Veç se n'ëndër më është shtënë  
një natë, një më ka thënë:  
"Amine si lumja tinë!

Da ta nderosh arabinë!  
Të parin e njerëzisë  
të dashtmin e Perëndisë.  
Do lindç Muhammed Eminin  
rahmeten lil-aleminin"<sup>1</sup>  
Kur ardhi koh' e lirit  
vjen një zog prej fluturimit.  
S'di kush më tha: "mos ki frikë"  
por mua gjak s' më mbet pikë.  
Më pushtoj zogu me fletë  
në dhomët ku isha vetë.  
Nga ëngjllit piva shurupin  
nur' i math më fshtolli trupin.  
Muhammedi atë kohë  
ardhi që botën ta shohë.  
Në supet kish një vurratë  
q'ashtu s'kishin parë gratë.  
Kjo ish shënj' e shenjtërisë  
vula e profetësisë.  
Që nesërejt Jahudinjtë  
po bërtasin si cepinjtë.  
Në kurejshët sonte vallë!  
a mos u lint do një djalë?"  
Kur than: "U lint Muhammedi"  
një gjëm e madhe i gjeti.  
Kur i vunë re vuratën  
thua se i-u kalli datën:  
"Of të shkretën ardhi ora



<sup>1</sup>Rahmet' i gjith botëve



na doli puna nga dora.  
Shënjtërimi nga ne doli  
të mirat ky i përfshitolli.  
Tashti ndër arabët mbeti  
të mirën ky komb e gjeti.  
Ne pas këndeje ndër më s'kemi  
të çndershim kudo të jemi.  
Për mbretërim s' mbeti shpresë  
na humbi shpresa si vesë.

### **Kush i dha sisë H. Muhammedit (a.s)**

Ish zakon' i parësisë  
ndër viset e Arabisë  
do-një foshnjë kur i-u lindej  
një sisëdhënëse gjindej.  
Ku t'ishte era m'e quar  
edhe vëndi m' i bleruar  
nd' ato të bukura vise  
nga më të ndershmit fise  
çunat sisë dzke pirë  
bësheshin fortë të dëlirë.  
Mëndje-lartë gjuhë-zjartë  
të bërçim si yll' i artë.  
Pejgamberi i uruar  
një ditë ka urdhëruar:  
"Unë nga ju flas më çelët  
më ëmbël e më këthjellët.  
Unë jam nga kureshinjtë

jam rritur tok me Sadinjtë."  
Nga shkaku i varfërisë  
ato gra që kishin sisë  
përmot zbrisnin nga dy herë  
në Meqqe dimër dhe verë.  
Atë mot q' u lint Ahmedi (a.s)  
nga zija hiqte mil-leti.  
Ishte bërë trokë tera  
në zi, njerës, kafsh' e bera.  
Aqë kish shtrënguar zija  
vdisnin bota nga urija.  
Bu...kë, bu..k..ë syt i qepnin  
kësi soj shpirtin e jepnin.  
Porsi gjithë grat' e tjera  
dhe Halimeja e mjera  
në Meqqe ardhi kërkonte  
do një foshnje ta mëkonte.  
Shoqet gjetën edhe ikën  
si cila takoj në mikë.  
Muhammedi (a.s) jetim ishte  
kujtonin s'kish kush ta vishte.  
Thoshin s'ka kush pas t'i bjerë  
gjyshi ashtu do ta lerë  
Halimeja kërkoi s'gjete  
trubull e helmuar mbeti.  
Kur pa Abdul-Muttalipin  
që shihte mëmëz për nipin  
zonja Halime pyeti  
për plakun q'ishte si mbreti.  
I than' është ky plak trimi

Abdul-Muttalib Hashimi.  
Ky është' i math i Meqquesë  
prej sij kanë bota shpresë.  
Ky nga populli nderonet  
sikush për të përgjëronet.  
Halimeja thot' i dolla  
plakut përpara i fola.  
O zotni i math i nderçim  
fisnik i vjetër' i herçim  
sisëdhënëse jam unë  
në dashqë nema mua çunë".  
Më tha cila je?" i thashë:  
"nga Beni Sadi një vashë"<sup>1</sup>  
Më th emrin si ta thonë?"  
thashë: nHalime gjithmonë.  
M'u përgjegj sa i-a zu veshi  
dhe pak' nëpër buzët qeshi:  
"Fisi tënt (Lumtëri) quhet  
emri (e urtë) si duhet.  
Të dy emra fort të mirë  
njeriut i falin dëshirë.  
Lumtërija Urtësija  
lëvduar nga Perëndija.  
Nip'i im jetim ka mbetur  
sisëdhënëse s' kam gjetur.  
A e mer Halime tinë  
q'ë t'i-a shohq lumtërinë.  
Nga ky çuni jetë gjati



<sup>1</sup>*Beni Sad -fis i sadit, Sad-lumtëri, Halime-e urtë, e butë.*

do të të ngjallet ty fati.  
Për të veshur për të ngrënë  
shumë të kam për të dhënë".  
"Të pyes burën njëherë  
pastaj vinj' o zot i ndjerë".  
Mora lejë shkova prapë  
i thashë që të ma napë.  
Nde Amineja më shpunë  
e kur e shoh foshnjën' unë  
aqë fort ma zuri syri  
zjar'i math në shpirt më hyri.  
E ëma si mbretëreshë  
ne çdo të pame me peshë.  
Bukurin' e gjithësisë  
e ngrita ta vë në sisë.  
Çudi e madhe se Nuri  
sisën' e mëngjër s' e zuri.  
Dukej t'im biri i-a linte  
prandaj atë nuk e zinte.  
Dhe vërtet ashtu ka ngjarë  
sisët ashtu i pat ndarë.  
Shpirt i math të djathtën zinte  
dhe im-bir të mëngjërën pinte.  
Të shtatën ditë është ndarë  
nga sisa foshnjëz e mbarë.  
Zonja që po i jep sisë  
ish nga fisi i Lumtërisë.  
Mëma pas emrit që pati  
ashtu i ndihu dhe fati.  
Lumtërin' e Urtësinë

mori dhe zuri shtëpinë.

Vajti me të mira shumë  
që s'i kish parë në gjumë.  
q'atë natë q'e ka marë  
puna i ka nisur mbarë.

Ishte këmbë-mbarë djali  
i u shtua fort kapitali.  
Dhentë bulmetin i a shtuan  
nga varfërija shpëtuan.

Thosh zonja: fat-bardhësija  
mirësija, lumtërija  
rehatija, mrekullija  
ndaj unë dhe Perëndija.

Ndaj un' është i Vërteti  
kurse m'ardhi Muhammedi. (a.s)

Si çiliminjtë nuk qante  
si të tjerët, çdo gjë s' hante.

Ajy si shokët nuk ngiste  
kur s'rinin urtë i-u fliste.

Shokët lonin ajy s'lonte  
ëmbëlsisht i këshillonte:

"S'u krijuam për të lojtur  
po si njerës duhet rrojtur".

Foshnjë dukej, po nga fjalët  
ishte plak nga më të rallët.

I tha një ditë i shoqi:  
"Lëvdoj Zotin që na poqi  
me këtë çun këmbë-mbarë  
q'i ka të mirat me barrë.

Të hapç sytë ta shoç mirë

me të ngrën' e me të pirë.  
T' i rish pas nga do të vejë  
do një rezik mos e gjejë".

Posa mbushi muaj gjashtë  
zu delte më këmbë jashtë.  
Ai nëntë me të bërë  
e fliste gjuhën të tërë.

Nga muajët bëri dhjetë  
filloj shtinte me shigjetë.  
Kur delte jashtë zbavitej  
një re mbi kok' i vërtitej.

Që prej ditës q'ishte pjellë  
trup' i tij s' pat parë djellë.  
A ka nur të ketë hije?  
Ajy ish nur Perëndije.


Dhe shumë çudi i panë  
që nuk kan' as funt as anë.  
Thanë: "Me kohë do shpënë  
s' dimë se qysh është thënë.

Mos e dhëntë Perëndija  
që ta gjejë keqësija.  
Sa më shpejtë aqë më mirë  
t'i-a shpiem xhevahirë".

Kur u bë nga vjeçët pesë  
i-a doruan Aminesë.

## Vdekja e Aminesë

Amineja mori lejë  
u ngrit Medinë të vejë.  
I a vizitoj burit varrin  
me gjith të birin' të mbarin.  
Ummi-Ejmenin kish marë  
natën shërbim për të parë.  
Si e panë farën' fisnë  
pas ca dit prapë u nisnë<sup>1</sup>  
Askujt s'i qesh buza kurrë  
ra e ëma mb'udhë smurë.  
I-u qas nga kryet i biri  
e pa t'ëmën edhe thiri:  
"Ah çdo i gjallë të jetë  
vjen edhe shkon nga kjo jetë.  
Mëm' e atë kujt i mbeti?  
Gjëm' e zezë cilin s'gjeti".  
Pushtoj t'ëmën mallëngjyer  
lott' e tij dyk e zbërthyer.  
"Ndarj' e zezë tha e ëma  
djek botën e martë nëma.  
Por s'kam keq se lë një djalë  
si ky askush nuk ka dalë.  
Emri im nuk vdes kurrë  
se për shenjë po lë nurë."



<sup>1</sup>Muhammedi që foshnjë sa ishte në Medinë mësoj not shumë bukur


Të birë dyke pushtuar  
nga kjo jetë ka shpëtuar.  
Gjashtë vjeç e la e ëma  
kur e gjeti çunin gjëma.  
Veç një shërbëtore pati  
q'i kish mbetur nga i ati.  
Ajo Umme-Ejmen quhej  
e shihte ëngjllin si duhej.  
O fat si s'të plasi syri  
e ëma në dhet kur hyri.  
Si s'u nxi bota e shkretë  
si s'ran yjet tatëpjetë?  
Si s'u gremis gjithësija  
kur mbet mb' udhë çilimija?  
Ç' pate o fat ditë-prerë  
e le jetim Pejgamberë!  
Pejgamberë q'ish i mitur  
gjashtë vjeç foshnj'e paritur.  
Mos pandeh se keq punove  
atij asgjë s'i cënove.  
Gjyshn' e dashur ndihmës pati  
e pa më fort se i ati.  
Do të drejtën Zoti vetë  
s' e la foshnjën në të shkretë.  
S'e la të shkretë i dha dritë  
arësim gjith dituritë.  
Pejgamber mi Pejgamberët  
e bëri, s'la botën terrët.  
Plas o fat, plas nga nakari  
në gjithësit është' i pari.



Është shpirt i gjithësisë  
e palc' e Profetësisë.  
Është rrënj'e ndodhësisë  
shpirt i math i Perëndisë.  
Shpirt i math e shpirt i parë  
që ndër shokët s'kish të ngjarë.

### **Lutje për shi<sup>1</sup>**

Shkoj dy vjet një thatësirë  
s' ngeli bar në shkretëtirë.  
Vdisnin bota nga uriya  
dhë kafshonin bagëtija.  
Dhe egërsirat e malit  
i-u lëshuan bregut, zallit.  
U hutuan krejt remeti  
thua u bë kijameti.  
U ngrit Abdyl-Mutalibi  
bashkë dhe Ebu Talibi.  
Për dore çunin e kapën  
malin Ebu-Kubejs çapën.  
U këthye dret Kiblesë  
plaku i mirë me besë.  
Ngriti duart filloj të lutet  
loti nga sytë i këputet.  
Për nder të çunit të mirë  
o Zot i math plot-mëshirë



<sup>1</sup>577 pas K.

falna shi ngjallnaji tokën  
o Zot shpëtona kokën.  
Pas lutjes s' shkoj kohë shumë  
fali Zoti shi si lumë.  
Parësija e uruan  
plakun e falënderuan.

### **Abdu-l Muttalibi në kohët të vdekjes, nipin kujt po i a lë?**

Kur i bë tetë vjeç nipi  
ndëroj Abdu-l-Muttalibi.  
Nga pun'e vdekjes kur zuri  
i mblodhi çunat ne gjuri -  
Tha: "E shoh, do të vdes unë  
kush e mer ta mbajë çunë?"  
Ebu Lehebi më parë  
i dolli për zot ta marë:  
"Zoti në më dhëntë jetë  
do ta kem tha kujdes vetë."  
E di i tha, je i pasur  
në shkallët të lartë nqasur  
por ngaj zemra je i fortë  
s'kudzoj të ta lë në portë.  
Tha Hamzaj:"O zotni i ndjerë  
të lutem, mua ma lerë.  
Sikundrë jep urdhëratë  
ta kem kujdes dit' e natë".  
Ashtu është' i tha si thua


por nuk më fle mëndja mua.  
Ngaj që s'ke fare fëmijë  
aqë keq s'mund të të vijë.  
Pas këti u ngrit Abbazi  
si duhej zemrën i-a zbrazi.  
E di tha o bir dhe unë  
që të vjen keq fort për çunë  
zemër-gjërë fort i mirë  
gjuhë ëmbël me mëshirë.  
Ke djem shumë, s' i vë veshin  
kam frikë, nipin ma ngjeshin.  
Ebu-Talibi së fundi  
dhe ajy u lut sa mundi.  
"Mua lema djalën mua  
si syn' e djathtë ta dua"  
E di; do ta duash mirë  
e s'i flet me ashpërsirë!  
Ta pyes beben' e syve  
kë pëlqen vallë prej juve.  
Bir! Arth shpirti për të dalë  
mua ma ndaj këtë fjalë.  
Kush të kënda të të marë  
fol' o shpirt! o bir i mbarë!  
Ebu-Talibin tha dua  
atje më fle mendja mua.  
E gushoj djalën nga gazi  
lottë si breshër i zbrazi.  
As po çkujdesur të lashë  
shpirtin pa dhimbje e dhashë.

Mbylli sytë ndëroj jetë  
shpirt i tij u ngjit përjetë.  
Tetëdhjet e dy ka qënë  
në Haxhun e kanë vënë.

### **H. Muhammedit, syt' i lëshonin mjegull. Prifti i Uqadhit ç'tha?**

EbuTalibi e mori  
nga të këqijat e nxori.  
Me t'ungjin e tij, Zubejrë  
ka vajtur n'Jemen njëherë.  
Zubejri e shokët ç'janë  
udhës shumë çudi panë.  
Meqqueja me të çuditej  
ndryshonte puna sa rritej.  
Dit për dit çudi pikaste  
ndruhej kujt zemrën s'i-a zbraste.  
Ebu-Talibit një ditë  
ia zbuloj nipi çuditë.  
Mos të vin' i tha prej dhembjes?  
A mos të duken prej trembjes?  
Kësi soj si shkoj një kohë  
ia shpuri priftit ta shohë.  
Prifti Sukul-ugadh rinte  
bar' e syve mir' e dinte.  
Me t'ungjin në kishë vanë  
sa mundnë portës i ranë.


Portës sado fort, q'i sillte  
ishte fellë s'ndjente, s'delte.  
Zuri kisha e po tundej  
prifti me ç' kish brënda shkundej.  
Me nxitim jashtë ka dalë  
kur sheh plakun me gjith djalë.  
Tha:"Ky çuni do të jetë  
pejgamber m'i math në jetë.  
Dhe një çikë do mos delnja  
brënda pa frymë do ngelnja.  
Hapni sytë mos përtoni  
nga çifutët ta shpëtoni.  
E pillojnë dit e natë  
janë të liq, krye-thatë"<sup>1</sup>  
e vu re si duhej prifti  
s'i kish gjë syri as qifti.  
Ky trup është tha i shruar  
nga ç'do sëmundje i quar.  
Ata që sheh engjej janë  
filluan t'i vinë pranë.  
Ta dish ky çun' i uruar  
është Profet i mbaruar.



<sup>1</sup>Jahudinjt; si katisnin Isan; ashtu edhe Muhammed Mustafan;


## Udhëtimi i Muhammedit për në Siri dhe këthimi i tij

Disa mijë vjet më parë  
kanë qënë tregëtarë  
kurejshët, ismailinjtë  
me barr'i kishin florinjtë.  
Prandaj e ndiqte dhe nipi  
kur shkonte Ebu Talibi.  
Ishin me nam tregëtarë  
të drejtë, me nder, të parë.  
Pale i math Muhammedi  
në drejtësit famë gjeti.  
Fjal'e tij kapital ishte  
besnik si ajz nuk kishte.  
Bari dhensh kurrë s'ka qënë  
disa më kotë kanë thënë.  
Desh, që kur ish dy-mbë-dhjetë  
të udhëtonte edhe vetë.  
Kur shkoj n'Sham Ebu-Talibi  
qavi desh të ndjek dhe nipi.<sup>1</sup>  
Basrul Harir kur u nqasnë



<sup>1</sup>Të huajtë udhëtimin të peygamberit i japin një rëndësi të madhe, që të gjejnë shkak me thënë se shihte, dëgjonte, pra mësonte. Mirëpo udhëtimet e tij kanë qënë aq të pakta dhe të shkurtra dhe kanë qëlluar në kohë të djalërisë, që mund të thuhet se brënda dy tri orësh që piquej me një të ditshëm të mësonte të gjitha. Marigolioti thotë me mëndjen e vetë: "mundet të ketë udhëtuar dhe në det që flet aqë hollë në Kur'an përmbi punën e detit. Këta si e bëjnë inqar vahjin çpifin ç'do gjë edhe flasin më kot.

prej një kishe u pikasnë.  
Se karvani nga do vinte  
një re mbi krye i rinte.  
E dinte prift i kënduar  
se ç'ishte yll'i lëvduar.  
N'atë çast vu e gatuan  
dërgoj njerës e i ftuan.  
Të gjithë për drekë vanë  
yllin ndër plaçkat' e lanë.  
Kur sheh renë s'hiqet prapë  
I tha njërit prifti çapë!  
Bjerë dhe atë që mbeti  
se ai është shpirti, është mbreti.  
Behiraj ish fort i ditur  
me të parë yllin e ndritur  
shenjat që dinte i-a zgjasi  
nde çuni tër' i pikasi.  
Prift' i past uratën  
i puthit çunit vuratën.  
Është Pejgamber për jetë  
shum' i vlefshim do të jetë.  
Çifutët po sa ta shohi  
pas shënjavet do ta njohin.  
Mos i bëjnë dëm, kam frikë  
e mira, shit plaçkat ikë.<sup>1</sup>  
Në Sham nuk duhet të shkoni  
por shisni plaçkat, ngarkoni.




<sup>1</sup>Jahudinjtë pas shënjavet që kishin në Tevurat e dinin pa dyshim se ai ishte i Pejgamber i pasmë.

Behirajt fjalën s'i-a thyen  
në Meqqe prap' u këthyen.

### **Udhëtimi për n'Jemen dhe lufta e Fixharit<sup>1</sup>**

T'ungjit Zubejri, Abbasi  
Muhammedin e nagasi.  
Nga Jemeni t'udhëtojmë  
me tregëti të fitojmë.  
I dha lej, Ebu Talibi  
mori rrugë me ta nipi.  
Shtatë-mbë-dhjet ka qënë  
në kët' udhë kur ka rënë.  
Shumë shënja kanë parë  
këtë rend trimat e mbarë.  
Ndër Uqadh kur po këthehen  
kurejsht, Hevazin mbërthehen.  
Mori flakë luft' e shkretë  
ku me shpat' ku me shigjetë.  
S'mori pjesë fare nipi  
me gjith q'ish Ebu-Talibi.  
Se e njihte të mallkuar



<sup>1</sup>Luft e Fixharit ka vazhduar 9 vjet. Fixhar-të punuar mëkat. H. Muhammedi (a.ska takuar në të dytën luftë. Kryetar i kurejshit në këtë luftë ka qënë Zubejri i ungji i Pejgamberit. Në katër muaj të shenjtë lufta ishte Haram. Këta nuk e vunë re po luftuan, prandaj u quajt lufta e mëkatësisë-harb-Fixhari. H.Muhammed (a.spër këtë shkak nuk mori pjesë. Lufta vazhdonte midis fisit kurejsh dhe beni kajsit.



luftën në vakt të bekuar.  
Mjaft vazhdoi kjo luft' e ze  
i-u këputi fare mezë.  
Pas ca ditë u sos u ndanë  
u vendos gjakun e lanë.  
Bën arbitër Muhammedin (a.s)  
ku kish mbledhur remetin.  
Me atë mëndjen e lartë  
dha një vendim fort të qartë.  
Të gjithë atë e pranuan  
si i-u tha ashtu punuan.

### **Besë-lidhja e Fadlëve<sup>1</sup> për të mprojtur karvanin e për të përkrahur të dobët**

Nga luftat e nga grabitjet  
nga vrasjet e nga plaçkitjet -  
me qindra vjet Arebija  
u shua nga njerëzija.  
Nga luft' e zezë e Fixharit  
që kallëzuam së parit -  
me të këthyer Zubejri  
paqen i a kërkonte nderi.  
Tha: "Disa njerës të mblidhen  
edhe burërisht të lidhen.  
Karvanët të mos përkiten



<sup>1</sup> Në kohrat shumë të vjetra ka patur një besë-lidhje kësi soj q'u bë në shtëpi t'Aabdullahut. Kjo e vjetra ish nkryer prej Fudejl Harithit. Fudejl Vaasa edhe prej Mufeddalit, q'ishin nga fisi Xharhum.

edhe bota të mos vriten.  
Të dobëtit të ndihmohen  
nga kjo këshillë të mprohen.  
U zgjodh Zuhreja, Hashimi  
edhe i treti Tejimi -  
Te Abdullah Xhed'anit  
për çështjen e karvanit -  
ashtu edhe për qetësinë  
I zunë këti shtëpinë.  
Ish dhe Muhammed Emini  
ku do të lidhej jemini.  
Kështu kanë lidhur besë  
që populli i Meqqesë  
të ngratëve t'i u ndihmojë  
nga shpirt i keqët gjith t'i mprojë.  
Nga Zallëmët kush nuk bindet  
në Meqqe nuk mund të gjindet.  
Besa e Fadlëve thuhet  
edhe Hilfu-l Fudul quhet.  
I dashur' i Perëndisë  
edhe pas profetësisë  
kur kjo bes' është kujtuar  
kësi soj ka kuvenduar:  
"Edhe sot po të thëritem  
për kësi lidhjesh s'mërzitem"  
Do me thënë është e pëlqyer  
pun' e mbrothshme, e çkëlqyer.



## **Udhëtimi i H. Muhammedit (a.s) për në Sham me karvanin e Hadixhesë**

Ai që kur ishte djalë  
emr'i mirë i pat dalë.  
Muhammed, besnik i thanë  
e besonin në çdo anë.  
Hadixhe e Huvejledit  
mjaft gjë i tha Muhammedit (a.s)  
dhe i-u lut n'Sham ta dërgojë  
ç'mall të dojë të ngarkojë.  
Të lutem veç t'udhëtoni  
pra për gjysëm ç'të fitoni.  
Si kujdestar do të shkoni  
të vini re të shikoni.  
Ebu-Talibin e pyeti  
mori lejë shkoj Ahmedi  
Hadixheja Mejserenë  
dhe kushrinë Huzejmenë  
ia dha Mustafajt t'i ketë  
që t'i ngarkojë devetë.  
Me karvan'n e Hadixhesë  
kur shkoj ish njëzet e pesë.  
Atje ku la Behiranë  
tashti gjeti Nasturanë.  
Ky ca më shum' i munduar  
prej Behirajt m'i kënduar.  
Muhammedi me të shkelur  
u ngrit derën i-a ka çelur.

Me një vrap të math ka dalë  
dhe e ka puthur në ballë.  
Vulën që kish i-a ka parë  
ia ka puthur dzk'e qarë.  
I tha prifti: Mjeseresë  
ca fjalë ngaj pun' e fesë.  
Zotin, Muhammedin zuri  
duke bërë be Nasturi:  
“Isai bir' i Marisë  
në librin e Perëndisë -  
sheshit na ka urdhëruar  
për këtë çun' e uruar.  
Kur të vijë Muhammedi  
ta dini tjetër më s'mbeti.  
Fare mos i kundërshtoni  
besojeni që të shpëtoni”.  
Në Sham ju them të mos shkoni!  
Shisni ç'kini dhe ngarkoni!  
Se çifutët ngrehur janë  
po gjurmojnë në ç'do anë.  
Po ta gjejnë nuk e lenë  
e mira, zini Meqqenë.  
Plaçkat në Basra i shitën  
prapë në Meqqe u ngritën.  
U gëzua Hadixheja  
kur i tregoj Mejsereja  
nga drejtësi e Ahmedit  
nga fitim i tixharetit.

## **Këthimi dhe martesë e H. Muhammed (a.s) me Hadixhenë**

Kur është këthyer prapë  
ishte një zhek e një vapë.  
Aqë përvëlonte djelli  
thua furrë u bë qjelli.  
Njeriu si peshku përzhitej  
dy, tre hape të çapitej.  
Kur zu Ahmedi Meqqenë  
me shokët, me Mejserenë  
atë ditë Hadixheja  
dhe ca plaka, ca të reja  
shohin Mustafajt përtpjetë  
nga shkon, po i sillen retë.  
Kur u poq me Mejserenë  
kallëzom i tha për renë.  
Filloj punrat t'i-a tregojë  
ajo mbet me gisht në gojë.  
Nasturaj ç'i kishte thënë  
në Sham përse s'e pat lënë.  
I-a tha tërë mrekullitë  
u çudit zonja, si dritë.  
Zati edhe vetë kish parë  
ëndër disa ditë më parë.  
Sihariqin e pat marrë  
prej Verekasë të mbarë:  
"Ti do të gjejsh lumtërinë,  
do març Muhammed Eminë".

Tani dyshim më s'i mbeti  
që profet ish Muhammedi.  
Me gaz i qe mbushur zemra  
fluturonte thua femra.  
Thoshin edhe shumë të ditur:  
"Ky është profeti i pritur".  
Famë madhe Hadixheja  
zonjë që s'e kish Meqqeja.  
Në fist dhe nga bukurija  
ashtu dhe nga pasurija.  
Nga mëndja nga diturija  
fare gjë s'ishte Perija.  
Në stërgjyshi Kasijj janë  
një farë me Mustafanë.  
Vereka bir'i Nevfelit  
kushëri me hënën e qjellit.  
Nga hanifët numërohej  
nga të ditshmit fort nderohej.  
Të kushërirën e mësonte  
dhe ajo një Zot besonte.  
Të dy burrat, jetë-shkurtë  
që pat marë zonj' e urtër.  
Mbretëresha e ve ishte  
për martesë zili s'kishte.  
E kërkuan mjaft të tjerë  
po s'pëlqente zonj'e ndjerë.  
Sjell'e mirë e Muhammedit  
Hadixhesë së Huvejledit  
I kish bërë vënt në zemër  
goditur e mjera femër.


E ç'femër munt të duronte?  
Atë yll kur ta vështronte.  
Trupth' i tij ishte i derdhur  
nga ç'do gjymtyrë i zgjedhur.  
Syr' i tij të pikëllonte  
me qiftin të përvëlonte.  
Thua se ishte krijuar  
vetë si kish dëshiruar.  
Si nga trupi, nga morali  
ishte ëngjëll' ëngjëll djali.  
Para tij melekët ç'janë  
nderin prej atij e kanë.  
Muhammedi s'kish të metë  
s'i ka ardhur shoq në jetë.  
Zonja mentohej ç'mentohej  
me çunin qysh të martohej.  
Më tepër nga shënjtëria  
e desh se nga bukurija.  
I pëlqeu besnikërinë  
I pëlqeu fisnikërinë.  
Ajz i ri vet e shkuar  
zor i math për të bashkuar.  
Zonjën Nefise e donte  
ç'do send me të bisedonte.  
Pra një dit' i qavi hallin  
dzk' e zënë gojësh djalin.  
Nefise! O zonj' e lartë  
mëndje-hollë, e gjuhë-zjartë.  
A është e mundur të shkonje  
Muhammedin ta shikonje.



Mos i mbushnje mëndjen tinë  
ta mar Muhammed Eminë.  
Po e sheh sa më kërkojnë  
dhe me ar po më ngarkojnë.  
Por për gjë nuk kam nevojë  
mjafton vetëm të më dojë.  
Shihi mëndjen, a ka shpresë  
a ka mendim për martesë?  
Shkoj Nefiseja një ditë  
Ahmedit i dha vizitë.  
Fjalën për martes' e pruri  
pyetjen kësi soj e zuri:  
“Muhammed përse s'martohi?  
Për këtë ç'farë mentohi?”  
I tha nuk jamë përgatitur”  
përgjegjet zonja pa pritur:  
“Po gjete grua fisnike  
me gjë, të bukur, besnike.  
Me sjellje e sendërqare  
si duhet denk e fetare.  
Shpenzimet sipër t'i marë  
a kënaqesh yll i mbarë?”  
Ç'është ajo tha Muhammedi  
tha: Hadixh'e Huvejledit.  
Ndërmjetës kush do të jetë?  
Nefiseja: unë vetë.  
Me gaz të math Nefiseja  
me vrap shkoj ne Hadixheja.  
Zonjë! Sihariq të qoftë  
All-llahu ju trashëgoftë.

Ta mbaroj dëshirën Zoti  
për ty, gjith, pranverë moti.  
Me q'i kish vdekur i ati  
t'ungjin Amr Esedin pati.  
Dhe kushëririn Verekanë  
për kuror i mbajti pranë.  
Si përfaqshues për nipin  
dërguan Ebu Talibin.  
Hamzaj tok me Mustafanë  
dhe disa të tjerë vanë.  
Nga kurejshët shumë ftuan  
për dasmë ç'patën gatuan.  
Në shtëpi të Hadixhesë  
u lidh kurora pas fesë.  
Pas fesë së Ibrahimit  
q'i u kish mbetur prej Hashimit.  
Ebu Talibi mer fjalën  
porsi trimi që qit pallën:  
“Lëvdoj Zotin e vërtetë  
që s'ka as cen as të metë.  
Neve Zoti na ka bërë  
ashtu si e dini tërë.  
Nga rac e Profet Halilit  
nga fisi i Ismailit.  
E nga soji i Meaddit  
e nga dega e Medarrit.  
Na e la Qaben në dorë  
dhe na bëri shërbëtorë.  
Na ka bërë kryetarë  
përmbi gjith botën të parë.

Pra të vim aty ku jemi  
ç'duhet me thënë të themi.  
Bir i vëllajt Muhammedi  
një çun që s'e ka qyteti.  
Me ç'kurejshi që të zgjaset  
këtij askush nuk i nqaset.  
Me mënt e me fis me farë  
ky del m'i lartë, m'i parë.  
Nuk shihet se s'ka gjë shumë  
se gjëja shkrihet si brymë.  
Gjëja është si një hije  
jepet, meret, ngrihet, bije.  
Sa nder të math ka e njihni  
dhe për Zotin do ta shihni.  
Se sa vrik do naltësohet  
mbasi juve s'ju besohet.”  
I zgjat dorën Hadixhesë  
zonjës fisnike, me besë.  
Kaqë mall jep për kurorë  
kaqë pas kaqë në dorë.<sup>1</sup>  
Pas Ebu Talibit s'ngeli  
foli Verek Nevfeli:  
“Lavdërojmë Perëndinë  
na krijoj si thua tinë.  
Më të çquar na ka bërë  
nga ç'numuruat tërë.



<sup>1</sup>Njëzet deve nga gjëja e Ebu Talibit për lidhje kurore u dhanë në dorë. Si pas fjalës që po mban përfaqësuesi i Hadixhesë Vereka Nevfeli po meret vesh se çmimi i njëzet deveve kushton katër mijë mithkal ari.

Pra nga an'e kryesisë  
jemi yjt e Arebisë.

Edhe ju kësi soj jini  
nder të math, naltësi kini.

Nder'i fisit tuaj s'mohonet  
dhe n'e mohofshin s'pranonet.

Pra edhe ne dëshirojmë  
me ju miqësi t'afrojmë.

Tha: "dëshmoni o të ndershëm  
burra të rinj e të hershëm!"

Me urdhërin e All-llahut  
Muhammedit t'Abdullahut

Hadixhen' e Huvejledit  
me dëshmin e xhemijetit.

Kuror' i lidha ta dijë  
me ar mithkal katër mijë.

Pas niqahut, është ngritur  
Ebu Talibi ka pritur

krerët dhe i ka gostitur  
turli gjellra i-u ka qitur.

Në shtëpi të Hadixhesë  
po i bien dairesë.

Kërçyen valle gjithë ditën  
mbrëmavet e mbyllën dritën.

Në shtëpit të Hadixhesë  
zuri vënt yll'i Meqqesë.

Njëzet e katër vjet bashkë  
shkuan një jetë plot dashkë.

Sa ish gjallë zonj'e mbarë  
tjatër grua nuk pat marë.

Prej prindëve Muhammedi  
ca deve, disa dhen gjeti.  
Dhe Umi Ejmen' e mjerë,  
q'e pat rritur Pejgamberë.  
Në një mot kur shtrëngoij zija  
vdisnin bota nga urija  
në shtëpit të Hadixhesë  
shkoj zonja që të mos vdesë.  
I ungji u varfërua  
gjëja që kish i-u mbarua.  
Abazit i thot' Ahmedi:  
a e sheh q'u bë kjameti?  
Yt-vëlla Ebu-Talibit  
varfërija fort i hipi.  
Ne të dy duhet t'i-a ndajmë  
nga një çun, edhe t'i-a mbajmë.  
Sa të kapërcejë zija  
se na ndihmon Perëndija.  
Abasi mori Xhaferin  
Resuli Ali Hajderin.  
Resuli kish dhe të tjerë  
foshnja q'i mbante përherë.

### **Sihariqet që kallëzonte Tevrati për ardhjen e H. Muhammedit, jahudinjtë i ndëronin**

Për Resulull-llahun pati  
kështu një ajet Tevrati:  
“Zoti nga Sinaja ardhi  
nga Sairi ndriti, zbardhi.

Pastaj ajo drit' e bukur  
nga Farani është dukur".  
Zbriti Zoti do me thënë  
ardhi urdhri që pat dhënë.  
Dhe Tevrati Sina zbriti  
Inxhili në Sair ndriti.  
Aju q'u çfaq nga Farani  
është Hazreti Kur'ani.  
Sair: emr'i Nasiresë  
Faran: malet e Meqquesë.  
Sikush e di për Tevranë  
zbriti n'Sina për Musanë.  
Edhe Isaj i uruar  
ndë Nasire ka qëndruar.  
Nga ky shkak nasrani quhen  
me emrit të fshatit thuhën.  
Prapë Musajt i ka thënë  
"Ta dish i u kam për të dhënë  
israilinjet një herë  
si ty një Profet të ndjerë.  
Është ngaj vllazërija  
ky q'i u çon Perëndija.  
Goj'e tij fjalët e mija  
nuk flet gjë nga vet-h' e tija"  
Halili me Ismailin  
vëllezër ndër Israilin.  
Prej vëllezërvet Profeti  
është vetëm Muhammedi.  
Se ndër ta s'çoj Perëndia  
tjetër nga vëllazërija.

Muhammedi i lëvduar  
si ishte i pa kënduar  
ç'i thosh Zoti atë fliste  
prej vehtes asgjë nuk ngjizte.  
Ani-l-heva ma jentiku  
s'flet prej vehtes kurrë miku.  
I zgjedhun e i lëvdueshëm  
fort alim' i pa këndushëm.  
Isai vërtet ish i ditur  
kish kënduar' raskapitur.  
Ish nga bijt'e Israilit  
s'ish nga bijt' e Ismailit.  
Ky është veç Muhammedi  
si lajmëron i Vërteti.  
Ata që shihnin Tevranë  
që lëvdonte Mustafanë  
pas shënjave që pikasnin  
njëri-tjatrën e nagsnin.  
Vinin piqnin Pejgamberë  
e gushonin fen'e ndjerë.  
Sheshit thoshin zotërinjtë  
kur flisnin me Jahudinjtë:  
"Tevrati ju thotë sheshit  
për Profetin e Kurejshit.  
Ju ajetet i ndëroni  
i u jepni ngjyrë si doni"  
Kush ishte me mënt në krye  
nga mendj'e vjetër u kthye.  
Kujt nuk i mbusheshin farat  
s'hiqte dorë nga të parat.

Kujt i a zgjidhi Perëndija  
I pranoj fjalët e tija.  
    Jahudinjtë, faqe-zinjte  
    u tërbuan si arinjte.  
Mustafan' e tradhëtonin  
pëlcisnin dhe gjë s'fitonin.  
    Ata nuk deshn' as Isanë  
    as Muhammed Mustafanë.  
Syri im ashtu ma zuri  
thotë me një vënt Zeburi.  
    “Vini re ju Sahijjunë  
    do ju çoj një Profet unë.  
Kësula e shënjtërisë,  
kap' e artë e mbretërisë”  
    Ja ky është Muhammedi  
    q'ë lavdëron i Vërteti.

### **Prifti iI Rekkës Aliut ç'i ka thënë**

Aliu Rekkë kur ka qënë  
një prift'i mirë, i ka thënë.  
    “Na ndodhet një letr' e shkruar  
    nga gjyshrit rënë ndër duar.  
Nga shokët e Isait mbetur  
kjo letra q'ish fort e vjejtur”  
    Letrën Aliu me të marë  
    fort me qëllim e ka parë.  
Pun'e Ahmedit t'uruar -  
gjër e gjatë ishte shkruar.



Thosh: “Ju ka për të dërguar  
ndë një ditë të shtrënguar  
një peygamber të math shumë  
të mos ju lerë në gjumë.

Me një kanun fort të mprehtë  
si ç’do gjyq e ka të lehtë.  
Ç’do gjyq e ka të mbaruar  
nga barr’e rënd’ i liruar.

Është një Profet i urtë  
kur flet e mat dhe flet shkurtë.  
Mëshirë-math mëndje-naltë  
zemër-gjër’ e gjuhë-mjaltë.

Kombi shumë do ta dojë  
do ta shikojë në gojë.  
Buzë-qeshur flet dhe mirë  
nuk’ flet fjalë të pështirë.

Vetë sa të jetë gjallë  
s’ka për të dalë andrrallë.  
Kurse jetën ta ndërojë  
kombi nuk do të durojë.

Do të flasin pak pa punë  
për fronin jo ti, po unë.  
Por s’gjatet, një do të vihet -  
kryes, dhe fjala do lihet.

Pas kohej vjen trubullimi  
dhe keqësohet qëllimi.  
Një i nderçëm nga të titë  
hedh lumën’ Furat’ një ditë.

Ky njeri keq nuk mentonet  
veç për mirë mundonet.

Për këtë jetë s'përpiqet  
prej madhështisë fort hiqet.  
Ç'do pun'e bën me mentime  
prej karvanit s'lot një qime.  
As prej kushit s'trembet kurrë  
është trim me besë burrë.  
Pra si lum ai fat-mirë  
Profetin e ka arrirë.  
Besoj ç'i tha Muhammedi  
lumtërin' e saktë e gjeti.  
Ati që kalon Furatnë  
me të drejtë po i-a patnë  
dhe së bashku po luftuan  
Xhennetin sak e fituan".  
E ndigjoj mir' Aliu priftin  
në çast ngriti dhe gjishtin.  
E vërtetoj Perëndinë  
u bashkua me Alinë.  
Nuk të jam, tha për të ndarë  
në luftët jam për të vvarë.  
Aliut lottë çurk' i vanë  
O Zot! Paç lëvdim pa anë.  
Sa fe të naltë na fale!  
Ishim të humbur na ngjalle.  
Nga errësira na qite  
na çele syt' e na ndrite.  
Vërtet prifti ka luftuar  
në Siffin, gjer ka fituar,  
xhennetin q'ia pati kënda  
si e kish shënuar pënda.

Prifti letrën kur e gjeti?  
Që do të vijë Muhammedi?  
Edhe kjo shëmbëll çpalli  
që ka thën Isaj së gjalli.

Folur me shokët e vetë  
pa dyshim e pa të metë.  
Për Muhammed Mustafanë  
e për Ali Murtezanë.

I pat dhënë porositë  
që kur të vinte kjo ditë  
ta besonin Muhammedin  
edhe ta shpëtonin vedin.

Prifti Aliut pse t'i ngjitej  
ç'pati në luftë të vritej?  
Kjo është një shënje qartë  
dekret i Isajt të lartë.

Pakëz sikur ta mentojmë  
dy gjë do të kupëtojmë.  
Të dy dalin me vërtetë  
Isaj Mustafai Profetë.

Ku e dinte Isaj vallë  
që ta thoshte këtë fjalë!?  
Zoti ia pat kallëzuar  
ndryshe, s'kish për të bëzuar.

Sa për priftin s'bëhet fjalë  
në shesh të luftës ka dalë.  
Gjithë bota me sy e panë  
kur me Ali Murtezanë -  
ra në luftë shehid mbeti  
shkallën që donte e gjeti.

Këto sende më kot s'shkruhen  
të mëdha mrekulli quhen.

### **Ç'thot' Inxhili i Johanasë në shapitrën' e 14, 15, 16, së shkurti**

“Ne Zoti kam për të shkruar  
dhe I kam për të kërkuar  
Periklitin t'ju dërgojë  
juve fenë t'ju tregojë.  
Është një frym e bekuar  
nga an' e Zotit dërguar”.

Thotë në një vënd tjetër prapë:

“Zoti juve do t'ju japë  
Periklitin të uruar  
q'është frym'e shenjtëruar.  
Nga emri si mua quhet  
do t'ju mësoj si duhet.  
Do t'ju refejë ç'do punë  
do t'ju thotë ç'ju them unë”.

Shapitri i gjashtë-mbëdhjetë  
thotë si thamë përjetë.

Isaj ca fjalë i-u foli  
fundin kështu i-a-u u solli:

“Ju them ta dini vërtetë  
unë pa shkruar përjetë  
Perikliti s'munt të vijë  
t'ju vërë fenë në vijë.

Të shkoj unë ne im atë<sup>1</sup>  
që t'ju çojë dritën e gjatë,  
t'ju përmendnjë t'ju tregojë  
për se ka feja nevojë”.

Me kaqë nuk ka mjaftuar  
dhe këtë fjalë ka shtuar:  
“Një të metë s'ju kam lënë  
kam edhe ca për të thënë.

Po t'i-a ju them dot s'e mbani  
s'kini fuqi t'i ruani.


Kur të vij' i Zoti vetë  
shpirt' i Zotit të vërtetë  
të drejtën do t'ju mësojë  
si duhet do t'ju forcojë.

Vetiu gjë nuk do të flasë  
kini mëndjen; flet me masë”.

Kësi lloj e kanë shkruar  
për Periklitin t'uruar.

Pa anësi ta mentoni  
të drejtën e kupëtoni.

Në thënçin se: “Perikliti  
Isaj ishte, edhe zbriti



<sup>1</sup>Në Teurat dhe në Inxhil në vënd që të thotë rob i Zotit, për nderim thotë: I bir i Zotit. Kjo fjalë u bë shkak që Jahudinjtë Uzejrin dhe të krishterët Isajn e quajtën bir të Zotit. Nga ky shkak në Kur'an H. Muhammed s'u kujtua, biri' i Zotit, por rob i Zotit. Për ndryshe që të gjithë duhet të jemi bijt e Zotit, e cila fjalë s'ka hije fare. Muhammedi (A. S.thosh: mos më përkëdhelni si të krishterët që përkëdhelnin Isanë birin e Marisë, por kur të më kujtoni duhet me thënë (Abduhu ve resuluhu Muhammedi është rob dhe i dërgueshmi i Zotit.

pas varjes ndër ta ka rënë  
i-u tha ç'i-u pat për të thënë".

I-u përgjigjemi i-u themi  
pas kupëtimit që kemi:  
Në Inxhil më të mbaruar  
shokët e tij kanë shkruar:

"Pas varjes Isaj si zbriti  
nga besa, gjë s'përsëriti.  
Gjyq feje fare s'i-u foli  
fort pak ndenji, u ngrit dolli.<sup>1</sup>

I u tha vetëm këto fjalë:  
"unë s'vdiqa jamë gjallë.  
Praën Zotit i shpëtuar  
dhe ju kam për të vështruar.  
Pas kësaj ju them ta dini  
fjalë prej meje më s'kini"  
si duhet po ta mejtojnë  
të drejtën e kupëtojnë.

Lipset ta besojn' Isanë  
ç'tha për Ahmed Mustafanë.  
Ky është ky Perikliti  
ky ardhi botën' e ndriti.

Isaj ç'i-u pat thënë tërë  
Muhammedi i ka bërë.  
S'i-u tha që dot nuk ma mbani  
porosinë s'ma ruani?



<sup>1</sup>Meret vesh se kur e ndoqnë ishte pshehur dhe pshehurazi mundet të ejtë pjekur me shokët edhe përsëri ka udhëtuar për Hindistan. (Zoti e din).

Vërtet ashtu i-u ka ngjarë  
kur arth'i Perikliti i mbarë.  
Isan' ata s'e mentuan  
porositë s'ia kujtuan  
s'e mbesuan Muhammednë  
prap ashtu si ishin mbetnë.

### **Ç'është fjala Periklitos e Paraklitos**

Krisht'i math sa ishte gjallë  
s'foli gërqisht asnjë fjalë.  
Fliste gjuhën e Marisë  
q'e mësoj kur pinte sisë.  
Fliste gjuhën Ibranishte  
gjuhën e mëmës që kishte.  
Të katr' Inxhilët e shkruar  
që ndodhen sot nëpër duar  
vetëm një është' ibranishte  
të tjerët janë gërqishte.  
Periklitos nuk ka qënë  
Periklitos është thënë.  
Por gërqisht kur e këthyen  
ngaj rrënja pak e zbërthyen.  
(Periklitos) dhe (Ahmedi)  
janë baras - Muhammedi.  
I lëvduar do me thënë  
në një mana ka qënë.

Paraklitos emër s'vihet  
Periklitos kudo shihet.<sup>1</sup>  
Lum ata q' e kuptuan  
e nga dyshimi shpëtuan.  
Sa vlejë ka diturija  
po s'ta zgjidhi Perëndija.

### **Sihariqet e Inxhilit të Barnapasë që jep për ardhjen e H. Muhammed (A.S.)**

Thotë prifti Sajl Anglikani  
në një përkthim Kur'ani.  
Flet nga Inxhili Barnapa  
I cili ka mbetur mbrapa:  
“Dije o Barnapa tinë  
Zoti e dënon njerinë.  
Për çdo mëkat të punojë  
pa dyshim do ta dënojë.  
Nga çdo mëkat që të çfaqet  
Zoti i vërtetë s'kënaqet.  
Mëma, nxënësit e vetë  
po fituan faj në jetë  
ju zemronet Perëndija  
edhe i-a do drejtësia




<sup>1</sup>Periklitos—I lavdëruar dhe Ahmed, Muhammed i lavdëruar.  
Paraklitos — bëhet timi, bëhet lutje. Mirëpo kësi emër s'duket të  
jetë vënë gjëkundë dhe as që vihët.  
Abidin Pashaj (Prevezapërmbi këtë flet gjatë.



që këta në këtë jetë  
t'i dënojnë me të shpejtë.  
Ç'kanë këta të fitojnë  
dhe nga zjari të shpëtojnë.  
Sado jam i pa-mëkatshëm  
në fajë i pa-përkatshëm  
thonë ca prej njerëzisë  
jam Zot, bir i Perëndisë.  
Zotit I vjen liksht kjo fjalë  
as Zot jam, as më ka djalë.  
Dëshëron Zot' i vërtetë  
që me mua n'atë jetë  
I mallkumi të mos tallet  
por të çporet e të ndalet.  
E deshi mëshir'e tija  
që të jetë qesëndija.  
Këtu në shesh të dynjasë  
me vdekjen e Jahudasë.  
Ç'do njeri në këtë jetë  
pandehin që u vara vetë.  
Ky çnderim edhe kjo tallje  
do të vazhdojë pa ndalje  
gjer të vijë Muhammedi  
I çuar nga i Vërteti.  
Gjithë fetarët kur të vijë  
ky do të verë në vijë.  
Ky do ta ndreqnjë gabimin  
ky do të ngrejë dyshimin.  
Zemrat do t'i pastërojnë  
e drejta do të mbretërojnë”.

Që në shekullin e parë  
Barnapa një prift i mbarë  
këtë Inxhil i ka shkruar  
prej Krishtit i urdhëruar.  
Thonë në Vatikan ishte  
ky Inxhil italishte.  
Shekulli i gjashtë-mbë-dhjetë  
e ç'duku Marina vetë<sup>1</sup>  
Ky Inxhil i uruar  
angëlishte është shkruar  
dhe arabisht përkëthyer  
prej sikujt është i pëlqyer.  
Që pa lindur Pejgamberi  
me një lloj shkrim prej Himjeri  
aty në të Vatikanit  
shkruar kjo fraz e Kur'anit:  
“Mubeshshiren Bi-Resulin”  
jep sihariq për Resulin.  
Që vjen pas meje dhe quhet  
(Ahmed) q'i lëvdushëm thuhet.  
Ky Inxhil i Vatikanit  
ishte krejt palc e Kur'anit.  
Nga goj'e Isajt kish dalë  
sihariq jepte ç'do fjlë.  
Tërë Profetët e parë  
kanë qënë lajmëtarë.  
Për të pritshmit lajmëronin  
njëri tjetrin e nderonin.




<sup>1</sup>*Shihni Tefsiri Menar, Vulum 9 fq. 291*

Të gjithë nga Zoti ishin  
njëri tjetrin shpirt e kishin.  
Prandaj ne tër' i besojmë  
I nderojm, i naltësojmë.

### **Sihariqet e një Inxhili që ndodhej Vatikan me shkrim Himjerinjsh<sup>1</sup>**

- 7) Lajmëroj shokët e vetë  
kam për t' ikur nga kjo jetë.  
Atëherë ata qanë  
ku na le o mjeshtërë thanë.  
Të vdisnim do të ish më mirë!  
Kështu mos kishim arrirë.
- 8) I porositi t' mos tremben  
e zemrat të mos i-u shemben.
- 9) Mua krijues nuk më kini  
ju krijoj Zoti ta dini.  
Krijuesi do të ju mprojë  
fjal' e tij do mbretërojë.
- 10) Un ardhja për t'i-a gatitur  
rrugën, profetit të pritur.  
Kur vjen nga Zot'i vërtetë  
do t'u shpëtojë për jetë.
- 11) Mos gënjehi ruhi pakë  
nga profetët rrenacakë.



<sup>1</sup>Në shapitrin 72, shihni Tefsiri Menar vulum 9 faqe 293

Renësi me fjalën t'ime  
librit m'i sjell ngatërime.

12) O mjeshtër i tha Andrea  
për të, ka shënja të tjera?

13) S'vjen i tha në vaktin tuaj  
pas jush shumë vjet më pastaj.

Do të vijë kur Inxhili  
ndryshonet fare nga filli.

Asi kohe do të ketë  
fetarë veç nja tridhjetë.

14) Do t'i dhimbet Perëndisë  
për heqjen e njerëzisë.

Për të shpëtuar remetin  
do të dërgojë Profetin

që do t'i rijë mbi krye  
një re e bardhë për hije.

15) Vjen me një fuqi të mirë  
për humbësit nd' errësisë.

Staty-faljen do ta ngrerë  
ky nga bota me një herë.

16) Prej sij jam fort i kënaqur  
me të është për të çfaqur

Zoti dhe do të lartësohet  
ç'thashë do të më bësohet.

17) Ajy duf ka për të marrë  
nga ca njerës që më parë.

Për mua paskëshin thënë  
m'i math se njeriu kam qënë.

18) Ju them fjalën e vërtetë  
kur është i vogël' e i qetë

Hënën që vinte të flerë  
rritet me gjisht do ta zerë(?)

19) Bota duhet mëndjen mbledhur  
s'është njeri për të hedhur.

Se ajy do të luftojë  
putet do t'i copëtojë.

20) Musaj rob' i Perëndisë  
prej syresh vrau një shumicë.

N'ato vise s'mund të rijë  
q'i ndoqnë s'lanë fëmijë.

21) Sepse plaga kur motohet  
pa djegur s'shrohet s'ndërtohet.

22) Vjen me një send të vërtetë  
do të çkëlqejë në jetë.

Nga Profeti do të ndajë  
rrugë-dalët do t'i shajë.


23) Për burxhet që ka qyteti  
që prej prindërve na mbeti  
ai do t'i rindërtojë  
njëri-tjatrën t'i shtojë.

24) Kurse falje statyve  
do të gremiset para syve.

Dhe për mua do të thotë  
që s'jam veç njeri në botë.

Ju them me të vërtetë Profeti  
do të vijë nga i Vërteti.

3) Krye-hahami i thënka<sup>1</sup>  
Në një përgjigje q'i dhënka.



<sup>1</sup>Në shapitrin e 96 të këtij Inxhili që gjinde në Vatikan, si thotë Sajli.

Në librit të Musajt shkruar  
për Mesihun e uruar  
që Zoti do ta dërgojë  
urdhërin të na i tregojë.

Vjen mëshir'e Perëndisë  
mëshira e gjithësisë

4) Pra të lutem a je vetë  
ti mesihu i vërtetë?

5) Ke të drejtë i ka thënë  
Zoti fjalë na ka dhënë.

Atë mos më pandeh mua  
para meje u krijua

dhe pas meje do të vijë  
sikush kështu le ta dijë.

6) Isajt Hahami i thotë:

“Ne të besojmë s’flet kotë  
je lajmëtar i vërtetë  
I shënjtëruar për jetë.

7) Me emrin e jahudinjeve  
edhe gjith’ israilinjeve.

Lutem ç’ke për Perëndinë  
shënja për Mesihun tinë?

8) Tha, për Zotin ju bëj benë  
që drejt tij e kam vet-henë.

S’jam ky që prët rezullimi  
që ka thënë at Ibrahim.

Me barkun tënt po i thotë  
po bekoj kombet në botë.

9) Kur më kap Zoti nga bota  
dreqi [pif fjalë të kota.

Jam Zot e bir Zoti unë  
kësi soj ngatëron punë.

10) Kështu pra nga njerëzija  
fjalët, mësimet e mia  
turbëllohen, ngatërohen  
besimtarët krejt farohen.

Mbeten vetëm nj'a tridhjetë  
në fet t'ime të vërtetë.

11) Bota kështu kur të shembet  
Mëshirë-Madhit i dhembet.

Dërgon Profetin e vetë  
q'u çpik për të ç'ka në jetë.

12) Nga an'e jugës do vijë  
me një fuqi do t'i grijë

statytë prej kësaj tokës  
falësve i-u bie kokës.

13) Prej dreqit e ngre fuqinë  
më s'nagas dot njerëzinë.


14) Vjen me mëshirë-qjellore  
shpëton fetarët për dore.

15) Fjalën kush do t'i-a besojë  
I bekushëm do të rrojë

.....  
.....

1) Pas tij tha Haham i ndjerë  
do të vijnë Pejgamberë?<sup>1</sup>

2) Tha Isaj pas tij në jetë  
s'vjen lajmëtar i vërtetë.



<sup>1</sup>Në shapitrin 97 të Inxhilit të sipërshtënëuar.

3) Do të vijën gënjeshtarë  
nga kjo, helmi më ka marë.”

.....  
.....

13) Tha Hahami si do quhet  
për ardhje, ç'shënjë i duhet?

14) Isaj tha është' i çuditshëm  
emr'i Mesihut të pritshëm.

Zoti kur e krijoj vetë  
e vuri në qjellt përpjetë.

15) Tha Zoti: “Muhammed tinë  
duro sepse gjithësinë  
parajsin edhe një shumë  
për ty e gatita unë.

Kush t'uron është i bekuar  
kush të shan është i mallkuar.

16) Kur të të dërgoj në botë  
të bëj shpëtimtar të fortë  
fjala tënde e vërtetë  
ngaj ty rena do mos ketë.

Qjelli e toka renohet  
besim' i yt nuk cënohet.

17) Emri i tij i uruar  
Muhammed i lavdëruar.

18) Sa njerës që patnë qënë  
gjith me një zë kanë thënë:

Zot! Profetin tënd dërgona!  
Muhammed! ja shpejt shpëtona.



## Ndërtimi i Qabesë dhe guri i zil

Qabeja ish prishur shumë  
shiu i math kur bëhej lumë.  
Meqë s'ishte dhe e naltë  
e mbushte brënda me baltë.  
Janë mbledhur krejt të parët  
nga gjith fiset, kryetarët.  
Qabenë qysh ta ndërtojnë  
punërat qysh t'i pjesëtojnë.<sup>2</sup>  
N'atë kohë që mentonin  
për Qabenë ta ndërtonin  
anës Xhides ishte thyer  
një gjemi dyk'e këthyer.  
Të parët që bisedonin  
përmbi ndërtesën që donin  
zgjodhën Velid Mugirenë  
gjemin' e prishur ta blenë.  
Inxhner Bakumin gjeti  
ndër atë gjemi që mbeti.  
Si i bleu materialë  
me Bakumin lidhi fjalë<sup>3</sup>  
Velidi me inxhinerë  
zunë Meqqen menjëherë.



<sup>1</sup>605 pas Krishtit.

<sup>2</sup>Në librin *Tabakat t'Ibn Sadit (taberi në Siret t' Ibn Hishamit Zerkanit, vulum 1 fq. 236-240*

<sup>3</sup>Gjemia ishte e bizantive dhe Bakumi ishte grek.


Gur e zi kur do ta vinin  
njëri tjetrin nuk e linin.  
Cilido ne do ta vëmë  
të përmbysët tjetër s'lemë.  
U nxehën u ashpëruan  
u përllan, u ngatëruan.  
U ushqye me mish palla  
mezi mori fundim fjala.  
Do ta bëhej lumë gjaku  
por pati mëshirë Hakku.  
U duk Muhammed Emini  
Rahmeten lil-alemuni.  
Se në ç'do gjë Muhammedi  
ndër ta jepte gjyq si mbreti.  
Me të parë Mustafanë  
këtë gjyq atij i-a lanë.  
Atij mëndja gjith' i pillte  
vetëm urtësinë ndilte.  
Mori një copë pëlhurë  
në mest të saj vuri gurë.  
Kryetarët e ç'do fisi  
I përmblodhi ne këthisi.  
I-u tha njëherësh pra zini  
pëlhurën përpyjet' e ngrini.  
Posa e ngritën përpyjetë  
gur e zi e kapi vetë.  
Në vënt ku duhej e vuri  
kësi soj gojën i-u zuri.  
Tërë ç'qenë i-a pëlqyen  
se për fill bënë dëllyen.

Populli fort u kënaqën  
kurse pan' i-u solli paqën.  
Nder i tij sa vinte shtohej  
sa i math ishte kupëtohej.  
Këtë gjyq kur e ka dhënë  
tridhjet' e pesë ka qënë.  
Dikush njëzet ishte thotë  
u bë arbitr në botë.

### **Hanifët**

Përpara Profetërisë  
në këthizët t'Arebisë  
Jahudizma, Krishterizma  
si duhej s'kishin lëvizma.  
Arabët ishin të qutë  
njerëz të fortë nga trutë.  
Dytim, tritim nuk pëlqenin  
fort jashtë mëndjes i gjenin.  
Ndodheshin dhe ca të tjerë  
që po prisnin Pejgamberë.  
Musan, Isanë nderonin  
dhe librat i shenjtëronin.  
Këta mbanin prej burimit  
fen'e saktë t'Ibrahimit.  
Titullin Hanif e kishin  
vetëm një Zot-njohtës ishin.  
Këta putet nuk i njihnin  
put-falësit keq i shihnin

Hanife me të vërtetë  
kanë qënë katër vetë.  
Njëri Vereka Nevfeli  
që ky ish më mëndje-felli.  
Thosh: së shpjeti vjen Profeti  
vula q'e çon i Vërteti.  
Dhe kur ardhi i zu besë  
fitoj lumtëri dhe ndjesë.  
I dyti, Ubejdullahu  
postafin e fesë e rrahu.  
I-u mbush mëndja pati marë  
kristianizmën më parë.  
Pastaj si ardhi Ahmedi  
fenë q'e priste e gjeti.  
Por kur zuri Habeshinë  
e la muslimanërinë.  
E shoqeja sa i foli  
nga moçali që ra s'dolli.  
Ajo vetë fen'e mbajti  
pastaj në Meqqe kur vajti  
mori burrë Pejgamberin  
dhe e shtoj më tepër nderin<sup>1</sup>  
Nga këta është i treti  
Osman Huvejrith Esedi  
Memën, Hadixhen e mirë  
ky e ka patur kushërirë.



<sup>1</sup>Kjo zonjë quhet, Umm-i Habibe, bij e Ebu Sufjanit, e motra e Muavijesë.

Para se vjen Pejgamberi  
iku Stamboll ne Kajzeri.

I krishterë atje ka vdekur  
me Resulin s'është pjekur.

Zejd Amri është i katri  
nga ç'do pikë ish më tjatri.

Sheshazit putet i shante  
fen'e Ibrahimit e mbante.

Ishte një njeri i lartë  
mëndje hollë e gjuhë-zjartë.

Plak' i ndershim e i krusur  
një ditë si më të ngrysur  
pshtetur në mur të Qabesë  
çeli gojën pun'e fesë.

Tha: "Për Zotin e vërtetë  
o Kurejshinj sot në jetë  
ta dini se punë feje  
s'ka mbetur' njeri veç meje.

Që ta ndjekë prej burimit  
fen'e saktë t'Ibrahimit.

Me gjith pleqëri ka dalë  
nëpër qytet vërdallë.

Musull, Bagdadi, Sham s'ka lënë  
fen'e saktë për të nxënë.

Në Belka mezi ka gjetur  
një prift plak e ka pyetur.

Sihariqin dyk'e dhënë  
ai Zejdit i ka thënë:

"Për së shpejti nga Hixhazi  
Profetit i del avazi.

Q'ështëë nga fis i Haxhimit  
ringjall fen e Ibrahimit.”

Për Meqqe kur u këthye  
nga kusarët u mbërthye.

E plaçkitn' i derdhën gjakun  
kot më kotë e grinë plakun.

Verekeja ka vajtuar -  
fort kur e ka kupëtuar.

Edhe sot në librat janë  
për të ç'vajtime u thanë.

Mbi fet të saktë ka vdekur  
për atë ështëë përpjekur.

Më parë Ahmedin e donte  
edhe piqej, kuvendonte.


Kur i arth Profetësia  
pat shkuar ne Perëndia.

S'e arriu ditën që priste  
pra kush e di çdo fliste.

Thonë dhe për Umejjenë  
bashkë me Kus Saidenë.  
Zotin e madh e besonin  
ashtu dhe këdo mësonin.

## Fjalët e Kussit në Suk-u-l Uqadh<sup>1</sup>

Kus i biri i Saidesë  
nga të parët e Meqqesë.  
Emr'i tij fort i digjuar  
plak i krusur, i rëgjuar.  
Kamilën hipur kish dalë  
panajir foli ca fjalë.  
Të diturit mbledhur tërë  
sa s'merte as një gjilpërë.  
U ndodh edhe Muhammedi  
gjer sa mbaroj plaku mbeti.  
Akoma Pejgamber s'ishte  
vahje merte por nuk grishte.  
Kur fliste plaku i ditur  
gjithë bota janë habitur.  
Të tëra ndër ment i shkruan  
me vjete nuk' i haruan.  
Pra s'qenë për të haruar  
fjalët e plakut t'uruar.  
Qenë fjalë fort të arta  
nga thelbi ishin të zjarta.  
Një nga një t'i përkthejmë  
dhe zogjërisht t'i rëfejmë:  
“Jakëni njerës ku jini?  
Vini vesh ç'ju them ta dini.




<sup>1</sup>Një vënt jashtë Meqqes. Vënt panairi ku mbahesh fjalë dhe fliteshin vjersha.

Tmerohuni burra tmerrohi!  
Vjen dita shkoni haroi.  
Njeriu që lind do të vdesë  
një që shkon humbet si vesë.  
Bie shiu edhe mbin bari  
në çast bima mer së mbari.  
Lindin fëmij i përmendin  
si ritën i-u zënë këndin.  
Pastaj vjen një dit' e zezë  
tërë dheut i vënë mezë.  
Këta sakaq harohen  
po punërat kurrë s'mbarohen.  
Kështu vërtitet rrodhani  
me qëllim veshët i mbani!  
Ka të raja qjelli brënda  
toka tmerë që s'ju kënda.  
Faq'e dheut një shtres' e bartë  
qjelli një tavan i lartë.  
Yjet shkojnë detet rinë  
lindin' vdesin' shkojn' e s'vinë.  
Por ku venë? Ç'bëjnë vallë?  
Apo flenë, bëjnë pallë.  
Ju zë be për Perëndinë  
nëj fe që ngjallet taninë  
m'e dashur se kjo që kini  
por ju vlejnë nuk i-a dini.  
Zoti do të ju dërgojë  
një Profet të ju largojë  
ngaj shtatet që s'kanë gojë.  
Dinin hakk të ju tregojë.



Hij'e tij ju arth mi krye  
por kush është s'u rëfye.  
Kush ta mbesojë i lumtë  
e kush s'i nqaset i krumtë<sup>1</sup>  
Si mjer, ata që ngarkuan  
e jetën në gjum' e shkuan.  
Pra mblithni mënt' o vëllezër!  
E ku jan' atrit të zezër?  
Ku është Adi me Themudnë  
e ku van' e ku u futnë?  
Shitnë ca ditë të përpjeta  
dhe ishin me mijë veta.  
Tërë shkuan' u haruan  
shtëpitë i-a-u lëruan.  
Nemrudi me Firaunë  
që thosh si-kush Zot jam unë.  
I gënjente gjë e shkretë  
dhe mbanin hundën përpjetë.  
Më të pasur se ju qenë  
e ç'u bënë? përse s'mbenë?  
Mokr'e dheut ata të tërë  
I ka blojtur pluhur bërë.  
U kalpën' kockat u tretën  
qoshqet gërmadha i-u mbetën.  
Ku harbonin të mëdhenjtë  
atje sot shëtitin qentë.  
Hapni sytë mos çkalloni,  
nga udh'e Zotit mos loni.



<sup>1</sup> Qoft shpirt-mallkuar, themi i krumtë shpirti.

Gjithë ç'janë, janë erë  
veç Zoti është nga-herë.  
Është Zot që nuk ka shokë  
kush i bën të fortë kokë?  
Kush është mentar, nuk ndalet  
veç ati tjatrit s'i falet.  
As u lint as nuk ka lidur  
kupëtoni kush është'i bindur.  
Të parët q'iknë në gjumë  
për ne lanë tmere shumë.  
Mortaja hyn nga shumë vrima  
për çporjen a gjen dot trima?  
Ku ka hyrë ajo s'ka dalë  
a ka lënë njeri vallë?  
Mua dhe kujtdo që pillet  
ca nga ca gjalmi na pshtillet.  
Shkon edhe prap s'këthenet  
por njeriu, dremit, gënjenet.  
Fort mir' e kam kupëtuar  
ngaj mortja s'jam i shpëtuar.  
S'e dinte plaku i mjerë  
kur lëvdonte Pejgamberë  
se e kish në reht qëndruar  
dëgjonte plakn' e uruar.  
Shumë kohë, më s'ka shkuar  
Kus'i gjorë ka ngarkuar.  
Në vent të tij ndenj Xharudi  
gojë-ëmbli, zemër-buti.  
Ne Pejgamberi një ditë  
ardhi tok me parësitë.

I prun besim me radhë  
me Xharudin faqe-bardhë.  
Pejgamberi u gëzua  
nga ky rreth q'u lulëzua.  
I u tha për Kusin e ndjerë:  
a e mbani ment njëherë -  
hipur në devet kur fliste  
botën në mentim e klliste.  
Ndër ment më mbenë pak fjalë  
krejt a i di njeri vallë?"  
Ebu Beqri pa përtuar  
gjer në funt i-a ka kënduar.  
Dhe një dit' ardhi Xharudi  
disa vjersha i këputi.  
Ky njeri mjaft vjersha dinte  
se s'ndahej pas Kusit vinte.  
I pëlqyen ç'njerës ishin  
kupëtim të naltë kishin.  
Gjith dëshmi të sakta qenë  
lavdëronin Muhammenë.  
Thoshin tani do të vijë  
me një fe q'është plot shijë.  
S'lavdëronin veç Ahmedin  
lavdëronin dhe Ymmetin".  
Ndigjonjësit lot lëshuan  
nga gazi mezi pushuan.  
Resuli ka udhëruar  
më duket Kus i uruar  
n'atë jetë do të jetë  
Profet mbi kombin e vetë.

Lum si ti o plak i ndjerë  
ke lëvduar Pejgamberë.  
Ke qën' ashik që pa parë  
mumin besnik zemër-larë.  
Ke lënë një nam për jetë,  
ke qënë shenjt me vërtetë<sup>1</sup>

### **Vahji (pasqyrimi i urdhërave të Zotit në zemrët të tij (A.S.)**

Vjeçin njëzet me të kapur  
syt'e zemrës i jan hapur.  
Ëngjëlli për sysh I shkonte  
edhe ajy e shikonte.  
Thoshin melecët: ky djalë  
për pak kohë do të dalë  
në fet botën ta ftojë  
nga shirku do ta shpëtojë".  
Digjonte selam nga gurët  
shihte nderime nga drurët.  
Shumë herë n'ëndër shihte  
disa njerës që s'i njihte.  
Ditën i hynin prej derës  
të panjohur shumë njerës.  
Nga këto e merte frika  
se s'e dinte ç'ishte pika.



<sup>1</sup>Disa thonë se kjo pun'e Kusit është çpikur.

Kështu, gjer mbushi dyzetat  
I zbuloheshin të pshehtat.

Perd'e syve i qe grisur  
për tjetër pun' ishte nisur.

Zoti po e lartësonte  
ç'i duhej po i-a mësonte.

Yll'i bukur i Bat-hasë  
shkonte në mal të Hirasë.

Hynte ndë një shpellë, falej  
edhe askujt nuk i çpallej.

Për ti dhën, Ahmedit dritë  
Xhibrili i-u çfaq një ditë.

Dyzet ishte ai kohej  
Xhibrili kur i afrohej.

Po i silte past' uratë  
nga Zoti këtë dhuratë.

Një dhuratë kuranore  
dyk'e përfshirë pas dore.

Ikre-Bismin i ka sjellë  
që të mirat i ka pshtjellë.

Ikre-këndo kur i ka thënë  
I përgjigjet dhe qit zënë.

Ç'thua ëngjell i lëvdushëm  
unë nuk jam i këndushim."

Xhibrili me Pejgamberë  
e përsërisin dy herë.

Të tretën herë Xhibrili  
mori urdhër nga Xhelili.

E fërkoj nga kraharori  
në qjell të dritës e nxori.

Mori Suren q'i-a zbriti  
edhe krejt për ment e ngriti.  
Kultur'e par'e Kur'anit  
q'u zbrit nga Arsh i Rrahmanit  
këndim e shkrim urdhëronte  
diturin e lavdëronte.  
Ish mëshir e Perëndisë  
për kombin e Arebisë  
që jetonte nd' errësirë  
dhe çqyhej si egërsirë.  
Zoti desh t'i naltësojë  
prandaj filloj t'i mësojë.  
Dhe vërtet kështu ka ngjarë.  
Dyk'e qënë fort barbarë  
me mrekullin e Kur'anit  
e me forcën e imanit  
u zgjuan u lartësuan  
u stërvitën u mësuan.  
Në ç'do pikë përparuan  
krejt marrëzit' i haruan.  
U përhapën, muarn dhenë  
e përhapnë tekdo fenë.  
Gjysmë shekulli pa shkuar  
ajy Kur'an i bekuar  
kur lind perëndon këndohej  
Zoti si duhej lëvdohej.  
Prap' u përsërit njëtimi  
si ç'ishte nga Ibrahim.  
O kultura Kur'anore!  
E kape botën për dore

nga errësira e qite  
në kulmin e naltë e ngrite.  
Kur'an të mos ishe tinë  
e kush e zgjonte njerinë?  
Kush e ngjallte diturinë  
kush e ngrihte mjeshtërinë?  
Gjith bota ishte në gjumë  
mizorët shtuar shumë.  
Ti o Kur'an i bekuar  
n'ato vise që ke shkuar,  
njerëzimin e ke ngjallur  
vëllazërimin e ke shpallur.  
Ti i dhe Europës dritë  
se kishte mbetur e mpitë.  
Ti njohtërove Musanë  
ti naltësive Isanë.  
Ti bëre ç'bëre në botë  
le të thotë kush ç'të thotë.  
Qindra vjet vleftën s'ta ditën  
armikët mjaft të goditën.  
Syrin e djellit me baltë  
e zinin syri i-u ndaltë.  
Por sot ke mjaft mirënjohtës  
q'i japin kupëtim botës.  
Po pohojnë të vërtetën  
s'duan të fëlliqin jetën.  
Pra sot kultur'e Kur'anit  
nga an'e Evropianit  
po pohonet me nderime  
nuk cënohet asnjë qime.

Po ç'i bëm mjerisht ne vetë  
dit për dit po tatëpjetë.  
Nuk po na pëlqen Kur'ani  
e po na sëmuret imani.  
Fen'e Zotit e haruam  
vetë vehten poshtëruam.  
Mjerë ne çdo të pësojmë  
kur si duhet nuk besojmë.  
Emrin mysliman e kemi  
por as vetë s'dimë ç'jemi.  
O Zot çilna syt'e zemrës,  
t'i shkojmë Nurit pas themrës.  
Prapë ne vahji të vimë  
të flasim aqë sa dimë.


### **Vahji si filloj t'i vin**

Nur i Zotit Nur'i parë  
Ikre-Bismin me të marë  
ashtu pak si i frikuar  
ne Hadixheja ka shkuar.  
Si u çlodh pak çeli gojë  
ç'pa Hadixhes t'i tregojë.  
“Mos u tremp o i uruar  
se s'je për të turpëruar.  
Ty s'të bënë keq Zoti kurë  
s'ka si ti m'i mirë burë.  
Ti që gostit mysafirët  
derth fjalën si xhevahirët.




Si trathëton emanetit  
I mbaron hallin milletit.  
Për jetimin kujdesohesh  
për të huajt interesohesh.  
Asnjëri nuk lëndon kurë  
pra të them ta dish o burë.  
Betonem në Perëndinë  
sihariq të kesh se tinë  
Pejgamber je për të bërë  
do ta ngjallç ummetin tërë”.  
Të dy bashk’ u ngritën vanë  
Verekasë ç’pa i thanë.  
“Sihariq Muhammed thotë  
Pejgamber bëhesh në botë.  
Na thot Isai i Marisë  
ti je drit e gjithësisë  
Frym’ e Zotit e uruar  
zemrat i ke për të shruar.  
Dhe meleqi që ke pranë  
është q’i zbriste më parë  
Musajt Isajt dhe i-u fliste  
librat e shënjta i-u zbriste.  
Djalosh të paskështa qënë  
nuk të kisha për të lënë  
komb’i yt kur të të zinte  
preprejj Meqques të të përzinte.  
Të të përkrahja si duhet  
se kjo dritë kurrë s’shuhet”.  
E ç’vegël do të më venë?  
Meqqe të mos më lenë?!

Pejgamber kush është bërë  
tha i bëhen ferra tërë  
Ashtu dhe ty nuk të lenë  
sa që do ta lesh Meqquenë  
Ca kohë s'ardhi Xhibrili  
zu i vinte Israfil  
e mësonte Mustafanë  
kësi lloj dy tre vjet vanë  
Pra gjithnjë veshi i ndjente  
prej Xhibrilit një zë zjente  
Muhammed ti, ti je vetë  
Pejgamber me të vërtetë  
Prapë në Hira kish dalë  
për të falur ishte ndalë  
i tringëlloj në vesh zëri  
dhe kryet tërma i bari  
Hodhi sytë sheh Xhibrilë  
po zbret ngaj qjelli me sillë  
Meleqin sa ia zu syri  
u tremp shkoj në shtëpi hyri  
Hadixhes i tha mbulomë  
dhe mezi mirte firomë<sup>1</sup>  
I ardhi Xhibrili prapë;  
“O që je pshtjellë me napë!  
Ngreu tha se me dërgoj Zoti  
si të tjerëvet qëmoti  
Ty një Sure të kam sjellë  
ngreu mos ri kështu i fshtjellë



<sup>1</sup>Frymë

Ngreu të ftosh botën në besë!  
sefte nis tremp te Meqqesë  
(Kum fe-endhir) me të thënë<sup>1</sup>  
napën sa kaq'e ka lënë  
Ka nisur botën t'i ftojë  
nga moçalet t'i shpetojë  
Njëzet vjet gjith ec' e jakë  
i-a zbriti ëngjlli nga pakë  
Me një rregu!! të çkëlqyer  
si ç'do gjyq fori i pëlqyer  
Nga arsh i Zotit i zgjedhur  
ç' duhëshin gjith i kish mble-dhur  
Sa i naltë aq' i ëmbëll  
kush mundej t'i bënte shëm-bëll  
Zoti i-a fotografonte  
Ahmedi e fotografonte  
Prandaj s'ka as gja të meta  
se ajy është' arshi vetë  
Por ata njerës që flasin  
s'kanë tru s'mundin ta zgjasin  
Ky Pefgamber ësh' i sosur  
atë port e ka vulosur  
Pejgamber i gjithësisë  
i dashur i Perëdisë  
I ka dhënë botës dritë  
e ka bërë natën ditë  
Bes e lartë me të lindur  
filloj kombi për të grindur



<sup>1</sup>*Kum fe endhir - ngrehu edhe trembe botën*

Armiku sado të sulet  
druri q' u mbuall më s' shkuletet  
Qysh u shuaka shkëndija  
q'e ndezi vet Perëndija?

### **Çpifjet e Sheprengjerit për Pejgamberin**

Shihni ç' thotë Sheprengjeri  
nakar-madhi gjuhë-preri  
Qoja ishte Zojëria  
i smurë nga historija  
Pra ç'do send që kallëzonte  
kjo sëmund' e frymëzonte  
As vetë nuk dinie ç'fliste  
ç'i vinte nga goja qiste  
Kjo sëmundë kur e zinte  
humbte vehten nuk e dinte  
Gjuha e buza i dridhej  
trupit i ngjethej e hidhej  
Andej këndeje syt'i shkonin  
një hop mjegull i shikonin  
I dh'imbe kryet e tundej  
i merej fryma e shkundej  
Armiku i math i fesë  
çpifjetari i pabesë  
Asi sënde ka shënuar  
që gjith fet' i ka renuar  
Me dhelpëri është sulur  
Vahjit rrënjët për të shkukur

Gjith Profetët qenkan smurë  
Vahji pra s'qënka gjë kurrë  
Ç'paskan folur Pejgamberët  
paskan folur krejt në terrët  
Kur kështu librat e shënjta  
fjalët e tyre të shtrenjta  
Fjalët që krijojnë fenë  
duhet përralla të jenë  
Ta pyesim Sheprengjerë  
atë Isa Pejgamberë  
Vall' a ka vizituar  
ç'sëmundj'e ka kupëtuar?  
E vizitoj Ibrahimin  
dhe atë Musa Qelim  
N'i vizitoj Profetët tërë  
vallë ç' raporta ka bërë  
Le të na i kallëzojë  
me profka te na gëzojë  
Sa vjetç është Shaprengjeri  
çpifjetar gojë-zeheri  
Kaqë shekulla më parë  
Profetin qysh e ka parë  
Pa pikë turpi ne botë  
qysh e vizitoj s' na thotë  
Ku e pa ky kokë-thyer  
cili shkrim e ka gënjyer  
Na paska qënë Profeti  
i takequr nga shëndeti  
Aman o Zot turp nuk kanë  
Se ç' shpifin për Mustafanë

Fjalë që s'i ngre kandari  
fjalë që s'i flet barbari  
    Fjalë dhe foshnjat i qeshnin  
    fjalë s'i-u ve askush veshin  
Një i smur i shkumbëzuar  
vallë qysh ka kallëzuar  
    Aqë sende fort lë larta  
    që s'mund t'i marë as koka  
Aqë dituri të fella  
me pak Ajetë të fshtjella  
    Jo pa vleftë dhe të kota  
    sa habiten dridhen bota  
Pra se folka Sheprengjeri.  
ç'do humbasë Pejgamberi  
    Veprat e tij sheshit janë  
    i njeh bota an'e mbanë  
Filozofëf me ndergjegje  
atij i japin përgjegje:  
    Sheprengjer ki furp i thonë  
    Sikur të flaç gjithëmonë  
Nuk të beson njeri kurrë  
se Profeti s'ish i smurë  
    Në ç'histori e pe vallë  
    këtë fjalë fort të çalë  
Pejgarnber'i ish si hekur  
Nat' e dit është përpjekur  
    Me një mëndje fort të naltë  
    Nga goj' e tij derthte mjaltë  
Armiqët qysh i afronte?  
qysh i ngrohte s'i zemronte?

Ajy t'ishte i xhindosur  
i prishur dhe i dafosur  
të pa ditçmit e barbarët  
më t'egrit e më të marrët  
Vallë qysh i zbuti iërë?  
si qenq i but i ka bërë  
S'turpërohet Sheprengjeri  
S'trembet se bije nga nderi  
Mjafton Profetin ta shajë  
të rinjtë prej sij t'i ndajë  
Ta fiknjë dritën e fesë  
të çduket si pika vesë  
T'i themi pra Sheprengjerit  
armikut të Pejgamberit  
Tregona ç' është një gjëzë  
njëza triz' e triza njëzë?  
Mer në dorë mjekësinë  
zgidhe këtë çeshtje tinë  
Me qënë se doktor s'jemi?  
nuk mundim as gjë të themi  
Pra ne jemi të shtrënguar  
ta besojmë ç'ka treguar  
Ligj'i tij qe na ka lënë  
do të shkëlqejë si hënë  
S'ka ç'i bëjnë ret e zeza  
kur Zoti thot' un' e ndeza  
S'fiket drit' e Perëndisë  
me frymat e njerëzisë  
Musaj Isaj, Muhamedi  
të çuar nga i vërteti

Veç këtyre dhe sa janë  
kësi smundjesh nuk kanë  
    Janë të pastër të tërë  
    marëzi nuk kanë bërë  
Profetëf janë mentarë  
të drejtë jo gënjeshtarë  
    Pale pale Muhammedi  
    ndër ta është porsi mbreti  
Reptësisht ndaluar jemi  
atij Zot kurrë s'i themi  
    Porse aq' e lavderojmë  
    edhe aq' e shenjtërojmë  
Sa s'e shënon dot kalemi  
se ato fjalë s'i kemi  
    Ta pyesim Sheprengjerin  
    që na e shan Pejgamberin  
Një njeri sikur të dalë  
ta mprehjë gjuhën s'i pallë  
    Aristotein Phlatonin  
    Bismarkun, Napoleonin  
T'i shajë dhe t'i çnderojë  
me çpifje ç'i vjen ne gojë  
    A i bëhei qejfi vallë  
    Sheprengjerit nga kjo fjalë?  
Ç' thonë doktorët e tjerë  
A bënen me Sheprengjerë?  
    Turpërohet historija  
    nga kjo çpifje hisferie-ja  
Pa thënë gjë s' kanë lenë  
por këtë s'e kanë thënë



Armiqët e Perëndisë  
me ndihmën e shoqërisë  
Aqë fort çpifin, përtypin  
edhe me ndihma i shtypin  
Por s' mërzhiten mysfimanët  
i-u përgjegjen nga gjith anët,  
Me logjikë fort të naltë  
edhe i lenë në balltë  
Nuk tronditet myslimani  
se atë s'e le Kurani  
Kurani q'është si djelli  
nuk vdes sa të rrojë qjelli  
Të ju them vahji ç'ka qënë  
ftekj' e zemrës do me thënë  
Xhebraili kur i zbriste  
prej Zotit gjësend t'i fliste  
Ç'kishte i a fotografonte  
në zemrët i a telefonte  
Pa shtim, pa magjim Profeti  
ç'do q'i ftekte i Vërteti  
Si fonografi i fliste  
as një shkronjë vetë s'ngjiste  
Kësi soj gjith Pejgamberët  
flisnin ç'mernin jo në terrët  
Ç'i u ftekesh nga Perëndija  
flisnin q'e di gjithësija  
Ata ishin më mentarët  
më besnikët më të parët  
Të pa fajshmit pa gabime  
nuk i u pshtetet as një qime

Jo si thotë Sheprengjери  
që mënt i ka prir' i mjeri  
Sa të duan le të flasin  
"nga nakari të pëlçasin  
S'ka derd fare Pejgamberi  
as pak nuk bije nga nderi  
S'kanë turp gjeçin helan  
kur çpifin për Mustafanë  
S'kanë turp shajnë ..fq.251...  
që nuk kan'asgjë të fq.251...?  
Janë tërë të mbaruar  
të shënjle dhe të uruar  
i u mjafton lavdim i Hakut  
ç'veljë ka fjal'e Guhakut

## **H. Muhammedi është Pejgamber i Përgjithshëm**

Një djalë vjeç dymbëdhjetë  
sado i mënçim të jetë  
Me Behiran'e bekuar  
dy orë tek ish bashkuar  
Nga e mori vesh Inxhilin  
edhe qysh s' e treti fillin?  
Cili prej Selmanit thotë  
dyk e çpikur kot më kotë  
Cili thotë pre Xhabirit  
e kush thotë prej Jesarit  
Këta kanë qënë grekt

në Meqqe punonin herët  
Tevrat, (inxhil kur këndon)  
shkonin bota i ndigjonin  
Dhe Profeti me të rrallë  
gjoja bëka me ta fjalë  
Me gjith që gërqisht nuk dini  
por prej syresh di ç'ka mblinte  
Pra të themi se ndigjonte  
pak së paku i përgjonte  
Prej gërqishtes e qysh vallë?  
reshtoj Kur'anin e gjallë?  
Prej syresh të merte fjalë  
Kurani do t'ish i çalë  
Do t'ish mbushur me përralla  
Jo me muxhize të gjalla.  
Do të fliste si Tivrati  
rena së gjëri së gjati  
Pendën do të mos e mbante  
Pejgarnberët do t'i shante  
Si Tivrati që shan Lutin  
shan të tjerët, shan Davudin  
Dhe Kurani do t'i ngiste  
ca më shumë do të fliste  
Do të shante dhe Isanë  
do të fliste gjë që s'janë?  
Por Ahmedi i uruar  
ajy Profet i mbaruar  
Dyk e qën' i pakëndushim  
për këndim i pamundushim  
Nga qyteti i pandarë

rugë mërgimi s'pat marë  
Disa herë më të rrallë  
për tregëti diçka dalë  
Basrull-Harir, Jemen shkelte  
s'qell!ej shumë dhe kur delte  
Jetë shkrimi krejt i dihet  
As një ditë s'mund t'i pshihet  
Jo si Musaj me Isanë  
që shetitën Hindistanë  
Shkuan qytet më qytete  
humbën, s'u dukën me vjete  
Si këta s'ish Muhammedi  
nuk dinte ç'është gurbeti.  
Shkollë me sy nuk pat parë  
mëndjen për shkrim s' e pat vrarë  
Ndënjë komb fort i paditur  
Nat'e dit tok me ta rritur  
Qysh dolli pra aq i naltë  
të ditshmit i la në baltë  
Qysh dolli pra aq i ditshim?  
botën e la të habitshim  
Kush i-a mësoj dituritë?  
kush i-a dha gjith' atë dritë  
Nuk është me ment kjo punë  
nuk fitohet me përdhunë  
S'ka ç'të bëjë njerëzija  
kujt t'i-a falnjë Perëndija  
Muhammedit i-a dha Zoti  
si të tjerëvet që moti  
Perden e syve i-a çali

pa ditur gjësend s'i ngeli  
Kësi soj nga Perëndija  
zu t'i rjedhë diturija  
Ç'dituri se bota tërë  
dëllyen i kanë bërë  
Tjatër gjë s'ish Muhammedi  
vetëm Nur nga i vërtëti  
Ç'do Ajët që fshijell Kurani  
zbritur nga Arsh-i Rahmani  
Ç'do Ajet i Perëndisë  
muxhize i Zotërësi  
Ç'muxhize pra që s'vdes kurr  
s'e mohon kush është burrë  
E mohon veç nakartari  
e mohon veç afetari  
S'e mohon Resul-u llahun  
kush e njih për Zot Allahun  
Gjeni një të pakëndushim  
të jetë kaq i levdushim  
Kështu një libër të ketë  
kështu një fe pa të metë,  
Kështu një moral të shenjtë  
kështunjë një ligjë të shtrenjtë.  
Si të duan le të thomë  
Le të mundohen, gjith monë.,  
S'i gjejnë dot cen Profetit  
gjer ditën e kijametit.  
Në Meqqe të kish kënduar  
Do të kishin kupëtuar.  
T'ish mësusi idolatrë

doemos i mbante hatër.  
Dhe për putet do mos fliste  
S'i renonte, s'i gremiste,  
T'ish mësusi nga çifutët  
kurse ishte nga të qutët.  
Për hatrin e tyre duhej  
nga krishterët të mos ndruej  
Por të fiste pa kursyer  
fjalën më të papëlqyer  
për Marin' e për Isanë  
të thoshte çifutët ç'thanë  
T'ish mësusi i krishterë  
ajy duhej me një herë  
Të besonte Zot Isanë  
të thoshte e mbytn' e vranë  
Të mos mohonte trllimin  
të mos pranonte njëtimin  
Si s'dolli sa ishte gja!!ë .  
një mësus të bënte fjalë  
T'i thosh ku je, çë kjo punë  
gjer sot të mësova unë  
Tani Pejgamber jam thua  
këfo nuk m'i shet dot mua  
Do t'i thoshte kësi fjalë  
dhe do ta sillte vërdallë  
Kur kësi sent nuk u ndije  
kundërshtimet s'kanë hije  
Fjal e Muhammedit t'ishte  
mjaft përralla do të kishte  
gjith përrallat e Tevratit

të Rustemif fë Kubadit  
Do t'i kishte shtënë tërë  
ujem do ta kishte bërë  
Shihni pra librat e parë  
sa ka çështje të çpërlar  
Në Tevrat shihni pra kanë  
që me qimen dreth dynnjanë  
Prej qimes bëhet tërmeti  
të drejtohet krejt... Kijameti!  
Niii, Furati, Sejhuni  
edhe i katri Xhejhuni  
Tevratët na i lajmërojnë  
se nga parajsi mburojnë  
KUR luftoj Buhti Nasari  
çifutët i shoj së vrari  
Plaçkat e Musajt, Tevrati  
tër' u ç'dukën nga lugati  
Azraj në kokë të vetë  
çpiku një Tevrat të metë  
Ç'i desh qejfi futi brënda  
krejt e Musajt s'ëshfë lënda  
Nëpër të shihen ca fjalë  
që prej rrënjës kanë dalë  
por përta ka rne barrë  
e di ajy q'e ka parë  
Kështu dhe librat e tjera  
mbushur me gjemba me ferra  
Se s'mbetën nga Pejgamberët  
por histori nga të tjerët  
Këto janë si hadithët

si gozhutatnëpër drifhët  
Të saktë veç ata janë  
që vinë njëj me Kuranë  
Dhe Tevrati me Inxhilin  
kësi soj e kanë fillin  
Me qënë se von u shkruan  
nga rrënja fort u ndërruan  
Kurani qëndroj si zbriti  
se sikush ezber e ngriti  
Gjer ditën e kijametit  
shkon si ardhi prej Profetit  
Pastaj Kuranin vëreni  
ç'sende të nalta do gjeni  
Tregon Kuran i bekuar  
ç' do ndrydhe është' e bashkuar  
Ç'do sent çift e ka krijuar  
vetë fill'tek ka qëndruar  
Tokën që sillet pas djellit  
djellin që s'ndahet prej hellit  
Avullin që del përtpjetë  
bëhet shi derdhet nga retë  
Toka qysh u nda prej qjellit  
hëna si u-nda prej djellit  
Përmbi punrat e qimisë  
mbi nevojën e sasisë  
Për Ethirin rrënj' e parë  
q'andej doli si ç'do farë  
Dhe shumë çeshtje të pshehta  
me disa fjalë te lehta  
Kurani i ka zbuluar




pas shkencës i ka kulluar  
Kaqë shekulla më parë  
libri i shenjt i ka ndarë  
Asi kohej ish e çalë  
shkenca pra nuk bënte fjalë  
Kush i-a mësoj Pejgamberit  
pse s'i thoshin dhe të tjerit?  
Pa dyshim i-a thoshte  
Zoti se ay s'fliste së koti  
Zoti e fotografiste  
ngrehej si gramofon fliste  
Disa thonë Muhammedi  
nga të parët fen' e gjeti  
Prej Tevratit, prej Inxhilit  
ka marë jo prej Xhibrilit  
Çudi qysh s'mentonen vallë  
Së kot më kot si flasin fjalë?  
Gjith Profetët i besojnë  
i lëvdojn'i lartësojnë  
Dofta dhe Allah i-u thonë  
s'njohin veç Profetin tonë  
Përse në tër'i besojmë-  
i nderojm'i naltësojmë  
As një cen nuk i-u ngarkojmë  
krejt në një reth i bashkojmë  
Thonë kur ishin të tjerët  
me qindra nga Pejgamberët  
Ç'nevojë kish për Ahmedin  
të ngatëronte remetin?  
Ahere dhe ne i-u themi

ta marim që nga Ademi  
Kurse ish Profet i parë  
nga Zoti libër pat marë  
Ç'duhej Shithi dhe Idrisi  
ç'duhej Nuhu e Junusi  
Ç'duhej Musaj e Haruni  
të hiqte nga Firauni?  
Ç'duhej Is-haku Jakubi?  
ç'duhej Luti dha Ejubi?  
Ibrahimi, Musaj ç'duhej  
Zeqerijaj, Jahjaj ç'duhej  
Ç'duhej i bir' i Marisë  
dhe Profet i gjithësisë  
Ç'do kohë në këte jetë  
ka pat ligësin e vetë  
Një lloj' është s'ndryshon feja  
nuk ndërton kurrë ideja  
Por ç'i bën se interesa  
ka futur mjaft ngatëresa  
Libr'i shenjtë nuk nderohej  
për interesë ndërrohej  
Kësi soj sikush e shkelte  
ca nga ca nga rrënja delte  
Nga ky shkak Zot i Vërtetë  
Dërgoj me nijra Profetë  
Për të quar ferrat fesë  
Q'i futnin për interesë  
Kjo fe ishte e Ademit

Kjo fe është e e Hatemit<sup>1</sup>  
Kjo fe ishte e Musasë  
Kjo fe ishte e Isasë  
Rrënjët i-a shkuli izniku  
Ariosin ky e fiku  
Njetimin e përsëriti  
Putet nga bota i ngriti  
Të mos ish Resulull-llahu  
Sot njëtonej Allahu  
Musan' Isan' e ringjalli  
Jetimin e sakt' e çpalli  
Egërsirën e ka ç' dukur  
Ngrehu kanunin e bukur  
O kultura uranore  
Ti botën në drit e nxore  
Bagdad, Kordovë Kaire  
Ti i-u fale dritë të re.

### **Kundërshtimtarët e rreptë të fesë**

Fe e saktë e Muhammedit  
Drit' e madh' e të Vërtetit  
Që ditën që lëshoj rezet  
Që ditën që zu të ndizet  
Si çifutët, idolatrët  
zjar u bënë si lugatrët  
Forf e ndoqën Mustafanë




<sup>1</sup>Hatemul Enbija - Muhammedi a.s.

pa folur fjalë s'i lanë  
Asi kohej të Krishterët  
Ishin ndryshe nga të tjerët  
    Muhammedin nuk e ngisnin  
    fjalë të keqe s'i flisnin  
Pale mbret'i Habeshisë  
me letrën e zotërisë  
    Njëheresh besim i pruri  
    dhe në fet qëndroj si burri  
Behiraj rne Nasturanë  
sa e panë Mustafanë  
    Me q'ishin nga të mëdhenjtë  
    dinin dhe librin e shenjtë  
Të dy sheshit patën thënë  
Paraklit ky ka rne qenë  
    Këta kur sihariquan  
    ç'ishin atje e ndigjuan  
Arijoset sa vazhduan  
Muhammedin e lëvduan  
    Tritimi me të përhapur  
    armiqësija ka kapur  
Nga an e Romës u dehën  
Ordhit e kryqit u ngrehën  
    Për të fikur këtë djellë  
    me qindra vjet janë sjellë  
Pale prift Pier Lermi  
Europën më këmb e ngriti  
    Myslimanët për të shuar  
    ndër Azi është lëshuar  
Sa më shumë kush ta shante

ajy nga të tjerët ndante  
Edhe quhej nga shenjtorët  
shënohej mbase në korët  
Ç'i bënë Salahuddin?  
kur i-u lutën Falestinit?  
Ç'i punuan Andaluzit?  
Ç'mundim i bënë Ilauzit?  
Libraritë qysh i doqën ?  
Gjallë në hell qysh i poqën?  
Edhe egërsirat dridhen  
në zjar të gjallë kur hidhen  
Kaq i math armik i fesë  
sa njeriut s'i zihet besë  
Porse historit e veta  
i shohin krejt të vërteta  
Fajet po i-a-u kërkojnë  
kriminelët i mallkojnë  
S'vranë vetëm njerëzinë  
shuan librat' diturinë  
Sot ca njerës kanë dalë  
me drejtësi bëjnë fjalë  
Myslimanët më s'i shajnë  
një pa anësi po mbajnë  
Kuranin po e këndojnë  
edhe me ment bisedojnë  
Muhammedin po e njohin  
asnjë të metë s'i shohin  
Po e shoshin'po e sitin  
të drejtën në shesh e qitin  
Të parët kështu nuk ishin

po mëri të madhe kishin  
Shtypnin- libra kuntra fesë  
shanin djellin e Meqquesë  
Si Profetin' Sahabetë  
I shënonin nëpër fletë  
Njerës të egër, të mërzitshëm  
fytyr-keq të pahijshëm  
Si dhe sot misionerët  
marin nga milionerët  
Për mot me barë të holla  
edhe kudo çelin shkolla  
Për të shkukur fesë rrënjën  
sikundër po shohim shënjën  
Këta njerës si ushonjës  
na thithin gjakun prej rrënjës  
Pak nga pak foshnjat e gjora  
po na i qitin nga dora  
Por si thamë ca të tjerë  
që s'e shajnë Pejgamberë  
Miundohen vërtet të flasin  
Nuk çpifin, nuk rrejnë, s'ngasin  
Shkoj koha e rrenës thonë  
dhe flasin drejt gjithë monë.  
Mister Karlajli' Volteri  
Kuseni edhe Movieri<sup>1</sup>  
Edhe Zotërinj të tjerë  
që meren me shkrim përherë



<sup>1</sup>Seftë fliste keq, pastaj aqë fortë a ka lëvduar H. Muhammedi sa shokët filluan ta kritikojnë keqani.

Marëzin e kanë flakur  
njerëzimin kanë çfaqur

Duhën pra falënderuar  
për librat që kanë shkruar  
    Ndodhën dhe disa dinakë  
    mjeshtrë, porsì dhëlpëra plakë  
Me petkën e miqëisë  
lustr' i japën historisë  
    Thua se janë të drejtë  
    porse punojnë si djejtë  
Me ca fjalë të thumbojnë  
porsì grëra të helmojnë.  
    Unë nga këta kam frikë  
    se me të till' intrikë  
Ta trubullon mëndjen' fenë  
ta çarvalit fermelenë.  
    Sa për armikun e sheshit  
    vrik i bije prapa veshit  
Se për ç'do pik i përgjigjem  
fare nuk tutem' nuk hiqem.  
    Për ata s'kam pikë zori  
    sado të shkojë tërthori  
Se përgjigjet janë shkruar  
dhe tër'i kemi dër duar.  
    S'kanë lenë as një halë  
    librat janë palë palë  
Punët holl i kanë situar  
në shesh gjith i kanë qitur  
    me dokumenta të qarta


edhe me dëshmi të larta  
Bije fjala kanë thënë  
Muhammedi paska nxënë  
Nga Behiraj prift i ndjerë  
Kurse udhëtoj një herë  
Kjo fjal' është për të qeshur  
sepse është aq' e çveshur  
sa qeshim me faqezinjtë  
më vegjlit çiliminjtë  
Se në Basra kur ka shkuar  
nj'a dy or është bashkuar  
Nga vjeçët ish dymbëdhjetë  
si e thonë edhe vetë  
Kur e nxu fenë sakaqë  
dhe u bë i ditur aqë?  
Prej priftit po ta mësonte  
tritimin nuk e trazonte  
Munt të thoshte jam bir Zoti  
si ajy tjatri që moti.  
Ku e nxu filosofinë  
ta njëtojë Perëndinë?

## **H. Muhammed, filloj të ftojë botën në fe të vërtetë**

Filloj për ftim q'atë ditë  
dhe më parë nga të titë.



Hadixheja me një herë<sup>1</sup>  
ç'tha e besoj Pejgamberë.  
Ebu Bekri është' i dyti  
që fjalën s'i-a përsëdyti.  
Edhe Aliu është' i treti  
q'e besoj ç'tha Muhammedi.  
Ish i vogël s'kudëzonte  
besimin ta kallëzonte.  
Ish i shtrënguar ta pshihte  
se trembej kush mos e shihte.  
Pastaj Zejd i Harithesë  
ka marë ngaj feja pjesë.  
Ky ish një rrop i liruar  
nga Pejgamber i uruar  
të cilin Rresuli vetë  
e donte me të vërtetë.  
Ebu-Beqri zu përgjonte  
do një mik që ta ndigjonte.  
Vrik e merte me të mirë  
në rreth të tij për të shtirë.  
Për të pranuar imanë  
i-a silte Rresulit pranë.  
Pak nga pak dyk'e duruar  
shtiri këta miq ndër duar:  
"Osmanë, Abdurrahmanë  
Sadin' Zubejrin Talhanë.  
Dhe pes' a gjashtë të tjerë



<sup>1</sup>Hadixheja zaten kish' dëgjuar prej t'ungjëlht Vereka Neufelit që ky do të bëhej Pejgamber.

I kandisi bur'i ndjerë.<sup>1</sup>”

Pejgamberit i-a ka shpënë  
ç'është feja i-u ka thënë.  
Pastaj aspak s'janë ndalur  
kanë dalë janë falur.

Këta sa ishin të ndjerë  
edhe aq'e shtuan nderë.  
Kurse ishin fort të pasur  
dhe të tjer' i-u janë nqasur.


Njëri pas tjetrit u shtuan  
forcë të madhe fituan.  
Kurdoherë vogjëlija  
sheh si punon parësija.

Kështu pra fe e vërtetë  
filloj të hapet në jetë.  
Por sheshit akoma s'ftonin  
se mos bëhej keq mentonin.

I dashun i Perëndisë  
u largua prej shtëpisë.  
Në shtëpit t'Erkamit vanë  
se kishin afër Safanë.


Koh'e Haxhit kur arrinte  
si çdo njeir andej vinte.  
Për ftim përpara i-u delnin  
ata që besonin ngelnin.

Dhe Muhammedi fillonte



<sup>1</sup>*Si Habab Erthi' Erkami' Seidi Zejdi' Abdullah Mes-udi' Osman Madh-uni' Suhejbi dhe Ebu Ubejdeja.*

me Kur'an t'i këshillonte.  
Kësi soj mjaft anëtarë  
fituan burrat e mbarë.  
Katër nga fis'i Umerit  
ardhën para Pejgamberit.  
Pranuan fen e vërtetë  
po me dëshirën e vetë.  
Qëndr'e fesë u bë shtëpija  
sa që ndenjti zotërija.  
Dhe sot kjo shtëpi nderohet  
edhe nuk shembet por ruhet.  
Kur ajeti (Fasda) zbriti<sup>1</sup>  
ftimin vrik sheshit e qiti.  
“Mos ki frikë në çdo vënde  
qite sheshit punën tënde!”  
me t'ardhur kjo urdhëratë  
I ftoj sheshit burrat' gratë.  
Zu Kur'an në shesh këndonte  
Zon'e vërtetë e lëvdonte.  
Ca kohë nuk e trazuan  
armiqët nuk i bëzuan.  
Kur filloj shtatet t'i shajë  
shkoj thika majë më majë.  
Puna keq u ashpërua  
kombi thua u marua.  
Pleq e të rinj Mustafanë  
e donin porsi vëllanë.



<sup>1</sup>*Fasda bima (Tumerftoji sheshit thuaja-ju urdhërin që mer pa frikë.*

Muhammed Emin i thoshin  
kur q'ë kish të vogël motshin.  
Nuk' i-a bënin më dysh fjalën  
por tashti e shkulën pallën.

Nuk durojnë dot t'i-u shahen  
putet se pëlçasin çahen.

Parësija janë mbledhur  
disa veta kanë zgjedhur.<sup>1</sup>

Ebu Talibit i-u qanë  
për Muhammed Mustafanë.

Po na çnderon Perënditë  
na quan si bagëtitë.

Gjyshrit qënkën nd' erësirë  
edhe në turbëllirë.

A nga mprotj'ë tij të hiqesh  
a me ne do të përpiqesh!

Atëherë si të jetë  
çështjen e shkoqisim vetë.

E pa pisk Ebu Talipi  
po i vjen rezik nga nipi.

E thiri o bir i thotë  
kam ndezur në këtë botë.

Fort mir' e di sa të dua  
mos më ngarko sa s'mbaj mua.

Si e pa edhe xhaxhanë



<sup>1</sup>*Ulbe, Rebiaja' Shejbeja' Ebu Sufjani' As Hishami' Ebu Xhehli' Velid  
Mugireja edhe As Vaili.*

që po i hiqet më nj'anë  
me një dëshpërim i thotë:  
“Armiqët mundohen kotë.  
Për Zotin sikur të kapin  
hënën' djellin të m'i japin  
në dy duart të m'i venë  
s'e kam për të lënë fenë.  
A më ndihmon Perëndia  
edhe më shtohet fuqija.  
Ase vdes mbi këtë vepër  
kaqë nuk po them më tepër”.  
Shumë përshtypje i bënë  
kësi soj kur i ka thënë.  
Shko bir tha sa të jem gjallë  
dëm s'të bëhet asnjë halë.  
Pas fjalës të Zotit zuri  
t'i ftojë sheshit si burri.  
Parësija prap u mblodhën  
si shkaba plakut i-u hodhnë.  
“Fort u mbushëm më s'durojmë  
ja ju ja na do rojmë!.....”  
Si e pa Ebu-Talipi  
mahisi puna nga nipi.  
“O bir! Kombi kështu thanë  
të hiqesh pakëz më nj'anë”.  
Nga fjala u hidhërua  
fytyra pak i-u ndërua..  
zemra keq i ka mëshuar  
ngaj sytë lot ka lëshuar.  
“O im-ungjë, s'është punë

të heq dorë ngaj kjo unë.  
Nga Zoti kam urdhëratë  
të përpiqem dit' e natë.  
Si të duan le të thonë  
unë s'heq dorë për Zonë".  
Këto tha, dhe u ngrit iku  
po kjo gjë t'ungjin e piku.  
I ra pas e ka këthyer  
me zemër të mallëngjyer.  
"Ta dish bir sa të jem gjallë  
shiko punën ri, bëj pallë.  
Le të ngrihet vëndi tërë  
s'të kanë gjë për të bërë".  
Zu me një fuqi të qjelltë  
me një zemër të këthjelltë  
si mori puna së mbari  
ca më tepër u ndes zjari.  
Kish Rresuli tre dhëndurë  
nga feja shumë të sëmure.  
Bul-Asi që kish Zejnepnë  
ish ngaj ata q'u magjepnë.  
Rukajjen kish Atebeja  
Umni-Qylin Utejbeja.  
Bijt e cap Ebu Lehebit  
të ati turi çerepit.  
Bashkë me t'ëmën me t' anë  
fort e ndiqnin Mustafanë.  
Ngaj t'unglit Ebu Lehebi  
përmbysur t'i qënke djepi.  
Pejgamberë nuk e linte

kudo vinte pas i binte.  
Hapni sytë mos gënjehi  
thosh nga besa mos këthehi.  
Mos e dëgjoni ç'ju thotë  
ju gënjen mos rehi kotë.  
Zonj'e tij Ummi Xhemili  
q'e kish zemrën si fingjilli  
aspo e motr e Sufjanit  
gjuha teh'e jataganit.  
Shum' e lig' e ndyrë grua  
baltë s'i linte ndër thua.  
Bubu se ç'bënte e liga  
shtëpi më shtëpi shkon shtriga.  
Si një zedërre magjistare  
si një gore e zagare.  
Kundra Muhammedit fliste  
lloje fjalësh çpifte ngjiste.  
S'linte njeri ta besojë  
si nëpërkë kish një gojë.  
Rolin e math gratë e llozin  
ato vënë pykat' llozin.  
Si për fe, për politikë  
ato janë shpat e thikë.  
Ato fen e lartësojnë  
ato bijat i mësojnë.  
Fet ato i mbajn' i lenë  
ato ato mbajn' atdhenë.  
Prandaj sot europeanët  
çojnë zonjat në gjith anët.  
Për të shkukur rrënjët fesë

çelin shkolla pa pagesë.  
Kështu pra edhe kjo shtrigë  
skilja plakë, dhelpër'e ligë  
mjaft mundim i dha Ahmedit  
e largonte prej ymmetit.



## H.Muhammedi (a.s) farën e fisin e vetë e ftoj në fe të vërtetë.

Ve endhir ashireteqe<sup>1</sup>  
tremb më t' afërmit që ke.  
Këtë Ajet me të marë  
Safa mblodhi fis' e farë.  
Si hëna mbi pllajët dolli  
këthjellësisht kështu i-u foli.  
“Prapa malit ka armikë  
t' ju besoni një çikë?”  
Qysh s'të besokemi thonë  
kurrë s'ke rejtë për Zonë.  
Kur kështu tha pse s'besoni  
që prej zjarit mos pësoni?  
U shkumbëzua Lehepi  
nja dy të shara i qepi.  
(Tebben leqe) - më të shiftë<sup>2</sup>  
për-se na thirre? Të piftë!  
Lëreni se është i krisur  
për të çmendur sa ka nisur.  
Kësi fjalë llomotiti  
kombin me zemërim i-a ngriti.



<sup>1</sup>Sure-i Shuara, ajet (ve andhir ashirteqe..d.m.th. tremb farën e fisin lënt q'i ke më t' afërtë. Pejgamberët janë mjekës shpirti. Mjeksit e trupit i thonë të smurit po verpove kështu ngjallësh, përndryshe e ke shtënë vehtën në rrezik. Kështu edhe Profetët popullin e tembin edhe e sihariqojnë dyke i u dhënë dhe nga një reçetë qjellore. Kush vepron pas reçetës së tyre e shpëton shpirtin e përjetë.

<sup>2</sup>U shofsh, t' thaftë - me të shiftë

Kur zbriti Tebet jedaja  
përçin e kapi bëtaja.

Ashtu fort i ashpëruar  
bijvet i-u ka urdhëruar:  
“Mustafajt gocat t’i-a lini  
edhe që tani t’i-a shpini”

Të bijtë e ndigjuan t’anë  
në çast që të dy i lanë.  
Utejbeja marraniku  
pranë Muhammedit iku.

Pas jakej e ka përfshirë  
I ka folur mjaft pështirë:  
“Nuk ta pëlqejë fenë tënde  
s’më gënjeve dot, kot rende.  
As më deshe as të dua  
gocën më s’ta kam për grua.”

Kështu tha jakën i grisi  
I kushriri ky iblisi.

Mustafajt j’u gris këmisha  
po këti j-u shua pisha.  
I mëshoj e ka mallkuar  
shumë kohë më s’ka shkuar.

Udhës Shamit tek po vinte  
përmbi kamelët si ç’rinte  
një dragua j’u lëshua  
sakaqë pisha i-u shua.

Rukajjeja si e lanë  
së dyti mori Osmanë.  
E ç’të bënte Muhammedi!  
Qysh largohet nga daveti?

Ajy ish i detyrueshëm  
për ftim ish i urdhërueshim.  
Ajy vetë nuk po hynte  
por shpirti qjellor e shtynte.  
Fuqi e psheht' e shtrëngonte  
fen' e saktë ta tregonte.  
Ta qitte botën në dritë  
të mos jetonin të ngritë.  
Ndërgjegja pra nuk e linte  
me duar lidhur të rinte.  
Si mundte ta linte redhë  
të shtypej gjithnjë në zgjedhë?  
Gjith profetët kështu qenë  
të detyrueshëm për fenë.  
Medoemos do të flisnin  
sado q' i ndiqnin i vrisnin.  
Burrat nga vdekja nuk tremben  
tunden malet po nuk shemben.  
Këta truthatët s' e linin  
Ebu-Talibit i vinin.  
I qahëshin se shan putet  
vetëm një Zoti i lutet.  
Dhe ata e dinin mirë  
që jetonin nd'errësirë.  
Por nga inadi s' besonin  
dhe djajt ashtu i mësonin.  
Zemrën e kishin të verbër  
bota i-u dukesh e gjelbër.  
Muhammedin mir' e njihnin  
por me tjetër sy e shihnin.

## **Sihariqet e para se lindte dhe ulematë q'e besuan.**

Rresulullahu pa lindur  
ulemaja ishin bindur -  
    Se Inxhil e Teurati  
    shenjat të gjitha i pati.  
Lindj'e tij me t' afruar  
ulematë zemër-qruar  
    popullin e lajmëronin  
    Pejgamberin e lavdëronin.  
Ditë më ditë e prisnin  
me zë të lartë bërtisnin:  
    “Lum, ajy që ta besojë  
    ta donj'e ta lartësojë.  
Nga reziqet ka shpëtuar  
lumtërin' e ka fituar”.  
    Abdullah Selam i ndjerë  
    me shum' ylema të tjerë  
nga ylematë me famë  
të jahudinjve si thamë.  
    Pa shtrënguar deshnë vetë  
    gushuan fen'e vërtetë.  
Temim-Dariu i përmendur  
me ca shokë të gëdhendur  
    nga ylemat' e krishterë  
    e besuan Pejgamberë.  
Asnjë s'kishte interesë  
ta rrokte fenë për pjesë.

Vetëm se librat i shtynin  
në fe të saktë të hynin.  
Dhe kudo që binte fjala  
i-u priste gjuha si palla.  
Kapnin librat dhe i-u flisnin  
për sihariqet që prisnin.  
I-a tregonin gjith pikat  
s'kishin frikë nga kritikrat.  
Sado Inxhil, Teurati  
i-u thoshte, por nga inati.  
Një shumicë s'e besuan  
armiqësin' e forcuan.  
Pa dashur Zot'i vërtetë  
druri nuk lëshon dot fletë.  
Shih Selman persani ç'pati  
ardhi u poq jetë-gjati.

### **Ç'thoshin kur i vdisnin djemtë?**

Kurse mashkull më s'i mbeti  
thanë: po vdiq Muhammedi,  
me gjith besë shkon harohet  
kjo ferrë që mbolli qrohet.  
Mënt' i kishin pirë fare  
ishin hunj' e hollovare.  
Pandehnin se Muhammedi  
mos është si punë mbreti.  
Për të zënë babajt fronin

duhesh bijt e tij të ronin.  
S'kish ardhur të mbretëronte  
veç detyrën të mbaronte.  
Detyrën Perëndijore  
donte ta kryente prej dore.  
Emr'i tij gjith shenjtëronet  
madhësi e tij s'haronet.  
Sa të jetë njerëzija  
mbretëron Kur'an i tija.  
Dhe ata që s'e besojnë  
pas atij a nuk pasojnë?  
Shihni sot pra nd'Amerikë  
s'pihet alkool asnjë pikë.  
Po bëhen synnet po lahen  
dhe nga besimi po ndahen.  
Sa për djem ka boll Ahmedi  
bijt'e tij janë mil-leti.  
Gjer ditën e kijametit  
shenjtërohet prej ymmetit.  
E duan më fort nga prindët  
kush ka tru atij i bindet.  
Hindi, Xhava po nxitojnë  
për mot shkojnë e vizitojnë.  
Nga gjith anët me fëmijë  
I shkojnë me qindra mijë.  
Bota sa të jet' e ngrehët  
do t'i presë kordh' e mprehët.  
Ebu Lehebi me shokë  
nga mëndja ishin fort trokë.  
Se ata pa vdekur mirë

emri i-u ka për të fshirë.  
Vetëm një mallkim i-u mbeti  
gjer të vijë kijameti.

Ashtu edhe Umri Xhemili  
u lagavit si kërmilli.  
Ebu Talipi e mpronte  
pra prej tij sejcili ndronte.  
EbuBeqri ish fis-gjërë  
kishin frikë prej sij tërë.  
Ish rehat ca ditë nga ferrat  
s'I afroreshin dot grerat.

### **Cilët ishin kryetarët e Kurejshit?**

Kur i arth profetësija  
këta ishin parësija.

Detyrat i kishin ndarë  
nëpër fis e nëpër farë.

1- Osman Talhaj pun e fesë  
kishte drynin e Qabesë.

2- Harithi haxhinjtë priste  
I yshqente dhe i niste.

Haxhillëku sa dit mbante  
3- ujët Abbasi e ndante.

Nedeve kishin për bisedë  
4- Jezid Repiu-I Esvedë.


5- Ebu Beqri gjak shpërblimet  
I ndante hollë si qimet.

6- Në luftrat Ebu Sufjani

me flamurin komandani.  
Mbi kalorësit komandë  
7- Velid Mugirja i randë.  
8- Për delegie ish Umeri  
q'e donte fort Pejgamberi.  
9- Edhe Safvan Umejjeja  
pas kohës q'e donte feja  
kurse kombi arab ngecte  
hithte fall ky putet pyeste.  
10- Harith Kajsi për financë  
si Kussi për konferancë.  
Këta kishin zënë këndin  
këta qeverisnin vëndin.  
Kishte dhe disa të parë  
të shtuar me fis' me farë.  
I ungji Ebu-Lehebi  
t'i qënke përmbysur djepi  
pat vjedhur një put të artë  
që përçin, nëma e martë.  
Ebu Xhehli' As-Vaili  
zembr'e tyre si fingjilli.  
Pale Ukbe Muajjeti  
në namaz një her' e gjeti.  
Ky faqeziu' zemër-guri  
korminën mbi zverk i-a vuri.  
Si këta edhe të tjerë  
që s'e donin Pejgamberë  
të gjith' ishin kryetarë  
armiq të fort' të marë.  
Nga morali e lëvdonin



politikisht nuk e donin.  
Nga lirija' barazija  
s'kënaqeshin parësija.  
Doemos i kundërshtonin  
se ndryshe dot nuk fitonin.  
Si t'i-u shkonte rëndësija  
më s'i njihte njerëzija.  
Veç kësaj dhe Hashimijtë  
grindeshin me umevinjtë.  
Prej disa shekujsh më parë  
vriteshin porsi barbarë.  
Me gjith këtë Muhammedi  
kish mjaft njerës nga umeti  
të pasur, e të ndigjuar  
burra me emër të zgjuar.  
Si Ebu-Beqri, Osmani  
q'i njihte Arebistani.  
Kish dhe të tjerë q'e njihnin  
me gjë e me shpirt e ndihnin.  
Disa thonë se më t'afrit  
I kish vetëm nga të varfrit.  
Isaj veç nga peshkatarët  
a s'i pati anëtarët?  
Atë të parët s'e hiqnin  
por e ndiqnin e përpiqnin.<sup>1</sup>  
Gjithë profetët kështu ishin  
nga të parët miq nuk kishin.  
Parësija donin zgjedhë



<sup>1</sup>*Nga ky shkak Isaj ka thënë: "të pasurit nuk do të hyjnë në parajsë."*

të sundonin përmbi redhë.  
Nuk donin kush t'i ndalojë  
qejin t'i-a u turbullojë.  
Mirë po Rresulullahu  
I ndihmuar nga All-llahu  
ashtu si dëshiroj vetë  
përhap i fen'e vërtetë.

### **Bilal Habeshiu.**

Si me dorë si me fjalë  
shum'e mundoni Bilalë.  
Në gryk' i hidhnin litarë  
dhe e hiqnin çunat zvarrë.  
Po ky i varfri duronte  
ç'hiqte Zotin s'e haronte.  
I-u thosh të hidhi përtpjetë  
Zoti një është i vërtetë.  
E nxirnin jashtë në vapë  
lakuriq, zbathur, pa kapë.  
I vinin në kraharuar  
gur të math për të munduar.  
Ajy duronte i mjeri  
“S'ndahem thosh nga Pejgamberi,  
të më bëni copë copë  
a të hyjë gjall në gropë.  
Un' ashtu kam për të vdekur  
dhe dorë s'kam për të hekur”.  
Ebu-Beqri e ka blerë

më pastaj Bilal e mjerë  
e shpëtoj nga zgjedh' e ndyrë  
nga një njeri zëmër-zgjyrë.

Muhammedi sa ish gjallë  
Muezzi e pat Bilalë.  
Ebu-Beqri shumë herë  
robër të varfër ka blerë.

Si merrnin fenë e lironte  
kësi soj i zotëronte.

### **Pejgamberi (A.S.) Hashiminjt' i ftoj përsëri.**

Me Alin' i ftoj një herë  
Ebu-Lehepn' e të tjerë.

Si u mblodhën bukën shtruan  
sa-do hëngrën s'e mbaruan.

Bukë për tre veta kishin  
po ata mbi dyzet ishin.

Mustafaj pa folur mirë  
capi plak ka blegërirë:

“O të zinj ju zu magjia!

Ç'dëgjoni fjalët e tija?

Ngrihi! Ikni! He! Shpejtoni!

Nga magjitë të shpëtoni!”


Tërë ç'qenë kanë dalë  
s'arriu t'i-u thot' asnjë fjalë.

“A e pe Aliut i thotë?

Kjo e shkuar na shkoj kotë.

Tjatër ditë lipsen ftuar

t'i-u japim të kupëtuar.  
As po i-u gremistë fati  
nuk na la sot kokë-thati.  
Vah sa qënka fat-ziu trokë  
pa mejtim pa' mënt në kokë".  
Përsëri një ditë i mblodhi  
në mest këtë fjal' i-u hodhi:  
"Nuk e di t'ju këtë prurë  
ngaj arabët njeri kurrë  
si unë sende të mira  
t'i-a ju them prandaj ju thirra.  
Kush e beson këtë fletë  
do këtu do n'atë jetë  
sa të këtë për të rrojtur  
si kafshët s'ka për të vojtur.  
Kush do vet-hen ta fitojë  
nga skëterra të shpëtojë  
të besojë Perëndinë  
që ka çpikur gjithësinë.  
Zoti më dha urdhëratë  
që të ju ftojë dit e natë.  
Prej jush cili më do mua?  
Ta kem për vëlla ta dua!  
Në vënt t'em atë ta kini  
kush ngrihet flisni' mos rini!"  
mbetën tërë të nemitur  
u ngrit Aliu q'ish i mitur.  
Si të tjerët, s'ndenj' i mpihur<sup>1</sup>



<sup>1</sup> Në këtë mbledhje vetëm Hashiminjtë ndodheshin.

“Unë kam për të të ndihur”  
E përqafoj nga gëzimi  
i-u tha: “ja ky është timi.  
Në vëndit ka për të mbetur  
nder të math ka për të gjetur.”  
Nga ata ca veta nisë  
Ahmedin e qesëndisë.  
“Kur na le veqil Alinë  
më s’na dhemp koka taninë.”  
Ebu Talibit i thanë:  
“Lum! Bota zili të kanë:  
Aliu në krye të këndit  
se ta la nipi në vëndit.  
Aliu ç’urdhër të të japë  
s’i këthehet fjala prapë.  
Trembëdhjet vjeç një djalë  
do ta kemi ne për fjalë!”  
Kështu ca fjalë pa kripë  
folnë ca veta pa cipë.  
Armikët fort shumë u ndynë  
muminëvet pas i-u hynë.  
Nuk mundin lirisht të falen  
se mushrikët me ta tallen.  
Mundim pa bërë nuk lanë  
s’nginjeshin sikur t’i hanë.  
Mumin të varfër ku gjenin  
I rrihnin edhe i çqyenin.  
Në kum të nxehtë i mbulonin  
I diqnin i përvëlonin.  
E gjeçin nga Zoti nëmën

vran Amarin me gjith t'ëmën.  
Ebu Xhehli i mallkuar  
Semijjen e ka ngarkuar.<sup>1</sup>  
Në dy dev nga një këmbë  
dhe i-u hoqi një pëllëmbë.  
Copë cop u bë s'la fen  
kësi soj fitoj xhennenë .  
kaq' i ndiqnin i përpiqnin  
nga feja dorë nuk hiqnin.  
Jepnin shpirtin për Profetin  
syhapur gjenin Xhennetin.  
Çifutët kur ndiqnin Krishtin  
apostojtë zunë bishtin.  
Apostojt e Muhammedit  
sa u xhvatnë prej miletit  
dhanë shpirtin e s'u ndanë  
s'e tradhëtuan Kuranë.<sup>2</sup>  
Si e panë kaqë ngushtë  
e u kahtitnë si rushtë  
u rahnë si valë deti  
prandaj dha lejë Muhammedi.  
Osmani me gjith Rukinë  
me shokët zun' Afrikinë.  
Pas ca ditë u ngrit Xhaferi  
dhe ajy Habeshi theri.<sup>3</sup>  
Ca nga ca një shumë rrodhën



<sup>1</sup>*Semijjeja është e ëma e Amar Jashrit.*

<sup>2</sup>*Thotë, Sir Villami.*

<sup>3</sup>*I vëllaj i Aliut*

Habeshi, një tok u mblodhën.  
Kureshinjtë s'e pëlqyen  
për këtë bënë dallyen.  
“Atje fenë mos e hapni”  
Mos i lemë pra të çapin.  
Këta emigrant që shkuan  
me vëndësit u bashkuan.  
Këtë ferrë do ta mbjellin  
një trazim do të na sjellin.  
Për këtë gjyq u shtrënguan  
Amr-Asin shpejt e dërguan.  
Dhe Amarë me të bashkë  
ta këtë ndihmës si mashkë.  
Kur vanë hynë ne mbreti  
ç'jini lodhur i pyeti.  
Dhuratat që patën marë  
i a paraqitnë më parë.  
Si puthën tokën i thanë:  
“Nemna shokët dhe Osmanë”.  
Prisni tha, t'i pyesim ç'thonë  
s'bëjmë dot në kryet tonë.  
Dha urdhër mbreti të vinë  
emigrantët pak të rinë.  
Dha selam hyri Xhaferi  
përpara mbretit i mjeri.  
Vezirët u hidhëruan  
i-u ardhi liksht nuk duruan:  
“Përpara mbretit pse s'ratë?  
Timin' e tij ku e latë?”  
Në çast u përgjigj Xhaferi:

“Na ka thënë Pejgamberi  
mos i fali njerëzisë,  
t’i fali veç Perëndisë”.

Mbreti nga kjo u tmerua  
fjala fort u ngatërua.  
E thirri Xhafer Tajjarin  
atë trimin më të mbarin.

Kanë ardhur ju kërkojnë  
bashkë me ju do të shkojnë.  
Tha: “Jemi njerës të lirë  
vrasës, kusar jo; të mirë”

Mua këta po më thonë  
kanë lënë besën tonë.  
As çifutë as kristijanë  
porse një fe të re kanë.

Qysh është puna, pra flisni!  
Si ka rjedhur të ma nisni!  
Ne besojmë tha Xhaferi  
ç’na ka thënë Pejgamberi.


Një fisnik burr i vërtetë  
s’ka rrejtur kurrë në jetë.  
Si ajy njeri nuk gjindet  
as është lindur as lindet.

Mrekullit i ka pa anë  
për shëmbëll kemi Kur’anë.  
Kureshinjtë fort na ndoqën  
na munduan na përpoqën.

U shtrënguan më së fundi  
të kërkojmë vënt gjëkund.  
Nga armikët fort u tutëm



në hije tënde u futëm.  
Fenë kur i-a ka rëfyer  
mbretit fort i ka pëlqyer.  
Pak Kur'anë të më mësonje  
shpirtin do të ma ëmbëlsonje.  
Këndojo (Kaf-ha-ja-ajn-sadin)  
mbretit i-a ndërroj masatin.  
Zemr'e tij u përvëlua  
qau e qau sa u kullua.  
Të tjerët njerës të treshë  
pa gjuhë pa sy pa veshë.  
S'kuptuan ç'ish Kur'ani  
ngelën ngrinë si hajvani.  
Të ndjenin të kupëtonin  
Kur'anin e vërtetonin.  
Prapë si tryel i-u futnë  
sa mundën mbretit i-u lutnë.  
Ti këta s'i njuh i thanë  
ndryshe flasin për Isanë.<sup>1</sup>  
Ku i le Xhafer Tajjari  
që të marrë flakë zjari.  
"Jashtë Kur'anit s'punojmë  
ç'është hala, s'e cënojmë.  
Isaj frym e Perëndisë  
rrop i tij, bir'i Marisë."  
Kësi soj tha Tajjari



<sup>1</sup>Kaf-ha-ja -ajn-sad-mbreti me qënë q'ish Isevi, i këndojo faqet e para të kësaj sureje, që të kuptonte besimet e muslimanëve që kanë për Isanë, e për Merjemen

mbreti mori një fill bari:  
“O priftërinj, pak mentoni  
vini vesh dhe kupëtoni!  
Kur’ani edhe Inxhili  
s’kanë ndryshim sa ky filli.  
Isaj këtë punë e siti  
ndë Inxhil na porositi:  
“Ta besojmë kur të vijë  
të mos bëhi fije fijë”  
Si duhet e kam kënduar  
Isaj fort e ka lëvduar.”  
“E besova Muhammednë”  
Kur tha; ata si hu mbetnë.  
“O vëllazër kini lejë  
të rini ku t’ju pëlqejë!  
Të mos kisha mbretërinë  
në pragt e fshinja turinë.  
Këpucët mbi kokë i vinja  
ujë mbi këmbët i shtinja”.  
Kur pa kështu si nuk plasi  
u ngrit iku Amër-Asi.  
Nuk pranoj dhurata mbreti  
Amri me trup të math mbeti.  
Si e panë, gjë dot s’ngjyen  
të brengosur u këthyen.

## Një gjykim

Edhe kjo e madhe shënjë  
është nga të naltat rrënjë.

E tregon sheshit Isanë  
që i-u tha për Mustafanë:  
“Të m’i mbani porositë  
ta besoni atë dritë!”


Kush e shtrëngoj Nexhashinë<sup>1</sup>  
që sundonte Habeshinë.  
Ç’frikë kish çdo të pësonte?  
Fenë të mos e besonte.

Ç’fuqi kishin muslimanët  
q’i katisnin nga gjith anët.  
Apo kish prej syresh shpresë  
mos i jepnin ndonjë pjesë.

Ish mbret i math i vjetër  
ç’madhëri i duhej tjetër?  
I-a thotë sheshit Inxhili  
edhe në vesh Xhebraili.

Shpirt’i pastr’ e shtyri mbretin  
pra e besoj Muhammedin.  
Lum, ajy gjet lumtërinë  
bëri razi Perëndinë.

Ç’pësoj a mos humbi nderin  
se e besoj Pejgamberin.



<sup>1</sup> *Nexhashi ishte mbiemri i mbretit të Habeshisë.*

Lum ajy ndigjoj Isanë  
ndigjoj Inxhilin, Teuranë.

Kush i shtrëngoj priftërinjtë  
ngritnë njëherësh gishtërinjtë.  
Kujt i fteket e gjen vetë  
nuk i mbyllet kurrë kjo fletë!

### **Ebu Beqri po largohet për në Jemen**

Ebu Xhehlët e pabesë  
q'ishin armikët e fesë -  
veç dorë hollët s'trazonin  
dhe parësis' i-u bëzonin.  
Ebu Beqri q'ish i parë  
i shtuar me fis e me farë.  
I pasur, njeri me famë  
portë-çelët mëngjes, mbramë.  
Dhe këtë zunë ta ngasin  
për çështje feje t'i flasin.  
Për të mbajtur lirisht fenë  
dolli të zërë Jemenë.  
Nuk e pat zënë San-anë  
takoj mb'udhë Ibni Dagnanë.  
I tregoj shkakun që shkante  
prej kureshinjve rënkante.  
Për të shenjtëruar fenë  
u shtrëngova lash Atdhenë.  
Meqqueja pa ty s'bën pare  
po s'u këtheve s'vi fare.

Me përdhun e ka rrëmbyer  
në Meqqe e ka këthyer.

Kureshinjvet i-u ka thënë  
s'kini turp kur qitni zënë.  
Për Ebu Bekrin e ndjerë  
q'ushqen të ngratët ngaherë.  
Kujt-do i mbaron nevojën  
as me armikun s'prish gojën.

Parësija me një fjalë:

kur kështu le të mos dalë!

Le të falet sa të dojë

Kur'an me zë mos këndojë!

Na prishen të rinjtë e gratë  
pshtillen pas tij dit'e natë.

Kështu thanë kureshinjtë  
se vërtet ata të rinjtë -  
me mallëngjim kur këndonte  
zemrën i-a-u copëtonte.

Me një magnet i tërhiqte  
i u shtinte ashkun i diqte.


E thirrën Ibni Dagnanë

Kureshinjtë dhe i-u qanë;

“Ebu Beqri s'po rri urtë  
duam përgjigje të shkurtë”

Shkoj i tha; “më s'të zotnohem  
më s'të mprj dot s'copëtohem.”


“Mprojt'e Zotit mjaft për mua  
mprojtjen tënde ç'do ta dua.<sup>1</sup>



<sup>1</sup>Buhari, shapitr' i Hixhretit.


## Hamzaj përse i-u çkanos Ebu Xhehli<sup>1</sup>

Ebu-Xhehli se nga vinte  
Resuli në Safa rinte.  
Pejgamberin me të parë  
i ka hequr një të sharë.  
S'i bëzoj e ka duruar  
s'prish gojën shpirt'i uruar.  
Ndigjoj një q'i ndodhej pranë  
shkoj dhe lajmëroj Hamzanë.  
Nuk'e di sot mjekër cjapi  
çthuri gojën fort së prapi.  
Ta ka sharë Muhammedin  
atë sa tmeroj qytetin.  
Hamzajt në vesht kur i hyri  
i-u trubullua mjaft syri.  
Tha të më shohë lugati  
edhe u ngrit nga inati.  
Ebu-Xhehlin shkoj e gjeti  
ç'pat me nipin e pyeti?  
Ç'pate me të q'e ke sharë  
vallë me kë të ka ngjarë?  
Hamzan' a s'e dinje tinë?  
Se vjen pa të grin mëlçinë!"



<sup>1</sup>Ebu Xhehli ishte nga të mëdhenjtë e kurejshit emrin e ka Umer po nga q'ish m'i madh armik i Muhammedit a.s edhe i fesë u quajt Ebu Xhehl-babai i padijes edhe i mërisë. Me qënë q'e dinte q'ish Pejgamber edhe s'e besonte.

E priti me një shigjetë  
nga kryet gjaku përtpjetë.  
Hamzajt ca veta i-u sulën  
nuk i la plaku, u ulën.  
Mos e ngisni tha Hamzanë  
se e ka nip Mustafanë.  
Rënd' i ardhi i-u sha nipi  
prandaj kokën pak ma kripi.  
Pastaj i-u tha me ngadalë;  
rini mos na qitni halle  
se zemërohet, ndërton fenë  
pra na ngatëron Meqnenë.  
Ish mentar s'rinte në gjumë  
me gjith dhe fis kishte shumë.  
Hamzanë s'donte ta ngiste  
nga frika gjë mos i ngjiste.  
Se puna i turbëlllohej  
dhe s'dihej se kur kullohej.  
Nga kjo pikëpamje s'donte  
Ebu-Xhehli ta lëndonte.  
Thonë: "Drit'e gjithësisë  
kur i lutej Perëndisë  
thosh: "Zot shtoji fesë nderë  
me njërin nga dy Umerë!<sup>1</sup>  
Vërtet dy Umerë qenë  
vërdall e sillnin Meqenë.  
Hamzaj nipit me të pjekur  
i tha qysh është përtpjekur.



<sup>1</sup> Njëri është Umer Ibn Hattabi, dhe tjetri Umer është Ebu-Xhehli.

Një nga një i-a tregoj tërë  
si i-a bëri kryet vërë.  
“Të dua o nip të dua  
keq mos ki se më ke mua”.  
Të më donje më besonje  
shpirtin tim ma ëmbëlsonje!

### **Hamzaj u bë mysliman**

Çun'i Abyl-Muttalibit  
më s'i-a prishi fjalën nipit.  
Në çast pruri Shehadetin  
e gëzoj fort Muhammedin.  
O Hamza! O trim me pallë!  
I kishe shokët të rrallë!  
Si lum ti o yll o dritë!  
Solle besim q'atë ditë!  
Në luftët arslan me fletë  
me njëqind luftonje vetë.  
Palla jote zjar lëshonte  
shrim shpëtim s'kish kë kafshonte.  
Arslani prej teje dridhej  
kush kudzonte të të hidhej.  
Zër'i tënd i trimërisë  
mortj' e zez' e ushtërisë.  
Zoti mbarë më ta pruftë  
ti kur futeshe në luftë  
armikët si dhent' i çanje  
me pallët më dysh i ndanje.



Ti i-a zbardhe faqen fesë  
o trim i ndjer i Meqqesë!

### **Umeri qysh e pranoj fenë?**

Armikët kur e pikasnë  
për Hamzanë thua plasnë.

Kur i shohin që po shtohen  
idolatrët qysh s'marohen?

Në një kuvend janë mbledhur  
fjalën e kanë përdredhur.

Ebu-Xhehli armik plaku

tha: “duhet t'i derdhet gjaku.

Po s'u bë kështu si thashë  
puna do të shkojë trashë”.

Qysh s'iu tha gjuha kur foli

kjo, nga goja si i dolli?

A u nxiftë ditë-preri!

Qysh u vraka Pejgamberi?

“Do t'i jap tha kush t'a vrasë

të holla tre katër thasë.

Dhe një qint deve të marë

vetëm le t'i bëjë varrë.”

Unë tha Umeri unë

ta mbaroj ty këtë punë.

Tërë bravo! Umer thanë


edhe duarvet i-u ranë.

Trimi pallën ka rëmbyer

me një vrap është lëshyer.

E hasi mb'udhë Neimi  
tha: “Umer! Ç’është zemërimi?”  
    “Për Muhammedin jam nisur  
    barkun i-a kam për të grisur.  
Midis kombit futi ndarkë  
dua ta humb gjer në darkë”  
    “Mëndja nuk ma kapë mua  
    ta kryesh këtë që thua.  
Atij shokët reth i rinë  
e nga do t’i nqasesh tinë?  
    Ha të themi e mbarove  
    dhe si zok fluturove.  
Nuk të ndahen të gjurmojnë  
copka copka të thërmojnë”.  
    Umeri fort u zemërua  
    ç’më pandeh tha Neim mua?  
Nga ata më dukesh qënke  
pas mëndjes së tyre rënke.  
    Të të ther pra ty më parë  
    pastaj t’i bëj ati varrë”.  
“E ku di mor Umer! tinë  
ngaj ta plot e ke shtëpinë.  
    Mos e zer’i tha për lodër  
    yt kunat e jotë-motër.  
Ta dish mirë të dy janë  
të vërtetë muslimanë.  
    Seidi me Fatimenë  
    e kanë pranuar fenë.  
Mos bëj merak ti për tjetër  
ty të ka hyrë në vatër.

O Umer! Me ç'mëndje vete?  
Ha të themi se e pshtete!  
Ta lemë fenë më nj'anë  
reth i tij that'a e hanë?  
Sa të përgjaket një palë  
tringëllon e shkreta pallë.  
Ti Umer le që s'bën këmbë  
por kush mbetet nga kjo trëmbë?  
Fis'i Hattabit asnjë s'lënë  
gjallë në dhet do t'i vënë.  
Asnjë s'ka për të shpëtuar  
do të bijen krejt ndër duar".  
Me gjithë që nuk pat besuar  
por ashtu i keqësuar  
në shtëpit të tyre vajti  
veshin për përgjim e mbajti.  
Hubabin brënda e kanë  
po i-u shënonte Tahanë.<sup>1</sup>  
Umeri u ashpërua  
ne porta kur u afrua  
Me një tërsëllim të fortë  
ka trokëllitur në portë.  
U trembën ment i-u ra pika  
Hubabi u psheh nga frika.  
Por sa hyri tha; "ç'këndonit?  
Ç'bënit ashtu? kë lëvdonit?"



<sup>1</sup>Kjo sure tregon në kryet madhërinë e Zotit, astaj nis tregon historin e Musajt.

“Asgjë fare tha Seidi”

Por Umeri më s’e priti.

Me zemërim përdhe e plasi  
të gjorin sa ment gojasi.

“Vërtet, si më thanë qënka  
e shkreta magji ju zënka!

Çuditë qysh u gënjyet  
nga fe e vjetër u këthyet!

U ngrit Fatime e mjerë  
atë nga duart t’i-a nxjerrë.

Dhe asaj një grusht i ngjeshi  
gojën’ hundën i-a përseshi.

Gjaku si çurk i buçiti  
prej zemërimit jah se ç’qiti!

Kur pa gjaknë çurk’i rodhi  
vehten pak sikur e mblodhi.

I ardhi ngaj Perëndija  
kësaj i-u shtua fuqija.

Tha: “nga Zoti s’turpëronesh  
kaqë shenja pe, s’afrohesh!

Ke kapur një shtrigë ferrë  
dhe nuk beson Pejgamberë.

Në daç më ther, në dashç grimë  
nga feja s’ndahem një grimë.

Ne u bëmë muslimanë  
ja, në gji kemi Kur’anë.

La ilahe il-Allah

Muhammedun Rresulullah”

Motra në gjak u mbulua  
Umerit i-u turbëllua.


Është unjur dhe sheshuar  
më s'ka ndenjor i lëshuar.  
Çdo këndonit pra i nxirni  
ku i pshehtë pra i mirni!  
I-a dha fletën Fatimej  
të marë vesh ç'është feja.  
Si e vu re mir'e bukur  
shumë e naltë i është dukur.  
Aq' i ka bërë përshtypje  
sa s'i ngeli më përtypje.  
Një habitje e ka pshtjellë  
filloj të gjykoj fellë.  
Qjelli edhe me gjith ç'do kanë  
të gjitha të Zotit janë.  
Pra ndigjo tha moj Fatime;  
"si qënkam këto besime?  
Zoti tuaj i ka të tëra  
gjith këto vise të gjëra?"  
Gjith të tija i tha janë  
putet tuaj gjësendi s'kanë.  
Kush s'beson i falet tja  
ç't'i them! Engritshin të katrit.  
Sa po vjen, Umeri zbutet  
zjar feje në zemr i futet.  
Ca më poshtë: kur ka parë  
(La-ilah-en) fort ka qarë.  
Veç ati tja të s'i falet  
prej Tij vdes ç'do prej Sij ngjallet.  
Ç'do emr'i bukur të jetë  
është i Zotit të vërtetë.

Ky ajet shpirtin i dogji  
Sa kaqë një teqbir i hoqi.<sup>1</sup>  
Me të ndigjuar Hubabi  
shpirt-djegur zemër-qehabi.  
Me një gas fort të madh dolli  
me të bashkë Teqbir solli.  
Sihariq Umer! Të qofë  
nderi dhe aqë tu shtoftë.  
Bekim'i tij ty të zuri  
dhe përmbi kulmit të shpuri.  
Nga goja nuk të lëshonte  
për ju lutej nuk' pushonte.  
Ty ta bëri kismet Zoti  
Ebu-Xhehli shkoj së koti.  
Ty të ndihu fat'i mirë  
ajy ngeli nd'errësirë.  
Ty të lartësoj All-llahu  
Ebu-Xhehlit iu tha krahu.  
Puna sa kaq' u ndëruea  
ngaj ardhi kjo? - nga një grua.  
Në dor' e ke Zot! Në dorë  
e këthen robin të gjorë.  
I-a këthen mëndjen për mirë  
i-a zbut zemrën me pahirë!  
Ç'thosh disa orë më parë?  
I-a kam për të hapur varrë!




<sup>1</sup>*Teqbir - All-llahu eqber, All-llahu eqber, la ilahe il-All-llah, vall-llahu eqber, All-llahu eqber, ue lil-lah-il-hamd.*

Shih tani si i qan zemra  
nuk ri n' shesh po ri n' thembra.  
Vërejeni pak Umerë  
si rënkon për Pejgamberë.  
I ndihe, më s'e mban vëndi  
o Muhammed! U bë tëndi.  
Magnetitënd e tërhoqi  
ashku tënt shpirtin i-a dogji.  
Vallë ku ndodhet të piqem?  
Si flutur pas tij të digjem.  
Bashkë me Hubabin vanë  
të piqen me Mustafanë.  
Në një shtëpi ishin mbledhur  
fjalosen shokët e zgjedhur.  
Armatosur kur e panë  
Pejgamberit van'i thanë.  
Ca nga shokët si tokuan<sup>1</sup>  
prej Umerit u frikuan.  
Hamzaj tha: "mir'-se të vijë!  
Le të hyjë, le të rijë.  
Në ka ardhur për të ligë  
këmbët kryet i-a bëj bigë".  
Në të dy krahët e zunë  
si nuse brënda i-a shpunë.  
Umeri pa trokëllitur  
Xhebraili kishte zbritur.  
I kish thënë Pejgamberit  
se qysh ngjau pun'e Umerit.



<sup>1</sup>*U poqnë*


Prandaj shokët kur u trembën  
u hidhëruan u shempnë<sup>1</sup>  
Mustafaj i qeshur rinte  
se punën si është' e dinte.  
Hyri dhe ndenji më gjunjë  
armët si një tufë-hunjë.  
E zu Umerë për krahu  
dhe i tha Rresulullahu:  
“vërtetoje Perëndinë  
o Umer tani dhe tinë!  
Me një zemër të përzhitur  
e me një shpirt të zhuritur  
dyke derdhur lot ngaj sytë  
ka kënduar Eshhedytë.  
Sikur t'ishe atje tinë  
do ta tronditje shtëpinë.  
Nga gazi do fluturonje  
se s'kishe se qysh qëndronje.  
Tërë me gaz të math thirrë  
me zë të naltë Teqbirë.  
Malet e Meqquesë zjenë  
sa gjith populli e ndjenë.  
Hamzaj kish tri dit më parë  
q'ardhi dhe e ndezi zjarë.  
Tani dhe Umer Hattabi  
ardhi q'e pruri Hubabi.  
U forcuan myslimanët  
shtinë rrënjë nga gjith anët.



<sup>1</sup>U shempnë: u bënë për të qarë pas djalektit të Korçës.



Nuk' se kaqë shumë u shtuan  
por nga burrat që fituan.  
Më s'kudzonte dot as trimi  
se ndruhej nga ngatërimi.  
Me gjithë që të paktë qenë  
por e tronditën Meqqenë.  
Kishte me mijë urbanë<sup>1</sup>  
q'ishin bërë myslimanë.  
Pra armikët kishin frikë  
se po t'i ngisnin një çikë  
ndizej ajo luft'e shkretë  
derdhej gjaku si rrëketë.  
Kjo frik i ndalte ngaherë  
që s'e ngisnin Pejgamberë.  
“Sa u bëmë tha Umeri?”  
“Dyzet i tha Pejgamberi”.  
“E ç'po rimë? tha, të dalim  
namazin Qabe ta falim!”  
Duallën trimat me fletë  
dhe Rresulullahu vetë.  
Umeri shkante në ballët  
pas atij, Aliu me pallët.  
Ai që mbeti i treti  
ishte vetë Muhammedi.  
Ebu Beq rin ka më nj'anë  
më të mëngjër mban Hamzanë.  
Të tjerët gjith pas i ranë  
burrërisht në Qabe vanë.



<sup>1</sup>Urban—arabët që rrinë nëpër fushat e nëpër malet me çadëra.

Ebu-Xhehlit i ra pika  
obobo tha na përpika!  
Përpara djallit ish pjellë  
kish një mëndje fort të fellë.  
Kjo punë s'i ka pëlqyer  
syt' i ka keq zgërdëllyer.  
U deh, u nxi sy-lugati  
e mati fjalën ç'e mati.  
Ç'është Umer i tha kjo punë  
a kështu të thashë unë?  
Për hajr udha që zure  
fjalën që dhe qysh e ç'thure?  
Kur tha: (Eshhedu) një herë  
Shtrigun në mest e ka prerë.  
Toron' e humbën sa qenë  
ngrinë dhe sy-hapur mbenë.  
Kush s'më di le të më shohë.  
Umeri jam të më njohë.  
Kjo fjalë tepër i nimiti  
porsi rrufe i goditi.  
S'duruan dot zunë vrapnë  
armikët dhe u përhapnë.  
Dolli kur dolli Umeri  
sheshit All-llahu eqber-i.  
Sot e tutje jasht' u falë  
dolli palla më s'ka fjalë.

## **Me të gushuar Umeri islamizmën Ebu Xhehli me shokët lidhën një besën**

Me të bër' Islam Umeri  
Ebu Xhehli barku i theri.  
As i hahet as i pihet  
as i flihet as i rihet.  
Si nuk çmëndej qysh duronte  
se feja po përparonte.  
Shtrigut gjaku i lëvronte  
aqë sa s'donte të ronte.  
Mblodhi shokët biseduan  
gjer'e gjatë kuvënduan.  
Këtë gjyq dhanë së fundi  
"Me Hashiminjt' as gjëkundi  
marje dhënje të mos kenë  
dhe as t'i-u vin' as t'i-u venë."  
Lidhën një kuvënt të fortë  
shkruan një sent sa një portë.  
Ato kushte fort të rënda  
i varën në Qabe brënda.  
Një nga një gjith' e firmuan  
myslimanët u helmuan.  
Qënkas s'qënkas myslimanë  
pleq të rinj Hashiminj ç'janë  
tërë ky gjyq i përfshinte  
femër, mashkull asnjë s'linte.  
Ebu-Lehebi përjashtohej  
se prej tij mjaft përfitohej.

Hashiminjtë tërë rodhën  
në një gastër krejt u mblodhën.  
Edhe kureshinjtë u ndanë  
tok me Ebu-Xhehlin vanë.

### **Fundi i mos-përzimit**


Ndarja tre vjet u zgjatua  
blerja, shitja u shkretua.  
Hashiminjtë nuk kudzonin  
me dalë, se i trazonin.  
Edhe Aliu atë kohë  
nuk donte njeri ta shohë.  
I ri, fen'e mban të fshehtë  
kordhën s'e kish fort të mprehtë.  
Hamzai në hije të pallës  
i vjen vërdallë mëhallës.  
Le Umer Ibni-Hattabi  
tërt s'i bën veshi nga cjapi.  
Ç'është ajy t'i nqaset pranë  
e bën forra jataganë.  
Ebu-Beqri ish m'i ndjerë  
armikët i-a mbanin nderë.  
Megjith këto, mbyllja s'hijej  
mbase Ebu-Beqri përpiqej.  
Kë munte në fe e ftonte  
punës as pak s'i përtonte.  
Shumë njerës ka këthyer  
zu gardhi për të zbërthyer.

Pandehnin se mos i trembnin  
fenë kështu mos e shembin.  
S'e dinin se kjo shkëndija  
q'e pat ndezur Perëndija.  
Me frymën e tyre s'shuhet  
do të ndriçojë si duhet.  
Sa vinte do lartësohej  
dit për dit do plotësohej.

### **Bojkotazhi i kureshinjve drejt hashiminjve**

Ebu Xhehli më s'durohej  
sa po vinte po marrohej.  
Veç Lehebit hashiminjtë  
u lidhën pleqt' e të rinjtë  
sa të jenë sa të rrojnë  
Muhammedin do ta mbrojnë.  
Ebu-Xhehli armik plaku  
i lëvronte gjithnjë gjaku.  
Ndënë kryesin' e vetë  
mblodhi kureshinjt e shkretë.  
Bashkërisht një vendim dhanë  
dhe nga Hashiminjt u ndanë.  
Të mos venë, të mos vinë  
ta presin krejt krushqërinë.  
Dyzet krerë prej Meqqesë  
e vulosnë këtë shkresë.  
Në mur të Qabes' e varë  
si bënë be janë ndarë.

Hashiminjtë veçan mbenë  
rrethuar s'kanë ku venë.  
Mysliman' edhe të tjerë  
kush ish gjak me Pejgamberë.  
Nga ishin nga s'ishin rodhën  
gjith në një lagje u mlodhën.<sup>1</sup>  
S'japin, s'marin, nuk përzihen  
as flasin me ta, as zihen.  
Bojkotazhi tre vjet zgjati  
ç'do hashimi shiti ç'pati.  
Për të ngrënë shumë hoqën  
si peshku në furrë u poqën.  
Disa yshqim i-u dërgonin  
dhe askujt s'i tregonin.  
Por Ebu Xhehli shpirt-ligu  
se ku e merte vesh shtrigu.  
I-u thoshte pse prishni besën  
le të shuhen le të vdesën.  
Disave fort liksht i-u ardhi  
dhe filloj të çthuret gardhi.  
Për të mallkuarën shkresë  
kishte thën'i madh'i fesë:  
"Veç emrit All-llah, s'ka mbetur  
tërë shkronjat janë tretur.  
Një lloj mize i ka fshirë  
porsi tenja i ka grirë."  
I-u pat thënë Ebu Talibi  
lajmin q'i pat dhënë nipi;



<sup>1</sup>Kjo lagje quhet (Shuabi Ebu Talibedhe sot quhet lagje e Aliut.

“shihni, po s’qe e vërtetë  
do largohem edhe vetë.  
Po dolli rrenë kjo pikë  
do mos e mpronj asnjë çikë”.  
Lajmi si ç’tha i-u ka dalë  
por Ebu Xhehli s’mban fjalë.  
Prapë bën krye të fortë  
fjalët po i heth në shportë.  
Pesë veta lidhën besë  
për të grisur q’atë shkresë.  
Një mëngjes pranë Qabesë  
janë fshtjellë që të pesë.  
Zuhejri filloj të flasë  
disa fjalë fort me masë  
“Zotërinj a na ka hije  
ne të kemi haje’ pije.  
Hashiminjtë të thërresin  
bukë, bukë dhe të vdesin?  
Po bëj be e prisha besën  
copë cop’ e bëra shkresën.”  
Ebu Xhehli sa pat zënë  
ren, s’të kemi për të lënë.  
Zem-a Esvedi i thotë:  
“Ebu Xhehl! Ç’mundohesh kotë.  
Ne ju thamë q’atë ditë  
që s’pranohet kjo konditë.”  
Ebu-l-Bahteriu’ Hishami  
që i-u ndihej tepër nami.  
Zem-anë mjaft e përkrahën  
çështjen e rahën’ ç’e rrahën.

Ngrihet i pesti Myt-imi  
dragoj me fletë, më trimi.  
Shkresën bojkot copë e bëri  
dhe askujt s'i dolli zëri.  
Kësi soj mori funt puna  
dhe u ndalua furtuna.

### **M'e madhja muxhize**

Kjo fe e bukur nga pakë  
më çdo anë lëshoj flakë.  
Dyke parë Muxhizetë  
tufë tuf' u futën vetë.  
Ai tregoj mijë shënja  
por Kur'ani është rrënja.  
Me qënë se s'pat kënduar  
për mësim s'ishte munduar.  
Çdo bëhej i-u kallëzonte  
vallë ç'fuqi i bëzonte?  
I-a tregonte Perëndija  
s'i kishte nga mënt e tija.  
Ndër arabët asi kohej  
diturija po zgjerohej.  
Vjersha flisnin dhe barinjtë  
pas kësaj pleqtë, të rinjtë.  
Sukul- Uqadh- i Klimit  
panair i vjershërimit.  
Mburim i letratyres  
lar-mendimi i natyres.



N'atë vënt peshohej fjala  
q'edhe sot ka mjaft të gjalla.  
Ishin nj'a shtatë të parë  
emër të math patën marë.  
Kishin shkruar nga një fletë  
më bukur s'flitej në jetë.  
Po njeriu sado të flasë  
e mëndjen sado ta vrasë  
sado naltë që të dalë  
të zërë të parën shkallë  
si në fjalë si në shkrime  
domosdo, ka mjaft ndryshime.  
Herë flet njeriu fort ëmbël  
thua s'munt t'i bëhet shëmbëll.  
Herë s'e pëlqen as vetë  
e sheh lakuriq' të metë.  
Të shtatë fletët e arta  
nga kupëtimet të zjarta.  
Pleq' të rij' çunat e mitur  
krejt për-menç i patën ngritur.  
Edhe sot ato të shtata  
zjar lëshojnë porsì shpata.  
U munduan vjershëtarët  
ata q'ishin më të parët  
ata që flisnin fort ëmbël,  
t'i bënin Kur'anit shëmbëll.  
E ku mundnin t'i afronen!  
Vetë vetiu turpërohen.  
Para "Ja erdu-Blei-së"  
dhe "Ja semau Aklii-së"

shkrimtarët u nemitën  
nga turpi shkresat iu zbritën.  
Porsi yjet kur lind djelli  
thua se zhduken nga qjelli.  
Vjershëtarët e Kahtanit  
i bënë sexhde Kur'anit.  
Çudi! qysh s'vinin gjishtërinjtë  
të mentoheshin të zinjtë?  
Se Kur'ani ish nga Zoti  
porsi Tevrati që moti.  
Por jo Teurati i sotshëm  
them për Tevratin e motçim.  
Trut' i-u patën marë erë  
pra, s'e njihnin Pejgamberë.  
Kush pat ment, i ndihu fati  
punën e peshoj e mati.  
Besoj Ahmed Mustafanë  
dhe pranoj për prijs Kur'anë.  
Një libër të pëlqen tynë  
dhe me zell i jep synë.  
Të duket shkrimi i naltë  
nga çdo shkronjë pikon mjaltë.  
Dy tri her' a e këndove  
të katrën krejt u rëndove.  
Mijë herë an'e mb'anë.  
Sikur ta këndosh Kur'anë,


leqë kurë s'të mërzhitet<sup>1</sup>  
nga zemra nuk të zvëritet.

Por më fort të shtohet zella  
nga kupëtimet e fella.  
Për Kur'anin ç'të bëj fjalë  
është muxhize e gjallë.

Po e çpall me zë të naltë  
që çdo libër e la në baltë.  
“Fetu bi suretin” thotë:  
“sa të qëndrojë kjo botë  
Zot'i math po s'na i zgjidhe  
s'zbutemi: mbem aguridhe.

### **Ata që pranuan fenë vetë vetiu**

Dammadi i Thalebesë  
nga fis'i Ezd-Shenevesë  
përpara Profetërisë  
ish miku i zotërisë.



*<sup>1</sup>Naltësija e Kur'anit është në arabisht, ndërsa në përkthimet s'ka shije. Halifja i tretë Osmani, përnatë e lexonte nga dy herë Kur'anin. Imam Azami përnat nga një herë etj. Edhe sot ka disa nga të mbëdhentë kush, tri, katër herë e këndonin për dit. Këta që shënojmë janë nga ata zotërinj q' e mernin vesh thelbin si duhej, t'ish Kur'ani gjë e mërzhitçme, këta përse s'mërzhitëshin. Unë kujtoj se e kam kënduar afër dy mijë herë, po që kur i kam këpëtuar palcen më vjen se e kam kënduar në tepër se gjashtë qint herë. Le që s'jam mërzhitur, po m'është shtuar dëshira më tepër. Osmani e këndoij 40.000 herë.*


*Imam Azami (50.000edhe disa të tjerë nga falësit të mëdhenj e të ditur e kanë kënduar (60.000herë. Edhe sot ka njerës të Perëndisë për dit nga një e nga dy herë. Ç'është shkakun që nuk mërzhiten? Them: Kurani është, m'e madhja muxhize e Muhammedit a.s.*

Një dit' e ka vizituar  
Dammad mjeku i lëvduar:  
    “Jashtë thonë Muhammedi  
    s'është mirë nga shëndeti.  
Kam ardhur për të shikuar  
dhe në daç për të mjekuar”.  
    Muhammedi i përgjigjet  
    Dammadit zemra i digjet:  
“Lavdëroj Zon' e vërtetë  
prej sij lyp ndihmë për jetë.  
    Rrugën kujt t'i-a kallzojë  
    askush nuk mund ta rrëzojë.  
Kë tërheq në llurbët vetë  
s'ka kush e shpëton përjetë.  
    Kam besuar Perëndinë  
    robin, Muhammed-Eminë.  
I dërguari i Zotit  
si gjithë profetët e motit”  
    Miku i vjetër, Dammadi  
    nga kjo fjalë lezzet pati.  
I-u lut e këndoj tri herë  
dhe tha, Dammad'i mjerë:  
    “Fall-shtënësit i kamë parë  
    ashtu dhe mjaft magjistarë  
vjershëtar edhe të tjerë  
i kam ndjerë shumë herë.  
    Fjalës tënde nuk i ngjajnë  
    këto fjalë ndryshe ndajnë.  
Detit t'i-a flaç këto fjalë  
nuk duron' buçet' jep valë.

Nem dorën se t'ardha prapa  
rrugën e bekuar kapa".  
"Për gjith fisin tha nëm besë  
që të marin tërë pjesë".  
"Besën ta jap tha Dammadi"  
Dhe vërtet i-u ndihu fati.  
Në pak kohë e gushuan  
dhe moralin e ndryshuan.

### **Ebu Dheri**

Ndigjoj Ebu-Dher-Gifari<sup>1</sup>  
fenë kur dolli së pari.  
Çoj Enisin të vëllanë  
të piqet me Mustafanë.  
Kur u këthye i thotë  
nuk kam digjuar në botë  
si ai njeri të flasë  
fjalë të hijshme me masë.  
Fjalët e tij krejt qjellore  
vetijat gjith ëngjëllore.  
S'i-u mbush mëndja, u ngrit vetë  
shkoj ne djelli i vërtetë.  
Meqqe me Alinë piqet  
nga e pyetura tërhiqet.  
Tri ditë ndaj ky ka qëndruar  
pastaj Aliu i uruar



<sup>1</sup>Gifar ishte një fis që ndodhej midis rrugës të tregëtisë Meqqe-Sham.

i thotë pse u munduat  
gjer këtu pse udhëtuat?”

I-a tha e mori e shpuri  
Mustafajt i ndenj ne gjuri.  
Mori fenë edhe dolli  
shkoj në Qabe edhe foli:

“Unë jam tha Ebu-Dheri  
që më ndriçoj Pejgamberi.  
La ilahe il-l-All-llah  
Muhammed Rresulullah.

Të mëdhenj, të vegjl' i-u turrë  
e zunë burën me gurë.  
Dolli e shpëtoj Abbasi  
se për fill mbeti gajasi.

Më të nesërmet del prapë  
filloj shehadet të japë.  
Përsëri me gur' e zunë  
thua në dhet ment e vunë.

Prapë Abbasi ka dalë  
mezi e shpëtoj me fjalë.  
Se nuk donin ta lironin  
por me gurë ta mbaronin.

Kur shkoj ne fisi i vetë  
përhapi fen'e vërtetë.  
Jo vetëm në gifarinjtë  
dhe në fqinjët esleminjtë.  
Një kohë e gjatë pa shkuar  
u përhap fe'e bekuar.

## Xhubejr Mut-imi

Ca me të parë Kur'anë  
janë bërë myslimanë.

Xhubejr Mut-imi ka qënë  
Bedër dhe rop është zënë.

Kur ka ndigjuar Profetin  
këndonte këtë Ajetin:

“A vetiu janë krijuar?  
Pa krijus janë vijuar?

Apo vetë krijus janë  
shpiknë djellin dhe dynjanë?

Jo, jo dhe ata e dinë  
por s'besojnë Perëndinë.<sup>1</sup>


U hutua krejt i mjeri  
e gushoj fenë Xhubejri.

Thosh si magnet më tërhoqi  
zemrën, shpirtin fort ma dogji.

Ajy magnet i qjelltë  
ajy zërth i kthjelltë

e thithte botën së largu  
dhe i përmblihte ne vargu.

Vinë vetiu nga çdo anë  
bota bëhen myslimanë.



<sup>1</sup>*Sure-i Tur, ajet: Em-Huliku... bel-la jukimune.*

## Velidi i vjen për provë

Vjershëtor i math Velidi  
një ditë se qysh i zbriti.  
    Ta vizitoj tha një herë  
    e ta ndigjoj Pejgamberë.  
Kur'ani si do të jetë?  
Q'i zbritet nga qjelli për pjetë.  
    Ardhi i tha: "Po të donje  
    pak Kur'an të më këndonje.  
Veshi do më lulëzonej,  
e zemra do më gëzonej."  
    Ka kënduar me të thënë  
    Velidi vesh i ka vënë.  
"Oh sa paska ëmbëlsirë  
ku flet njeriu kaqë mirë?  
    Thelbi prej cipës m'i gjërë  
    ndë një guaskë fshtjell tërë".  
At' ajet q'i pat kënduar  
Velidi e ka lëvduar.  
    Shokëvet i-u ka rëfyer  
    Ajetin që pat pëlqyer.  
"Vini vesh shokë ta dini  
mëndjen e kalbët ta lini!  
    Nuk i ngjet vjershës Kur'ani  
    nga kjo gjë zemrën ta lani.  
Si mua vjershëtar s'kini  
fjalë njeriu s'është. Rrini!"



## Utbeja bir'i Rebiasë vjen për këshillimin e nipit

Utbeja i vjen një ditë  
edhe nis nga dhëpëritë:  
“Kam lejë të flas ca fjalë  
apo të vjen rëndë vallë?”  
Fol i tha ç’ke për të thënë  
njeri gjer më sot s’kam përzënë.  
Me të marrë lejë nisi:  
“Ahmed! Nga fara, nga fisi  
je i zgjedhur tër’ e dinë  
s’ta qesh dot njeri shtëpinë.  
S’di ç’pate me fen’e vjetër?  
E shkëmove çpikë tjetër!  
Bir! N’e çpikë për fitime?  
Lerma pra në dorën time!  
Të të sjell gjë sa të duash  
vetëm pres sa të më thuash!  
Ç’të kërkosh aty ta kemi  
urdhëro, se gati jemi.  
Të të kemi përmbi krye  
veç për fet mos bëj dëllye!  
Mos na i shaj Perënditë  
pas kësaj o yll! o dritë!”  
sikur ja solli ja fshtolli  
kësi lloj ca fjal’i foli:  
“Tashti ti o Utbe jakë  
të të flas dhe unë pakë!”

Sa shkrepriu llapci djelli  
Utbeja veshët i çeli.  
(Bismil-lahi) me të thënë  
atij pika i ka rënë.  
Po e dëgjon Muhammedi  
këndon, Hamim fussilet-in.  
Po s'hoqtë dorë ta dini  
rrebeshet aty i kini!  
(Adin ve Themude) mbeti<sup>1</sup>  
i dha funt aty Ahmedi.  
Zoti si u qiti renë?  
dhe s' i-u dërgoj rrufenë?  
Adin, Themudin, s'e humbi?  
Nuk' i përzhiti si shkrumbi?  
Ashtu ju ka për të gjetur  
kërcunj kini për të mbetur.  
S'e la ta mbaroj, ajetin  
e zu përdore Ahmedin;  
Të keqen këtu e lerë  
më tutje nip! mos e shpjerë.  
S'dëgjoj këndoj dhe një fletë  
(la jes-emun) qëndroj vetë.<sup>2</sup>  
Si u ngrit bëri sexhdenë  
Këthehet pyet Utbenë.  
Im kushëri a e pëlqeve?



<sup>1</sup> Kjo sure Hamim fussilet tregon disa mrekulli dhe kallëzon rebeshet q'i patën ardhur në krye kombit Ad dhe Themud, me qëllim që të bindet populli i Arabisë.

<sup>2</sup>Gjer në funt të faqes

Shko iu trego ç'shije ndjeve.  
U ngrit vajti ku e prisnin  
se të gJORËT po zalisnin.

Bubu thoshin n'u gaboftë  
neve pika na pikoftë.

A munde të bësh gjë thanë?

A e pëlqeve Kur'anë?

As më lini mos më flisni  
se më keq do të më ndizni!

Mënt në krye nuk më mbenë  
kur dëgjova (Fussilet-në).

Shumë vjersha kam digjuar  
nga vjershëtortët e zgjuar.

Kësi lloj veshe s'më zuri

Kur'ani mua më smuri.

E dinë gjith njerëzija  
kanë faj vjershat e mija?

Ju përgjegjë me një gojë;

le të dalë kush të dojë

të përpiqet sa të muntnjë  
menjtimet tërë t'i shkuntnjë.

Pak së paku mund t'i ngjasë

si ty as kush s'munt të flasë!

Tha: Kur qënkam kaq i ditur  
me një mëndje fort të ndritur

Dëgjoni pra ç'kam pikasur!

Nga nalt-shkrimi kam gajasur.

Njeriu sa bukur të flasë  
të mundohet të pëlçasë


fjal'e tij le të çkëlqejë

dhe kush do le t'i-a pëlqejë.  
S'i shëmbëllen dot Kur'anit  
fjalë së Arshi Rrahmanit.  
Kush flet dot si Perëndija  
sa vleftë ka diturija?  
S'ka Kur'ani s'ka të ngjarë  
me vjershat që kemi parë.  
Muhammedi nuk do ngarë  
as do folur as do sharë!...  
porsa dëgjova Kur'anë  
të zënka magjija thanë!  
Ju them aqë sa di unë  
më tepër s'kam me ju punë.

### **Dërguan lajkatarë të tjerë**

Dërguan edhe një herë  
prej parësisë të tjerë.  
Dhe këta sa fuqi patën  
e matën fjalën ç'e matën.  
I paraqitin ca ruaza  
për të elmasta unaza:  
“Në do gjë, ne vrik ta mbledhim  
në do gocë shpejt ta zgjedhim.  
Në do të ngreç mbretërinë  
për të ngjallur arabinë  
kjo na duket pun'e lehtë  
folë mos e mbaj të pshehtë!  
Trembemi mos je shuplakur

natën di ç'ka dyke flakur.  
Të përjashtmin<sup>1</sup> të mbërthyen!  
Edhe mëndjen ta këthyen!...  
të marim mjek të na shërohesh  
a të pshtymesh të lirohesh!  
Të përjashtmit të largohen  
dhe sëmundjet të mërgohen.”  
Lajkatarët Muhammedi  
me këto dy fjal' i pshteti:  
“S'kini turp ç'fjalë po flisni  
si s'mentohi qysh i ngjisni?  
S'kam nevojë për gjë unë  
dhe me gocat nuk kam punë.  
As fronin e Arebisë  
as vëndin e kryesisë.  
Zot i math më ka dërguar  
me këtë Kur'an ndër duar.  
Të pëpiqem nat e ditë  
ta qit popullin në dritë.  
Urdhër kam nga Perëndija  
për mos humbur njerëzija  
T'i mësoj ç'është imani  
t'i-u tregoj ç'thotë Kur'ani.  
Juve ç'pata i-a u thashë  
asnjë fjalë mangët s'lashë.  
N'i pëlqefshi ç'ju kam sjellë  
lumtërin e keni ndjellë.  
Pas Kur'anit po vepruat



<sup>1</sup> *Xhin (zëret)*

të dy jetët i fituat.”

Nga krerët ca janë ngritur  
kapën një çifut të ditur.

“Disa çështje na mësoni;  
të shohim a i di toni?”

shkuan Mustafan’ e gjetën  
një nga një çështjet i-a pyetën.  
Ç’jan, ata djem q’ardhën’ shkuan?

“Jan ata tha q’u frikuan  
prej Dokjanosit dhe vanë  
në shpellët në gjumë ranë”.

“Ç’është’ ajy që lëmçin shkeli  
pa zaptuar vënt s’i ngeli?”

“Ajetet si na rëfejnë  
shënojnë për Dhu-l-Karnejnë”

Ç’është shpirti a na thua?

“Kjo çështje s’më përket mua  
kjo çështje rrihet ka moti  
por qysh është e di Zoti.”

S’e çpallte sado q’e dinte  
se ena nuk i-au u nxinte.

Çifutit kur i treguan  
për fjalët që veshëguan.

Vërtet i-u tha, veç Profeti  
i di dhe i Vërteti.

U ashpëruan të zinjtë  
u thartuan nga turinjtë.

Më tepër e shtuan nakarin  
më shumë e forcuan zjarin.

Nga inati ment pëlçasin

ç'i-u vjen nga goja po flasin.  
Kush: i çmendur është thotë  
prandaj çdo flet e ka kotë.

Kush: është nga magjistarët  
e tjatri: nga vjershetarët.  
As më një mendje s'qëndrojnë  
fjalët përdit i ndërojnë.

### **Pejgamberi në kohët të Haxhit qysh i ftonte në fêt?**

Kur vinin për Haxh Urbanët  
në Meqqe nga të gjith anët  
dilte së largu, i priste  
me fjalë t'ëmbra i-u fliste.  
Le Kur'an kur i-u këndonte  
zemrën i-a-u copëtonte.

Gjuhë e tij mjaltë pikonte  
kush e dëgjonte rënkonte.  
E besonin shumë veta  
se ish sheshit e vërteta.

Arabët dzk'e fërkuar  
u përhap bes'e bekuar.  
Njëri pas tjetrit u shtuan  
thua shumicën fituan.

Faji rrjeth nga parësija  
se s'i-u pëlqente liriya.  
Donin të parët të jenë  
të vegjlit ndër thonjë t'i kenë.

Kjo fe i-u çpallte lirinë  
njeri unë njeri tinë.  
I pasur i vorfër ç't ishte  
kjo fe gjith njëlloj i kishte.  
Muhammedi thosh nga herë  
“Jam rop si robët e tjerë”.

### **Vdekja e Ebu Talibit dhe e Hadixhesë**

Sa shpëtuan nga bojkoti  
i helmoj islamët moti.  
Asnjeri s'le fat'i shkretë  
me buzë qeshur përpyjetë.  
Kur vdiste Ebu Talipi  
këto fjal'i thoshte nipi:  
“E di mirë sa të dua  
të lutem ndigjomë mua.  
La ilahe il-lall-llahun,  
thuaje, kërceje vahun.”  
Kish pranë Ebu Xhehlin' qenë  
dhe Abdullah Umejjenë.  
Ebu-Xhehli menjëherë  
i tha fenë mos e lerë!”  
Solli sytë nga i nipi  
dhe i tha Ebu-Talipi:  
“Nip! S'ta prishnja fjalën fare  
porse kam nga bota mare.  
Nga frik'e vdekjes do thonë  
e besoj i ungli Zonë”.



Atëher tha Ahmedi:

“Sa të rroj nga i Vërteti  
për ty do të kërkoj ndjesë  
që të mos mbetesh pa pjesë”

Ajy sa rrojti në jetë  
e desh si shpirtin e vetë.

E mprojti sa ishte gjallë  
askush s’i fliste dot fjalë.

Kjo dashuri kaq’ e fortë  
s’është për t’ungjin raportë?

I-a prish Zoti Muhammedit?

T’i-a lërë jasht Xhennetit?

Pas tri dit vdiq Hadixheja  
i u bë burg të shoqt Meqqeja.

Rrojti tok njëzet e katër  
sa e pati s’mori tjatër.

As po në mest të gëzimit  
ardhi mot i hidhërimit.

Si mbuluan të vëllanë  
në vëndit Lehebin lanë.

Gjeti vollt si duhet shtrigu  
u tërbua zemër-ligu.

Myslimanëvet i-u flisnin  
kudo t’i shihnin i ngisnin.

Disa mumin’ u përndanë  
Medinë e Taif vanë.

## H. Muhammed shkoj për Taif

U ngrit edhe Muhammedi  
në Taif ca kohë mbeti.

Me Zejdin e Harithesë  
ka dalë tok prej Meqqesë.

I mori fort me të mirë  
i-u fliste me ëmbëlsirë.

Populli s'i priti mirë  
nga zemra ishin të ngrirë.

Turp'i math kur e përzunë  
bubu sa e keqe punë!

Radhitur si hunjë gardhi  
pra kur shkonte faqe bardhi.

Gurët si breshër i a hidhnin  
nga këmbët gjakrat i ridhnin.

Kur unjei frymë të merte  
dhe gjakrat pakëz t'i terte

e ngrinin me zor s'e linin  
shpirtin Muhammed Eminin.

Shko i thoshin në çdo zonë  
largoju nga vëndi tonë.

Nuk duam të na japç dritë  
të na ftohç nga Perënditë.

Kështu e ndoqën një orë  
veç me gurë jo me dorë.

Zejdi bir i Harithesë  
nga këlyshët e pabesë

për të mprojtur Mustafanë  
priste gurët nga çdo anë.  
U mbyt në gjak funt e krye  
thua se me ngjyr u ngjye.  
    Vinin gurët si shigjetë  
    dyk'e rrjedhur nga hobeti.  
Me gjith këto Muhammedi  
që pësoj nga ky remeti -  
    aspak nuk i ka mallkuar  
    por nga qjelli ka shikuar.  
Ka ngritur duart për pjetë  
dyk'e thënë: "O i Vërtetë!  
    Tërhiqi nd'udhët të mirë  
    mos i lerë nd'errësirë.  
Çelu sytë Zot se s'dinë  
të kenë mënt të marin dinë.  
    S'më vjen keq se më munduan  
    më katosnë më lënduan.  
Më vjen keq se nuk mentohen  
pas puteve copëtohen.  
    S'të qahem për ç'më punuan  
    qahem vetëm pse vonuan.  
Pse vonuan s'kapën fenë  
por ndë errësirë mbenë.  
    Kam frikë se mos gabova  
    ata në fet kur i ftova.  
Nuk të mbarohet mëshira  
shpëtoji nga errësira."  
    Sa shpirt-madh! sa gjuhë-mjaltë!  
    zemër-qruar! mentim naltë!

Sa i urtë! sa i butë!  
sa i durushëm! i qutë!  
Me gjith atë q'e ndiqnin  
e mundonin e përpiqnin  
ajy fare re s'i vinte  
po mundohej që t'i bindte.  
Donte nga zgjedha t'i mpronte  
t'i ngjallte t'i lumtëronte.  
T'i bashkonte ndë një pikë  
veç Zotin të kenë frikë.  
Gjë e mall nuk iu kërkonte  
vetëm donte t'i bashkonte.  
Shkulte aristokratinë  
vendoste demokratinë.  
S'shihte komb as gjuh as ngjyrë  
nderonte një që s'kish zgjyrë.  
U lodhën u mallëngjyen  
pas dhjetë dit u këthyen.  
Në të hymen të Meqqesë  
atje ish vresht i Utbesë.  
Muhammedin me të parë  
i-u dhimp dhe ca rush ka marë.  
Robin Addas shpejt e thiri  
shpejt i a shpjerë t'im kushriri.  
Addasi kur e ka parë  
me Bismil-lah q'i ka marë  
nuk kam dëgjuar për Zonë  
gjer më sot kështu të thonë!  
E pyeti pak për fenë  
edhe ku e ke Atdhenë?

“Mëmëdhe kam Ninevanë  
për Pejgamber njoh Isanë”.  
“Qënke fshatarë me Jonusnë  
q’e nxinë kombi’ e krusnë -  
Ishte Pejgamber si mua  
kështu si un’ u mundua”  
Addasi qe fort i zgjuar.  
Këtë gjë me të dëgjuar:  
“Ndë Inxhil e kam kënduar  
ty Isaj të ka lëvduar.  
Do të heqç’ do të mërzitësh  
dhe prej Meqques do qitesh -  
Të ndih Zoti zgjeron fenë  
e shkel prapë Mëmëdhenë.  
Kam me vjete po të prisnja  
për ty o shpirt ment zalisnja.  
Zemra m’është përvëlur  
edhe mëndja turbëlluar.  
Muhammed! Për ty u dogja  
jam i lumtur sot q’u poqa.”  
U unj i mori piqinë  
tha: “besova Perëndinë”.  
Lum ajy shpirtin e ndriti  
dhe vehten fort nalt e ngriti.  
Kur u këthye në vreshtë  
u tallën burrat të leshtë.  
Sa fort i-a puthe piqinë  
në këmb’ i fshive turinë!  
Si përse kaq e nderove?  
E për ç’shkak na turpërove?


Kini të drejtë gjë s'dini  
ç'është Muhammed Emini!  
Atë pej jush kush ta dinte  
shkonte vrik ndër këmbë i binte.  
Utbeja tok me Shejbenë  
prapë qesëndit' i zenë.  
“Sa shpejt të zënka magjija  
paske marrë mënt e tija!”  
Mëndjen e kam fort të mirë  
por ju jeni nd'errësirë.  
Kish të drejtë fort Addasi  
se nga libri e pikasi.  
Q'ajy vet ishte Profeti  
q'e po e priste mil-leti.  
Fjal e tij poshtë nuk hidhet  
por vetëm lum kujt i zgjidhet.  
Atë mot prap' u martua  
zonjën Sude mori grua.  
Dhe Ajishen e pat zënë  
ish e vogël, e ka lënë.

**Harzexhinjt q'ishin një degë nga  
Haxhiminjtë u bënë myslimanë.**

Koh'e Haxhit kur afronte  
Mustafaj Meqqe s'qëndronte.  
Delte priste njerëzinë  
i ftonte në fe, të vinë.

Dhe vitin e njëmbëdhjetë  
prapë dolli ëngjëll'i qetë.  
Më një vënd Harzexhët gjeti  
ç'jini nga jini i pyeti?  
Me të duallën një farë  
nga Hashiminjtë të ndarë.  
Mir'e bukur u fjalosën  
ndenjné një kohë u çmallosën.  
Ai goj' ëmbël i uruar  
pak Kur'an i ka kënduar.  
Me gaz të math myslimanë  
u bënë edhe i thanë:  
"Ngaj prindët tonë dëgjonim  
nëpër mbledhjet kur përgjonim.  
Kurdoherë për ty flisnin  
dita më ditët të prisnin.  
Dhe çifutët në çdo vënde  
flisnin për zotërin tënde.  
Të lumtur paskemi qënë  
q'u poqëm me ty o hënë.  
Muarëm fen'e vërtetë  
që dëshironim dhe vetë."  
Ngaj ndihmësit më të parë  
quhen këta zemër-larë.  
Medinë kur u këthyen  
ç'panë miqvet i- rëfyen.  
Edhe Evs-ët që të tërë  
myslimanë janë bërë.  
Medineja an'e mb'anë  
thua, u mbush myslimanë.

Ndihmës quhen këta zotër  
me shokët vëlla e motër.  
Dhe shokët<sup>1</sup> sahabe quhen  
ndihmëtarët Ensar thuhën.  
Prapë vit'i dymbëdhjetë  
nga Harzexhët veta tetë  
dhe nga Evsët pes'a gjashtë  
i (poqi Akabe) jashtë.  
Resultit i dhanë besë  
të mos dalin jashtë fesë:  
Të besojnë Perëndinë  
dhe të ç'porin kurvërinë.  
Të mos shpifin të mos vjedhin  
fëmijët të mos i hedhin.  
Të Medinës qenë tjetër  
mbanin një zakon të vjetër.  
Nga çupat kishin turp shumë  
pra gjall i vinin në gjumë.  
Ca të varfër goc' e djalë  
i groposnin që të gjallë.  
Kush dhëndurët s'i pëlqente  
e kush s'kishte t'i yshqente.  
Nga kjo të zinjt i varrosnin  
dhe i mbytnin i farosnin.  
Pra, të madhit të Meqqesë  
për këto i dhanë besë.



<sup>1</sup>Shekë quhen sahabët si ensarët që quhen ndihmës d.m.th. sahabët bashkë me ensarët ishin motr' e vëlla. Shokët që shkuan në Medinë quhen muhazhirin.



## Miraxhi i Pejgamberit (A.S.)

Kësi kohe ngjau Miraxhi  
i ardhi Buraku'taxhi.

As zgjuar qe as që flinte  
më shtëpi ashtu tek rinjte.

Ndë një natë të bekuar  
Xhebraili i ka shkuar

ne porta tok me Buraknë  
edhe i zbuloj Duhaknë.

Për nderim Zot'i vërtetë  
po e ftonte mikn'e vetë.

Fren'e mbante Xhebraili  
uzengjitë Miqaili.

Hipi dhe përpyet e ngriti  
Mesxhid-i-Aksa e zbriti.

Atë e prisnin në derët  
që të gjithë Pejgamberët.

U bë imam Muhammedi  
xhemaat gjith ky remeti.

Zoti e di atë natë  
se ç'u bë paçin uratë.

Nëpër qjellrat bota tërë  
i rrutulloj gjat'e gjërë.

Shkonte si elektriku  
gjer vajti ku donte miku.

Por Xhebraili më s'mundi  
qëndroj në Sidre së fundi.

Se më tutje përvëlohej  
perdja kur të zbulohej.  
Ardhi Refrefi e mori  
mijë vjet sipër e nxori.  
Ca thonë qe Arshi vetë  
e rëmbëu dhe shkoj për pjetë.  
Nur'i përgjithshm, atë natë  
bëri udhëtim të gjatë.  
Nur'i Nurit Muhammedi  
shkoj vetëm nde i Vërteti.  
I bëri sexhde Rahmanit  
thelb'i thjeshtë i Kur'anit.  
E pa, u pa qiti mallë  
kuvëndo me mijë fjalë.  
Vënt nuk ka Zot'i vërtetë  
gjithësin, e fshtolli vetë.  
Për të treguar çuditë  
rrutulloj qiejt kjo dritë.  
O këndonjës mos çuditësh  
se edhe ti mund të ngjitesh.  
Bëju nur çporr erësirën  
të kapëtosh hapësirën.  
Si të gjesh shkallët prej nuri  
në çast vete nde Gafuri.

Hafiz Ali Korça  
HISTORIA E SHENJTË

Copyright©LogosA, 2006

Shënimi i katalogut CIP të këtij libri ndodhet  
në Bibliotekën Kombëtare Universitare  
ISBN 9989-58-131-2

Të gjitha të drejtat janë të rezervuara.

Ky libër mund të kopjohet pjesërisht për përdorim personal dhe jofitimprurës.  
Kjo parapëlqehet për qëllime promovuese të librit apo edhe për përkrahjen e  
kulturës së leximit në përgjithësi. Por, nuk lejohet rirpodhimi, transmetimi apo  
kopjimi i këtij libri pa lejen paraprake të Logos-A.

Hafiz Ali Korça  
HISTORIA E SHENJTË



për botuesin: ADNAN ISMAILI

kryetar i këshillit botues: HUSAMEDIN ABAZI

redaktor artistik: EDI B. AGAGJYSHI

redaktor teknik: HALIL BERISHA

përgatiti për shtyp: FOCUS PRO SHKUP

[www.logos-a.com.mk](http://www.logos-a.com.mk)

# Hafiz Ali Korça



VEPRA



Hafiz Ali Korça

